

891.99

91-40

-6 NOV 2011

Зала ~~7~~
шкафъ ~~LXXVI~~
полка 8 № ~~73~~

ՆԱՐ-ԳՈՍ

Մ Ա Հ Ը

ՎԵՊ

—

307

Թ Ի Ֆ Լ Ի Ս

Էլէկտրագ. Օր. Ն. Աղանեանի, Պոլից. 7

1912

891.43
Ն-40.

Արմ.
2-1267a ՆԱԲ-ԳՈՍ

== Մ Ա Յ Ը ==

Վ Է Պ



ՄԻՅ № 16875

Թ Ի Յ Լ Ի Ս
Էլէկտրադ. Օր. Ն. Աղանեանի, Պոլից. 7
1912

10.07.2013

46186

ՀԱՅԿԱԿԱՆ ՏՊԱԳՐՈՒԹԵԱՆ

ԶՈՐԱՀԱՐԻՐԱՄԵԱՅ

ՅՕԲԵԼԵԱՆԻ

Յ Ի Շ Ա Տ Ա Կ

1512—1912



39922-63

ԱՌԱՋԻՆ ՄԱՍ

I

Բաթումից երկաթուղու մարդատար գնացքը սլանում էր դէպի Թիֆլիս: Թէև ամառը դեռ չէր վերջացել, բայց օդի մէջ արդէն զգալի էր վաղահաս աշնան ցուրտ շունչը, որ գուժկան էր 1890—91 թուականի խստաշունչ ձմրան: Շոգեմեքենայի և վագոնների հանած միակերպ աղմուկն ուղևորների համար անլսելի էր կացուցանում փոթորկի ձայնը, որ կատաղօրէն սուլում ու մռնչում էր դուրսը, Իմերէթի լեռնուտաների վրայ: Նկատելի և հազիւ լսելի էր լինում միայն, թէ ինչպէս անձրևի խոշոր կաթիլներն ուժգնութեամբ զարկում էին վագոնների փակ լուսամուտների ապակիներին և թրջում: Արտասուող ապակիների միջից ոչինչ չէր երևում դուրսը: Միայն յաճախ, երբ դնացքն անցնում էր փոքուած տեղերով, յանկարծ երևում և արագօրէն, կարծես պտտուելով, հակառակ կողմն էր վազում բարձր մնացած հողաթմբերի մութ զանգուածը:

Երկրորդ կարգի վագոններից մէկում, երկայն նստարաններից մէկի վրայ հրեան ի վեր պառկած էր մի երիտասարդ, ձմեռուայ տաք վերարկուի մէջ կողորւած: Ամառուայ սպիտակ գլխարկը ցած էր քաշել

մինչև ականջները, այնպէս որ հազիւ էին երևում նրա ոսկեպատ ակնոցի սլաք ապակիները, գլուխը յենել էր վագոնի պատնի վեր ցից դրած ճանապարհորդական բարձին, ձեռները ներս էր կոխել վերարկուի թևերի մէջ և նիրհում էր, վագոնի հետ օրօրուելով: Հանդէպի նստարանի վրայ ոչոք չկար: Միւս նստարանների վրայ նստած էին կէնտուկուներ մարդիկ, որոնք ծուլաբար մի-մի խօսք էին փոխանակում իրար հետ, և նրանց ձայնը վագոնի միակերպ խուլ աղմուկի մէջ հնչում էր մի առանձին խորհրդաւորութեամբ, ինչպէս դաւադիրների քչիչոց:

Դռներից մէկը բացուեց, ցուրտ օդի մի հոսանք ներս թողնելով, և շրխկալով փակուեց նորից:

— «Միխայլովօ», — լսուեց կոնդուկտորի ձայնը:

Երիտասարդն աչքերը բաց արեց, ձեռները կամաց հանեց վերարկուի թևերի միջից, ոտները դանդաղօրէն ցած թողեց նստարանից, նստեց և գլխարկը բարձրացրեց աչքերից:

Կոնդուկտորն անցաւ վագոնի երկայնքով և դուրս գնաց հակառակ կողմից, դուռը նորից շրխկացնելով իր հտակից:

Լսուեց շոգեմեքենայի երկար խուլ սուլոցը, որ կարծես հորից էր դուրս գալիս, և մի քանի բոպէից յետոյ գնացքը, կամաց-կամաց դանդաղեցնելով իր ընթացքը, անդգալի կերպով կանգ առաւ «Միխայլովօ» կայարանում:

Երիտասարդը վեր կացաւ և մի բոպէ տատանման մէջ էր՝ դժուր գնայ, թէ ոչ: Բայց, տեսնելով որ ամենքը դուրս են գնում, ինքն էլ հետևեց նրանց:

Հէնց ոտը դրեց սլատֆորմի վրայ և ուզում էր ուզուել դէպի բուֆետի դահլիճը, մէկը, որ՝ մի փոքրիկ ճամպրուկ ձեռին բռնած՝ շտապ քայլերով անցնում

էր նրա առաջով, յանկարծ կանգ առաւ և նայեց նրան:

Դա մօտ երեսուն տարեկան, խիստ համարձակ և վերին աստիճանի կրակոտ աչքերով մի երիտասարդ էր, որի այրական գեղեցիկ արտաքինին ուրոյն գրաւչութիւն էր տալիս զուտ արտիստական ճաշակով կարուած նրա հագուստը— կինամոնազոյն փափուկ կաստորի գլխարկը, նոյն գոյնի մահուդի կարճ բաճկոնը, անսխից ձախ կողքին կախ ընկած սև պայուսակով, և երկարաճիտ սլաքան կօշիկները:

— Շահեմն... Լեմն,— բացականչեց նա, ճամպրուկն աջ ձեռից արագութեամբ փոխադրելով ձախ ձեռը:

Շահեմնն իր սլաքան ակնոցի միջից կէս-զարմացած, կէս-ապուշ հայեացքով նայեց նրա հնագին սևաթոյր աչքերին:

— Բա... բա... — մեքենայաբար արտասանեց նա, ըստ երևոյթին ջանք անելով յիշելու նրա անունը:

— Հն, հն, Բաղէնեան,— վրայ գցեց նրան իր անակնկալ բարեկամը և պինդ սեղմեց նրա ձեռը: — Տընաչէն, միթէ այնքան թոյլ յիշողութիւն ունիս, որ մինչև անգամ ինձ էլ չես կարողանում միանգամից յիշել: Բա-բա ես անում, կարծես Չատկի գառը լինիս: Կարծեմ, ես այնքան էլ չեմ փոխուել: Իսկ դու... Երեւակայիր, որ միայն ակնոցիցդ ճանաչեցի քեզ: Դէմքդ այնքան սպիտակել և քնքշացել է, որ կարծես աղջիկ լինիս... Բայց այս ինչպիսի բան է. մենք գալիս ենք այս միկնոյն գնացքով և միայն այստեղ ենք հանդիպում իրար:

— Դու էլ այս գնացքով ես գալիս,— զարմացաւ Շահեմնը:

— Եկան, և գնացքն այստեղից կըշարունակի իր

ճանապարհը, առանց այլևս իմ մարմնի ծանրութիւնը կրելու:

—Այստեղից բաժանու՞մ ես:

—Այո՛, բարեկամս. ես գնում եմ Ախալցխա, Ախալքալաք, Ալէքսանդրապոլ, Կարս և այլն... Գիտեմ, իսկոյն պիտի հարցնես, թէ որտեղից եմ գալիս: Գալիս եմ ուղղակի Լրիմից: Իսկ որպէսզի աւելորդ նեղութիւն չտաս քեզ հարցնելու ինձ, թէ ինչ բանի եմ, այդ մասին քեզ հետ կըխօսեմ Թիֆլիսում, երբ այս կողմերն անելիք կարճ էքսկուրսիայիցս յետոյ կըգամ այնտեղ և մի անգամ առանձնապէս կըտեսնուեմ քեզ հետ: Առ այժմ... Լսիր, քանի՞ տարի կըլինի՞ չինք տեսել իրար:

—Եթէ չեմ սխալուում, տաս-տասներկու տարի կայ:

—Մի՞թէ: Երևում է, ժամանակը շատ առողջ թեւեր ունի: Յետսութիւն: Ներիր, որ այսպէս շուտ եմ բաժանուում քեզնից: Ես մենակ չեմ: Տեսնում ես այն կնոջը:—Բաղէնեանը մատով ցոյց տուեց դահլիճի դռան մօտ կանգնած բարձրահասակ մի կին, որի դէմքը Շահեանը չկարողացաւ տեսնել, որովհետև այդ կինը նայում էր դէպի դահլիճ:—Նա լեհացի է: Ճանապարհին ծանօթացայ և ընկերացայ հետը: Ամուսինը ոուս է, ծառայում է Կարսում: Գնում է նրա մօտ... Ի՜նչ, դու ժպտում ես:

Շահեանն այս անգամ ծիծաղեց:

Բաղէնեանը հանգստութեամբ նայեց նրա անսլի դէմքին և նոյն հանգստութեամբ նկատեց.

—Եթէ այդքան անհամ չծիծաղէիր, ես քեզ լրջօրէն կապացուցանէի, որ նա պատուաւոր կին է... Բայց ցտեսութիւն: Նա սպասում է ինձ: Մենք, երևի, կըճա-

չինք այստեղ ու—հայդա: Հա, ես դեռ կառք էլ պիտի վարձեմ:

Եւ Բաղէնեանը, ճամպրուկը նորից փոխադրելով աջ ձեռը, վազեց լեհացի կնոջ ետևից: Վերջինս, տեսնելով, որ նա գալիս է, յամբ քայլերով ներս մտաւ դահլիճ, չափից դուրս հարուստ մազերով ծածկուած գլուխը բարձր բռնած:

Շահեանը, երկմիտ ժպիտը դէմքին, հետևեց նրանց և, նստելով դահլիճի հեռաւոր անկիւններից մէկում գրուած մի առանձնակի սեղանի մօտ, պատուիրեց, որ իր համար թէյ բերեն:

Գրեթէ ամբողջ գնացքը փոխադրուել էր դահլիճ: Ոմանք ձեռաց ուտելու բան էին պահանջել, ոմանք թէյով կամ ուրիշ խմիչքով էին ուզում կենդանութիւն տալ իրենց թմրած անդամներին: Կային և նոր ուղեւորներ, գլխաւորապէս ամարանոցներից վերադարձող ընտանիքներ դպրոցական երեխաներով և անհամար մանր-մուկ իրեղէններով:

Շահեանից ոչ շատ հեռու, մի բոլորովին առանձնացած սեղանի մօտ, լուսամուտի առաջ, իրար դէմուդէմ նստած էին Բաղէնեանն ու լեհացի կինը: Բաղէնեանը, արմուկները սեղանի վրայ դրած, ամբողջ մէջքով թեքուել էր դէպի իր ուղեկցուհին և խօսում էր նրա հետ այնպէս, կարծես ինչ-որ ծածուկ բան էր պատմում նրան: Յետոյ նա վեր կացաւ, արագ քայլերով մօտեցաւ բուֆետին, ինչ-որ պատուիրեց այնտեղ, —երևի ուտելու բան,— և նոյն արագ քայլերով դուրս գնաց, պլպլացնելով իր փայլուն երկարաճիտ կօշիկները:

Լեհացի կինը մնաց մենակ սեղանի մօտ իր հպարտ իրանով շիփ-շիտակ նստած:

Շահեանն այս անգամ տեսնում էր իր ակնոցի

միջից այդ կնոջ դէմքը: Դա պատկանում էր այն հազուագիւտ կանանց տեսակին, որոնց առողջ մարմնակազմը, լաւ խնամուելով, տարեցտարի աճում, փարթամանում է կաղնի ծառի պէս, ընդամին պահպանելով իր շնորհալիութիւնը: Չնայելով, որ նրա տարիքը երեսունից անց էր երևում, բայց և այնպէս թւում էր, թէ նրա մարմինը դեռ ևս ընդունակ է շքեղորէն զարդանալու: Նրա չափից դուրս հարուստ մազերը հազիւ էին ծածկւում գլխարկի տակ և իրենց ծանրութեամբ կարծես անզօր կերպով ճնշում էին նրա հպարտօրէն բարձրացած խոշոր գլուխը: Ինչպէս խոշոր էր գլուխը, այնպէս և խոշոր էին աչքերը, որոնց վերևը, սակայն, կարծես յոնքեր չկային—այնքան բարակ և աննկատելի էին այդ յոնքերը: Գուցէ մի քիչ աւելի լայն էր բերանը, որ նա ամենեւին չէր էլ աշխատում փոքր ցոյց տալու. ընդհակառակը, կարծես, դեռ հպարտանում էլ էր իր բերանի լայնութեամբ, որը մի առանձին ինքնավստահ յաղթական գեղեցկութիւն էր տալիս նրա դէմքի խոշոր, տպաւորիչ գծերին: Բայց թւում էր, թէ աւելի ևս հպարտանում էր կորսէթի մէջ խիստ սնդմուած իր փարթամ կրծքով, որ լեռնացած էր նրա լիքը կղակի տակ:

Շահեանք դիտում էր նրան արուի վախկոտ ցանկասիրութեամբ և տեսնում էր, որ դահլիճում եղած տըղամարդկանցից ոչ մէկը աչքից բաց չէր թողնում նրան:

«Ինչպէս մենք ամենքս նման ենք իրար», մտածեց նա իր և այն բոլոր տղամարդկանց մասին, որոնք նայում էին այդ կնոջ վրայ ցանկասէր արուի գիշատիչ հայեացքով, և այն միտքը, որ ինքը նման էր ամենքին և ամենքը նման էին իրեն, ստիպեց նրան ամաչելու իր այն ստոր զգացումից, որ այդ կնոջ արտաքինը յարուցանում էր իր մէջ:

Վերջացնելով թէյի երկրորդ բաժակը, տասը կուպէկ աւելի վճարեց սպասաւորին և վեր կացաւ: Հակառակ իր կամքին, անդիմադրելի փափազ էր զգում մի անգամ ևս նայելու լեհացի կնոջը, բայց վախկոտութիւնից թէ ամօթից՝ չկարողացաւ նայել և արագ քայլերով դիմեց դէպի դուրս:

Դուրսը, դահլիճի դռան մօտ, նրա դէմն ելաւ նորից Բազէնեանը:

—Կառքն արդէն վարձեցի,—ասաց նա:—Մնում է, որ իրեղէնները ստանամ: Լսիր, Լևոն, ինչ եմ ասում: Թիֆլիսում անպատճառ ուզում եմ քեզ տեսնել: Ելի հին տանն էք կենում:

—Միշտ միևնոյն տանը:

—Շատ գեղեցիկ: Թիֆլիս կըգամ մի՛ կամ, եթէ շատ ուշացայ, երկու ամսից յետոյ: Ես քեզ շատ բան ունիմ պատմելու: Մենք պէտք է վերանորոգենք մեր հին բարեկամութիւնը: Դէհ, այժմ շտապիր, երրորդ զանգը շուտով կըտան: Ցտեսութիւն:

Երբ Շահեանը մտաւ վազոն, տեսաւ, որ բաւականաչափ նոր ուղևորներ են աւելացել և արդէն վառուած է առաստաղից կպած լապտերը, թէև մութը դեռ չէր կոխել: Նա նստեց իր տեղը և սկսեց մտածել Բազէնեանի մասին: Շատ լաւ յիշում էր լրբի չափ յանդուզն իր դասընկերին, որի հետ ուսումնարանում եղած. ժամանակ կապուած էր ընկերական կրաւորական այն տարօրինակ կապով, որը շատ անգամ երկիւղի և նախանձի արդիւնք է լինում: Օր չէր անցնում, որ Բազէնեանը միտրեէ խայտառակութիւն չգործէր, բայց միշտ դուրս էր պրծնում անվտանգ: Ինչպէս Շահեանը, այնպէս և միւս դասընկերներից շատ շատերը նրանից անհամեմատ աւելի բարեխիղճ և աշխատասէր աշակերտներ էին, բայց, դրա փոխարէն, Բազէնեանը զարմա-

նալի ընդունակութիւն ունէր ամենքի վրայ իշխելու: Նա բոլորովին որբ էր, և ոչոք չէր իմանում, թէ ով էր վճարում նրա ուսման վարձը և ով էր պահում նրան. բայց նա գրպանում միշտ փող էր ունենում և ինքն էլ միշտ լաւ էր հագնւում: Մի անգամ, դեռ ուսումը չաւարտած, նա ոտով-գլխով կորաւ, և Շահեանը, որ նրա ամենամտերիմ ընկերն էր, սկզբում տըխրեց, յետոյ իսպառ մոռացաւ նրան: Բայց ահա, երկար տարիներից յետոյ, նորից հանդիպում է Բաղէնեանին ինչ-որ թափառաշրջիկի պաշտօնով մի ինչ-որ «պատուաւոր» կնոջ հետ...

Շահեանը նորից ժպտաց:

Բայց իսկապէս ի՞նչ պաշտօն էր Բաղէնեանի պաշտօնը, և ով էր այդ յաղթանդամ կինը...

Սակայն, Շահեանը չուզեց ապարդիւն ենթադրութիւններով տանջել իր թմրած ուղեղը, բարձր քաշեց գլխի տակ, պառկեց և աշխատեց քնել:

Գնացքը շարունակում էր իր ճանապարհը: Վազոնը նորից բարձրացրել էր իր սրտամաշ աղմուկը: Անձրևի կաթիլները կտկտալով զարկւում էին լուսամուտների ապակիներին և, նրանց վրայ ջրային ցանցեր կազմելով, թորում էին ներքև: Առաստաղից կպած լապտերի մէջ մոմի ճրագը ցնցւում, դողդողում էր և իր ցոլքերով խաղում Շահեանի ակնոցի երկու պլպլան ապակու մէջ:

Շահեանը ոչ քնած էր, ոչ արթուն. նա ընկել էր ճանապարհորդներին յատուկ կիսաքուն տանջող դրութեան մէջ: Մէկ էլ—վազոնում տիրած խաղաղութիւնը յանկարծ սթափեցրեց նրան: Նա նստեց և տեսաւ, որ զնացքը կանգ է առել մի ինչ-որ կայարանում: Նստած տեղից մեկնուելով, աշխատեց թրջուած ապակու միջից դուրս նայել դէպի կայարան, սակայն ոչինչ չտեսաւ,

բացի վառ լապտերների շաղ անցած լոյսից և մի քանի մարդկանց ուրուագծերից, որոնք շտապով այս ու այն կողմն էին անցնում: Կայարանում տիրում էր կատարեալ անգործութիւն: Երևում էր, որ քամին ու անձրևը եթէ ոչ դադարել, գոնէ մեղմացել էին: Լսւում էր միայն շոգեմեքենայի փշոցը և վազոնների անիւներին խփած մուրճի հարուածների ձայնը, որ խուլ արձագանգ էր տալիս ամայի կայարանի մէջ:

Շահեանը պինդ կոլոլուեց իր ձմեռուայ վերարկուի մէջ, գլխարկը նորից ցած քաշեց մինչև ականջները, ձեռները կոխեց վերարկուի թևերի մէջ և կուչ եկաւ նստարանի անկիւնում:

11

Թրջուած անձրևակալը ձեռին, վերարկուի օձիքը բարձրացրած և աներևակայելի ցեխոտ երկարածիտ կօշիկներով ներս մտաւ մի պարոն—նոր ուղևոր: Արագութեամբ աչքի անցնելով վազոնում նստողներին և անձրևակալը դնելով դռան մօտ, նա նստեց Շահեանի դիմացի նստարանի վրայ: Նա հասակն առած մարդ էր, համակրելի, ուրախ դէմքով և փոքր ինչ դուրս ցցուած փորով: Անձրևը բաւական թրջել էր նրան: Նա վերցրեց գլխարկը, դրեց կողքին, վեր կացաւ, վերարկուն հանեց, կախ արեց, դիտեց իր ցեխոտ կօշիկները, ոտները թափ տուեց և, թաշկիխակով սրբելով քրտնած ճակատն ու ճաղատ ծոծրակը, նորից նստեց:

Շահեանն, առանց դիրքը փոխելու, ոչխարի աչքերով մի անգամ միայն նայեց նրան և նորից սկսեց նիրհել:

Նոր ուղևորն ուշադրութեամբ դիտեց նրան և շարունակեց սրբել ճակատը, ծոծրակն ու վիզը:

Շողեմեքենան սուլեց, և զնացքը շարունակեց առաջ շարժուել:

Շահեանը մի անհանգիստ շարժում գործեց և նստեց ուղիդ: Նոր ուղևորի հարեանութիւնը սկսել էր խանգարել նրան իր նիրհը շարունակելու:

—Ձէք կարողանում քնել, հա՛,—դիմեց նրան նոր ուղևորը, քաղցրութեամբ ժպտալով:

Շահեանը վիզն աւելի ներս կոխեց վերարկուի օձիքի մէջ:

—Ոչ,—պատասխանեց նա:

—Ձանձրանում էք:

—Այո:

—Իսկապէս շատ ձանձրալի է երկաթուղով ճանապարհորդելը. մարդ մի տեսակ յիմար գրութեան մէջ է ընկնում. ոչ կարողանում է քնել, ոչ արթուն մնալ և ոչ գոնէ մի բանի մասին մտածել: Այդպէս չէ:

—Այդպէս է:

—Ձարմանալի արարած է մարդս առհասարակ,— շարունակեց Շահեանի անձանօթ ուղեկիցը:—Երկաթուղին ամենայարմար և ամենաարագ միջոցն է, չէ՛, փոխադրութեան համար. բայց արի տես, որ մարդս էլի դժգոհ է. ուզում է այնպիսի մի նոր միջոց, որով կարելի լինի աւելի կարճ միջոցում աւելի երկար ճանապարհ կտրել: Ես հաւատում եմ մտքի յաղթանակին և ամենևին չեմ տարակուսում, որ այդպիսի մի միջոց կը գտնուի անպատճառ, հէնց թէկուզ այնպիսի մի բան, որով մարդ կարողանայ թռչել օդի մէջ, ոչ թէ օդապարիկով, ոչ,—օդապարիկն էլ շատ վտանգաւոր բան է,— այլ ուղղակի թռչունի պէս: Սակայն, այդպիսի փորձեր, կարծեմ, եղել են, չէ՛:

—Կարծեմ:

Նոր ուղևորն, ըստ երևոյթին, ուզում էր շարունակել

նակել խօսակցութիւնը, բայց, տեսնելով որ երիտասարդ ուղեկիցը արամադրութիւն չունի խօսելու, լռեց: Սակայն, երկար չհամբերեց և հարցրեց.

—Դուք անշուշտ Բութայիսից էք գալիս, այնպէս չէ՛:

«Ինչո՞ւ անշուշտ», մտածեց Շահեանը և պատասխանեց.

—Ոչ:

—Կամ Արասթումանից... կամ Բորժումից: Հա՛:

—Ոչ, այդ կողմերից չեմ գալիս:

—Ուրեմն անշուշտ Բաթումից:

«Էլի անշուշտ», մտածեց Շահեանը և պատասխանեց.

—Այո:

—Եւ Թիֆլիս էք գնում:

—Այո:

Շահեանը նորից կոլոլուեց վերարկուի մէջ, նորից կուչ եկաւ նստարանի անկիւնում և աչքերը փակեց:

—Ներեցէք, ես ձեզ, գուցէ, ձանձրացնում եմ,— շտապեց նկատել նոր ուղևորն այնպիսի քաղցրութեամբ, որ Շահեանը նոր զգաց, որ իր վարմունքը մի ցոյց էր նրա հարցասիրութեան դէմ:

Նա ժպտաց և նորից նստեց ուղիդ:

—Ամենեկին,—պատասխանեց նա բնաւորութիւն չունեցող մարդկանց յատուկ կակղութեամբ:—Ընդհակառակը, ես շատ ուրախ եմ, որ դուք ուզում էք ինձ ընկերակցել:

—Այդ աւելի լաւ թէ՛ ձեզ և թէ՛ ինձ համար,— վրայ բերեց ինքնակոչ բարեկամն աւելի մեծ քաղցրութեամբ,— որովհետեւ, կարծում եմ, ոչինչ այնքան տաղուկալի չէ, որքան մենակ ճանապարհ գնալը: Այդպէս չէ՛:

—Այդպէս է:

—Ուրեմն, կարծում եմ, կարող ենք ծանօթանալ առանց այլևայլութեան:

—Համեցէք:

—Ձեր անունը բաշխեցէք ինձ:

—Լեոն... Շահեան:

Նոր ուղևորն աչքերը չուց:

—Շահեան,—հարցրեց նա:

—Այո:

—Դուք Շահեանի որդի՞ն էք:

—Այո:

—Կարապետ Շահեանի:

—Այո: Դուք ճանաչում էք հօրս:

—Վահ, ինչպէս չէ,—բացականչեց նոր ուղևորը վերին աստիճանի աշխոյժով:—Մի ժամանակ ես ու ձեր հայրը լաւ բարեկամներ և լաւ հարևաններ էինք, բայց յետոյ... մեր յարաբերութիւնները կտրուեցին, առանց մի որևէ պատճառի: Դուք նկատած կ'ա՞ք, որ շատ մօտիկ բարեկամների մէջ կամաց-կամաց, աննկատելի կերպով այնպիսի փոփոխութիւններ են կատարուում երբեմն, որ չես հասկանում, թէ ինչպէս եղաւ, չես կարողանում ըմբռնել պատճառը: Ձեր հօր և իմ միջև եղած յարաբերութիւններն էլ հէնց այդպէս կը տրուեցին: Սկզբում կ'ուրբում էլի երբեմն-երբեմն հանդիպում էինք իրար, բայց վերջին տարիներս նա էլ չի երևում: Ասում են, հիւանդ է, ճշմարիտ է:

—Այո: Տնից բոլորովին դուրս չի գալիս:

—Ի՞նչ էք ասում: Ինչո՞վ է հիւանդ:

—Իսկապէս... ինքս էլ չգիտեմ: Բժիշկներն ասում են, որ աղիքների հիւանդութիւն ունի: Բայց շատ է տանջուում. երբեմն ցաւից այնպէս բղաւում է, որ ազանջ պէտք է՝ դիմանայ:

—Ի՞նչ էք ասում: Խեղճ մարդ: Ես յիշում եմ, որ նա այդպիսի մի հիւանդութիւն ունէր: Երևում է՝ հնացել է, ժամանակին չի բժշկուել: Ի սէր Աստուծոյ, տուն որ գնաք, բարեկեցէք նրան իմ կողմից և ասացէք, որ ես անկեղծ ցաւում եմ և չեմ մոռացել իրեն: Կասէ՞ք:

—Ուրախութեամբ:

—Ներեցէք, ես մոռացայ ձեզ ազգանունս յայտնել.—Մարութեան... Գէորգ: Ձեր հայրն ինձ իսկոյն կը յիշի: Հո՞յ գիդի աղա Կարապետ... Հախ Աստու, շատ լաւ մարդ է, վերին աստիճանի բարի մարդ է: Ափսոս, հաղար ափսոս... Ես ձեզ յիշում եմ, դուք այն ժամանակ շատ փոքր էիք: Ձեր հայրն երբեմն բերում էր ձեզ գրասենեակը: Այժմ մեծացել, հասունացել էք: Ներեցէք, դուք Բաթումում պաշտօն ունիք:

—Ոչ:

—Գիտեմ, որ համալսարան էիք գնացած. աւարտել էք:

—Ոչ,—յապաղելով պատասխանեց Շահեանը:

—Ինչո՞ւ:

—Հիւանդութեանս պատճառով ուսումս կիսատ թողի:

—Հո՞ւ... Ինչո՞վ էիք հիւանդ:

«Սա ի՞նչ հարցուփորձ է», նեղացած մտածեց Շահեանը և պատասխանեց.

—Վատառողջ էի... կրծքացաւ ունէի:

—Հո՞ւ... շատ պարապելուց, երևի: Ներեցէք, հապա Բաթումում ի՞նչ էիք շինում:

Շահեանը զգաց, որ արդէն անտանելի է դառնում այդ երկար ու բարակ հարցուփորձը, բայց և այնպէս այդ հարցին էլ պատասխանեց.

—Ես իսկապէս Բաթում չէի, այլ—Սոչի: Բժիշկ-

Մահը

39922-67



ների խորհրդով գնացել էի այս ամառ կաղզուրուելու։
Ուրիշ մի քանի հարցեր էլ տուեց Մարութեանը,
որից յետոյ արդէն իրենից սկսեց պատմել, թէ իրտե-
ղից է գալիս և ինչ է գնում։ Նրա երկար ու բարակ
պատմութիւնից Շահեանն իմացաւ, որ նա այդ ամառ
ընտանիքով Արասթումանումն է եղել. դրանից մի շա-
բաթ առաջ թողել է ամառանոցը և, թիֆլիս վերա-
դառնալիս, զիջելով Գորում բնակուող իրենց մի ինչ
որ բարեկամի խնդրքին, ամբողջ ընտանիքով հիւր է
գնացել նրա տուն մի քանի օրով։ Բարեկամի տանը
շատ քաղցր հիւրասիրութիւն վայելելուց յետոյ, թիֆ-
լիս վերադառնալուց առաջ, այդ օրն առաւօտեան ձե-
ռաց վազել է՝ հէնց նոր անցած կայարանի մօտ գրտ-
նուած սեպհական այգիները դիտելու, որոնց այնքան
էլ լաւ դրութեան մէջ չի գտել, և այժմ վերադառնում
է Գորի, որտեղ, կայարանում, այժմ սպասելիս պիտի
լինի ընտանիքը՝ այս միեւնոյն գնացքով ուղղակի թիֆ-
լիս գնալու համար։

— Բայց չեմ կարծում, որ այս գիշեր նրանք կա-
մենան թիֆլիս գնալ, որովհետեւ եղանակը սարսափելի
է, և մեր բարեկամն էլ չի թողնիլ, — աւելացրեց Մա-
րութեանը։ — Նայեցէք մէկ կօշիկներիս. գիւղից կայա-
րան գալիս՝ ոտներս ուղղակի չէի կարողանում հանել
ցեխի միջից։

Մինչև որ գնացքը «Գորի» կայարան կը հասնէր,
ինքնակոչ ծանօթն իր շատախօսութեամբ փառաւորա-
պէս ձանձրացրեց Շահեանին։ Մարութեանը պատկա-
նում էր այն մարդկանց կարգին, որոնց համար լու-
թիւնը մի տանջանք է, և եթէ մարդ չգտնեն, որ ի-
րենց լսի, կըխօսեն իրենք իրենց հետ և իրենք էլ կը-
լսեն իրենց։

Մասնաւորից ընդհանուրին անցնելով, Մարու-

թեանը խօսում էր մամուլի, գրականութեան, կուսակ-
ցութիւնների, թատրոնի, առևտրի, քաղաքական անց-
քերի, ազգային գործերի մասին։ Պարզ երևում էր, որ
նա ջերմ կերպով հետևում էր այդ բոլորին, և նրա ու-
նեցած տեղեկութիւնները բաւական հիմնաւոր էին։ Այդ
ընդհանուր խնդիրներն էլ կամ ամենևին չէին հետա-
քրքրում Շահեանին, կամ նրա ունեցած տեղեկութիւն-
ներն այնքան վայրիվերոյ էին, որ նա չէր համարձակ-
ւում վիճաբանութեան բռնուելու։ Մարութեանի հետ,
երկիւղ կրելով, թէ մի գուցէ իր անգիտութիւնն երևան
հանի այդ մարդու առաջ, որի վրայ սկզբում բարձրից
էր սկսել նայել։ Մարութեանն ասաց, որ ինքը Սալի-
պեան դպրոցի հին սաներից է, որ մի ժամանակ ջերմ
փափագ ունէր գրականութեան նուիրուելու, բայց հան-
գամանքներն ստիպեցին իրեն վաճառական դառնալու։

Ձեռները վերարկուի թևերի մէջ կոխած, Շահեանն
իր պարզ ակնոցի միջից ապուշի պէս նայում էր խօ-
սակցի վերին աստիճանի շարժուն կենսուրախ դէմքին
և նրա հարցմունքներին պատասխանում էր ծուլաբար
արտասանած կարճ, անորոշ, խուսափողական նախա-
դասութիւններով։

Մարութեանն աննկատելի կերպով դարձաւ այդ
միջոցին Հայաստանում երևան եկած խառնակութիւն-
ներին, որոնց մասին հեռագիրը լուրեր էր հաղորդում
լրագրներին։ Շահեանը կարգում էր այդ լուրերը. գի-
տէր, որ յունիսի կիսին էրզրումում թուրք իշխանու-
թիւնը խուզարկել էր հայոց եկեղեցիին ժամերգութեան
ժամանակ, կասկածելով, թէ այնտեղ գէնք կայ պա-
հուած, որից և մի ընդհարում էր առաջացել թուրք
զինուորների և հայերի միջև. գիտէր նոյնպէս, որ յու-
լիսի 15-ին Կ. Պոլսում, Կում-Կափուի մայր եկեղեցում,
ժողովուրդը յարձակում էր գործել Աշղղեան պատրիար-

քի վրայ, այնպէս որ պատրիարքը ստիպուած էր եղել փախչել և թաղանուել մտակայ տներին մէկում.— բայց միայն կարդացել և անցել էր անտարբեր կերպով, ինչպէս կարդում և անցնում էր նոյն այդ ժամանակներում Բրազիլիայի և Արգենտինեան հասարակապետութեան մէջ կատարուող պետական յեղափոխութիւնների մասին նոյն հեռագրի հաղորդած լուրերը: Ընդհանուր հայութիւնը ցնցող այդ մեծ գործինախաբանն էլ անկարող էր եղել որևէ թել շարժել նրա մեռած հոգու մէջ: Այդպէս չէր Մարութեանը. տարիքով Շահեանից անհամեմատ մեծ և գրեթէ ծերունի, նա, այդ նշանաւոր դէպքերի մասին խօսելիս, ոգևորուած էր պատանու պէս և ապագայի վրայ նայում էր ամենավառ յոյսերով:

— Դուք ճանաչում էք իմ որդուն, — յանկարծ հարցրեց Մարութեանը:

— Չէ:

— Արմենակ Մարութեան: Դուք երևի չէք յիշում նրան, բայց անկարելի է, որ նրա յօդուածները կարդացած չլինիք. սկզբում Գերմանիայից, յետոյ Լոնդոնից թղթակցում էր մեր լրագրներին Արմենակ ստորագրութեամբ:

— Ախ, յիշեցի. Արմենակ... Ինչպէս չէ. ես նրա գրածները կարդում էի. բաւական խելացի յօդուածներ էին նրա քաղաքական յօդուածները: Այժմ նա ճրտեղ է. էլ ոչինչ չի գրում, կարծեմ:

— Նա... Այժմ նա... այնտեղ է, — ասաց Մարութեանը ձեռքի մի խորհրդաւոր նշանով, որից Շահեանը, սակայն, ոչինչ չհասկացաւ:

Լսուեց շոգեմեքենայի երկարատև խուլ սոււրցը: Դուրսը, վագոնի լուսամուտների առաջով սկսեցին յետ

փախչել ինչ-որ վառ ճրագներ, վայրկեան առ վայրկեան լուսաւորելով կիսախաւար վագոնի ներսը:

Մարութեանը շտապով վերկացաւ:

— Նա այնտեղ է, ուր պէտք է, ուր պարտաւոր է գնալ ամեն մի հայ երիտասարդ, — շարունակեց նա մի տեսակ ցնծազին տրամադրութեամբ: — Ե՛ս չէի ուղարկողը. նա ինքը գնաց... իր ներքին դրդումով... Ողջ կը վերադառնայ այնտեղից, թէ ոչ, միայն Աստուծոն է յայտնի, բայց որ մեր նորագոյն պատմութեան մէջ կը փառաւորի իր և իմ անունը, — դրան ես համոզուած եմ և ո՛չ մի տարակոյս չունիմ, որովհետև... Ինչեկեցէ: Այդ մասին մենք դեռ կը խօսենք: Իսկ այժմ արդէն հասանք Գորի:

Նա ծածկեց գլխարկը, վերարկուն հագաւ և վերցրեց անձրևակալը:

— Եթէ մերոնք հիմա եկել են կայարան, խօ լաւ, իսկ եթէ ոչ, ապա մնաք, այսինքն գնաք բարեաւ, ցտեսութիւն: Կարծում եմ, որ քաղաքում մենք դարձեալ կը տեսնուենք իրար հետ, այնպէս չէ. մենք խօ բարեկամներ ենք արդէն:

— Անպատճառ, անպատճառ, — ժպտալով պատասխանեց Շահեանը, սեղմելով Մարութեանի ձեռքը:

— Ուրեմն ցտեսութիւն: Չմոռանաք իմ կողմից բարեւ ձեր հօրը:

Երբ Մարութեանը դուրս գնաց, Շահեանը կարճ ժամանակ մնաց անորոշ մտախոհութեան մէջ: Նա ինքն էլ չէր իմանում, թէ ինչ է մտածում. միայն նրա աչքի առաջ կարծես թէ քարացել էր այն խորհրդաւոր շարժումը, որ արաւ Մարութեանը ձեռքով, աւելի ևս խորհրդաւոր «այնտեղ» բառն արտասանելիս...

Նրան ուշքի բերեց կայարանում տիրող ժխորը և նա դանդաղորէն դուրս գնաց:

III.

Դահլիճում մի կտոր խաւեարով բուտերբրոդ և չափից դուրս հում բիֆստեքս ուտելուց և վրան էլ մի քանի բաժակ գարիջուր խմելուց յետոյ, երբ Շահեանը վերադարձաւ վագոն, շոտսաւ, որ վագոնը գրեթէ լցուած է նոր ուղևորներով: Նոր ուղևորներից մի քանիսը բռնել էին իր հանդէպի նստարանը և մինչև անգամ իր նստարանի վրայ փառաւորապէս բազմել էին երկու գորեցի՝ խուրջիներով, կողովներով և ուրիշ կապոցներով: Նա ուզում էր խուրջիների վրայից շէք տալով անցնել իր տեղը, լուսամուտի տակ, նստելու համար, երբ յանկարծ լսեց Մարութեանի ձայնը.

— Պարոն Շահեան, համեցէք այստեղ, համեցէք այստեղ:

Շահեանը նայեց այն կողմը, որտեղից եկաւ այդ ձայնը, և տեսաւ Մարութեանին, որ իր ընտանիքի հետ տեղաւորուել էր ուրիշ երկու նստարանի վրայ վագոնի միւս ծայրին:

— Այստեղ, այստեղ, ձեր տեղը բռնել են, եկէք մեզ մօտ, — բղաւում էր Մարութեանը:

— Շնորհակալ եմ. ինձ համար էլի տեղ կայ, — պատասխանեց Շահեանը, ժպտալով:

Այս անգամ նա տեսաւ, որ երեք կին և մի երեխայ հետաքրքրութեամբ նայում են իրեն սպասողական դրութեան մէջ:

— Դէհ, մենակ խօ չէք նստիլ այդտեղ. եկէք կըխօսենք, էլի: Տեղ շատ կայ այստեղ, մի վախենաք. եկէք:

Շահեանը մէկ ուզեց վերցնել իր բարձը, առանց

իմանալու թէ ինչու, բայց թողեց և գնաց Մարութեանների մօտ:

Մարութեանն անմիջապէս ծանօթացրեց իր ընտանիքի անդամների հետ և իր կողքին տեղ տուեց նրան: Այդ ընտանիքը կազմում էին չորս հոգի. Մարութեանի կինը — Թեկլէն, աղջիկը — Եւան, եղբոր աղջիկը — Աշխէնը և չորս-հինգ տարեկան տղան — Սուրէնը:

Առհասարակ հասարակութիւնից խոյս տալով, Շահեանը միշտ խոյս էր տուել մանաւանդ կանանց հասարակութիւնից: Նա գիտէր, որ կանանց զբաղեցնելու համար առանձին շնորք էր հարկաւոր. իսկ այդպիսի շնորհք ինքը չուներ: Կանանց մօտ եղած ժամանակ շփոթւում, կարմրում էր և չէր իմանում ինչպէս պահի ձեռները: Այդ բանը սաստիկ տանջում էր նրան, որովհետև չափազանց ինքնասէր և կասկածամիտ էր:

Այժմ նրա մօտ նստած և հետաքրքրութեամբ դիտում էին նրան մի տարիքաւոր կին և երկու հասունացած օրիորդ, որոնց առաջին անգամն էր տեսնում և չգիտէր, թէ դրանք ինչ հոգու, ինչ մտքի, ինչ բնաւորութեան տէր էին: Դրանց ներկայութիւնը շատ ծանր պէտք է լինէր նրա համար, եթէ Մարութեանի ներկայութիւնը փոքր աւ փոքր համարձակութիւն չըներջնչէր նրան: Իսկ Մարութեանն այս անգամ նրան ներկայանում էր այնպէս, որ այդ մարդու հետ կարծես ծանօթ էր շատ վաղուց:

Բանից երևաց, որ Թեկլէն և Եւան պակաս հետաքրքրուող ու շատախօս չեն եղել Մարութեանից: Մի կողմից Մարութեանը, միւս կողմից Թեկլէն, երբորդ կողմից Եւան այնքան բաներ էին հարցնում, որ նա չէր իմանում որի հետ խօսի, որի հարցին պատասխանի: «Ո՞րտեղից են հաւաքուել այս շատախօսները», մտածում էր նա ժպտալով և զարմանքով զգում էր, որ

եթէ ամբողջ օրերով, այդպէս նստած, խօսի նրանց հետ, երբէք չի ձանձրանալ: Մինչդեռ մի կէս ժամ առաջ էր, որ նա վերին աստիճանի ձանձրացել էր Մարութեանի շատախօսութիւնից:

Իսկոյն երևում էր, որ Մարութեանի ընտանիքն ինտելիգենտ ընտանիքներից էր: Մամուլի և հասարակութեան մէջ շոշափուած առօրեայ ոչ մի խնդիր, ինչպէս երևում էր, բաց չէին թողնում նրանք: Այդ միջոցին էլ նրանց խօսակցութեան նիւթն այդ առօրեայ խնդիրներն էին: Շահեանք զարմանքով տեսնում էր, որ Մարութեանը, կինը, աղջիկն երբեմն բոլորովին տարբեր, շատ անգամ հակառակ կարծիքներ էին յայտնում միևնոյն նիւթի մասին և բաւական տաքացած վիճաբանում էին իրար հետ, մանաւանդ—հայրն ու աղջիկը: Երբ չէին կարողանում իրար համոզել, նրանք դիմում էին Շահեանին, իբրև մի հեղինակաւոր մարդու, որի կարծիքը վճռական նշանակութիւն պիտի ունենար: Շահեանը շատ լաւ տեսնում էր, որ իր խելքը նրանց խելքից բարձր չի հասնում, և իր տեղեկութիւնները, նրանց ունեցած տեղեկութիւնների հետ համեմատած, շատ վայրիվերոյ են, ուստի այդպիսի դէպքում ի ներքուստ խիստ ամաչում էր, որ իրեն այդքան մեծ նշանակութիւն են տալիս. միևնոյն ժամանակ երկիւղ էր կրում, թէ մի գուցէ իրեն անծանօթ նիւթի մասին յանկարծ այնպիսի անհեթեթ կարծիք յայտնի, որ միանգամից հիասթափեցնէ նոր ծանօթներին իր վերաբերմամբ: Այդ պատճառով հարկաւոր դէպքում չափազանց զգոյշ էր պահում իրեն և ամեն կերպ աշխատում էր, որ պատուով դուրս գայ որոգայթից, թէև նրա պատասխանները կցկտուր և անորոշ էին լինում:

Շահեանին ամենից սուելի դիւր էր գալիս նւայի

վիճաբանութիւնը: Եւան խօսում էր համարձակ, արագ. նախադասութիւնների կիսում յանկարծ կանգ էր առնում, մտառու աչքերով անթարթ նայում էր խօսակցի դէմքին, կարծես քառեր էր որոնում միտքը լաւ արտայայտելու համար և շարունակում էր նոյն համարձակութեամբ, նոյն արագութեամբ. իրեն ուղղուած հարցերին պատասխանում էր իսկոյն, շատ անգամ բառը կիսատ թողնելով հարցնողի բերնին. յաճախ պատասխանելու տեղ ինքն էր հարց առաջարկում: Եւ այդ բոլորի հետ ձեռներով, աչքերով, յոնքերով այնքան անհանգիստ շարժումներ էր անում, որ Շահեանին թրւում էր, թէ նա խօսում է ոչ միայն լեզուով, այլ և ձեռներով և բոլոր դիմագծերով:

Եւան նստած էր Շահեանի դիմացը, մօր կողքին: Կապոյտ ներկուած բամբակի փոքրիկ թեթև շալը վերցրել էր գլխից և դրել էր ծնկներին: Փայլուն մազերը հիւսուած էին մի հաստ գիսակի մէջ, որով գազաթի վրայ մի սպիտակ գիծ էին ակոսել դէպի ետև՝ սկսած ձակատից: Նա սովորութիւն ունէր երկու ձեռքով շուտ-շուտ ուղղելու մազերը և ականջների ետևը քաշելու: Երբ ժպտում էր, նրա աչքերը հեգնական, կծու արտայայտութիւն էին ստանում, իսկ զարմանալիս նրա այնքան շարժուն դիմագծերը յանկարծ սառչում, քարանում էին և առանց այն էլ խոշոր աչքերը զարմանալի կերպով մեծանում էին ու խորանում:

Ժամանակը թռչում էր աննկատելի կերպով: Շահեանի ձանձրոյթը չքացել էր: Խօսակցութիւնը շարունակում էր անվերջ: Բացի Սուրէնից, որ, գլուխը հօր ծնկան վրայ դրած, քնել էր, խօսակցութեանը չէր մասնակցում մէկը. դա Մարութեանի եղբոր աղջիկն էր—Աշխէնը:

Նա նստած էր նստարանի ծայրին, լուսամուտի

մօտ, գունատ ու վտիտ և կարծես աշխատում էր, որ իր ներկայութիւնն աննկատելի մնայ: Ծահեանն երբեմն հետաքրքրութեամբ նայում էր Աշխէնին, և նրան զարմացնում էր այդ աղջկայ երկայն նիհար դէմքի վերին աստիճանի անշարժ, քարացած արտայայտութիւնը: Այն ինչ՝ Աշխէնը տգեղ չէր. նա մինչև անգամ կարող էր գեղեցկուհի համարուել, եթէ չափից դուրս նիհար չլինէր: Եւան շատ յաճախ դիմում էր նրան զանազան հարցերով, բայց նա պատասխանում էր կարճ, կտրուկ և բոլոր ժամանակ նայում էլ լուսամուտից դուրս, որտեղ անվերծանելի խաւարի մէջ դէպի հակառակ կողմն էին թռչում շոգեմեքենայի ցանած կայծերը: Երբեմն միայն իր խելացի աչքերը հեռացնում էր լուսամուտից և հանդարտ, անտարբեր հայեացքով նայում էր Ծահեանին, նայում էր այնպէս, որ կարծես նրա բռնած տարածութիւնը դատարկ տարածութիւն լինէր, և ինքը նայում էր այդ դատարկ տարածութեան մէջ և չէր տեսնում Ծահեանին: Այդ միջոցներին միայն Ծահեանը կարողանում էր ուղիղ նայել նրա դէմքին և ամենևին չէր կարողանում հասկանալ, թէ ինչ տպաւորութիւն է թողնում այդ աղջիկն իր վրայ. միայն զգում էր, որ եթէ Աշխէնը խօսէր իր հետ, ինքը չէր կարողանալ նրա հետ խօսել այնպէս ազատ, ինչպէս խօսում էր Մարութեանի, նրա կնոջ և նրա աղջկայ հետ:

Ինչ-որ զսպող և ճնշող բան կար Աշխէնի խելացի աչքերի և կրծքային ձայնի մէջ:

IV.

Ուշ գիշերին գնացքը «Թիֆլիս» կայարան հասաւ: Մարութեանները վերցրին իրենց ձեռքի իրեղէն-

ները և շտապեցին դուրս գնալ վազոնից: Ծահեանն էլ առաւ իր բարձն ու ճամպրուկը և հետևեց նրանց:

— Դէհ, շուտ գնանք, որ կառք ճարենք, — ասաց Մարութեանը, բռնելով փոքրիկ Սուրէնի ձեռքից, և, կայարանում խոնուող ժողովուրդը ճղելով, առաջ անցաւ: — Եկէք այս կողմը, չկորչէք... Այս կողմը, այս կողմը... Թեկլէ, Աշխէն, Եւա... այս կողմը... Պարոն Ծահեանն ինչ եղաւ... Հա, դուք գալիս էք...

Դուրսը, կայարանի հրապարակի վրայ, մարդիկ և կառքեր իրար էին անցել: Ամեն կողմից կառք էին կանչում: Կառապանները հայեցում էին իրար: Վերեից բարակ անձրև էր մաղում: Եղանակը խոնաւ էր և ցուրտ: Մարութեանն իր բոլոր ընտանիքով ներս թափուեց առաջին պատահած կառքը: Ծահեանն էլ իր համար մի կառք ճարեց և, ճամպրուկն ու բարձը դնելով այնտեղ, շտապով մօտեցաւ Մարութեանների կառքին, որի մէջ նրանք տեղաւորուելու վրայ էին:

— Պարոն Մարութեան, դուք շատուր էք, դժուարութեամբ կրտեղաւորուէք. լաւ չի՞ լինիլ, որ երկու հողի գաք ինձ մօտ:

— Հա, եթէ այդպիսի բարութիւն կանէք, — ասաց Մարութեանը:

— Ե՛ս կընստեմ պարոն Ծահեանի մօտ, — կանչեց Եւան և իսկոյն ցած թռաւ կառքից:

— Ուրիշ ո՞վ է գալիս, — հարցրեց Ծահեանը:

— Սուրէն, Սուրէն, դու արի, — կանչեց Եւան:

Ծահեանը խտտեց Սուրէնին և, նրա ծանրութեան տակ տնքալով, տարաւ դէպի իր կառքը:

Ծահեանն ու Եւան նստեցին միասին և Սուրէնին առան իրենց մէջ տեղը:

Կառքերն առաջ շարժուեցին:

Կարճ ժամանակ Ծահեանն ու Եւան լուռ էին:

Նւան իրեն յատուկ արագ շարժումներով զբաղուած էր փոքրիկ եղբորը շալի մէջ փաթաթելով: Իսկ Շահեանը մտածում էր, թէ ինչ խօսի, որ լուռ չմնայ: Այդ առաջին անգամն էր, որ նա մէն-մենակ նստած էր մի օրիորդի հետ միմիայն մի փոքրիկ երեխայի ներկայութեամբ: Նա ուզում էր այդ երեխայի հետ խօսել, բայց երեխայի հետ խօսելու եղանակն էլ չգիտէր: Թէև նրա լեզուի ծայրին էր եղանակի մասին խօսելու մշտապատրաստ նիւթը, բայց որովհետև մի տեղ կարդացել էր, թէ խօսելու նիւթ չգտնող անշնորհք մարդիկ լուռ չմնալու համար միշտ եղանակի մասին են սկսում խօսել, այդ պատճառով աւելի լաւ համարեց լռել, քան թէ եղանակի մասին խօսել սկսելով իր անշնորհքութիւնը ցոյց տալ:

Բայց Նւան կամ չէր կարդացել խօսելու նիւթ չգտնող անշնորհք մարդկանց մասին նրա կարդացածը, կամ ամենևին չվախեցաւ, թէ ինքը կարող է այդպիսի անշնորհքներից մէկը համարուել, եթէ եղանակի մասին խօսակցութիւն բանար:

— Ի՞նչ վատ եղանակ է, Տէր իմ Աստուած, — ասաց նա, ոտները կուչ ածելով և մի ձեռքով ամուր գրկելով եղբորը: — Խոնար, ցուրտ, մառախլապատ... Ի՞նչ լաւ է, որ դուք ձմեռուայ վերարկու էք վերցրել:

— Ես մրսկան եմ, — ասաց Շահեանը և իսկոյն մըտածեց, թէ «տղամարդուն» վայել բան էր արդեօք իր ասածը:

— Եւ գիտէք, կան մարդիկ, — շարունակեց Նւան, — որոնք սիրում են այսպիսի եղանակ: Այ, օրինակ, Աշխէնը, հօրեղբորս աղջիկը: Նա այսպիսի եղանակ սիրում է: Ասենք, այսպիսի եղանակ չէ: Եղանակը հիմա ուղղակի անպիտան է և զզուելի: Ուզում եմ ասել սարսափելի եղանակ: Սարսափելի եղանակը գիտէք որն

է. — երբ սև ամպերն ու գետնի փոշին խառնուում են իրար, երբ կատաղի փոթորիկը ծոում է ծառերի կատարները, երբ երկինքը փայլատակում, գոռում ու ճայթում է...

— Լաւ, այդպիսի եղանակի մէջ ի՞նչ կայ սիրելու, որ սիրում է ձեր հօրեղբոր աղջիկը:

— Այ, ասեմ: Մի անգամ, անցեալ մայիսին, գիշերը, յանկարծ սկսեց սաստիկ անձրև գալ, ուղղակի հեղեղ: Երկինքը սարսափելի փայլատակում և այնպէս որոտում էր; որ լուսամուտները զրնգզրնգում էին: Որ գիտենաք, ինչպէ՞ս վախենում եմ երկնքի որոտումից, մանաւանդ գիշերը, երբ ամեն ձայն լռած է շուրջը: Կարծում եմ, թէ անա որտեղ որ է՝ կայծակ պիտի ընկնի և — ուղղակի մեր տան վրայ: Մերոնք ամենքն արդէն քնած էին: Ես էլ նոր էի պառկել: Աշխէնն էր միայն զարթուն իր սենեակում, որ իմ սենեակին կից է: Նա միշտ ամենից ուշ է քնում: Ծրագը հանգցրել էի:

Սենեակս այնպէս լուսաւորում էր փայլատակումներից, որ թւում էր ինձ, թէ վերմակի տակ, աչքերս փակած ժամանակ անգամ տեսնում եմ այդ ելեկտրական սարսափելի լոյսը: Դողը բռնել էր ամբողջ մարմինս: Վերջը, երբ տեսայ, որ այլ ևս չեմ կարողանում դիմանալ, վեր կացայ և գնացի Աշխէնի մօտ, որ մենակ չլինէի: Երևակայեցէք. նա բաց էր արել լուսամուտը, կանգնել էր առաջը և նայում էր երկնքին: Նոյն բոպէին, երբ ես մտայ նրա սենեակը, հրեղէն փայլակն օձի նման սողաց մութ երկնքի վրայով և մի քանի վայրկեան յետոյ երկինքն այնպէս ճայթեց, որ ես ճչացի սարսափահար և փուռեցի յատակի վրայ: Աշխէնը վերկացրեց ինձ, լուսամուտը փակեց, և տեսնեմ ծիծաղում է: Բարկութիւնս բռնեց: «Ես, — ասում եմ, — քիչ էր մտում այստեղ վախից մեռնէի, իսկ դու ծիծա-

դում ես: Եւ ի՞նչպէս չես սարսափում այդ փայլատակունքներից, այդ ահարկու ձայներից»:—«Սարսափում, — զարմացաւ նա:—Ընդհակառակը. ես սաստիկ սիրում եմ տարերքի այդ կատաղութիւնը, որովհետեւ վերին, իդէալական ոյժի մասին ոչինչ ինձ այնքան պարզ ու շօշափելի գաղափար չի տալիս, որքան այն, երբ մուժ երկիրքն այդպէս յանկարծ փայլատակում և ճայթում է: Ինձ թւում է, թէ,—աւելացրեց նա,—այդ բոլորն աւելի հրաշալի պիտի լինի ծովի վրայ, փոթորկի ժամանակ, եթէ նաևով ճեղքում ես անյայտ անհունը»: Ահա թէ ինչ բանի համար է սիրում Աշխէնն իմ ասած սարսափելի եղանակը:

Շահեանն ակամայ մտախոհութեան մէջ ընկաւ:

—Մի՞թէ օրիորդը ձեզ հետ է ապրում,—հարցրեց նա:

—Այո, Աշխէնը մեզ մօտ է ապրում: Նա բոլորովին որբ է... Սուրէն, մրսում ես:

—Ոչ,—պատասխանեց Սուրէնը և պինդ կպալքրոջ կողքին:

—Իսկոյն տուն կըհասնենք, չքնես: Դուք ճիւղ փողոցումն էք ապրում, պարոն Շահեան:

Շահեանը տուեց իրենց փողոցի անունը:

—Ո՛րու,—բացականչեց Եւան,—ուրեմն դուք կիջնէք ճանապարհին:

—Ոչ, ի՞նչպէս կարելի է, օրիորդ. մինչև ձեր տուն ճանապարհ կըդնեմ ձեզ, յետոյ յետ կըդառնամ:

—Նեղութիւն չի՞ լինիլ ձեզ համար:

—Ի՞նչ նեղութիւն:

—Ուրեմն շնորհակալ կըլինիմ: Ո՛ւֆ, ինչպէս խոնաւ է օդը: Սուրէն, խօ չի՞ս քնում:

—Ոչ,—պատասխանեց Սուրէնը շալի տակից:

—Դուք եղբայր ունի՞ք, պարոն Շահեան:

—Երեք եղբայր ունէի: Մեռան: Երեքն էլ մի ամսում:

—Մի ամսում... երեքն էլ,—արտասանեց Եւան սարսափած:—Այդ ի՞նչպէս կարելի է: Երևի կատակ էք անում, հմ:

—Այստեղ ի՞նչ կայ կատակ անելու:

—Երեքն էլ մի ամսում, Տէր իմ Աստուած... Այդ սարսափելի է: Դրանից խօ զժուել կարելի է... Ինչից մեռան:

—Դիֆտերիաից:

—Ա՛խ, այդ դիֆտերիաից, այդ դիֆտերիաից,—չնչաց Եւան, աւելի ևս պինդ գրկելով փոքրիկ եղբորը:—Երևի փոքր էին, հմ:

—Ամենից փոքրը երեք տարեկան էր, ամենից մեծը—տասը տարեկան:

—Ա՛խ, խեղճ, խեղճ մանուկներ... Դուք սիրում էիք նրանց

—Իբրև եղբայր, ի հարկէ, սիրում էի:

—Իսկ քոյր... ունի՞ք:

—Մի քոյր ունէի, նա էլ մեռաւ:

—Նա էլ... Տէր իմ Աստուած... Դուք սարսափելի բաներ էք ասում... Երևակայում եմ, թէ ինչքան դժբախտ պիտի լինիք դուք, չէ:

—Ի հարկէ, մեծ դժբախտութիւն է, երբ մարդ գրկւում է երեք...

—Նա ինչից մեռաւ,—հարցրեց Եւան, խօսքը կիսատ թողնելով Շահեանի բերնին:

—Թոքախտից:

—Ո՛ւֆ, երանի ոչինչ չէի հարցրել: Այս ի՞նչ տրիք ինձ: Բոլորովին փչացրիք տրամադրութիւնս: Իսկ նա, ձեր քոյրը, երևի, մեծ էր, հմ:

—Տասնութ տարեկան:

—Տասնհոթ... Իմ հասակում... Ո՛հ, ո՛հ, էլ ոչինչ
չեմ ուզում, էլ ոչինչ չասէք... Եւ չէ՞ որ դուք նրան
աւելի էիք սիրում, քան թէ... Ձեր քրոջն աւելի էիք
սիրում, այնպէս չէ՞:

—Ես նրան սաստիկ սիրում էի:

—Եւ նա էլ ձեզ, ի հարկէ... Որ գիտեմաք, պա-
րոն Շահեան, որքան էս վախենում եմ մեռնելուց...
Ո՛հ, ո՛հ, այդ մասին չեմ ուզում մտածել: Ոստենք ու-
րիշ բանի մասին, ուրիշ, բոլորովին ուրիշ բանի մա-
սին... Ուրեմն միայն դճւք էք մնացել:

—Որ մեռնեմ,—վրայ բերեց Շահեանը և ծիծա-
ղեց:

—Ո՛ւֆ,—տնքաց Եւան սաստիկ նեղացած:—Ի՛նչ
վատ մարդ էք եղել: Ի՛նչո՞ւ էք ինձ վիրաւորում:

Շահեանը ներքին գոհունակութեամբ զգաց, որ
նա նեղացաւ անկեղծօրէն:

—Ես կատակ արի, օրիորդ,—ասաց նա, շարու-
նակելով ծիծաղել:

—Ձար կատակ: Ես այդպիսի կատակներ չեմ սի-
րում:

—Հէնց թէկուզ ես էլ մեռնեմ, ի՛նչ կայ որ:

Եւան շատ լուրջ կերպով նայեց նրան:

—Պարոն Շահեան, եթէ դուք կը շարունակէք, ես
իսկոյն եղբորս հետ կիջնեմ և կընստեմ մեր կողմը:
Հաւատացէք, ես լուրջ կերպով եմ խօսում:

Շահեանը ստիպուած էր ներողութիւն խնդրել:
Եւայի անկեղծութիւնը սկսել էր վերին սաստիճանի
գրաւել նրան: Նրան թւում էր, թէ այդ կարճ միջո-
ցում, այդ խօսակցութեան շնորհիւ, ինքն արդէն ճա-
նաչում է այդ աղջկան, ճանաչում է նրա սիրտը, հո-
գին, զգացումները, բնաւորութիւնը, կարծես թէ իր

մանկական ընկերուհին լինէր նա, որի հետ ամեն օր
խաղ էր արել և որին պատրաստ էր սիրելով ջգրաց-
նելու:

—Կեանքիս մէջ ես միայն մի անգամ եմ մահ
տեսել,—ասաց Եւան:—Բայց այդ մի անգամն էլ բա-
ւական էր, որ զգայի մահուան պատճառած բոլոր սար-
սափն ու վիշտը: Մեռնողն իմ ընկերուհին էր: Նա չա-
փազանց լաւ աղջիկ էր: Ձեմ կարծում, թէ հարազատ
քրոջս այնքան սիրէի, որքան նրան էի սիրում: Նա էլ
ինձ համար հոգին չէր խնայիլ: Ամեն օր իրար տեսնելը
մի կատարեալ պահանջ էր դարձել մեզ համար: Երե-
ւակայեցէք, որ նրա հիւանդ ժամանակ գիշերներն ան-
գամ չէի հեռանում նրանից: Իսկ նա միշտ այն էր ա-
սում, որ եթէ մահից ազատուելու լինի, կազատուի մի-
միայն իմ սիրոյ զօրութեամբ: Բայց սէրս չկարողացաւ
փրկել նրան: Որ մեռաւ, հիւանդացայ վշտից: Թաղման
օրը քիչ էր մնում, որ մայրս փակի ինձ տանը: Բայց,
ի հարկէ, ես դարձեալ գնացի: Դազաղը տանում էին
ընկերուհիները—բոլորն ինձ հասակակից աղջիկներ:
Այն ժամանակ ես տաներեք տարեկան էի: Այս բոլէին
էլ, կարծես, տեսնում եմ նրան դազաղի մէջ, թարմ
ձաղիկներով զարդարուած, գլուխը ձախ ուսի վրայ
ծուռած, ծնոտը սպիտակ թաշկինակով կապուած: Այդ
առաջին անգամն էր, որ աչքովս տեսնում և ականջովս
լսում էի, թէ ինչպէս են թաղում մեռելը: Տէր իմ Աս-
տուած, ի՛նչ զարհուրելի գրգռոց, ի՛նչ սարսափելի փո-
շի... Միթէ կարելի է այդպէս անխիղճ և անտարբեր
կերպով քարերի ու հողի տակ ջարդել մի արարած, որ
երբեմն մեզ պէս շնչել, զգացել, մտածել է... մարդիկ
գազանացած էին թւում ինձ այդ բոլէին: Ես ուշա-
թափուեցի, բայց ոչ թէ վշտից, ոչ թէ այն գիտակցու-

Թիւնից, որ այլ ևս երբէք, երբէք չպիտի տեսնէի իմ սիրելի ընկերուհուն, այլ—սարսափից, այո, միմիայն սարսափից, այն սարսափից, որ ինձ էլ մի ժամանակ... Ո՛չ, ո՛չ, այս մասին չեմ ուզում մտածել: Այս սարսափելի է, սարսափելի... Գիտէ՞ք ես ինչ եմ մտածում, պարոն Շահեան. շատ լաւ բան է, որ հայերիս մէջ կանանց համար սովորութիւն չկայ թաղման ժամանակ գերեզմանատուն գնալու: Երկաթի ականջ և շղեր են պէտք այդ գրգռոցի ձայներին դիմանալու համար:

—Իսկ ինձ թւում է, թէ այդ վատ սովորութիւն է: Կանայքդ թոյլ, վախկոտ և շղային էք հէնց նրան համար, որ չէք վարժեցնում ձեզ այդպիսի սարսափներին:

—Ոչ, ոչ, ի՞նչ էք ասում: Ուզում էք, որ մենք էլ գազանանայինք ձեզ պէս: Այնպիսի եռանդով էք յարձակում անպաշտպան դիակի վրայ և քարերի ու հողի տակ ջարդում, որ կարծես դատարկ հոր էք լցնում: Եւ չէք մտածում, որ այնտեղ մարդ կայ պառկած:

Շահեանը ծիծաղեց:

—Լաւ, հապա ի՞նչ կը հրամայէք, որ անէինք դիակը: Այրէի՞նք, ինչպէս...

—Պարոն Շահեան: Վերջապէս այս բանի նման չէ: Թողնենք այս յիմար խօսակցութիւնը: Չեմ ուզում: Միթէ ուրիշ բան չկայ խօսելու... Սուրէն, Սուրէն ջան, մի քնիւր: Ա՛խ, ի՞նչ անեմ, դու կը մըսես: Սուրէն, սիրելիս, այ, տուն ենք հասնում... Իուք գիտէ՞ք, պարոն Շահեան, որ ես մի եղբայր էլ ունիմ:

—Այո, ձեր հայրը պատմում էր նրա մասին:

—Ի՞նչ էք կարծում, ճիշտ է այն ասացուածքը, թէ՞ շքոյրն ասաց եղբայր ունիմ, եղբայրն ասաց՝ ջոյր չունիմ:

—Ինչի վրայ էք ասում այդ:

—Օ՛, մի կարծէք, թէ իմ եղբայրս այն եղբայր-

ներից է, որ ասի քոյր չունիմ: Ընդհակառակը: Անշատման ժամին գիտէ՞ք ինչ էր անում: Չէր ուզում ինձ գրկից բաց թողնել: Եւ գիտէ՞ք ինչպէս էր լաց լինում... Ինչո՞ւ տղամարդիկդ այդքան ուշ-ուշ էք լաց լինում, բայց որ լաց էք լինում, քարի սիրտ պիտի լինի, որ ձեզ դիմանայ: Չեր արտասուքը, կարծես, հեղուկ չէ, այլ քարի պէս մի պինդ մարմին, որ փշուրփշուր լինելով է դուրս գալիս: Ինձ թւում է, թէ արտասուքն ամենևին թեթևութիւն չի պատճառում ձեզ, և դրա համար է, որ ուշ-ուշ էք լալիս, և երբէք չէիք լալ, եթէ կարողանայիք մինչև վերջը զսպել ձեզ, ինչպէս եղբայրս չկարողացաւ զսպել իրեն: Նամակներն էլ նա միշտ իմ անունով է գրում: Բայց և այնպէս, ես նրան աւելի եմ սիրում, քան թէ նա ինձ:

Շահեանը դարձեալ ծիծաղեց:

—Սէրը դուք մասշտաբով էք չափում,—հարցրեց նա:

—Այո: Թէև ուզում եմ, որ իմ սիրոյ մասշտաբը միշտ աւելի մեծ լինի, քան թէ նրանը, որին սիրում եմ:

—Ուրեմն էլ ինչո՞ւ էք տրտնջում ձեր եղբոր վրայ:

—Տրտնջում եմ, որովհետև շատ ուշ-ուշ է նամակ գրում. ամիսն ընդամենը երեք-չորս անգամ:

—Եւ այդ շատ ուշ-ուշ է:

—Իսկ ես իմ մասշտաբով գիտէ՞ք քանի անգամ եմ գրում.—գրեթէ ամեն օր:

—Ամեն օր... իսկ նիւթ:

—Նիւթ... Միթէ ամբողջ աշխարհը լիքը նիւթ չէ: Սակայն ի՞նչ հարկաւոր է ամբողջ աշխարհը. իմ ներքին աշխարհն էլ բաւական է: Ես չափազանց հետաքրքիր և չափազանց տպաւորուող եմ: Այդ բանն

օգնում է ինձ միշտ նոր բան գրելու եղբորս: Ա՛խ, ինչպէ՞ս կուզէի իմանալ, թէ այս ըրպէիս ինչ է անում նա այնտեղ...

Նւան, մի ձեռքով գրկած փոքրիկ եղբորը, գլուխը կամաց կպցրեց նրա գլխին և կարճ ժամանակ տխուր մտախոհութեան մէջ ընկաւ: Յետոյ յանկարծ գլուխը հեռացրեց եղբոր գլխից և նայեց Շահեանին:

— Գիտէ՞ք, պարոն Շահեան, երբեմն ինչ եմ մտածում: Այս բանն առաւելապէս պատահում է այն ժամանակ, երբ նրան նամակ եմ գրում, որովհետեւ նամակ գրելիս ամենից աւելի եմ կարօտում նրան: Ի՞նչ կըլինի, մտածում եմ, երբ յետ նայեմ և տեսնեմ, որ նա կանգնած է ետևս և ժպտալով նայում է ինձ... Այդ միտքն երբեմն այնպէս պաշարում է ինձ, որ մինչև անգամ վախենում եմ յետ նայել...

Կառքերը գրգռալով առաջ էին վազում. նրանց լապտերների ցնցուող լոյսն այս ու այն կողմից լուսաւորում էր անձրևի գրեթով ծածկուած խորթուբորթ սալայատակը: Նւան խօսում էր առանց մի ըրպէ դադար առնելու, և Շահեանին զարմացնում էր այն հանգամանքը, թէ որպիսի դիւրութեամբ նա անցնում էր մի նիւթից միւսը:

— Սուրէն, Սուրէն, այ մեր փողոցը... Ահա և մեր տունը, — լացականչեց Նւան, երեխայի պէս. ուրախացած: — Պարոն Շահեան, տեսնո՞ւմ էք այն լապտերը, այն դուռը լապտերի առաջ. այն է մեր տունը... լուսամուտնհրում որ ճրագ չկայ... վերին յարկում: Տեսնո՞ւմ էք:

Կառքերը կանգ առան Մարութեանների տան առաջ, փողոցի լապտերի տակ: Շահեանն իջաւ կառքից և նախ իջեցրեց Սուրէնին, յետոյ, ձեռքը տալով Նւանին, օգնեց նրան իջնելու: Մարութեանները խնդրեցին

նրան, որ մտնի, բայց նա, ժամանակն անյարմար համարելով, հրաժարուեց:

— Որ այդպէս է, մեզ չմոռանաք, մեր տունն արդէն գիտէք, — ասաց Մարութեանը, կրկին սեղմելով նրա ձեռքը: — Բարեկեցէք ձեր հօրը: Ծնորհակալութիւն, որ մեզ բարի ծառայութիւն մատուցիք:

— Չարժէ, չարժէ, — ուրախ բացականչեց Շահեանը և թռաւ իր կառքը:

— Ծնորհակալութիւն, պարոն Շահեան, — կանչեց Նւան:

— Չարժէ, չարժէ, — կրկնեց Շահեանը և կառքը թշել տուեց իրենց տան կողմը:

V

Մօտ տասն ըրպէից Շահեանն արդէն իրենց տանն էր: Նախասենեակում, երբ նա վերարկուն հանելու վրայ էր, շտապով դուրս եկաւ նրա առաջ մայրը: Թամարը ժամանակից շատ վաղ ծերացած մի կին էր զարմանալի սպիտակ դէմքի խիստ համակրելի, ազնիւ և փափուկ գծագրութեամբ: Նրա, կարծես յոգնած, աչքերը հանգիստ տխրութիւն էին արտայայտում մինչև անգամ այդ ըրպէին, երբ, երկու ամսուայ անջատումից յետոյ, նորից տեսնում էր իր մինուճար զաւակին:

— Լևոն ջան, — կամաց արտասանեց նա և կամաց գրկեց նրա գլուխը: — Վերջապէս եկար... Բայց այս անիրաւ եղանակին...

— Անիրաւ եղանակն ի՞նչ պիտի անէր, մայրիկ, քանի որ վազոնում ինձ համար տաք նստած էի: Հայրիկն ի՞նչպէս է, լմու է:

— Հայրդ էլի այնպէս է, ինչպէս որ կար: Դձ

ինչպէս ես, դ՛ու: Ապա մէկ լաւ նայեմ երեսիդ, խօ չե՞ս լղարել:

Շահեանը ծիծաղեց:

— Դու էլ, մայրիկ... այնպէս ես ընդունում, որ կարծես տասը տարի է՝ չես տեսել: Երկու ամիս է, էլի, որ գնացել եմ:

— Ա՛խ, անաստուանձ, երկու ամիսը քիչ է՝ ինձ համար: Ասա, խօ լաւ ես:

— Շատ լաւ եմ, մայրիկ, այնպէս լաւ, որ երբէք այսպէս չեմ եղել:

— Բաս թող համբուրեմ:

Եւ մայրն իր փափուկ, խորշոմած, սառն շրթունքները կպցրեց որդու ժպտող այտին:

Շահեանն երբէք չէր սիրել մօր համբոյրները, իսկ մայրն այդ կողմից միշտ շատ շռայլ էր եղել դէպի նա: Ձէր սիրել նոյնպէս և այն բոլորը, ինչ որ առհասարակ կանացի թոյլ, քնքոյշ զգացումների զեղումն է: Ձէր սիրել, որովհետև այդ բոլորի մէջ միմիայն իր տղամարդկային արժանապատուութեան ստորացումն էր տեսել, այն արժանապատուութեան, որը տղամարդուն թելադրում է միշտ բարձր մնալ կնոջից և առհասարակ այն ամենից, ինչ որ կանացի է: Դրա պատճառը թերևս այն էր, որ Շահեանը տղամարդ չէր և չունէր տղամարդի արժանապատուութիւն, բայց ուզում էր տղամարդ լինել և տղամարդի արժանապատուութիւն ունենալ: Մօր համբոյրները նրան երեսայի դրութեան մէջ էին դնում, և այդ բանն էր, որ նրան չափազանց անախորժութիւն էր պատճառում:

Սակայն այս անգամ նա ոչ թէ միայն անախորժութիւն չզգաց մօր համբոյրից, այլ և ինքը համբուրեց նրան, որպիսի բան երբէք չէր պատահել: Ինչո՞ւ: — Ո՞վ գիտէ, թէ նոր, տակաւին շատ թարմ տպաւո-

րութիւնները և այդ տպաւորութիւններից ծնուած նոր, անծանօթ, թէև տակաւին իրենց որոշ գոյնը չընդունած, զգացումներն ինչպէս և որքան փոխում են մարդու ներքինը գոնէ այնքան ժամանակ, որքան այդ տպաւորութիւններն ու զգացումները թարմ են...

Տեղեկանալով, որ հայրը դեռ ևս քնած չէ, Շահեանն ուղղակի գնաց նրա մօտ, Երբ մայր ու որդի մտան՝ աղա կարապետի սենեակը, վերջինս, խալաթը հագին և թրքական ֆէսը գլխին, նստած էր իր սովորական լայն բազկաթոռի մէջ և սպասողական հայեացքով նայում էր դռանը: Ծնկների վրայ նա դրած էր Աստուածաշնչի Ընկերութեան աշխարհաբար թարգմանած աւետարանը և ձախ ձեռքի ցուցամատը դրել էր ընթերցումը կիսատ թողած երեսների մէջ: Առաստաղից կախուած մեծ լապտերն ընդարձակ տափակ լուսամտոփով առատ լոյս էր սփռում նրա բոլորովին լերկ ծոծրակի վրայ, որը պլպլում էր սոխի կճեպի պէս:

Շահեանի հայրը մօտ վաթսուն տարեկան մարդ էր խոշոր արտաքինով: Նրա մարմինն աւելի ուռած էր երևում, քան զէր: Փիղիքական երկարատև սուր ցուլերը ձգձգել, սաոցրել էին նրա սափրած դէմքի մկանունքները: Աւետարանի շարունակ ընթերցումից նա չէր սովորել համբերատար լինել. տրտնջում էր ամեն բանի, առաւելապէս իր հիւանդութեան դէմ, որ իսկապէս սաստիկ տանջում էր նրան: Մինչդեռ նա վերին աստիճանի բարի մարդ էր, թէև զուրկ չէր փող դիզելու ընդունակութիւնից: Հիւանդութիւնը սաստկանալուց յետոյ, վերջ էր դրել իր առևտրական գործերին և աճուրդների ժամանակ քաղաքում ձեռք էր բերել մօտ քսան տեղ զանազան շէնքեր, որոնք բաւական արդիւնք էին տալիս նրան: Չնայելով, որ հիւանդութիւնը շատ էր նեղում նրան, բայց և այնպէս կալուած-

ներն անձամբ ինքն էր կառավարում: Նրա գովելի յատկութիւններէց մէկն էլ հէնց այն էր, որ նա սիրում էր գործ կատարել,—մի յատկութիւն, որից զուրկ էր փափկակեցուծեան մէջ մեծացած և ինքն իր կամքին թողնուած նրա որդին:

Որդուն շատ էր սիրում, թէև միշտ տրտնջում էր նրա դէմ այն բանի համար, որ նա չի օգնում իրեն: Իսկ որդուն ամենևին չէին հետաքրքրում հօր գործերը, և նա կատաղում էր ամեն անգամ, երբ հայրն սկսում էր այդ մասին տրտնջալ: Դուրսը մոռլ լինելով, տանը կատարեալ բռնակալ էր Շահեանը: Շատ անգամ ամենաչնչին պատճառով այնպէս բըզաւում էր հօր և մօր վրայ, որ նրանք վախեցած լըռում էին: Թէև նա հասկանում էր, որ իր վարմունքն անարդար և անվայել է, բայց չէր կարողանում զսպել իրեն: Ծուլութիւնը, զրկելով նրան բնաւորութիւնից, նրա մէջ զարգացրել էր սաստիկ նեղ անձնասիրութիւն, որը վիրաւորում էր ամեն մի չնչին բանից: Այն ինչ այդ անձնասիրութիւնը սաստիկ վախկոտ էր օտար մարդու առաջ. օտարն ապտակ էլ տար նրան, նա կըլռէր: Նա չէր կարողանում տանել միայն հօր և մօր կշտամբանքը, ինչքան էլ որ չնչին և արդարացի լինէր այդ: Շատ քիչ կըպատահէր, որ նա հաշտ աչքով նայէր ծնողների վրայ, որոնց յանցանքն այն էր միայն, որ նրանք ամեն կերպ հոգում էին նրա բարեկեցութեան համար:

Այդ սակաւ ժամերից մէկն էլ այժմ էր, երբ նա համբուրեց մօրը, իսկ հօր հետ սկսեց մինչև անգամ կատակներ անել:

Տեսնելով որդուն ուրախ տրամադրութեան մէջ և բաւական կազդուրուած, հայրն ու մայրը կատարելապէս երջանիկ էին զգում իրենց, այնքան երջանիկ, որ

աղա կարապետը մինչև անգամ մոռացել էր իր ֆիզիքական ցաւերը և այլ ևս չէր տրտնջում:

Սակայն, Շահեանն երկար չմնաց ծնողների մօտ: Հրաժարուելով մօր առաջարկած ընթրիքից, նա քաշուեց իր ննջարանն և անմիջապէս պառկեց, որ քնի: Բայց, չնայելով որ ճանապարհից բաւական ջարդուած էր, շուտ չկարողացաւ քնել:

Փափուկ անկողնի մէջ պառկած երկար ժամանակ մտածում էր Բազէնեանի և նրա ուղեկցուու մասին, մտածում էր հօր մասին, մօր մասին, Մարութեանների մասին, Եւայի մասին, առաւելապէս Եւայի մասին:

Տպաւորութիւնները դեռ ևս շատ թարմ էին, իսկ երիտասարդական պարապ երևակայութիւնը—վառ: Այդ թարմ տպաւորութիւնների տակ ցնորքներ էին, որ վխտում էին նրա գլխում: Երիտասարդական պարապ ու ծոյլ կեանքի մէջ, երբ նրա ուղեղն իր գործունէութեան համար իրական ոչ մի յենակէտ չէր ունեցել, —երևակայութիւնը միշտ թռել էր դէպի վերացական աշխարհը, որտեղ երևոյթներն ու պատկերները հոգի ու մարմին չունին, ուրեմն և ոչ մի կենդանի կապ իրական կեանքի հետ: Այն, ցնորքներ, ցնորքներ...

Ծնորքները հրաշալի են և միտք ունին, երբ դրանց ստեղծում է մայն մարդկանց երևակայութիւնը, որոնց մէջ զործելու եռանդ ու կրակ կայ, որոնց կեանքը նըպատակ, վսեմ նպատակ ունի, որոնք ապրում և գործում են լաւագոյն ապագայի բաղձանքներով. բայց նա, որ իր երակների մէջ արեան տաքութիւն չի զգացել երբէք, որ ոչ մի եռանդ, ոչ մի ձգտում և այդ ձգտման հասնելու կամք չի ունեցել և կեանքը քարշ է տուել ամենատղորմելի կերպով, քարշ է տուել իբրև արդէն ուժից ընկած, թմրած ու փտած ծերունի,—ինչացու են եղել այդ ցնորքները: Դրանք լուկ. բոպէական զուար-

ճուլթիւնն են պատճառել նրան, անմիտ, յիմար զուար-
ճուլթիւնն, որպէսզի յետոյ աւելի վառ գոյններով ցոյց
տան նրան իր կեանքի ատելի դատարկութիւնը:

Հետեւեալ օրը բաւական ուշ էր, որ նա արթնա-
ցաւ: Օրը սաստիկ մառախլապատ էր, տխուր և ծու-
լութիւն ազդող: Փոշու նման անձրև էր մաղում զուր-
սը: Նա երեսն ի վեր դարձեալ ընկաւ բարձի վրայ և
մնաց այդպէս: Ինչ՞ու վերկենար, ո՞ւր պէտք է գնար,
լինչ պէտք է անէր: Եղանակն անպիտան, տունը տաք,
կերակուրը պատրաստ, հոգսերից էլ բոլորովին ազատ:
Մի՞թէ սա փառաւոր կեանք չէ, որին երանի են տալիս
միլիոնաւոր մարդիկ: Չէ, նա ծակ փիլիսոփայութիւն
է անում, որ շատ յաճախ ձանձրանալով այդպիսի
կեանքից, դժգոհութիւն է յայտնում: Ի՞նչ ձգտում,
լինչ նպատակ, ի՞նչ եռանդ: Դրանք կամ անմիտ բա-
ռեր են գեղեցիկ խօսելու համար հնարուած, կամ դը-
րանցից իւրաքանչիւրը ոչ այլ ինչ է նշանակում, եթէ
ոչ մի-մի անվերջ տանջանք, հոգս և արեան զօւր վըր-
դովմունք: Մարդկանց, բոլոր մարդկանց ձգտումը մի-
թէ այն չէ, որ կարելոյն չափ ապահով և հանգիստ
կեանք վարեն. մտքի և արուեստի աշխարհում ինչ որ
կայ և ինչ որ ստեղծում է նոր, չէ՞ որ բոլորը մարդ-
կային բարեկեցութեան համար է. գործ, աշխատանք,
ամեն ինչ կեանքի անդորրութեան համար չէ՞ մի՞թէ:
Աստուած առատաձեռն կերպով տուել է նրան այդ ա-
պահով կեանքը, բարեկեցութիւնը, անդորրութիւնը, էլ
լինչ է հարկաւոր:

«Ու՛՛՛...», յիշեց նա Եւայի սովորական բացա-
կանչութիւնը, ժպտաց, շուռ եկաւ պատի կողմը և սկսեց
անթարթ աչքով նայել ծաղկանկար պաստառի մի սպի-
տակ գծի, որը նրան Եւայի դագաթի վրայ մաղբրի մէջ
տեղից դէպի ետևն անցնող սպիտակ գիծը յիշեցրեց:

Նրա գլխում նորից սկսեցին ցնորքներ վխտալ, մի հրա-
շալի իգիլիա ստեղծելով:

Այդ իգիլիան ներկայացնում էր գարնանային այն-
հրաշալի մէջ-գիշերներէից մէկը, երբ երկիրը ննջում է
որպէս մանուկ, երբ պայծառ լուսինը լուսաւորում է
իր փափուկ լուսով, որի մէջ երկրի հորիզոնները, կար-
ծես, զոլորշիանում, կամաց, աննկատելի կերպով բար-
ձրանում են դէպի վեր, և մարդը, լցուած մեղմ, ան-
հասկանալի բաղձանքներով, գերեզմանական լուսթեան-
մէջ հազիւ լսում է բնութեան ձայնը, որը թւում է
մերթ, թէ անհուն վշտի ողբ է և մերթ—թէ անհուն
երանութեան օրհներգ: Սենեակում ճրագը մարած է:
Լուսինը ներս է նայում լուսամուտից և խորհրդաւոր
կերպով ժպտում: Լուսամուտի առաջ նստած են Շա-
հեանն ու Եւան իրար գրկած, գլուխ գլխի կպցրած:
Եւան ամբողջապէս սպիտակ հագուստի մէջ է, որը
պլաստիքական նրբութեամբ զծագրում է նրա կուրծքը
և ծնկները: Շահեանը սեղմում է նրա իրանը, և նրան
թւում է, թէ այդ իրանն առաձգական է ուստիսի պէս:
Եւայի փափուկ մաղբրը, կարծես շնչելով, կըքոտ համ-
բոյր են տալիս նրա ականջին: Նրանք նստած են ան-
շարժ ու լուռ. այնտեղ, ուր զգացումներն են խօսում,
լեզուն պապանձում է. այնտեղ, ուր ինքը կենդանի-
բանաստեղծութիւնն է խօսում, պրոզան փախուսա է
տալիս: Լուռ են, բայց ուշի ուշով լսում են իրար շնչ-
չառութիւնը, իրար սրտի զարկը և հոգիների հրաշալի
զուգաւորութեամբ զգում են, թէ մտածութիւններով,
զգացումներով և իղձերով մի են, ինչպէս մի է Շահեանն
առանձնապէս, ինչպէս մի է Եւան առանձնապէս, և եր-
կուսը միասին լրացնում են իրար: Այդպէս միացած
նրանք նայում են լուսնի կաթնաւուն լոյսի մէջ գո-
լորշիացող հորիզոններին, և նրանց թւում է, թէ իրենք:

ևս գոլորշիանում են կամաց-կամաց, խառնւում են իրար հետ, բարձրանում և անէանում... Լուսինը չարաճճի կերպով նայում է նրանց և շարունակում է ժպտալ խորհրդաւոր կերպով...

Դուռը զգուշորէն բացուեց, և Շահեանի մայրը ներս կոխեց գլուխը:

Իդիլիան չքացաւ: Շահեանը շուռ եկաւ և երազից սթափուողի նման նայեց մօրը: Ըստ երևոյթին, թամարը կարծում էր, թէ որդին դեռ ևս քնած է, բայց տեսնելով, որ արթուն է, ներս մտաւ և դուռը յետ դրեց: Իր հետ բերել էր որդու տաք ֆուֆայիլը, որ հագնէր, չմրսէր:

Անախորժ տպաւորութիւն գործեց Շահեանի վրայ մօր անժամանակ ներս մտնելը, — անժամանակ, որովհետև նա կամենում էր կարելոյն չափ երկար ապրել պարապ երևակայութեան ստեղծած ցնորական քաղցր կեանքի մէջ, մինչդեռ, մօր ներս մտնելուց սթափուելով, դուրսն այդ ցնորական կեանքի ատելի հակապատկերը ներկայացաւ նրա աչքին: Ինչպէս մռայլ էր երկինքը. ինչպէս բարակ, սիրտ մաշող կերպով մաղում էր անձրևը:

Մօտ մի ժամ տեեց, մինչև որ նա մի քանի անգամ շուռուճուճու եկաւ անկողնում, նստեց, նորից պուկեց, նորից նստեց, մատների խաղերը ճըրթճըրթացրեց, յօրանջեց, ճլմկոտաց, ոտները կոխեց փափուկ մաշիկների մէջ, լուացուեց, հագնուեց, սանրուեց և, վերջապէս, ակնոցի ապակիները թաշկինակի ծայրով արբելով, դուրս գնաց սեղանատուն, ուր հայրն ու մայրը վաղուց սպասում էին նրան թէյի: Չնայելով այդ ծանր ու բարակ գործողութիւններին, որոնց կատարելու համար ուղտի համբերութիւն էր հարկաւոր, Շահեանն այնուամենայնիւ, հակառակ իր սովորական մե-

ռած տրամադրութեան, առանձին աշխոյժ էր զգում իր մէջ այդ օրը:

Գիշերը հօրն ու մօրը թուցիկ կերպով արդէն պատմել էր Մարութեանների մասին. այս անգամ մանրամասնութիւնների մէջ մտաւ և իր հիացքը յայտնեց. առանձնապէս Մարութեանի մասին:

— Միայն մի պակասութիւն ունի, — աւելացրեց նա. — չափից դուրս շատախօս է:

— Միայն այդ պակասութիւնը չէ, — նկատեց աղա կարապետը. — նա անպիտան մարդ էլ է:

— Ի՞նչ, — բացականչեց Շահեանը:

Հայրը նայեց որդու զարմացած դէմքին և ծիծաղեց, ինչ որ շատ հազիւ էր պատահում. որդու ուրախ տրամադրութիւնը տեսնելով, նա ինքը շատ ուրախ էր:

— Ասենք, ես մի քիչ խիստ ասացի, — ասաց նա:

— Մի վախենար. Մարութեանը էլի քո կարծած լաւ մարդն է, միայն... մի փոքրիկ անպիտանութիւն է արել:

— Եղբօրը որ հօրական ժառանգութիւնից զրկեց, — հարցրեց կինն ամուսնուն:

— Հա:

Եւ աղա կարապետը պատմեց որդուն Մարութեանի հետեւալ «անպիտանութիւնը»: Մարութեանը մի եղբայր ունէր. այդ եղբայրը շատ ողորմելի մարդ էր. այնքան ողորմելի, որ եղբօր հետ չէր կարողանում համարձակ խօսել: Ընդ սմին նա ծոյլ էր և անուղղելի արբեցող: Հօր մահից յետոյ Գէորգը բանն այնպէս էր սարքել, որ հայրական բաւական մեծ կարողութիւնից արբեցող եղբօրն ընկել էր մի խրճիթ և մի համեստ գումար: Բայց դրանով էլ գոհ էր մնացել ողորմելի եղբայրը և, ունեցած-չունեցածը խմելուց յետոյ, իր կնոջ հետ մեռել էր վերջին ծայր աղքատութեան մէջ:

Հօր պատմութիւնը միանգամից հիասթափեցրեց Շահեանին Մարութեանի վերաբերմամբ, և այդ բանը վերին աստիճանի անախորժ էր նրա համար. նա չէր ուզում, որ Մարութեանն այդպէս վարուած լինէր իր եղբոր հետ, և այդ զգացումը նրան թելադրողը ոչ թէ այն էր, որ նա ցաւակցում էր Մարութեանի եղբորը, կամ նա, որ մարդկանց անխիղճ արարքներն առհասարակ խորապէս ազդում էին նրան,—հչ. այլ Մարութեանն այն աստիճան լաւ տպաւորութիւն էր թողել նրա վրայ, և նա այն աստիճան նպաստաւոր կարծիք էր կազմել այդ մարդու մասին, որ հօր ասածները խիստ հակասական կերպով էին ազդում նրան: Պարզն այն էր, որ նա չէր ուզում միտրել արատ տեսնել այն ընտանիքի մէջ, ուր կար Եւայի պէս մի աղջիկ...

—Հիմա խօսեցրի աղջկան ինքն է պահում և եղբոր կենդանութեան ժամանակ էլ խօս ինքն էր այդ աղջկան ուսման տուել,—ասաց Թամարը:—Շուտով էլ կը պսակի, լաւ փող ու բաժինք կը տայ և քաւած կը լինի հին մեղքերը: Ասում են, որ եղբոր մահից յետոյ շատ է զղջացել: Եղբորն էլ, կնոջն էլ խօսինք թաղեց:

—Գնա մեռիք, ասում է, արի սիրեմ,—նկատեց աղա կարապետը:

Մօր խօսքերի վրայ Շահեանը յիշեց Աշխէնին, յիշեց նրա դէմքի կանոնաւոր, երկայն, սառած պրոֆիլը միայն, այն դրութեամբ, երբ այդ աղջիկը նայում էր վազոնի լուսամուտից դէպի դուրս, և նրան թուաց, թէ Աշխէնն այդ միջոցին մտածում էր իր որբութեան և այն մասին, թէ որքան ծանր է մի անտէր ու աղքատ աղջկայ համար ուրիշի խնամքի տակ ապրելը: Անցեալ գիշեր վազոնի մէջ Շահեանն ուշադրութիւն չէր դարձնում Աշխէնի վրայ, երևի նրան համար, որ Եւան էր զբաւել նրան, կամ նրան համար, որ Աշ-

խէնը ոչնչով ցոյց չէր տալիս իրեն. բայց այժմ այդ աղջիկն սկսեց հետաքրքրել նրան, և այդ հետաքրքրութիւնը լոկ կարեկցութիւն էր շարժում նրա բարի սրբտում:

VI

...Անցաւ մի, երկու, երեք... տասն օր: Շահեանը սաստիկ ցանկանում էր Մարութեաններին այցելել: Թէև ինքն իրեն չէր ուզում խոստովանուել, բայց պարզօրէն զգում էր, որ իրեն դէպի Մարութեանների տուն զրաւողն Եւան էր: Բայց նրա բնաւորութեան իրեն սաստիկ ատելի կողմերից մէկն էլ այն էր, որ նա երբէք այնքան համարձակութիւն չէր ունեցել, որ ազատ կերպով այցելէր ոչ թէ միայն իր նորածանօթ կամ հեռաւոր բարեկամներին, այլ և, մինչև անգամ, ամենամօտ ազգականներին:

Ամօթխածութիւնը չէր միայն, որ այդ համարձակութիւնը չէր տուել նրան, այլ և իր վերին աստիճանի կասկածամտութիւնը. նրան միշտ թւում էր, որ եթէ աննպատակ կերպով, հէնց այնպէս, լոկ այցելած լինելու համար, այցելէր իր բարեկամներին, նրանք պէտք է ընդունէին իրեն լոկ քաղաքավարութիւնից դուրս և մտքներումը պիտի ասէին դժգոհութեամբ՝ ինչո՞ւ է եկել: Այդտեղ էլ կրկնում էր նրա նեղ, վախկոտ անձնասիրութիւնը, որը միշտ այն հոգսումն էր, թէ ինչպէս անի, որ ոչոք, թէկուզ մտքումը, չվիրաւորի իրեն: Այդ էր պատճառը, որ նա չէր վստահանում զնալ Մարութեանների տուն:

Մի երեկոյ, վերջապէս, ստիպեց իրեն, որ գնայ, գնաց և... յետ դարձաւ Մարութեանների դռնից:

Այդպէս անցաւ մօտ երկու շաբաթ: Մարութեան-

ներին այցելելու և Եւային տեսնելու ցանկութիւնն սկսեց հետզհետէ սառչել նրա մէջ. նոյն իսկ Եւայի նրա վրայ թողած տպաւորութիւնն սկսեց անցնել:

Այդպիսով նրա կեանքը նորից սկսեց մտնել իր հին, առանձնակի, դանդաղ ընթացքի մէջ, երբ մի օր փողոցում հանդիպեց Մարութեանին:

Իրար հետ ծանօթանալու օրից այդ առաջին անգամն էր, որ նրանք հանդիպում էին իրար: Մարութեանը կշտամբեց նրան, որ նա չի կատարել իր խոստումը և չի այցելել իրենց: Շահեանն արդարացաւ նըրանով, որ ասաց, թէ սաստիկ զբաղուած էր, ժամանակ չէր գտնում այցելելու և խոստացաւ, որ մօտ օրերում անպատճառ կայցելէ:

Այս անգամ էլ փոքրիշատէ համարձակութիւն ստացաւ և վճռեց, որ հետևեալ օրն անպատճառ գնայ Մարութեանների տուն: Սակայն հետևեալ օրն աւելի լաւ համարեց իր այցը յետաձգել միւս օրուան: Միւս օրն էլ յետաձգեց երրորդ օրուան, ամեն անգամ մի պատճառ հնարելով, իր սովորական անհամարձակութիւնն արդարացնելու համար իր աչքում:

Այսպիսով գլորուեցին, անցան դարձեալ մի քանի օրեր, և նա դեռ գնում էր Մարութեանների տուն: Վերջապէս, մի երեկոյ, ուղղակի ամօթից, և ոչ թէ համարձակութիւն ստանալուց, հազիւ հազ, հազարումի նախատինք թափելով իր գլխին, վճռեց գնալ և—ճիշտ որ գնաց:

Կառք նստած, նոր էր մտել Մարութեանների փողոցը, երբ յանկարծ աչքովն ընկաւ Մարութեանի եղբոր աղջիկը: Ձեռքերը սև, հասարակ վերարկուի դըրպանները կոխած, Աշխէնը մայթի վրայով գնում էր հակառակ կողմը: Շահեանը շտապով վերցրեց գլխարկը և գլուխ տուեց նրան: Աշխէնը կանգ առաւ, զար-

մացած նայեց նրա կառքի ետևից և, երբ կառքը հեռացաւ, շարունակեց իր ճանապարհը:

«Չճանաչեց», մտածեց Շահեանը, այդպիսի դէպքերում սովորական անհամ դրութեան մէջ զգալով իրեն:

Երբ կառքը կանգ առաւ Մարութեանների տան առաջ, Շահեանն ինքն էլ զարմացաւ, թէ ինչպիսի համարձակութեամբ ցած թռաւ, փողը դրեց կառապանի բուռը և ամուր սեղմեց ելեկտրական դանդակի կոճակը: Ճանապարհին և այժմ, երբ սպասում էր, որ դուռը բանան, նա մտածում էր, թէ ինչ բառերով պիտի դիմաւորի Մարութեանին, նրա կնոջը և աղջկան և ինչով պիտի արդարացնի իր այցելութեան յետաձգումը:

—Տա՛նն են,—սովորականից աւելի բարձր ձայնով հարցրեց նա դուռը բաց անող ծառային:

—Ո՞ւմ էք կամենում,— իր պստիկ, ցաւագար աչքերով նայելով նրան, հարցրեց ծառան:

—Մարութեաններին: Տանը չե՞ն:

—Ո՞վ է,—վերևից, նախասենեակից, լսուեց թեկլէի ձայնը:

Շահեանը տեսաւ Մարութեանի կնոջը, որը ուրապտոյտ սանդուղքի վանդակապատից նայում էր ներքև:

—Ես եմ, տիկին: Բարև ձեզ,—կանչեց նա և շտապով ներս մտաւ:—Կարելի՞ է:

—Ա՛խ, դժբ էք: Համեցէք, համեցէք խնդրեմ: Վերջապէս մեզ յիշեցիք:

—Ի՞նչ անեմ, տիկին,—վրայ բերեց Շահեանը, շտապ քայլերով վերև բարձրանալով.—ամեն օր մի նոր դործ էր պատահում, այնպէս որ այսօր միայն հազիւ կարողացայ ժամանակ գտնել ձեզ այցելելու:

Այդ խօսքերը նա պատրաստել էր Մարութեանի

Մահը

համար, բայց տեսաւ, որ դրանք շատ յարմար եկան նրա կնոջն ասելու:

Թեկլէն հրաւիրեց նրան հիւրասենեակ, խնդրեց, որ նստի, և ինքը նստեց նրա դիմաց: Ասաց, որ ինքը մենակ է մնացել տանը: Աշխէնը հէնց նոր դուրս գնաց, իսկ ամուսինն ու աղջիկը Սուրէնի հետ ճաշից յետոյ գնացիլ են դրօսանքի և, երևի, շուտով կը վերադառնան:

Լսելով այդ, Շահեանն անաշող համարեց իր առաջին այցելութիւնը: Նրան սկսեց մտահոգութիւն պատճառել այն հանգամանքը, թէ ի՞նչ պիտի խօսի ինքը մէն-մենակ այդ կնոջ հետ մինչև Մարութեանի և Եւայի վերադարձը, իսկ նրանք կարող էին շատ ուշանալ: Սակայն շուտով ուրախութեամբ տեսաւ, որ Թեկլէն գրեթէ չի թողնում իրեն խօսելու: Տիկինը խօսում էր անվերջ. խօսում էր իր մասին, իրենց ընտանիքի անդամների մասին, թատրոնում ներկայացուած նոր պիէսի մասին, իրենց տան ներքին յարկում ապրող չինոզիկի մասին, իրենց ծառաների մասին: Սօսում էր այնպիսի մանրամասնութիւններով, որ Շահեանը զարմանում էր, թէ ճրտեղից է գտնում այդքան բառեր և ի՞նչպէս չի յոգնում կամ չի մտածում, որ այդ բաները կարող են չհետաքրքրել իրեն:

Բազկաթուռի վրայ նստած, Շահեանն իր պարզ ակնոցի միջից ուշադրութեամբ նայում էր այդ անչափ շատախօս կնոջ տակաւին թարմ, բայց փոքր ինչ կոպիտ պէմքին ու մի քիչ շիւ աչքերին և մտածում էր՝ յիմար կին է՞ս:

Դուրսն արդէն մթնել էր: Ներսը, սեղանի վրայ, վառում էր հսկայ լամպը ձմերկաձև չեչոտ լուսամփոփով: Շահեանն արդէն բաւական ձանձրացել էր տիկնոջ շատախօսութիւնից և Աստուած-Աստուած էր անում, թէ երբ պէտք է գան Մարութեանն ու Եւան:

Նախասենեակում լսուեց դռան ելեկտրական զանգակի աղմկալի ձայնը, որը չափից դուրս երկար շանակուեց:

—Այ, հիմա չի՞ դադարիլ,—ասաց Թեկլէն և, դէմքը թթուեցրած, երկու ձեռքով փակեց ականջները, մինչև որ զանգակը, երկարատև աղմուկ հանելուց յետոյ, վերջապէս լուեց:—Աղջիկս է,—բացատրեց Շահեանին:—Միշտ այսպէս է. մի անգամ խօ չի անում ու սպասում. մինչև ծառան դնայ դուռը բանայ, շարունակ պիտի անի զանգակը: Օհ, պէ՛ծի կրակ է տեղնուտեղը:

Հիւրասենեակի դուռը շրխիոցով բացուեց, և շտապով ներս մտաւ Եւան գլխարկով և աշնանային վերարկու հագին: Շահեանին տեսնելուն պէս կանգ առաւ դռան մօտ, յոնքերը սաստիկ բարձրացրեց, որից նրա քթածակերը լայնացան, ժպտաց և ուսի վրայից յետնայեց բաց դռնից դէպի նախասենեակը:

—Հայրիկ, պարոն Շահեանն է եղել,—կանչեց նա:

—Ա՛, վերջապէս,—լսուեց Մարութեանի ձայնը նախասենեակից:

Շահեանը վեր կացաւ և շտապեց դէպի Եւան: Եւան ծանր և հանդիսաւոր քայլերով առաջ գնաց դէպի նա և, չարածճի ժպիտը դէմքին, ձեռքը լուռ մեկնեց նրան: Շահեանը սեղմեց ձեռնոցի մէջ պինդ սեղմուած այդ փոքրիկ ձեռքը: Հէնց առաջին հայեացքից տեսաւ, որ Եւայի այդ շինծու ծանր ու հանդիսաւոր ընդունելութիւնը մտերմական բաց կեղծաւորութիւն էր և արտայայտում էր նրա ուրախութիւնն իր այցելութեան համար: Եւ շնորհակալութեան նման մի քաղցր զգացում համակեց Շահեանին:

—Զգիտեմ, երբ պէտք է թողնես քո այդ սովո-

րութիւնը, որ զանգակի ձայնով այլ ևս դահլա չըտանես,— դժգոհութեամբ նկատեց մայրն աղջկան:

Եւան կրունկների վրայ արագ շուռ եկաւ դէպի մայրը:

—Մայրիկ, ախր վախենում եմ, որ ծառան չըլըսի,— բացականչեց նա, նորից յոնքերը սաստիկ բարձրացնելով:

—Խուլ չէ, կըլսի:

—Ո՛ւու, դու կարծում ես, թէ միայն խուլութիւնից է, որ չեն լսում: Հապա ծուլութիւնը, դանդաղաշարժութիւնը: Վերջապէս, խօ գիտես, որքան ես անհամբեր եմ. մի վայրկեան որ ուշացան, արդէն ջղերս գրգուռւմ են: Բայց գիտե՞ս, մայրիկ, ուր գնացինք: Թանգարան, թափառական թանգարան: Մումիա տեսանք, եգիպտական մումիա: Դուք չէ՞ք տեսել, պարոն Շահեան:

—Ոչ:

—Ո՛ւու, ինչ սարսափելի է, որ տեսնէք... Երկու հազար տարեկան է... այսինքն ուղում եմ ասել՝ երկու հազար տարուայ է, գիտէ՞ք... թէ՞ չորս հազար տարուայ: Չորս հազար տարուայ, չէ՞, հայրիկ,—հարցրեց Եւան, արագ դառնալով դէպի հայրը, որ շտապով ներս մտաւ այդ ըոպէին:

—Ի՞նչը,—հարցրեց հայրը:

—Մեր տեսած մումիան:

—Չորս հազար տարուայ:

—Չորս հազար տարուայ, պարոն Շահեան,—բացականչեց Եւան: Ո՛չ, չեմ հաւատում, թէ դիակն այդքան երկար ժամանակ դիմանայ:

—Փառք Աստուծոյ, աչքովդ տեսար,—ասաց Մարութեանը, որ իրեն յատուկ պարզ ուրախութեամբ:

Շահեանին բարեկուց յետոյ, խնդրեց նրան, որ նստի, և ինքը նստեց նրա մօտ:

—Կարծես թէ չէր կարող կեղծ լինել,—նկատեց Եւան:—Եւ, ի հարկէ, կեղծ էր: Երևակայեցէք, պարոն Շահեան, փտած փայտի վրայ փտած փալասներ են փաթաթել, մի փտած գերան փորել մէջն են դրել և անուճը դրել են չորս հազար տարուայ մումիա:

—Հապա դէմքը, բերանը, քիթը, աչքերը:

—Ոչինչ չէր երևում, բոլորը մաշուած էր. զօրով մաշել էին, որ հին բան երևայ:

—Չօրով էլ մաշել կըլինի:

—Ինչո՞ւ չի լինիլ. մարդիկ այնքան խորամանկ են: Կեղծ էր, կեղծ: Չեմ հաւատում:

—Լաւ, լաւ, գլխարկդ վերցրու, վերարկուդ հանիր,—նկատեց մայրը:—Չես հաւատում, մի հաւատա:

—Չեմ հաւատում, չէ,—կրկնեց Եւան ձեռնոցներն արագ դուրս քաշելով ձեռքերից:—Կուզես այս ըոպէին խաբեմ քեզ, հայրիկ:

—Ի՞նչպէս թէ խաբես:

—Հապա տասը մատդ այնպէս համարիր, որ տասնեակ երևայ:

—Ահա. մէկ, երկու, երեք, չորս, հինգ, վեց, եօթ, ութ... տասը, տասնեակ:

—Ինչ կուլ տուիր, այդ չեղաւ: Հիմա տես ինչպէս եմ քեզ խաբում:—Եւան ձեռնոցները շարտեց աթոռի վրայ:—Նայիր մատներիս: Դուք էլ, պարոն Շահեան: Դու էլ, մայրիկ: Լաւ նայեցէք: Մէկ, յետոյ—երկու, յետոյ—երեք, յետոյ—չորս, յետոյ—հինգ, վեց, եօթ, ութ, ինն, տաս: Տասն էր, չէ:

—Այո, և ոչ թէ տասնեակը:

—Սպասիր, է՛: Ես խօ քեզ պէս ինչ կուլ չտուի: Տասը: Հիմա յետ համարենք: Տասը... ինն... ութ...

եօթ... վեց: Այս մի ձեռքիս մատները լրացան վեցով, չէ՛: Ուրեմն վեց: Այս ձեռքս էլ հինգ մատ ունի. վեց, պլիւս հինգ—տասնամէկ: Խնչպէս էր, հայրիկ: Մուսիսի տէրն էլ այսպէս է քեզ խաբել:

Եւ նախ, քան հայրը, մայրը, Շահեանն ուղքի կրգային ֆոկուսի այդ անսպասելի լուծումից, Եւան աթոռի վրայից թոցրեց ձեռնոցներն ու դուրս վազեց:

Յանկարծ ընդհանուր քրքիջ բարձրացաւ:

—Տեսնում ես... ճիշտ որ խաբեց,—բացականչեց Մարութեանը:—Խնչպէս արաւ:

Եւ նա կրկնեց աղջկայ ֆոկուսը: Դարձեալ ընդհանուր քրքիջ բարձրացաւ:

—Ձեմ հաւատում, չէ,—կանչելով ներս մտաւ Եւան, գլխարկն ու վերարկուն հանած: Նա շտապով մի աթոռ վերցրեց, դրեց մօր բազկաթոռի մօտ և երկու ձեռքով ուղղեց շրջադրաստը ծնկների վրայ:

Հայրը նայեց նրան և լուռ դողդոջիւն կերպով ծիծաղեց:

Եւան իր կողմից լուռ նայեց հօր աչքերին: Դէմքին նա այնպիսի կեղծ-լուրջ արտայայտութիւն էր տուել, որ Մարութեանի հետ չկարողացան չծիծաղել նաև թեկլէն ու Շահեանը:

—Չարմանալի է. ի՞նչ էք ծիծաղում,—նկատեց Եւան:

—Խնչպէս արիր, ինչպէ՞ս. հապա մէկ էլ արա,—ասաց Մարութեանը:

—Ձէ, հայրիկ. ֆոկուսը մի անգամ կանեն, այլպէս համ չի ունենալ: Նոյն իսկ քո այն իսկական համարած մուսիան մի անգամ էլ որ տեսնես, այլ ևս հետաքրքրութիւն չի շարժիլ: Բայց գիտէ՞ք, պարոն Շահեան, թանգարանում ի՞նչ աղղեց ինձ վրայ աւելի:

—Ի՞նչ:

—Մարի Ստիւարտը մահապատժից առաջ... Դուք կարդացի՞ր էք Շիլլերի դրամը:

—«Մարի Ստիւարտը»: Կարդացել եմ:

—Հրաշալի է, չէ՞: Բայց պէտք է տեսնէք այդ անբաղդ թագուհու մոմից ձուլուած պատկերը, որ խորշատ խոր տպաւորութիւն ստանաք: Այնքան կենդանի, այնքան վեհ, այնքան հանգիստ վիշտ է արտայայտում նրա գեղեցիկ դէմքը, որ... մինչև անգամ ցանկանում ես նրա տեղը լինել:

—Ի՞նչ յիմարութիւն,—նկատեց Մարութեանը:

Եւան զայրացած նայեց նրան:

—Հայրիկ, դու անսիրտ մարդ ես:

—Որովհետև չեմ ցանկանում, որ Մարի Ստիւարտի պէս ինձ տանե՞ն կառափնարան:

—Ու՛Փ, ի՞նչ ես ասում, հայրիկ. ես խօսայ է չեմ ասում:

—Հապա:

—Ես այն եմ ասում, որ Մարի Ստիւարտի վիճակը չի շարժում քո կարեկցութիւնը:

—Եւ ի՞նչ կարիք կայ, ասա խնդրեմ, որ շարժի:

—Տեսնում էք, պարոն Շահեան. տղամարդիկ միշտ այսպէս գործնական տեսակէտից են նայում բանի վրայ: Նրանք ամենևին չեն ուզում գէթ մի բոպէզ գագացմունքով ապրել:

—Տղամարդուն այդպէս էլ վայել է, հապա,—նրկատեց Մարութեանը:—Հէնց որ տղամարդն սկսեց ապրել զգացմունքներով կամ, ուրիշ խօսքով ասած՝ վերացական աշխարհի մէջ, նա այլ ևս տղամարդ չէ, նա կին է:

—Նախ խնդրում եմ, հայրիկ, յարգանքով խօսիր կնոջ մասին: Նկատիր, որ ես կատակով չեմ ասում այս: Յետոյ... ինչո՞ւ վերացական աշխարհի մէջ: Միթէ

զգացմունքներով ապրելը նշանակում է վերացական աշխարհի մէջ ապրել:

—Հապա ի՞նչ:

—Հապա սին, որ զգացմունքներով ապրել նշանակում է զգալ, կարեկցել, քարասիրտ չլինել:

—Ես այդպէս չեմ հասկանում:

Եւան բարկացած նայեց հօրը և ուղում էր, ըստ երևոյթին, տաքացած խօսել, բայց հանգիստ կերպով դարձաւ Շահեանին:

—Տեսնո՞ւմ էք,—ասաց նա.—մենք միշտ այսպէս ենք վիճաբանում իրար հետ. հայրս միշտ հակառակում է ինձ:

—Զարմանալի է. այդ ինչի՞ցն է, որ դու իրաւունք ունիս հակառակելու քո հօրը, իսկ ես, որ քո հայրն եմ, պէտք է զրկուեմ այդ իրաւունքից,—նկատեց Մարութեանը և աչքով արեց Շահեանին:

—Է՛հ,—դայրագին արտասանեց Եւան, ձեռքը խըփելով ծնկանը, և լռեց:

Շահեանը նկատեց, որ Մարութեանը կատակով է վիճաբանում աղջկայ հետ և սիրում է նրան բարկացնել:

VII

Անցել էր մօտ երկու ժամ, որ Շահեանը նստած էր Մարութեանների հիւրասենեակում: Եւան հէնց նոր դուրս էր գնացել թէյի պատրաստութիւն տեսնելու, երբ լսուեց դռան զանգակի ձայնը:

—Աշխէնն է,—ասաց Թեկէն:

—Տանը չէ՞ր: Ո՞ւր է գնացել,—հարցրեց Մարութեանը:

—Աշակերտուհիներից երկուսն այս մի քանի օրը

գալիս չեն եղել. ասաց, որ դնում է տեսնելու ինչ է պատահել:

Շահեանը զարմանքով նկատեց, որ Աշխէնի մասին խօսք բացուած ժամանակ սառնութեան նման ինչ որ զգաստութիւն տիրեց Մարութեանին և նրա կնոջը: Նա յիշեց հօր պատմութիւնը Մարութեան եղբայրներին ժառանգութեան մասին և զգաց, որ իր ուրախ-տրամադրութիւնը խանգարուեց: Բայց այդ ոչ թէ այն պատճառով էր, որ Մարութեանը նրան վատ մարդ երևաց, այլ այն պատճառով, որ նա, կարծես ընադդմամբ, զգաց, թէ Աշխէնի ներկայութեամբ ինքն այնպէս ազատ չպիտի լինի այդ տան մէջ, ինչպէս նրա բացակայութեան ժամանակ:

—Դուք գիտէ՞ք, պարոն Շահեան, որ եղբօրս աղջիկը չքաւոր մարդկանց երեխաներին ձրի դասեր է տալիս տանը,—ասաց Մարութեանը:

—Չէ:

—Հապա: Այդ կողմից նա էլ որդուս պէս իդէալիստ է կամ իդէալիստուհի, ինչպէս ուզում էք ասացէք: Ասենք, այստեղ իդէալիստութեան ոչինչ չկայ, կարծեմ. աւելի լաւ է բարի գործ կատարել, քան թէ պարապ նստել: Այնպէս չէ՞:

—Ի հարկէ:

Մարութեանը կանչեց աղախնուն և պատուիրեց, որ Աշխէնին ասի՝ չի՞ ցանկանալ արդեօք իրենց մօտ գալ, հիւր ունին: Աղախինը դուրս գնաց:

Մի քանի րոպէից հանգարտ քայլերով ներս մտաւ Աշխէնը և, տեսնելով Շահեանին, հետաքրքրութեամբ նայեց նրան իր լուրջ աչքերով: Շահեանն իսկոյն վերկացաւ, շտապեց դէպի նա, բայց, տեսնելով, որ նա չի ճանաչում իրեն, շփոթուած կանգ առաւ:

—Չէս ճանաչում,—շտապով դիմեց Մարութեանն

եղբոր աղջկան:—Ամառանոցից գալիս չծանօթացած վագոնում:

—Ա՛խ,—յանկարծ յիշելով, արտասանեց Աշխէնը, շտապով առաջ գնաց դէպի Շահեանը և, մի հիւանդոտ ժպիտ դէմքին, սեղմեց նրա ձեռքը:—Խնդրում եմ, ներեցէք. մութ կերպով մտաբերում էի, որ ուր որ տեսել եմ ձեզ, բայց չէի կարողանում յիշել: Ով գիտէ, դուք էիք, որ այս երեկոյ գալիս էիք կառքով և բարեկեցիք ինձ:

—Ես էի,—ասաց Շահեանը վախկոտ ժպիտով:

—Ուրեմն դարձեալ ներեցէք, խնդրում եմ. ես կըլնակի յանցաւոր եմ ձեր առաջ:

—Խնդրեմ, խնդրեմ,—վրայ բերեց Շահեանը, բաւական անյարմար դրութեան մէջ զգալով իրեն այդ բարակ, հիւանդոտ աղջկայ առաջ, որը թէև պարզ ու անկեղծ կերպով ներողութիւն էր խնդրում իր «յանցանքի» համար, այնուամենայնիւ մի անհասկանալի ճնշող սպաւորութիւն էր գործում նրա վրայ:

Աշխէնը կրկին հիւանդոտ կերպով ժպտաց, թեթևակի գլխով արաւ և գնաց նստեց հօրեղբոր բազկաթոռի մօտ, գահաւորակի վրայ:

Շահեանը նոյնպէս նստեց իր տեղը և ուզեց նայել նրան լաւ դիտելու համար, բայց հայեացքը միայն թոցրեց նրա դէմքի վրայով, որովհետև այդ միջոցին ինքն Աշխէնն իր սառած, կարծես ոչինչ չտեսնող, բայց ճնշող աչքերը յառել էր նրա դէմքին:

—Այդ սէմ երեխաներն են, որ չեն գալիս,—հարցրեց Մարութեանը, դիմելով եղբոր աղջկան, և Շահեանը նրա թէ ձայնի և թէ հայեացքի մէջ նկատեց այդ բաց ու կենսուրախ մարդուն չսազող մի տարօրինակ ինքնագսպում և յարգանք:

—Մէկը կալատող Սարգսինը, միւսը խարազ Զաքարինը:

—Յետո՞յ: Իմացած ինչու չեն գալիս:

—Մէկը մայրն է հիւանդ,—աստիկ տենդ ունէր,—մօտը նստած պահում է, միւսին ծնողներն ուխտ են տարել Բոլնիս:

—Այդ սրն է Բոլնիս գնացողը:

—Պարազ Զաքարը:

—Մտիկ արա: Տանը հաց չունի ուտելու և Բոլնիս է գնում:

—Այն էլ այս ցրտերին: Յետոյ ի՞նչ ցրտեր,—նկատեց Թեկէն:

—Ի՞նչ է, մրսում էք,—կանչեց Եւան, իրեն յատուկ փութկոտութեամբ ներս մտնելով:—Իսկոյն թէյը պատրաստ կըլինի:

—Գիտե՞ս Աշխէնն ինչ է ասում,—դիմեց նրան հայրը:

—Ի՞նչ:

Եւան նստեց Աշխէնի մօտ և ձեռքերի արագ շարժումով մազերը քունքերից քաշեց ականջների ետևը:

—Հապա իմացիր ինչու խարազ Զաքարի աղջիկն այս քանի օրս չի եղել գալիս դասի:

—Երևի հիւանդ է: Հո՞, Աշխէն:

—Ոչ. ծնողներն, ասում է, ուխտ են տարել իրենց հետ Բոլնիս:

—Հապա սէմ մօտ պիտի թողնէին, հայրիկ, որ չըտանէին:

—Չես հասկանում ինձ. ես խօ երեխային տանելու կամ չտանելու մասին չեմ խօսում:

—Հապա:

—Ես ուզում եմ ասել, թէ Խար ի՞նչ ունին նրանք, որ դեռ հեռաւոր տեղեր ուխտ էլ են գնում:

—Հայրիկ, այդպէս ի՞նչպէս կարելի է դատել միթէ ունևորութեան կամ չունևորութեան հետ որևէ կապ ունի հաւատի գործը:

—Հաւատ էլ ասում է: Յիմարութիւն ասա:

—Եւ նախապաշարմունք,—ամուսնու խօսքին վըրայ բերեց թեկլէն:

—Ոչ, մայրիկ ջան. դու էլ ես սխալուում, հայրիկն էլ: Դա հաւատ է: Ի՞նչ անենք, թէ նրանք աղքատ են: Դուք ուզում էք, որ նրանք համ փող չունենան, համ էլ գճրկ մնան հաւատի մխիթարանքից:

—Ես ուզում եմ, որ նրանք եթէ փող չունին, գոնէ խելք ունենան,—բացականչեց Մարութեանը:

—Այդ, ի հարկ է, աւելի լաւ է, հայրիկ. բայց և այնպէս հաւատն էլի հարկաւոր է: Վատն այն է, որ մարդ փող էլ է ունենում, խելք էլ, բայց հաւատ չի ունենում: Ձեմ յիշում կարդացի՛ւ եմ, թէ ինձ ասել են, որ խոր հաւատ են ունենում միայն շատ զարգացած և մէկ էլ շատ տգէտ մարդիկ: Գլադստոնն, ասում են, իր քաղաքական ծանր գործերից յետոյ կատարեալ մխիթարութիւն և հանգստութիւն է գտնում աւետարան կարդալով:

—Ասելդ ի՞նչ է. որ Գլադստոնն էլ կարող է խարաղ Չաքարի պէս ուխտ գնալ Բոլնիս:

—Եւ Մարութեանն սկսեց ծիծաղել:

—Սպասիր, հայրիկ ջան, մի ծիծաղիր. մենք ըսկսել ենք լաւ նիւթի մասին խօսել: Այ, թող պարոն Շահեանն ասի: Պարոն Շահեան, ի՞նչ էք կարծում. խարաղ Չաքարի Բոլնիս գնալը յիմարութիւն է, թէ հաւատ:

—Ես չեմ ճանաչում խարաղ Չաքարին:

—Հարկ էլ չկայ ճանաչելու: Ընդունեցէք մի հասարակ արհեստաւոր, որը ծանրաբեռնուած է բազմա-

մարդ ընտանիքով և օր աշխատում է օր ուտում, իսկ այն օրը, որ ոչինչ չի աշխատում, քաղցած է մնում իր ընտանիքով: Այդպիսի մի մարդու ուխտ գնալը յիմարութիւն է, թէ հաւատ:

—Ասա՛ այս ցրտերին և Բոլնիսի պէս վաթսուն վերստ հեռու տեղ ուխտ գնալը,—նկատեց Մարութեանը:

—Այն, այս ցրտերին և Բոլնիսի պէս վաթսուն վերստ հեռու տեղ ուխտ գնալն այդպիսի մարդու համար յիմարութիւն է, թէ հաւատ:

—Այդ պէտք է իրեն՝ խարաղ Չաքարին հարցնել,—ոչ իսկոյն պատասխանեց Շահեանը և ծիծաղեց:

—Դժբաղդաբար, այս ըոպէիս նա Բոլնիսումն է. ես ձեր կարծիքն եմ հարցնում, պարոն Շահեան:

Շահեանի դէմքը լարուած մտքի արտայայտութիւն ստացաւ:

—Իմ կարծիքով... յիմարութիւն չէ,—ասաց նա:

—Ուրեմն հաւատ:

—Ոչ էլ հաւատ:

—Հապա:

—Նախապաշարմունք միայն:

—Այդ, կարծեմ, մայրիկս էլ ասաց:

—Դէ, յիմար նախապաշարմունք է, բաս ի՞նչ է,—զայրացած կանչեց թեկլէն:—Ի՞նչ է նշանակում մանրմունք երեխաներին առնել ու գնալ այս ցրտերին մի քանի օր վայր ընկնել բաց երկնքի տակ: Յիմարութիւնից էլ վատ: Դեռ չեմ ասում, որ նրանք տաք շոր էլ չունին հագնելու:

—Այ, այ, մայրիկը մօտեցաւ խնդրի լուծմանը: Հէնց այդ պատճառով էլ ասում եմ, մայրիկ ջան, որ խարաղ Չաքարի Բոլնիս գնալը հաւատից է, և ոչ թէ յիմարութիւնից կամ նախապաշարումից, որովհետեւ,—Լիւր, հայրիկ, ինչ եմ ասում,—որովհետեւ եթէ հաւատից

և խոր հաւատից չլինէր, ոչ մի մարդ, մանաւանդ աղքատ մարդը, ինչքան էլ որ տգէտ և նախապաշարուած լինէր, երբէք չէր առնիլ իր մանր-մունր երեխաներին և չէր գնալ տասնեակ վերստեր այս ցրտերին բաց երկնքի տակ անցկացնելու խաչի տակ: Վերջապէս, դու ասա, Աշխէն. ճիշտ չե՞մ ասում:

— Ես լիովին համաձայն եմ քեզ հետ, — ասաց Աշխէնը:

Եւան վեր թռաւ տեղից:

— Բռնւօ, — բացականչեց նա երեխայի պէս ուրախացած և ծափ տուեց: — Հայրիկը յաղթուեց, հայրիկը յաղթուեց:

Մարութեանը ծիծաղեց:

— Ի՞նչպէս չէ, կարծում ես, նկատեց նա:

— Ոչ թէ կարծում եմ, այլ իսկապէս այդպէս է: Յաղթուեցիր, յաղթուեցիր, յաղթուեցիր, — հօրը ջրգրացնելով արագ-արագ վրայ տուեց Եւան, աջ ձեռքը բռունցք կաղմած՝ խփելով ձախ ձեռքի ափին:

— Դէ, սպասիր, է:

— Ո՛չ, դու սպասիր, հայրիկ, և լսիր ինչ է ասում

Աշխէնը:

— Թէ վիճաբանում ես, դո՛ւ վիճաբանիր ինձ հետ, թէ չէ՝ ի՞նչ՝ ես Աշխէնին մէջ գցում:

— Ի՞նչ, դու կարծում ես, ես խուսափում եմ քեզ հետ վիճաբանելուց: Մխալում ես, պարոն հայրիկ: Բանը որ վիճաբանելուն գայ, մինչև լոյս կընստեմ և կըվիճաբանեմ քեզ հետ այս խնդրի մասին: Բայց ես դեռ ևս կարծիքներ եմ հաւաքում: Այժմ...

— Դէ թող, որ ես էլ խօսեմ, է:

— Ոչ, հայրիկ ջան, սպասիր. այժմ Աշխէնի հերթն է, — ասաց Եւան աղաչական տոնով և նորից նստեց

Աշխէնի մօտ: — Դու ուզում ես քո կարծիքը յայտնել, չէ՞, քոյրիկ ջան:

Աշխէնը քնքոյշ սիրով նայեց Եւայի չքնաղ աչքերին և կամաց ծիծաղեց: Այնուհետև նա նորից ընդունեց իր սառած դէմքի խաղաղ արտայայտութիւնը և կարճ ժամանակ լուռ մնաց:

Ամենքը նայում էին նրա լուրջ դէմքին սպասողական դրութեամբ:

— Սխալմունքն ան է, որ ամեն բանի վրայ նայում ենք մեր տեսակէտից, — ասաց նա, կարծես իւրաքանչիւր բառն արտասանելուց առաջ կշռադատելով, որպէսզի ամփոփ և կարճ կերպով արտայայտած լինի իր միտքը: — Դուցէ այլ կերպ նայել չենք էլ կարող. բայց այդ ճանապարհով, ես կարծում եմ, երբէք չենք հասնիլ ճշմարտութեանը: Եւ պարոն... պարոն Շահեանը, իմ կարծիքով, սխալ չասաց, թէ իրեն՝ խարաղ Ջաքարին պիտի հարցնի՝ ինչո՞ւ է այս ցրտերին և այդքան հեռու տեղ մանր-մունր երեխաներով ուխտ գնացել խաչի դուռը. թէ և պարոնը, ինչպէս նկատեցի, կատակով ասաց այդ և յետոյ փոխեց իր խօսքը: Մայքըս սաստիկ նախապաշարուած էր... այսինքն ուզում եմ ասել խիստ հաւատացող կին էր և անկեղծ նեղանում էր, երբ ես ասում էի նրան, որ խաչերին ուխտ գնալն անօգուտ բան է. որ երազները դատարկ բաներ են և այլն: Յիշում եմ. երկար ժամանակ նրա աչքերը ցաւում էին. ուխտեց եօթն անգամ բորիկ ոտով Օադէեվանք գնալ, գնաց և առողջացաւ:

— Եւ ինչից, հայրիկ, — վրայ բերեց Եւան, նորից ջգրացնելով հօրը. — հաւատից, ի հարկ է, և ոչ թէ քո ասած յի...

Նա յանկարծ կծեց շրթունքը և սաստիկ կարմրեց:

Հայրը հասկացաւ նրան և շինծու խստութեամբ շարժուեց նստած տեղում:

— Ի՞նչ... ինչ էիր ուզում ասել...

Եւան ոտը դայրացած խփեց յատակին:

— Է՛հ, գնա Է... այնքան կուռում ես հետս, որ վերջը յիմարացնում ես:

Իմացանք, պարոն Շահեան, լսեցի՞ք... Լսեցի՞ք՝ աղջիկս, հարազատ աղջիկս ինչ էր ուզում ասել ինձ... ինձ, իր հարազատ հօրը...

— Ո՛ւՖ, ինչ անտանելի հայրիկ ես... ես չեմ կարող քեզ լսել:

Եւ Եւան, աչքերը դայրոյթի արցունքով լցուած, վեր թռաւ տեղից ու դուրս փախաւ:

Հայրը բարձրաձայն ծիծաղեց նրա ետեւից:

Ամենքը հասկացել էին, թէ բանն ինչու՞ն է, և խնդում էին:

— Հա՛, ծիծաղեցէք, ծիծաղեցէք, — մի բոպէից ներս մտնելով, ասաց Եւան և խոռովածի պէս նստեց հեռու:

— Ձեր ջգրու ես այլ ևս չեմ խօսիլ:

— Այդ աւելի լաւ, — նկատեց Մարութեանը. — այլ ևս չես վերաւորիլ հօրդ:

— Երբ որ այդպէս է, էլի կը խօսեմ:

— Այսինքն՝ էլի կը վերաւորես հօրդ:

— Ո՛ւՖ... Հայրիկ, դու իսկապէս որ անտանելի հայրիկ ես եղել: Ուզում ես, որ քաշուեմ սննեակս և այլ ևս դուրս չգամ այս երեկոյ այստեղ:

— Լաւ, բաւական է, — լրջութեամբ նկատեց մայրն աղջկան, առաջինը վերջ տալ ուզելով կատակին: — Թէ՛յն ինչ եղաւ:

— Ես գործ չունիմ թէ՛յի հետ:

— Ձարմանալի է. համ վերաւորում ես, համ էլ ինքդ ես բարկանում, — նկատեց հայրը ծիծաղելով:

— Քեզ հետ չեմ խօսում, հայրիկ:

— Գոնէ առանց թէ՛յի մի թողնիր:

— Կասեմ, որ թէ՛յն այստեղ բերեն:

Եւան վերկացաւ, դուրս գնաց և վերադարձաւ աղախնի հետ, որն արծաթէ մատուցարանով բերում էր թէ՛յը: Սոռովածի պէս նա դարձեալ նստեց հեռու, բայց թէ՛յ առաւ:

— Եթէ խոռոված ես, թէ՛յ էլ չպէտք է խմես, — նկատեց հայրը:

Եւան ոչինչ չպատասխանեց:

Կարճ ժամանակ լուռ թիւն տիրեց, որի միջոցին ամենքը ժպտալով նայում էին Եւային, իսկ Եւան ոչ ոքի չէր նայում և նստած էր ուռած-փքուած:

— Եւա, — կանչեց Աշխէնը:

— Ի՞նչ է:

— Երէկ ես վարոյի մօտ էի: Ասաց, որ ինքը և իրենց մի քանի վարժուհիներ թատերասէրների հետ ուզում են մի ներկայացում տալ բարեգործական նպատակով: Յարմար են դատել խաղալ «Ռուզան», բայց Ռուզանի դերը կատարող չեն ճարում: Արի դու վերջրու այդ դերը:

— Հա՛, — ասաց Մարութեանը, դառնալով Աշխէնին: — Հէնց նոր, որ վերադառնում էինք տուն, պատահեցինք օրիորդ Սահակեանին: Նա մեզ էլ ասաց այդ և այն էլ ասաց, որ Ռուզանի դերը քեզ են առաջարկել, բայց դու մերժել ես: Ինչո՞ւ:

Աշխէնը ժպտալով նայեց հօրեղբոր դէմքին, որին Մարութեանը միշտ լուրջ արտայայտութիւն էր տալիս եղբոր աղջկայ հետ խօսելիս:

— Ինքներդ ասացէք, հօրեղբայր, ես կարճ եմ կատարել Ռուզանի դերը:

Մահը

—Ի՞նչ է, ինչո՞ւ չես կարող:

—Է՛հ, թողէք: Ի՞նչ իմ բանն է:

—Ընդհակառակն, օրիորդ. ես կարծում եմ, որ դուք շատ լաւ կը կատարէք Ռուզանի դերը, — մէջ մը տաւ Շահեանը, որպէս զի, վերջապէս, մի բան էլ ինքն ասած լինի:

Աշխէնը նայեց նրա ակնոցին:

—Ինչո՞ւ դուք այդպէս էք կարծում:

Շահեանը շփոթուեց. շփոթուեց թէ նրա տարօրինակ յամառ հայեացքից և թէ առաջարկուած հարցի պատասխանը չունենալուց:

—Որովհետեւ... ինձ այդպէս է թւում, — ասաց նա և զգաց, որ յիմարարօր ժպտում է:

Աշխէնը ձեռքի հանդարտ շարժումով յետ քաշեց ձակատի վրայ ընկած մազերը և ոչինչ չասաց:

Այդ լուսթիւնից Շահեանն աւելի շփոթուեց և ձեռքը մեքենայաբար մեկնեց դէպի թէյի բաժակը:

—Եւա, ի՞նչ ես ասում, — նորից դիմեց նրան Աշխէնը: — Կը վերցնես Ռուզանի դերը: Ես կարծում եմ, որ դու շատ լաւ կարող ես կատարել այդ դերը:

«Ա՛յս ինչ է. ծաղրո՞ւմ է ինձ», մտածեց Շահեանը և նայեց Աշխէնին: Բայց Աշխէնը, որ այդ բոլորին նայում էր Եւային, ըստ երևոյթին, ամենևին չէր էլ մըտածում նրա մասին:

—Ինչո՞ւ դու այդպէս ես կարծում, — հարցրեց Եւան նոյն եղանակով, ինչ եղանակով որ Աշխէնը տուեց այդ հարցը Շահեանին:

Շահեանը հայեացքն Աշխէնի դէմքից փոխադրեց Եւայի դէմքին: «Սա էլ է ինձ ծաղրում, թէ՛... պաշտպանում է ինձ», մտածեց նա:

—Որովհետեւ քո մէջ կայ՝ յանկարծ բռնկուող այն

կրակը, որ հարկաւոր է Ռուզանի դերը կատարողին, — պատասխանեց Աշխէնը:

—Խնդրեմ: Իմ մէջ ո՛չ մի կրակ չկայ:

—Թո՛ղ, ի սէր Աստուծոյ, — նկատեց թեկէն: — Հիմա բեմ դուրս գալն է պակաս:

—Վերջապէս, ի՞նչ դրա բանն է դրամատիկ դերեր կատարելը, — նորից սկսեց Չորացնել աղջկան Մարութեանը: — Ես այդ օրիորդ Սահակեանին էլ ասացի. նա, ախր, դրան էլ առաջարկեց Ռուզանի դերը: Իրան ասա սուրբէտի թեթեւ դերեր կատարի:

—Հայրիկ, ասացի, որ քեզ հետ չեմ խօսում:

—Լաւ, քեզ հետ ո՞վ է խօսում:

—Դո՛ւ. հէնց այս բոլորէիս — չեմ խօսում: Ա՛յ, պարոն Շահեանի, մայրիկի, Աշխէնի հետ կը խօսեմ, քեզ հետ չեմ խօսիլ:

—Լաւ. ես լուում եմ. տեսնենք ինչ ես խօսում:

Եւան աթոռը մօտ քաշեց:

—Պարոն Շահեան, Աշխէնն ասաց, որ ես Ռուզանի դերը կարող եմ շատ լաւ կատարել, որովհետեւ իմ մէջ յանկարծ բռնկուող ինչ-որ կրակ կայ եղել. մայրիկն ասաց, որ ինձ բեմ դուրս գալն է պակաս, իսկ հայրիկն ասաց, որ Ռուզանի պէս դրամատիկ դեր կատարելն իմ բանը չէ և որ ես շատ-շատ կարող եմ կատարել սուրբէտի թեթեւ դերեր: Դո՞ւք ինչ էք կարծում, պարոն Շահեան, իմ ընդունակութիւնների մասին:

—Ես կարծում եմ, որ դուք... հիանալի կը լինիք Ռուզանի դերում:

Եւան հանգստութեամբ վերկացաւ տեղից և մի քանի քայլ հեռացաւ:

—Շահեանը սարսափեց: «Չլինի՞ թէ յիմար բան ասացի», մտածեց նա:

—Փորձենք, — ասաց Եւան: — Ես այս բոլորէիս կը-

ներկայացնեմ այն տեսարանը, ուր Ռուզանը, հօր երկիրը փրկելու համար, փախչում է ծնողական անից և դնում է թշնամու բանակը: Այդ տեսարանումն է, կարծեմ, արտասանում նա այն մենախօսութիւնը, որի մէջ ասում է...

—Նա լսեց և մատը դրեց ձակատին:

Շահեանն ազատ շունչ քաշեց. նա տեսաւ, որ ոչ մի յիմարութիւն դուրս չի տուել:

—... որի մէջ ասում է. «...և այս սահմանի վրայ ան իմ հոգին»:—Աստուծուն է դիմում:—«Թող այս սահմանը լինի իմ գերեզմանը...» և այլն: Ես, ի հարկէ, չեմ կարող այդ մենախօսութիւնն արտասանել այնպէս, ինչպէս որ բնագրի մէջ է գրուած, որովհետեւ միայն ներկայացումն եմ տեսել: Մենախօսութիւնը կարտասանեմ և շատ բան էլ ինձնից կըսարքեմ. բաւական է, որ ես հասկանում եմ Ռուզանի դրութեան հոգեբանութիւնը և գիտեմ, թէ անձնական ինչպիսի ծանր զոհաբերութիւն է անում նա իր հայրենիքը փրկելու համար: Մայրիկ ջան, թոյլ կըտաս, որ գոնէ մեր տանը բնւ դուրս դամ:

Մայրն, առանց կատակի ընդդիմացաւ, Աստուած գիտէ, թէ ինչու, այդ բանը նրա հասակին անվայել հրեխայութիւն համարելով: Աշխէնն սկսեց թախանձել թեկէին, որ թոյլ տայ: Շահեանն էլ իր կողմից մի քանի անդամ ձինդրում եմ, տիկին, խնդրում եմ» ասաց: Մարութեանը դիտմամբ լուում էր:

—Այստեղ տարածայնութիւններ կան,—ասաց Եւան:—Ասիկ լաւ է, ձայն հաւաքենք: Խնդրում եմ, մի նեղանար, մայրիկ ջան. տարածայնութիւնները միշտ տարածայնութիւններով են վճռում: Պարոններ, ով ուզում է, որ ես արտասանեմ Ռուզանի մենախօսութիւնը, թող մատ բարձրացնի:

Մատ բարձրացրին միայն Աշխէնն ու Շահեանը:

—Մէկ, երկու,—համարեց Եւան:—Երկու հոգի ցանկանում են, չի ցանկանում միայն մի հոգի—մայրիկս:

—Հապա ես,—բացականչեց Մարութեանը:—Ես էլ, ախր, մատ չբարձրացրի:

—Դու ձայն չունիս, հայրիկ. ասացիր, որ լուռ ես:

—Դա՞ ինչ է նշանակում, դա ինչ բռնութիւն է: Ես բողբոսում եմ: Դու իրաւունք չունիս ինձ զրկելու ձայնի իրաւունքից:

—Լաւ. ես քեզ ձայնի իրաւունք եմ տալիս, հայրիկ, և իմ ձայնը միացնում եմ պարոն Շահեանի և Աշխէնի ձայնի հետ: Ուրեմն, պարոն Շահեանը, Աշխէնը և ես,—երեք հոգի,—ցանկանում ենք, որ ես արտասանեմ Ռուզանի մենախօսութիւնը, իսկ դու և մայրիկը,—երկու հոգի,—չէք ցանկանում: Եւ որովհետեւ երեքը շատ է երկուսից, հետեւաբար ես կարտասանեմ Ռուզանի մենախօսութիւնը:

—Երբոր այդպէս է, ես ձայն չեմ ուզում:

—Իսկ երբոր այդպէս է, հայրիկ, ձայնս միացնում եմ մայրիկի ձայնի հետ, այսինքն ուզում եմ պահպանել status quo-ն, ինչպէս որ գրում են լրագրների քաղաքական բաժնում, և զրկում եմ քեզ ինձ Ռուզանի դերում տեսնելու հաճոյքից:

Եւ Եւան կոմիքական հանգստութեամբ նստեց մօր կողքին:

Սենեակում ընդհանուր քրքիջ բարձրացաւ:

VIII

Առաջին այցելութիւնից յետոյ Շահեանն այլևս չէր ուզում Մարութեանների տուն գնալ: Նա շատ լաւ

ճանաչում էր իրեն. գիտէր, որ Մարութեանները պէս մի ընտանիքի յաճախ այցելելու համար հարկաւոր էր քիչ թէ շատ հետաքրքրելու կամ գոնէ լոկ խօսելու շնորհք ունենալ: Ոչ այս ունէր, ոչ այն: Իսկ նորահարսի պէս լուռ նստելը թէ ձանձրալի էր, թէ անհամ: Թէպէտ նա տարակոյս չունէր, որ Մարութեանները միշտ սիրով պիտի ընդունէին իրեն, հէնց թէկուզ իրենց շատախօսութեանը յագուրդ տալու համար միայն, բայց ինքը—Շահեանը խօսոյնը պիտի մնար, ինչ որ կար—վարուելու ընդունակութիւնից զուրկ, խօսելու պաշար չունեցող, անդադար երկմտող, կասկածոտ ու վախկոտ անձնասէր: Ոչ, աւելի լաւ էր հեռու մնալ. այդ ամենալաւ միջոցն էր հոգու անդորրութեան համար:

Բայց Եւայի պատկերը խորապէս տպաւորուել էր նրա հոգու մէջ: Թէև այդ աղջկայ ազատ վարուեցողութիւնը, սեպհական խելքով դատելու ընդունակութիւնը մի կողմից մտավախութիւն էր պատճառում նրան, բայց միւս կողմից Եւայի մէջ տեսնում էր մի բան, որը միանգամայն գրաւել էր նրան: Այդ մի բանը երեսխայական այն պարզամտութիւնն էր, որ արտայայտում էր Եւան ամենքի հետ խօսելիս, նոյն իսկ լուրջ բաների մասին դատելիս: Բացի զբանից, Շահեանը Եւայի մէջ ամենևին չէր տեսնում դիմացինի անձնաւորութեանը քննական աչքով նայելու սովորութիւն,—մի բան, որից նա խոյս էր տալիս միշտ սարսափով: Եւան շարունակ զբաղուած էր իրենով, իր զգացումներն ու մտքերն արտայայտելով և ժամանակ չունէր Աշխէնի պէս լռելով դիտելու, որպէս զի յետոյ հարցնի դիմացինին՝ «ինչո՞ւ էք դուք այդպէս կարծում»:

Այժմ աւելի, քան առաջ, ինքնավստահութիւն չունենալով այլևս այցելելու Մարութեաններին, Շահեանն

օրը երկու-երեք անգամ անցնում էր նրանց տան մօտակայ փողոցներով այն բաղձանքով, որ պէթ դուրսը տեսնէ Եւային, կամ նրա մօրն ու հօրը (Աշխէնին տեսելու միտքը նրան վախեցնում էր): Այդպիսի դէպքերում նա անցնում էր գործի գնացող մարդու շտապ քայլերով, որպէս զի եթէ հանդիպելու լինէր Մարութեաններին և նրանք հարցնէին (նրան այնպէս էր թըլուում, թէ անպատճառ պիտի հարցնէին), թէ ի՞նչ է շինում այդ կողմերը, կարողանար սսել, թէ գործի է գընում կամ գործից է գալիս:

Յիրաւի, մի անգամ պատահեց Եւային ու նրա մօրը, բայց ոչ այն փողոցներում, ուր թափառում էր նրանց տեսնելու յուսով, այլ բոլորովին ուրիշ փողոցում և հէնց այն ժամանակ, երբ նրանց տեսնելու յուսով չէր դուրս եկել տնից: Հանդիպումն անակնկալ էր: Բայց զարմանալի է. նրա ամենօրեայ տենչն այն էր, որ հանդիպէր նրանց, այժմ կատարուած էր նրա տենչը, և մի տաս-քսան քայլ էր մնում, որ մօտենային, բարև տային իրար, խօսէին իրար հետ. բայց նա Եւային ու նրա մօրը տեսնելուն պէս ծռեց ճանապարհը և անցաւ հեռացաւ, իբր թէ չտեսաւ նրանց: Մինչդեռ նրա սիրտը սկսել էր թրթռալ: Բաւական հեռանալուց յետոյ ծածուկ յետ նայեց, բայց այլ ևս չտեսաւ Եւային ու նրա մօրը: Նո կանգ առաւ ակամայ և ինքն իրեն հարցրեց, թէ ինչո՞ւ այդպէս արեց. ինչո՞ւ ցոյց տուեց, թէ չտեսաւ նրանց, քանի որ տեսաւ և ուզում էր տեսնել... Բան չհասկանալով իր այդ անմիտ վարմունքից, նա միայն ուսերը վեր քաշեց տարակուսանքով:

Բայց աւելի զարմանալին այն էր, որ այդ փորձն ամենևին խրատ չեղաւ Շահեանի համար: Գրեթէ նոյնպիսի պայմաններում նա մի անգամ ևս հանդիպեց Ե-

ւային ու նրա մօրը և էլի ցոյց տուեց, թէ չտեսաւ նրանց: «Վերջապէս, բաւական է; այ ջրի տարած, մի քիչ մարդ եղիր», կատաղեց նա իր դէմ և մի անգամ էլ, երբ արդէն պատրաստուում էր «մարդ» լինել, էլի փորձանքի հանդիպեց: Բայց այս անգամ փորձանքն այնպիսի փորձանք էր, որից, հազար էլ ուզենար, չէր կարող խոյս տալ:

Կիրակի երեկոյ էր: Շահեանը դարձեալ դուրս էր եկել այն մտադրութեամբ (ասեմք, նա ուրիշ մտադրութիւններ չուներ), որ հանդիպէ Մարութեաններին, և շտապ քայլերով անցնում էր նրանց տան յարակից փողոցներից մէկով: Մարութեաններից ոչ ոքի չհանդիպելով, արդէն ապարդիւն էր համարել այդ երեկոյի աշխատանքը և պիտի ծռուէր միւս փողոցը, ուղղակի տուն վերադառնալու համար, երբ երկու փողոցների հէնց անկեանը յանկարծ երես առ երես հանդիպեց Եւային:

Շահեանը դողաց և կանգ առաւ. կարծես գող լինէր և յանկարծ բռնեցին նրան գողութեան տեղում:

—Ու՛՛՛՛՛՛՛, պարոն Շահեան,—բացականչեց Եւան:

—Ո՛վ գիտէ, մեր տուն էիք գնացել: Հո՛ւ:

—Ոչ, օրիորդ,—պատասխանեց Շահեանը, յանկարծակիի եկած:—Ես այստեղ... մէկի մօտ գործ ունէի...

—Կիրակի օր ի՞նչ գործ: Եկէք գնանք մեր տուն: Զարմանալի է. դուք կարծես թէ խուսափում էք մեզնից: Քանի անգամ մենք տեսել ենք ձեզ փողոցում, և դուք չէք կամեցել միւր բարև տալ:

—Ո՞րտեղ... Կրք... ի՞նչ էք ասում,—կմկմաց Շահեանը շփոթուած:—Ներողութիւն, երևի չեմ տեսել չէ՞ որ ես կարճատես եմ:

—Ու՛՛՛՛՛՛՛, ճիշտ որ,—ծիծաղեց Եւան:—Ես մոռա-

ցայ, որ դուք ակնոց էք կրում: Դէ գնանք. մենք այստեղ խանդարում ենք մարդկանց անցուղարձը: Տանը ոչոք չկայ. Աշխէնն է միայն: Կըգնանք, մի քիչ զրոյց կանենք: Գնանք:

—Դժբաղդարար...

—Կարծեմ, մեծ դժբաղդութիւն չէ: Ի՞նչ կայ որ: Կիրակի օր է. չեմ կարծում թէ ձեր գործը մի առանձին կարևորութիւն ունենայ: Մենակ մնալն ինձ համար ուղղակի սպանիչ բան է: Իսկ Աշխէնը շարունակ պարապում է: Բայց այս երեկոյ ես կըստիպեմ նրան, որ մեզ ընկերանայ: Գնանք:

Շահեանը քիչ չվախեցաւ, երբ իմացաւ, որ ոչ Մարութեանն էր տանը, ոչ նրա կինը. վախեցաւ առաւելապէս, երբ լսեց Աշխէնի անունը: Մի բոպէում պատկերացրեց իր առաջ երկու օրիորդների մէջ մենակ մնալու տխուր հեռանկարը և վճռեց միանգամայն խոյս տալ:

—Ոչ, օրիորդ... ես ամենայն ուրախութեամբ... Բայց... տանը կանհանգստանան,—կմկմաց նա նորից: Եւան քրքջաց իր բարձրահնչիւն ծիծաղով:

—Ի՞նչ էք ասում, պարոն Շահեան,—բացականչեց նա:—Աղջիկ խօ չէ՞ք... Սակայն, ես ձեզ չեմ ստիպում,—աւելացրեց նա լրջութեամբ:—Տեսնում եմ, որ դուք չէք ուզում գալ մեր տուն:

—Ընդհակառակը...

—Ուրեմն գնանք:

Շահեանը հետևեց Եւային չափազանց նուաստացած և ամօթահար: «Աղջիկ խօ չէ՞ք». Եւայի այդ խօսքերը և դրա հետ միասին նրա բարձրահնչիւն ծիծաղը մեխի պէս ցցուեցին Շահեանի ուղեղի մէջ, և նա զգաց, որ այդ սպանիչ խօսքերն աւ ծիծաղը երբէք չպիտի կարողանայ մոռանալ: Բայց այժմ այդ

մասին նա շատ քիչ էր մտածում. նրան մտահոգութիւն էր պատճառում այն հանգամանքը, թէ ինչպէս պիտի անցկացնէր մի քանի ժամ Եւայի և Աշխէնի մօտ, առանց Մարութեանի և նրա կնոջ:

— Գիտէ՞ք ինչ, պարոն Շահեան, — ասաց Եւան կամաց, երբ տուն հասան, և Շահեանը նախասենեակում հանում էր վերարկուն: — Մենք ուղղակի կրմտնենք Աշխէնի մօտ:

— Ասում էք պարապում է. չե՞նք խանգարիլ:

— Այդ քաջութիւնը ես եմ յանձն առնում:

Եւան մօտեցաւ Աշխէնի սենեակի դռան, նախ միջամատով թրխկթրխկացրեց, յետոյ կամաց բաց արեց և գլուխը ներս կոխեց: Շահեանը նրա ուսի վրայից տեսաւ Աշխէնին գրասեղանի մօտ նստած, լամպի լուսով գիրք կարդալիս:

— Կարելի՞ է, — հարցրեց Եւան:

Աշխէնը գլուխը բարձրացրեց գրքի վրայից և նայեց նրան:

— Ի՞նչ է, Եւա:

— Ես չեմ, հիւր է:

— Ո՞վ է:

— Պարոն Շահեանը: Կարելի՞ է:

— Եկէ՛ք, ինչո՞ւ չէք գալիս:

— Պարոն Շահեան, խնդրեմ:

Եւ Եւան ճանապարհ տուեց:

Շահեանը շօշափեց սիւրտուկի կոճակները և ներս մտաւ:

— Իսկ ես՝ իսկոյն, — ասաց Եւան և անյայտացաւ: Հիւանդոտ ժպիտը դէմքին, Աշխէնը բարևեց Շահեանին և աթոռ առաջարկեց, որ նստի:

Շահեանը յետ քաշեց աթոռը և նստեց:

— Կարծեմ, մենք խանգարեցինք ձեզ, — ասաց նա

և իսկոյն մտածեց, թէ ինչո՞ւ արտասանեց «մենք» բառը:

— Ոչ, ես արդէն յոգնել էի, — պատասխանեց Աշխէնը, լամպի պատրոյգը մի քիչ ցածրացրեց և նստեց իր առաջուայ տեղը:

Շահեանը լռեց: Նա մտածում էր, թէ այժմ ինչ ասի:

— Գիտէ՞ք, օրիորդն ինձ զօրով քարշ տուեց այստեղ, — ասաց նա և ծիծաղեց:

— Ինչո՞ւ զօրով: Ձէ՞ք ուզում գալ:

— Ոչ... Ընդհակառակը... Ուզում եմ ասել, որ փոքր ինչ գործ ունէի... Ասե՛նք, այնքան էլ կարևոր չէր:

Եւ Շահեանը նորից լռեց:

Աշխէնը նոյնպէս չէր խօսում: Նա, կարծես սաստիկ յոգնած, հանգստանում էր: Սակայն, դժուար էր որոշել՝ Աշխէնը յոգնած էր, թէ տխուր: Նրա երկայն դէմքն, ըստ սովորականին, խաղաղ էր վերին աստիճանի. կարծես մի ծանր վիշտ ունէր, որի հետ վաղուց հաշտուել էր, բայց որը խլել էր նրանից կեանքով և իր շրջապատով հետաքրքրուելու ընդունակութիւնը: Նա նստած էր անբռնազբօսիկ կերպով, լուռ ու անտարբեր և, ըստ երևոյթին, ամենևին ուշադրութիւն չէր դարձնում Շահեանի վրայ:

— Իսկ Շահեանը, սաստիկ նեղուելով իր դրութիւնից, շուտ-շուտ նայում էր դռան կողմը, սպասելով Եւայի վերադարձին, և դիտում էր սենեակը:

Սենեակը փոքր էր, համեստ, գրեթէ աղքատ կահաւորանքով, բայց լաւ տպաւորութիւն էր գործում: Աչքի էր ընկնում կարգ ու կանոն և վերին աստիճանի մաքրութիւն: Փղղոցի կողմը նայող երկու լուսամուտի տախտակէ փեղկերը փակ էին: Գրասեղանի

վրայ վառուող լամպի կապոյտ լուսամտի մէջ առաստաղն ու պատերը կիսից բարձր ներկել էր կապտաւուն գոյնով, որից սենեակի մէջ հանգուցիչ կիսախաւար էր տիրում: Պատերից մէկի մօտ դրուած էր գրքերի մի մեծ պահարան ալակեայ դռներով, բոլոր դարակները գրքերով լի: Գրասեղանի վրայ ճկճկում էր նիկէլի մի փոքրիկ, կանացի ժամացոյց դայթանի շղթայով: Շահեանի աչքովն ընկաւ լամպի տակ դրուած մի երիտասարդի լուսանկար գեղեցիկ կանգուն շրջանակի մէջ: Դարձեալ մի բան ասած լինելու համար, ուղեց հարցնել, թէ ով է այդ երիտասարդը, բայց վախեցաւ, որ դարձեալ չոր ու ցամաք պատասխան ստանայ և նորից նայեց դռան կողմը:

IX

Լուսթեան ճնշուցն արդէն անտանելի էր դառնում մինչև անգամ Աշխէնի համար, որը, ըստ երևոյթի, ամենևին ընդունակութիւն չունէր հիւր զբաղեցնելու, երբ իրեն յատուկ աշխոյժ քայլերով ներս մտաւ Շւան հագուստը փոխած: Նրա ներս բերած շարժումն այնքան կենդանարար էր, որ սենեակում տիրող կիսախաւարն անգամ, կարծես, պայծառացաւ:

— Չե՞ս դարմանում, Աշխէն, որ ես հայրիկին ու մայրիկին թողի այստեղ և տուն եկայ.— մտնելուն պէս ասաց նա և, մի աթոռ առնելով, նստեց հօրեղբօր աղջկայ մօտ:— Նրանք ուղում էին ինձ պահել այստեղ, որ յետոյ կլուր տանեն, բայց ես չուզեցի: Գալիս էի, որ նամակ գրեմ Արմենակին,— գիտե՞ս, այս շաբաթ ոչ մի նամակ չեմ գրել,— բայց ճանապարհին հանդիպեց պարոն Շահեանը, և մենք եկանք մի քիչ ժամանակ անցկացնելու քեզ հետ: Ի՞նչ էս կարդում.— Շւան մի

ձեռքով գրկեց Աշխէնի ուսը, գլուխն առաջ տարաւ և միւս ձեռքով բաց արեց գրքի երեսը:— Ընդհանուր պատմութիւն: Պարոն Շահեան, դուք չէ՞ք ձանձրանում: Գիտե՞ք ինչու եմ հարցնում.— որովհետև ես չափից դուրս շատ եմ խօսում,— ինչպէս մեր տանն ամենքը, բացի Աշխէնից,— և վախենում եմ, որ այս անգամ էլ շատ խօսեմ, թէև արդէն, կարծեմ, շատ եմ խօսում: Գիտե՞ք, ես ամեն բանից կարող եմ խօսել, թէ ինչպէս — այդ ուրիշ հարց է: Օրինակ, հէնց ընդհանուր պատմութիւնից, որից, այս էլ ասեմ, շատ բան մոռացել եմ: Կամ թէ — ձանձրանալու մասին: Պէտք է խոստովանուեմ, որ ես առնասարակ շատ խօսել սիրում եմ առաւելապէս այնպիսի բաների մասին, որոնց համար հարկաւոր է խելքին զօր տալ: Ի դէպ. խօսենք ձանձրանալու մասին: Այստեղ երեք հոգի ենք. տեսնենք ով ինչից է ձանձրանում: Գիտե՞ք, այսպիսի դատարկ բաների մասին խօսելիս մարդու ուղեղի մէջ երբեմն խելացի մտքեր են յղանում: Ես, օրինակ, ձանձրանում եմ, երբ մարդ չկայ մօտս, որ խօսեմ. Աշխէնը ձանձրանում է պարապ մնալուց, — այդպէս չէ, Աշխէն.— իսկ դ՞ուք ինչից էք ձանձրանում, պարոն Շահեան: Շատախօսներին:

Շահեանը ծիծաղեց:

— Չէ, հաւատացէք, պարոն Շահեան, խօսենք լըջօրէն: Չարմանալի է, Աշխէն. ինչո՞ւ, որ ես խօսում եմ, ամենքը կարծում են, թէ կատակ եմ անում: Հայրիկը խօ բոլորովին կատաղեցնում է ինձ: Դու էլ, ասենք, քիչ ու միչ... այնպէս, էլի... Տեսնում ես, ծիծաղեցիր: Պարոն Շահեանն էլ է ծիծաղում, տես: Հաւատացէք, պարոն Շահեան. եթէ իմ շատախօսութիւնը ձանձրացնում է ձեզ, քիչ կը խօսեմ, կաշխատեմ քիչ խօսել:

—Ընդհակառակը, օրիորդ:

—Ի՞նչ ընդհակառակը. որ իմ շատախօսոթիւնը դբադեցնո՞ւմ է ձեզ:

—Այո:

Եւան ուսերը վեր քաշեց:

—Այդ աւելի վատ: Ուրեմն դուք միայն գուարձանում էք ինձ վրայ և, գուցէ, թեթևսուլիկներից մէկն էք համարում ինձ:

—Ի՞նչ էք ասում, օրիորդ,—անկեղծ յանդիմանութեամբ նկատեց Շահեանը:

Եւան այս անգամ նայեց նրան շատ լուրջ կերպով:

—Նկատեցէք, պարոն Շահեան, ես շատ նեղանում եմ, երբ մարդիկ ճիշտ չեն ասում ձյն, ինչ որ մտածում և զգում են:

—Հաւատացնում եմ ձեզ, օրիորդ, ես ճիշտ եմ ասում:

—Ի՞նչն էք ճիշտ ասում. որ դուք գուարձանում էք իմ շատախօսութեան վրայ:

—Ո՛չ... Այսինքն... որ... ձեր շատախօսութիւնը ձանձրալի չէ ինձ համար:

Եւան յօնքերը սաստիկ բարձրացրեց:

—Ա՛, ուրեմն դուք ինձ իսկապէ՞ս շատախօս էք համարում: Շատ շնորհակալ եմ ձեր այդ կոմպլիմենտի համար:

Եւան այդ բառերն արտասանեց այնպիսի կոմիքական հանդիստ զարմանքով, որ Աշխէնը չկարողացաւ զսպել իր ծիծաղը:

Շահեանի դէմքը ճակնդեղի պէս կարմրեց, բայց նա էլ ժպտաց, զգալով հանդերձ, որ այդ չարաճճի աղջիկը, թերևս ակամայ, յիմարացնում է իրեն:

—Շատ բարի,—ասաց Եւան:—Երբ որ ես շատա-

խօս եմ, և իմ շատախօսութիւնը ձանձրալի չէ ձեզ համար, ես շատ կը խօսեմ, այնքան կը խօսեմ, մինչև որ ձանձրանաք: Դուք հեռու էք նստած, խնդրում եմ մօտիկ նստեցէք:

Շահեանը փոքր ինչ առաջ քաշեց աթոռը: Նա շարունակ ժպտում էր ինչ-որ բուրժ ժպիտով:

—Այժմ սկսե՛ք: Մենք պէտք է խօսենք ձանձրանալու մասին, այսինքն այն մասին, թէ մեզնից ով ինչից է ձանձրանում: Ասացի, որ ես ձանձրանում եմ, երբ մօտս մարդ չի լինում, որ խօսեմ. Աշխէնը ձանձրանում է պարապ մտալուց. իսկ դ՞ուք ինչից էք ձանձրանում, պարոն Շահեան:

—Ե՛ս... կեանքից,—դուրս թռաւ Շահեանի բերանից:

—Ինչ ասացի՞ք... կեանքից,—բացականչեց Եւան խիստ զարմացած: Նրա դէմքի վայրկենական փոփոխութիւնը պարզ ցոյց տուեց, որ նա ամենևին չէր սպասում, թէ կատակով արած իր այդ հարցմունքին այդպիսի պատասխան կը ստանայ:

Աշխէնը հետաքրքրութեամբ նայեց Շահեանի ակնոցին:

Իսկ Շահեանը թէ վախեցաւ և թէ շփոթուեց:

—Նկատեցէք, պարոն Շահեան, մենք այժմ արդէն կատակով չպէտք է խօսենք,—զուրշացրեց Եւան խօսակցութեան թեթև տոնը լրջութեան փոխելով,—որովհետև դուք շատ լուրջ բան ասացիք:

Շահեանի երկիւղն աւելացաւ. նա զգաց, որ թուկարդն է ընկնելու և, այդ բանից խոյս տալու համար, ուզեց կատակի ձև տալ իր ասածին: Բայց Եւան պինդ բռնեց նրան:

—Ես չեմ թոյլ տալ, որ դուք յետ կանգնէք ձեր ասած խօսքից, պարոն Շահեան, որովհետև ես չափից

դուրս սիրում եմ կեանքը, իսկ դուք ասացիք, որ ձանձրանում էք կեանքից և, որքան նկատեցի, կատակով չասացիք այդ: Ինձ համար շատ հետաքրքրական է իմանալ, թե ի՞նչպէս կարելի է ձանձրանալ մի բանից, որը միայն մի անգամ է տրւում մարդու: Կեանքը... Չէ՞ որ այդ ես եմ, այդ դուք էք, այդ այս գիրքն է: այս թանաքամանը, այս լուսանկարը,—իմ եղբայրը,—ամբողջ տիեզերքը, այն բոլորը, ինչ որ տեսնում, շոշափում և զգում եմ... Ի՞նչպէս կարելի է ձանձրանալ այս բոլորից... Խնդրում եմ բացատրեցէք:

Շահեանք կատարելապէս վախեցաւ:

—Հաւատացնում եմ, օրիորդ, ես իսկապէս կատակ արի,—այս անգամ ուղղակի ուղեց խոյս տալնա:

—Ո՛չ, ո՛չ: Խնդրում եմ բացատրեցէք: Դուք կատակ չարիք, ո՛չ: Դուք է ես չեմ ճանաչում կեանքը, դուցէ սխալ է կեանքի մասին իմ ունեցած հասկացողութիւնը: Դուք չգիտէք, թէ որքան հարցասէր եմ և որքան ուզում եմ միշտ նոր բան իմանալ, նոր բան սովորել: Դուք տղամարդ էք և անշուշտ անհամեմատ աւելի փորձուած էք, աւելի լաւ էք ճանաչում կեանքը, քան թէ ես: Խնդրում եմ: Ինչո՞ւ է կեանքը ձեզ ձանձրալի թւում:

Ճար չկար: Շահեանք սիրտ տուեց իրեն և վճռեց ասել այն բոլորը, ինչ որ իր տաղտկալի կեանքի մէջ, իր սիրած յոռետես փիլիսոփաների գրուածքների ընթերցման ազդեցութեան տակ, մշտական խորհրդածութեան նիւթ էր դարձել իր պարապ ուղեղի համար: Մտքերն արդէն պատրաստ էին, թէև խառնիշփոթ, և այդ մտքերն այժմ աւելի խառնուում ու շփոթւում էին Եւայի յամառ հարցապնդումների առաջ:

—Ես նոր բան չպիտի ասեմ, օրիորդ,—սկսեց նա ակնոցն ուղղելով: Ժպիտան արդէն չբացել էր նրա դէմ-

քից, և այդ դէմքը մտքի բռնի լարուած դրուժիւն էր արտայայտում:—Կեանքն առհասարակ ձանձրալի է... Ամեն մարդ ձեզ նոյնը կասի:

—Ես, օրինակ, տեսնում էք. նոյնը չեմ ասում:

—Դուք... այո... բայց... Մինչև անգամ ամենալաւատես մարդը չեմ կարծում, թէ գո՞հ լինի կեանքից... եթէ միայն, ի հարկէ, նա չի կեղծում:

—Հաւատացնում եմ ձեզ, ես չեմ կեղծում, իսկ ես այնքան լաւատես եմ, այնքան լաւատես...

—Ես ձեզ համար չեմ ասում, օրիորդ: Ես կատարելապէս հաւատացած եմ, որ դուք երբէք չէք կեղծում: Ես խօսում եմ գլխաւորապէս իմ մասին: Ասացի, որ ձանձրանում եմ կեանքից: Ձանձրանում եմ ինչո՞ւ: Որովհետև... նրա համար, որ... տեսնում եմ, որ... ամեն բան ունայն է... բացարձակ ունայնութիւն է տիրում աշխարհիս երեսին... սկսած թաղաւորի պալատից մինչև ամհնավերջին մուրացկանի խրճիթը... բացարձակ ունայնութիւն... մնայուն ոչինչ չկայ:

Զարմացած, մեծ աչքերով Եւան անթարթ նայում էր Շահեանի ակնոցին և ահազին հետաքրքրութեամբ սպասում էր, թէ նա կըշարունակի. բայց Շահեանը նրա հայեացքի ազդեցութեան տակ կորցրեց իր մըտքերի պաշարը և լռեց:

—Յետո՛յ, յետո՛յ: Շարունակեցէք խնդրեմ,—բացականչեց Եւան:

—Էլ ի՞նչ շարունակեմ: Ասացի, էլի...

—Չէ, սպասեցէք: Այդ այնքան հետաքրքրական նիւթ է, որ ես կուզէի աւելի շատ բան իմանալ ձեզնից: Սպասեցէք: Ուրեմն կեանքը ձեզ ձանձրալի է թւում նրա համար, որ ամեն ինչ ունայն է աշխարհիս երեսին, որ մնայուն ոչինչ չկայ:

—Այո:

Մտեր

— Զարմանալի է... Շատ լաւ: Բայց մի՞թէ իսկապէս մնայուն ոչինչ չկայ:

— Ի՞նչ կայ:

— Ի՞նչպէս թէ ինչ կայ: Նախ ասացէք, խնդրեմ, մնայուն ասելով ի՞նչ էք հասկանում:

— Մնայուն... Ա՛յն, որ... մնում է, չի մեռնում:

— Շատ լաւ: Եւ դուք մնացող, չմեռնող ոչի՞նչ չէք գտնում աշխարհիս երեսին:

— Ոչինչ:

— Ի՞նչ էք ասում, պարոն Շահեան: Հապա լաւ գործը, լաւ անունը, լաւ յիշատակը—մի՞թէ դրանք չեն մնում, մի՞թէ դրանք մեռնում են: Մի՞թէ մեռած են, օրինակ, այս թանաքի, այս գրչի, այս գրերի հնարողները, որոնց շնորհիւ ես կարողանում եմ իմանալ ոչ թէ միայն այն, թէ ինչ է կատարուել ինձնից դարեր առաջ, այլ և կարող եմ հաղորդել ինձնից դարեր յետոյ գալիք սերնդին, թէ ինչ է կատարուում այժմ: Մի՞թէ մեռած է այս լուսանկարչութեան հնարողը, որի շնորհիւ ես ամեն բոպէ, ամեն վայրկեան, երբ կամենամ, կարող եմ տեսնել իմ սիրասուն եղբօր պատկերը այնպէս, որ կարծես թէ նա կանգնած լինի առաջս: Ո՛ր մէկն ասեմ, կարելի է մի՞թէ միառմի թուել: Եթէ մենք լաւ նայենք մեր շուրջը, լաւ քննենք մեզ շրջապատող առարկաները, հէնց թէկուզ այս չնչին լուցկին, որի շնորհիւ մենք միշտ կարող ենք կրակ ու լոյս ունենալ,—մենք կը տեսնենք, որ այս բոլոր առարկաներից ամեն մէկը կապուած է մի լաւ գործի, մի լաւ անուան, մի լաւ յիշատակի հետ, որը մեռած չէ և երբէք էլ չի մեռնիլ, քանի մարդկութիւնը գոյութիւն կունենայ: Ես այսպէս եմ կարծում: Իսկ դուք, պարոն Շահեան, խնդրում եմ, դձուք ինչ էք կարծում: Մի՞թէ

լաւ գործը, լաւ անունը, լաւ յիշատակը, յիշաւի, չեն մնում, մեռնում են:

Շահեանը դարձեալ ուղղեց իր ակնոցը:

— Լաւ գործը, լաւ անունը, լաւ յիշատակը... իհարկէ, դրանք, կարելի է ասել... մնում են, չեն մեռնում. բայց... միշտ չէ... մի որոշ ժամանակ... բայց... պէտք է ասել, որ... էլի մեռնում են:

Եւան դարձեալ սպասեց, որ նա կը շարունակի, բայց տեսնելով, որ էլ ոչինչ չի ասում, դարձեալ ինքը խօսեց:

— Շատ լաւ: Ուրեմն դուք ուզում էք, որ ամեն բան յաւիտեան մնայ, երբէք չմեռնի:

— Այո:

— Մարդն է՞ր:

— Մարդն է՞ր:

— Եւ, ձեր կարծիքով, ամէն, ամէն բան մեռնում է:

— Ամեն բան:

Եւան ծիծաղեց և նայեց Աշխէնին:

Աշխէնը շարունակում էր հետաքրքրութեամբ նայել Շահեանին: Շահեանը նրա տարօրինակ յամառ հայեացքից և շարունակ լուռ մնալուց աւելի էր շփոթւում, քան թէ Եւայի անհանգիստ, արագ հարցովորձերից:

— Ներողութիւն, պարոն Շահեան,— ասաց Եւան ժպտալով:— Ինձ թւում է, թէ մենք շեղուեցինք մեր խօսակցութեան նիւթից. մենք սկսեցինք խօսել ձանձրանալու մասին... չէ, դուք պէտք է խօսէիք այն մասին, թէ ինչո՞ւ էք ձանձրանում կեանքից, և եկանք հասանք մինչև ամեն բանի մեռնելը... թէ՞ չմեռնելը: Այդպէս չէ:

Շահեանն ակամայ ժպտաց:

—Այդպէս է:

—Բայց քիսս չունի. դուք աւելի լուրջ բանի մասին սկսեցիք խօսել. այդ աւելի է հետաքրքրում ինձ: Շարունակենք: Չէ, սպասեցէք: Գիտէ՞ք ձեր խօսքերն ինչ սպաւորութիւն են գործում ինձ վրայ: Ինձ թւում է, թէ դուք ինչ-որ սարսափելի բաներ գիտէք, որ չէք ուզում ուղղակի ասել, երևի նրա համար, որ վախենում էք, թէ ես կըհիասթափուեմ: Հա:

Շահեանը դարձեալ ակամայ ժպտաց:

—Այո, օրիորդ:

—Իզուր, բոլորովին իզուր: Դուք ինձ ճշմարտութիւնն ասացէք, և ես չափազանց շնորհակալ կըլինիմ ձեզնից: Ի՞նչ անենք. թէ հիասթափութիւնը ծանր կըլինի: Աւելի լաւ չէ՞ ճշմարտութիւնն իմանալ, քան թէ սուտ երազներով ապրել: Իմ բնաւորութեան՝ չգիտեմ ամենալաւ, թէ ամենավատ կողմն այն է, որ ես հաւատում եմ անպայման, կուրօրէն, եթէ կեղծ ոչինչ չեմ գտնում. իսկ եթէ տեսայ, որ կեղծ է—պրծաւ: Ուստի խնդրում եմ, ինչ որ տեսնու էք, ասացէք պարզ անկեղծ. ասացէք այնպէս, ինչպէս ձեզ կասէիք: Խնդրում եմ—ի՞նչ գիտէք:

Շահեանը կատարելապէս կրակն էր ընկել. նա տեսնում էր, որ ինքն իսկապէս ոչինչ չգիտէ, ոչինչ չէ կարող ասել: Այդ հարցասէր աղջիկն իր ջերմ հետաքրքրութեամբ բոլորովին խճճում էր նրա դանդաղ միտքը: Նա լիովին զգում էր իր մտաւոր բոլոր թուլութիւնը եւայի՛ կայծակի պայծառ ցոլացումների պէս թռչկոտող ճկուն մտքի առաջ, իսկ միւս կողմից տեսնում էր Աշխէնի յամառ, ճնշող հայեացքն իր ակնոցի վրայ քարացած:

—Ոչ, օրիորդ, աւելի լաւ է, ուրիշ բանի մասին

խօսենք,—ասաց նա, վճռելով այս անգամ բոլորովին խոյս տալ:

—Ոչ, ոչ, ոչ: Աղաչում եմ, պարոն Շահեան: Համարեցէք, թէ ես ձեր աշակիրտուէին եմ և բան եմ ուզում սովորել ձեզնից: Ինչո՞ւ դուք ուշադրութիւն էք դարձնում այն հանգամանքի վրայ, որ ամեն բան մեռնում է աշխարհիս երեսին, և ինչո՞ւ ուզում էք, որ ոչինչ չմեռնի:

—Մի՞թէ դուք չէք ուզում:

—Ա՛խ, ի՞նչպէս չէ: Կեանքն այնքան սիրելի է... Որքան էլ տխրալի բան է մահը, որքան էլ ես վախենում եմ մեռնելուց, այնուամենայնիւ հաշտում եմ, որովհետեւ տեսնում եմ, որ ուրիշ կերպ չի լինում, ուրիշ կերպ չի կարող լինել, և այդ պատճառով աւելի ևս սիրում եմ կեանքը: Բայց դուք այդպէս չէք երեւում. դուք յուսահատում էք, ձանձրանում էք, չէք սիրում կեանքը: Ինչո՞ւ,—ինչո՞ւ—հարցնում եմ ձեզ:

—Հաւատացնում եմ, օրիորդ, լաւ կըլինի, որ այս մասին չխօսենք,—ասաց Շահեանը, կարծես աղերսելով, որ նա խնայէ իրեն:

Բայց եւան իր պարզամտութեամբ չհասկացաւ նրա միտքը:

—Է՛հ,—արտասանեց նա, թեթեւ նեղացած:—Իմ տեղ դուք էք վախենում:

—Ես չեմ վախենում, օրիորդ, այլ ուզում եմ, որ... այնպիսի տխուր բաների մասին չխօսենք... Վերջապէս ես մտադիր չեմ երկար խօսելու... և նոր բան էլ չպէտք է ասեմ: Ես միայն այս եմ ասում, որ... կեանքն ինքնըստինքեան յուսահատեցուցիչ է (Շահեանն այդ բառն արտասանեց լիզուի ծիծաղելի խրճճումներով, որից նա աւելի շփոթուեց), որովհետեւ...

ընդհանուր բացարձակ ունայնութեան գիտակցութիւնը չափից դուրս արդէն ճնշում է մարդուս...

—Ընդհանուր բացարձակ գիտակցութիւնը,—մըտառութեամբ կրկնեց Եւան:—Ներողութիւն, ինչպէս ասացիք:

—Ընդհանուր բացարձակ ունայնութեան գիտակցութիւնն, ասացի, չափից դուրս ճնշում է մարդուս:

—Ընդհանուր բացարձակ... ունայնութեան... գիտակցութիւնը... Սպասեցէք մտածեմ:

Եւ Եւան, անթարթ նայելով Շահեանի ակնոցին, դարձեալ նոյն մտառութեամբ կրկնեց հատ-հատ այդ բառերը, որի ժամանակ նա գլուխը յետ ու առաջ էր շարժում:

—Այսինքն դուք ուզում էք ասել, որ մարդ գիտէ, որ ամեն բան ունայն է, և ճնշում է այդ գիտակցութիւնից:

—Այո:

—Շատ լաւ: Յետոյ:

—Յետոյ ինչ:

—Ուրիշ ոչինչ:

—Ուրիշ ոչինչ:

Եւան նորից տարակուսանքով վեր քաշեց ուսերը և ստոեց:

—Ես ծուծն եմ ուզում, դուք միայն ընդհանուր բառեր էք ասում: Լաւ, այլևս չխօսենք այս մասին. ես չեմ ուզում ձեզ ստիպել:

Եւ Եւան վերկացաւ, կանչեց աղախնուն և պատուիրեց, որ թէյ բերի:

Նրա այդպէս յանկարծ սառչելը սպանիչ ազդեցութիւն ունեցաւ Շահեանի վրայ: Երբէք այնպէս որ դորմելի, այնպէս մտավախ չէր թուացել ինքն իր աչքում, ինչպէս այդ բոստիկն:

Կարճ ժամանակ տիրեց նրա համար վերին աստիճանի ծանր լուսթիւն:

—Ներողութիւն, պարոն Շահեան,—լուսեց Աշխէնի սովորական հանգիստ ձայնը.—ուզում եմ ձեզ մի բան հարցնել:

Շահեանն իր պլպլան ակնոցի միջից նայեց նրան և դողաց:

—Հրամայեցէք,—ասաց նա, թուքը ցամաքած:

Աշխէնն իսկոյն չսկսեց իր ասելիքը: Նա խոնարհուեց գրասեղանի վրայ և մատներով սկսեց խաղալ առջևը դրած գրքի թերթերի հետ:

Շահեանը սպասում էր: Այդ օտարոտի հանգիստ աղջկայ խօսելու հանդիսաւոր եղանակն ուղղակի սարսափեցնում էր նրա վախկոտ միտքը:

Եւան կանգնել էր հեռու և մեծ հետաքրքրութեամբ սպասում էր նոյնպէս, թէ ինչ է ասելու հօրեղբոր աղջիկը:

—Ասացէք խնդրեմ,—վերջապէս սկսեց Աշխէնը և կանգ առաւ:—Ներողութիւն,—միջանկեալ ասաց նա,—որ ես ուզում եմ դառնալ ձեր շօշափած հարցին, հէնց թէկուզ միայն նրա համար, որ մի որոշ եղբակացութեան բերենք Եւային:—Նա բարձրացրեց գլուխը, նայեց Եւային, ժպտաց և, նորից հանգիստ կերպարանք ընդունելով, շարունակեց խաղալ գրքի թերթերի հետ:

—Ասացէք խնդրեմ, պարոն Շահեան. ընդհանուր բացարձակ ունայնութեան գիտակցութեան տակ—ինչպէս դուք ասացիք—չճնշուելու դէմ միթէ դուք միջոց չե՞ք գիտէք:

—Միջոց:

—Այո:

—Ո՞րն է այդ միջոցը:

—Այդ միջոցը: Ես կարծում եմ այն պիտի լինի, որ կոչւում է ձգտում

—Ձգտում:

—Այո—ձգտում:

—Ի՞նչ ձգտում: Ձգտումներ շատ կան:

—Այդ միևնոյն է: Հէնց թէկուզ, օրինակի համար, այնպիսի մի ձգտում, որի իրագործումը կարող էր երջանկութիւն բերել ոչ թէ լուկ ձեզ, այլ և ուրիշի համար, որքան կարելի է շատերի, օրինակ՝ այն հասարակութեան կամ ազգի համար, որին պատկանում էք դուք... Միթէ դուք այդպիսի ձգտում չունիք:

Շահեանի ձեռքերը դարձեալ բարձրացան դէպի ակնոցը:

—Միթէ այդպիսի ձգտումը կամ առհասարակ որևէ ձգտում կարող է դեղ լինել ունայնութեան դէմ... այսինքն ուզում էի ասել—ունայնութեան դիտակցութեան ճնշման դէմ,—ասաց նա և ինքն էլ չհասկացաւ, թէ ինչու ժպտաց:

Աշխէնը նայեց նրան:

—Ես կարծում եմ, որ կարող է,—պատասխանեց նա և նոյնպէս ժպտաց. բայց նա հասկացաւ, թէ ինչու ժպտաց:

Շահեանն էլ հասկացաւ նրա ժպտի իմաստը և զգաց, որ տաք արիւնը յանկարծ սկսեց այրել իր դէմքը: Այնուամենայնիւ հարցրեց այս անգամ մեքենայաբար:

—Ի՞նչպէս:

Աշխէնը գիրքը յիտ քաշեց առաջից:

—Շատ հասարակ կերպով: Ձգտումներ ունեցող մարդը ժամանակ չի ունենում ունայն բաների մասին մտածելու, հետևաբար նրա մէջ ունայնութեան դիտակցութեան ճնշում էլ չի լինում: Եթէ չեմ սխալւում, այդպէս է:

Եւ Աշխէնը նորից ժպտաց: Որքան մեղմ, նուրբ էր նրա ժպտը, այնքան աւելի սպանիչ էր Շահեանի համար:

Շահեանը, մահուան ցնցումների մէջ եղած մարդու նման, հաւաքեց իրեն և վերջին ճիգը թափեց, որ պահպանի իրեն կատարեալ անկումից:

—Բայց... ունայնութեան մէջ... ի՞նչ ձգտում... և ինչի՞ է պէտք այդ,—թոթովեց նա:

Աշխէնն անլ ևս չէր դադարում ժպտալուց: Նա կարծես երեխայի հետ էր խօսում:

—Ինչ ես ձեզ կասեմ, պարոն Շահեան, թէ ձգտումներ մէջ ի՞նչ ունայնութիւն և ինչի՞ է պէտք այդ մասին մտածելը...

Ամեն ինչ կատարեալ էր: Վարագոյրի վերջին ծալըն էլ բացուեց, և Շահեանը նուազատացած տեսնում էր, որ ուրիշի աչքերից այնքան խնամքով ծածկած իր ներքին ողջութիւնը դրուած է բնմի վրայ այդ երկու օրիորդների առաջ, որոնցից մէկը նայում է և ժպտում, միւսը նայում և ապշում:

Նա այլ ևս ապարդիւն համարեց այդ նիւթի մասին խօսելը կամ, աւելի ճիշտն ասած, նրան այլ ևս չխօսեցրին այդ մասին: Ձգաց, որ իրեն հասկանում են և խղճում:

Աղախինը ներս բերեց թէյը: Շահեանը մեքենայաբար վերցրեց իր բաժակը, թէև մի ունայն խմելու էլ ախորժակ չէր զգում:

Աշխէնը վարպետութեամբ փոխեց խօսակցութեան նիւթը և, զարմանալի է, այս անգամ խօսողը զրեթէ նա էր միայն: Մեղմ ժպտան ամենևին չէր հեռանում նրա խաղաղ դէմքից. նա կարծես նստած էր երեխաների մէջ և մանկական զուարթ հեքիաթ էր պատմում, նրանց զբաղեցնելու համար: Բայց այդ հեքիաթի զը-

ւարթութիւնը գուցէ ինքն էր միայն, որ զգում էր:

Եւան նորից նստել էր նրա մօտ և այլ ևս ոչ մի աշխոյժ չէր ցոյց տալիս: Նրա այնքան շարժուն դէմքը սառել, բայց աւելի շնորհալի գեղեցկութիւն էր ստացել: Նա գրեթէ չէր խօսում այլ ևս, այլ միայն խոշոր, լուրջ աչքերով նայում էր Շահեանի ակնոցին յամառօրէն, կարծես մտածում էր զարմանքով, թէ ինչո՞ւ է այդ ակնոցը դրուած նրա աչքերին:

Շահեանն իր ուղտի տաժանելի համբերութեամբ հաշուում էր ըրողները և սպասում էր, թէ երբ պիտի հասնի այն յարմար բոլէն, երբ ինքը կարող կը լինի վերկենալ և հեռանալ այդ անտանելի պատժարանից:

Եւ հասաւ, վերջապէս, այդ ըրողէն, և փախաւ նա:

Դա տղամարդու բարոյական ոչնչութեան մի փախուստ էր կնոջ, հետեաբար աւելի զօրեղ, բարոյական ոյժի հալածանքից:

X

Մի կատարեալ դժոխք էր, որ այդ երեկոյ Շահեանը տարաւ իր մէջ Եւայի և Աշխէնի մօտից: Այդ չարաբաստիկ երեկոն դրոշմուել էր նրա ուղեղի մէջ իբրև մի անտանելի ծանր յիշատակ, որ շուտ չի մոռացւում: Նրա ինքնասիրութիւնը չափից դուրս նեղ էր և զգայուն. նա չափից դուրս ներքին, փակ կեանքով էր ապրում, որպէս զի այդ երեկոյի յիշատակն երկար ժամանակ սպանիչ ազդեցութիւն չունենար նրա վրայ: Ամեն ըրողէ, ամեն վայրկեան զգում էր, թէ դեռ ևս նստած է Աշխէնի սենեակում, տեսնում է Աշխէնին ու Եւային այն դրութեամբ, ինչպէս որ դրանք ներկայանում էին նրան այդ երեկոյ—մէկին՝ մեղմ, խորհրդա-

ւոր կերպով ժպտալիս, միւսին՝ հիասթափութեան ապշութեամբ իրեն դիտելիս: Տեսնում էր և իրեն՝ դասը չիմացող աշակերտի պէս ողորմելի դրութեան մէջ կուչ եկած, լեզուն հազիւ շարժելիս, անդադար կարմրելիս: Ի՞նչ խայտառակ դրութիւն...

Դա մահ էր, բարոյական մահ՝ թելադրուած այն դիտակցութիւնից, որ իր հոգեկան ու մտաւոր մնանկութիւնը հրապարակ էր հանուել իբրև ծաղրի, հիասթափութեան ու խղճահարութեան առարկայ: Եւ հրապարակ հանողներն ուղքեր էին.—երկու աղջիկ... իսկ իր անունը երիտասարդ էր, տղամարդ... Բարոյական մի թեթև հարուածով այդ երկու աղջիկը տեղից շարժել էին անշարժութեան մէջ փտած երիտասարդին, ցնցել էին նրա թմրած ուղեղը և միմիայն այն պատճառով, որ իրենք կին էին և իրենց կին տեղովը նրան կեանքի նպատակն էին ցոյց տալիս,—տակն ու վրայ էին արել նրա ամբողջ էութիւնը:

Ամօթը սպանում էր Շահեանին: Սեպհական ապիկարութեան դիտակցութիւնը շիկացած երկաթի պէս շանթում էր նրա ուղեղը:

Թերևս այդ փտած սրիտասարդի մէջ ևս խօսում էր տղամարդու անձնապաստանութիւնը,—գարեբից ի վեր որոշ հանգամանքների շնորհիւ տղամարդու մէջ զարգացած այն մեծամտութիւնը, թէ կինը կարող չէ իր հասկացողութեամբ, ոգով ու զաղափարներով բարձր լինել տղամարդուց...

Իր հոգու ամբողջ կարողութեամբ Շահեանն սկսեց ատել իրեն: Նրա նեղ ինքնասիրութիւնն իր ողորմելի անզօրութեան մէջ դարձաւ իր հակառակ ծայրին—փոխուեց ինքնատեսցութեան:

Սակայն նրա ատելութիւնն իրենով միայն չսահմանափակուեց, նա սկսեց միաժամակ ատել ամենքին

և ամեն ինչ, և ամենից աւելի նրանց, որոնք իր պէս մի անհիւթ ու անալի արարած էին լոյս աշխարհ բերել, կարծես, նրան համար միայն, որ մարդիկ խղճահարութեան մի առարկայ ունենային:

Այժմ նա արդէն կատարեալ պատիժ դարձաւ իր ծնողներին գլխին. բառիս բուն նշանակութեամբ նա լացացնում էր հօրն ու մօրը և, կարծես, մխլթարուժ էր նրանց արտասուքով: Շատ անգամ չէր ուզում տեսնել նրանց երեսը և սպառնում էր կատաղած, որ, եթէ նրանք այս կամ այն կերպ կանհանգստացնեն իրեն, կըզնայ շուրջ կընկնի կըխեղդուի, ատրճանակ կըպարպի իր ճակատին, թոյն կըխմի, մի խօսքով—վերջ կըտայ իր ատելի և անտանելի կեանքին, որպէսզի, վերջապէս, ազատուի նրանց և աշխարհի ձեռքից:

Շահեանը գլխից իսպառ հանեց Մարութեաններին հետ իր բարեկամութիւնը շարունակելու միտքը: Այդ ընտանիքը, որի մասին հրճուանքով էր մտածում իր նոր ծանօթացած ժամանակ, այժմ միանգամից կորցրեց նրա աչքում իր բոլոր գրաւչութիւնը: Այժմ ոչ միայն չէր ցանկանում Մարութեաններին այցելել, ոչ միայն չէր ձգտում թափառել նրանց տան մօտակայ փողոցներում՝ նրանց գէթ հեռուից տեսնելու տենչով լցուած, այլև, եթէ հնար լինէր, իսպառ կըջնջէր այդ ընտանիքն իր յիշողութիւնից և նորից կըզառնար իր նախկին կեանքին, ուր թէև մխլթարական և ցանկալի ոչինչ չկար, բայց և չկար գոնէ սեպհական ոչնչութեան զիտակցութեան և անձնաքննութեան ծանր ճնշում:

Շահեանի մէջ վառուող ինքնատեացութեան զգացումը, կամաց-կամաց բթանալով, փոխուեց խոր մեղամաղձութեան: Այդ այն զարհուրելի մեղամաղձութիւնն էր, որի ժամանակ մարդու հոգին կաշկանդուում

է, միտքը թմրում, զգացմունքները բթանում, աշխարհը մոռնի է թւում, կեանքն—անտանելի, մահը ցանկալի:

Շահեանի համար նոր չէր հոգեկան այդ դրութիւնը. համարեա պատանեկական հասակից նա շատ յաճախ ենթարկուում էր այդ դրութեան, որը մի տեսակ հոգեկան պարբերական հիւանդութիւն էր դարձել նրա համար և միշտ երևան էր գալիս այն ժամանակ, երբ կեանքի միտքէ նոր երևոյթ, նոր ծանօթութիւն առիթ էր տալիս նրան անձնաքննութեան: Երբեմն ամբողջ օրեր շարունակ այդ դրութեան մէջ էր լինում, այնպէս որ սարսափում էր, թէ մի գուցէ խելագարուի: Իսկ նա ոչ մի բանից այնքան չէր սարսափում, որքան խելագարութիւնից:

Աշխարհից հեռացած ճգնաւորի պէս, Շահեանը փակուեց իր սենեակի չորս պատերի մէջ, փակուեց այնպէս, որ, կարծես, մտադիր չէր այլևս դուրս գալ այնտեղից: Անձնատուր եղած ծանր ու ճնշող մտածմունքները, գրեթէ ամբողջ օրը նստած էր մնում լուսամտի առաջ և ապակու միջից մտայլ հայեացքով նայում էր դուրս: Եւ դուրսը ուրախառիթ ոչինչ չէր գտնում:

Դաժան ձմռան գուժաբեր աշունն օր օրի վրայ խստանում էր: Արևը, զրկուած իր կենարար ջերմութիւնից, չէր համարձակուում դուրս նայել պղտոր ամպերի ետևից, որոնց ցուրտ քամին, պատառ-պատառ անելով, ցան ու ցիր էր անում, սակայն երբէք թոյլ չաւալով, որ նրանք բաց անեն երկնքի կապուտակը: Երբեմն քամին տեղի էր տալիս հանդարտ եղանակի. բայց այդ հանդարտ եղանակն աւելի ևս մտայլ էր լինում, արձձագոյն մառախուղը թանձր գոլորշու նման վաղ առաւօտից ծանրութեամբ իջնում էր ներքև, ծած-

կում էր ամբողջ տարածութիւնն երկնքի և երկրի միջև, շարժում էր անախորժ սառնութեամբ և իր թանձրը խոնաւութիւնից փոշենման անձրև էր կտրւում տեղն ու տեղը: Բնութիւնն էլ, կարծես անիծելով իր կեանքը, ողբում էր իր գոյութիւնը, ինչպէս իր անմիտ գոյութիւնը ողբում էր Շահեանը: Շահեանին թրւում էր, թէ մի չար ձեռքով իր հետ ստեղծուած բնութիւնն էլ տանջւում է իր ոչնչութեան գիտակցութիւնից և երջանիկ կըլինէր, եթէ զրկուէր իր մէջ ապրող և իրեն ապրեցնող կենսական ոյժից և սառէր, անհետ կորչէր տիեզերքի և ժամանակի անվերջ տարածութեան մէջ:

Շահեանը յիշեց իր սիրած յոսետես փիլիսոփաներին, որոնց առժամանակ մի կողմն էր դրել և կարգում էր գլխաւորապէս այն ժամանակ, երբ իր անշարժ, միակերպ կեանքն արդէն չափից դուրս տաղտկալի էր թւում նրան: Իր դատարկ հոգու մխիթարութիւնը դրանց գրուածքների մէջն էր գտնում: Համաշխարհային թշուառութեան և բացարձակ բացասութեան այդ ողբերգակներն իսկևիսկ նրա սրտիցն էին ջուր խմում, և նա ազահութեամբ լափում էր դրանց մռայլ ուղեղի մռայլ արտադրութիւնները, չնայելով որ դրանք շատ տեղ այնքան խորիմաստ էին, որ նրա սահմանափակ և դժուարաշարժ ուղեղը միայն անորոշ ու մութ հասկացողութիւններ էր դուրս բերում:

Մի գիշեր, երբ, անկողնում պառկած, կարգում էր Շոպենհաուէրի վարդապետութիւնը բացատրող ուսեսերէն մի գրուածք, յանկարծ խելքին փչեց, որ թարգմանի այդ գրուածքը: Այդ միտքը կամաց-կամաց այնպէս պաշարեց նրան, որ վերջիվերջոյ վերկացաւ անկողնից, լամպը տեղափոխեց գրասեղանի վրայ և նրսկող էին սկսի: Այդ գիշեր մեծ տանջանքով և տեց, որ գործն սկսի: Այդ գիշեր մեծ տանջանքով և

անդադար բառարանների նայելով թարգմանեց մօտ երկու երես, մինչև որ նրա սաստիկ լարուած միտքը բթացաւ և աչքերի կոպերը ծանրացան: Ժամը երեքն էր, որ ճրագը հանգցրեց և պառկեց քնելու իր կատարած գործից գոհ մարդու խաղաղ երջանկութեամբ: Առաւօտեան սովորականից վաղ վերկացաւ և թարգմանութիւնը շարունակեց:

Գրուածքը վերաբերում էր մահուան և անմահութեան փիլիսոփայական բացատրութեան: Շահեանը կարծում էր, որ իր գործն առաջ է գնում անսպասելի աջող կերպով: Գոնէ մի առանձին դժուարութիւն չէր կրում այն տեղերում, ուր հեղինակն առաջ էր բերում խնդրի էմպիրիկական տեսակէտը, որովհետև այդ տեղերում շոպենհաուէրեան փիլիսոփայութիւնը հիմնւում էր ամեն մարդու հասկանալի բնական առօրեայ երեւոյթների վրայ: Իսկ այն տեղերում, ուր խնդիրը քնննւում էր մետաֆիզիկայի, հոգեփոխութեան, զանազան կրօնների և այլ դժուարամարս տեսակէտներից, Շահեանը պարզապէս բան չէր հասկանում:

Այսպէս, թէ այնպէս, Շահեանն այժմ հոգու կայտառութիւն էր զգում: Առաջին անգամն էր, որ ճակուտ էր սեպհական աշխատանքի քաղցրութիւնը: Իր անընդունակութեան գիտակցութիւնն այլևս չէր հալածում նրան. նա տեսնում էր, որ կարող է գործ կատարել և կատարում էր, և զարմանում էր, թէ ինչպէս կարողացել էր մինչև այժմ սպանել իր ժամանակը պարապ:

Նա այժմ դուրս էր գնում փողոց բաց ճակատով, անցնում էր մարդկանց առաջով հպարտօրէն, անցնում էր առանց շտապելու, որովհետև այժմ ամենևին երկիւղ չուէր, թէ մարդիկ նրա դանդաղ քայլերից կարող էին եզրակացնել, թէ պարապ է. ինքը համոզուած

էր, որ գործ է կատարում, իսկ թէ մարդիկ ինչ կը-
կարծէին, — այդ նրա հոգը չէր այժմ: Նա միայն մի
բանի մասին էր հոգում, այն է՝ որքան կարելի է,
շուտ վերջացնել թարգմանութիւնը և ապագրութեան
տալ: Գրականութեան մէջ անուն վաստակելու անմիջ
փառասիրութիւնը պաշարել էր նրա բոլոր ուշքն ու
միտքը և սկսնակ գրողներին յատուկ անհամբերութիւն
էր ներշնչել նրան:

Նրա աչքն այժմ նորից քաղցրացել էր հօր և մօր
վրայ, որոնք, այդ բանից ուրախանալով հանգերձ, դար-
մացել էին, թէ ամբողջ օրն իր սենեակում նստած՝
ինչ է գրում նա: Մի անգամ հայրն այդ մասին հար-
ցրեց նրան, և Շահեանը սկսեց բացատրել նրան Շո-
պենհաուէրի վարդապետութիւնը, իհարկէ, այնպէս,
ինչպէս ինքն էր հասկացել, թէ և շատ բան չէր հաս-
կացել: Հայրը լսեց նրան, լսեց և գրեթէ ոչինչ չհաս-
կացաւ:

Մի երեկոյ, համարեա ամբողջ օրը թարգմանու-
թեան վրայ տանջուելուց յետոյ, Շահեանը դուրս գը-
նաց փոքր ինչ թարմանալու: Նա խիստ գոհ էր իրե-
նից, իր կատարած գործից, ուստի հանգիստ խղճով
կարող էր զբօսնել, ինչքան քէֆը տար: Եղանակը ցուրտ
էր և չոր: Բայլերը դանդաղ շարժելով, մտքումը կըրկ-
նում էր թարգմանութեան իր հաւանած այս ու այն
պարբերութիւնը, այս ու այն պարագօքը, երբ յան-
կարծ լսեց, որ մէկը կանչում է իրեն: Նա յետ նայեց
և տեսաւ, որ մէկը արագ քայլերով մօտենում է իրեն:

Դա մօտ երեսուն տարեկան ցածրահասակ, փոքր
ինչ գէր երիտասարդ էր շատ թուխ դէմքով և նկատե-
լի մեծ քթով. հագուստը նոր էր, բայց խիստ ան-
ճաշակ. սև կաստորի գլխարկն էր միայն, որ խուսա-
ցած և սաստիկ ճխտուած էր, իսկ կրկնակօշիկները

վաղուց արդէն կորցրել էին իրենց փայլը և ցեխի գոյն
էին ստացել:

Շահեանն այն ժամանակ միայն ճանաչեց նրան,
երբ նա ժպտալով մօտեցաւ:

— Մինասեան...

— Մեծ մարդ ես դառել, չես լսում, — ասաց Մի-
նասեանը, սեղմելով նրա ձեռքը, և նրա թևից բռնած՝
առաջ անցաւ: — Բանի անգամ կանչեցի լուսամուտից,
չիմացար:

— Ի՞նչ լուսամուտից, ռրաեղից, — զարմացաւ Շա-
հեանը:

— Ա՛յ, այնտեղ, հիւրանոցումն եմ իջած:

— Ես ի՞նչ գիտէի, թէ դու այստեղ ես:

— Այսօր առաւօտն եմ եկել: Ուզում էի դամ քեզ
մօտ — չկարողացայ. խիստ խառնուած եմ: Ուսումնարա-
նի գործն էլ գլուխ բերի: վերջապէս եկել եմ մի վար-
ժուհի տանիմ:

— Ուսումնարանն ես բաց արել գիւղում:

— Վահ, բաս նոր ես իմանում: Չորս տարի է աշ-
խատում եմ դրա համար: Բայց ասա տեսնենք՝ ո՞նց
ես, ի՞նչ ես անում, ի՞նչ չես անում:

— Ոչինչ. օրերս սպանում եմ առաջուայ պէս:

— Այդ լաւ է: Իսկ ինձ օրերն են սպանում: Եւ ի՞նչ
շուտ են թռչում այս անիծուած օրերը: Երևակայիր.
հոկտեմբերն արդէն վերջանում է, և ես դեռ նոր պի-
տի վազվզեմ վարժուհու ետևից: Ասենք, բան չկայ. ուշ
լինի ու նուշ լինի: Չէ՞: Գլխաքս, հոգիս դուրս եկաւ,
մինչև որ մեր պնդագլուխ գիւղացիներին հասկացրի
ուսումնարանի օգուտը և կարողացայ մի քանի կողմէկ
կորզել մեր հարուստներից: Այս էլ ասեմ, որ գործին
քիչ արգելք չէին լինում բնական պատահարները. ան-
ցեալ երկու տարիները մորեկն իրար վրայ անագին

Ֆրանսեր տուեց մեր կողմերում, իսկ այս տարուայ կարկուտը շատ բերք փչացրեց: Գիւղացու դրութիւնը, յիրաւի, շատ վատ է: Բայց Երբ է մեր գիւղացու դրութիւնը լաւ եղել: Եթէ գիւղացու տնտեսական դրութեանը նայելու լինինք, առմիշտ պիտի թողնենք նրա կրթութեան մասին մտածելը:

Մինասեանն երկար և տաք-տաք խօսում էր այդ մասին, այն միջոց պաշտպանելով, թէ կրթութիւնն առհասարակ եթէ միակ միջոցը չէ գիւղացու տնտեսական դրութեան բարելոքման համար, գոնէ գլխաւոր միջոցներից գլխաւորագոյնն է:

Շահեանն ամենևին զաղափար չուներ ոչ գիւղացու և ոչ նրա տնտեսական կամ այլ դրութեան մասին և ամենևին չէր էլ հետաքրքրում այդպիսի խնդիրներով, ուստի Մինասեանին կատարեալ ազատութիւն էր տուել իր ուզածին չափ խօսելու և դատելու. իսկ ինքը, Շոպէնհաուէրի փիլիսոփայութեան թարմ տպաւորութեան տակ, մտածում էր թէ ի՞նչ նպատակ կար, որ այդ երիտասարդն այդպէս հռանդով խօսում և կաշուց դուրս էր գալիս գիւղացու համար: Ընդունինք, թէ այդպիսի Մինասեաններ գիւղերում ուսումնարաններ էլ բաց արին, գիւղացու տնտեսական դրութիւնն էլ բարելակեցին,—դրանով վերացան մարդկութեան թշուառութիւնը, այն թշուառութիւնը, որին դատապարտում է նա ծնուելու օրից և յաւիտեանս յաւիտենից...

Մինասեանը բաժանուեց Շահեանից, ասելով, որ գնում է իր ծանօթ մի վարժուհու մօտ՝ նրանից իր բաց արած ուսումնարանի համար վարժուհու տեղ հարցնելու:

Շահեանը խնդրեց, որ նա անցնի իր կողմը և մինչև անգամ առաջարկեց, որ հիւրանոցից տեղափոխուի իրենց տուն:

[Faint, mostly illegible handwritten text, likely bleed-through from the reverse side of the page. Some words like "այդ" and "դրութիւն" are partially visible.]

տանն էք ապրում, թէ չէ վախենում էի, որ դուան ան-
ծանօթ մարդ բաց անի:

— Է՛հ, որդի, այնքան երկար ապրել ենք այս տա-
նը, որ կարծում ենք մեր սեպհական տունն է:

— Բարե ձեզ, երեխայք,— կանչեց Մինասեանը,
դառնալով տաս-տասնամէկ տարեկան մի տղայի և մի
աղջկայ, որոնք դաս էին պատրաստում նստած թէյի
սեղանի մօտ, որի վրայ քլթքլթում էր մի փոքրիկ մա-
քուր սամովար, պլպլալով առաստաղից կախուած լամ-
պի պայծառ լոյսի տակ:— Պճ, ինչքան մեծացել էք:
Աչքով չտամ:

Երեխաները, որոնք արդէն ոտի էին կանգնել,
ամօթխածութեամբ ժպտացին:

Մինասեանը մատով խփեց նրանց կզակին և նո-
րից դարձաւ պառաւին:

— Ուրի՞շ, մայրիկ. ի՞նչպէս էք, ի՞նչպէս չէք: Օ-
րիորդը տանն է:

— Տանն է, տանը,— լսեց Մինասեանը մի ուրախ
ձայն և, շուռ գալով, հարեան սենեակի դռան շեմքի
վրայ տեսաւ օր. Սահակեանին, որը սաստիկ հարուստ
կրծքով, ճաշակով հագնուած, առողջ, գէր, ոչ-գեղեցիկ
և տարիքն արդէն անցրած մի աղջիկ էր— պառաւի
աղջիկը:

Մինասեանն արագ մօտեցաւ նրան:

Օր. Սահակեանն իր ուժեղ բազկով թափահարեց
նրա ձեռքը:

— Ոչ թէ չորս, այլ հինգ տարին լրանում է, որ
դուք այլևս լայեղ չէք անում մեր հին բարեկամութիւ-
նը մտաբերելու,— սասց նա:

— Լայեղ բոլոր չի սաղում գիւղացուն,— նկատեց
Մինասեանը:— Ուրի՞շ բան սասցէք:

— Ես ձեզ շատ բան ունիմ ասելու: Նախ եկէք
այստեղ: Մայրիկ, թէյ պատրաստիր:

Մինասեանը գլխարկն ու վերարկուն ձգեց աթո-
ռի վրայ և օր. Սահակեանի յետևից ներս մտաւ հա-
րեան սենեակը:

Այնտեղ կըր սեղանի մօտ, զահաւորակի վրայ,
նստած էր Աշխէնը, որ իր խաղաղ հայեացքով հետա-
քըքրութեամբ նայեց իրեն անծանօթ հիւրին:

— Աշխէն ջան, խնդրեմ ծանօթացիր: Սա այն Մի-
նասեանն է, որի ժողովրդական բանահիւսութիւնների
ժողովածուն անցեալ օր կարդում էինք միասին: Հն, լաւ
միտս եկաւ, պարոն Մինասեան. ինչո՞ւ ձեր վեր-
ջին հրատարակութիւնից մի գիրք չուղարկեցիք ինձ:

— Ձեմ ուղարկել, որովհետև ինձ միայն մի օրի-
նակ է ուղարկուել գիւղը, իսկ ֆնացածը բաժանուած
է այստեղ գրավաճառանոցներին: Հէնց վաղնեկի մի
օրինակ կը վերցնեմ և կը բերեմ ձեզ համար:

— Ա՛, չլինի՞ թէ դրա համար էք եկել Թիֆլիս:

— Ոչ, դրա համար չեմ եկել, բայց ինչի համար
որ եկել եմ, էլի ձեզ հետ կապ ունի:

— Հա-մ: Ախար գիտէի, է, որ ուրիշ կերպ չէիք
մեշել ինձ: Դէհ, նստեցէք տեսնենք, այդ ի՞նչ բանի
համար էք եկել, որ կապ ունի ինձ հետ:

Մինասեանն առաւ օր. Սահակեանի առաջարկած
աթոռը և նստեց սեղանի մօտ: Օր. Սահակեանը մի ու-
րիշ աթոռ առաւ և նստեց նրա մօտ:

— Ես եկել եմ, օրիորդ, ահա թէ ինչ բանի հա-
մար: Ձգիտեմ ձեզ յայտնի է, թէ ոչ. մի քանի տարի
է, աշխատում էի մեր գիւղում ուսումնարան բանալ:

— Այս հինգ տարում ձեր երեսը տեսել եմ, որ
իմանայի թէ ինչ էք անում այստեղ: Յետո՞յ:

— Հազար ու մի դժուարութիւններ յաղթելուց

—Ամենևին մտքովս էլ չի անցել հերքելու օրիորդի ասածները: Ասացի խօ, որ վերջին չորս-հինգ տարում չեմ տեսել նրան և չգիտեմ, թէ ինչպէս է եղել, որ նա յանկարծ յոռետես է դարձել: Եթէ այդպիսի մի փոփոխութիւն կատարուել է նրա մէջ, ապա ես դրա համար ուրիշ բացատրութիւն չունիմ, բացի այն, որ նա մի քիչ հիւանդոտ է, մի քիչ ծոյլ, գործի էլ անընդունակ, աշխարհից հեռու ապրող, թոյլ կամքի տէր, երբէք չի փորձել, թէ ինչ է նշանակում քաղցած փոր, բայց վերին աստիճանի բարի, բարեխիղճ ու մտածող և հիւանդութեան չափ ինքնասէր: Այսպիսի բնաւորութեան տէր մարդիկ առհասարակ տրամադիր են լինում մեղամաղձութեան և յոռետեսութեան, և, եթէ խորը քննենք, կը տեսնենք, որ այդ մեղամաղձութիւնն ու յոռետեսութիւնն արդիւնք են լինում ոչ թէ այն բանի, որ նրանք կեանքն ունայն են համարում, այլ այն գիտակցութեան, որ իրենց կեանքն ունայն է անցնում, հակառակ իրենց կամքի և ցանկութեան:

—Սօսք չկայ, դուք լաւ փաստարան կը լինիք:

—Փաստարան լինելու հարկ չկայ. պէտք է միայն ճանաչել մարդու: Ինչևիցէ: Այս թողնենք և գանք իմ գործին:

Մինասեանը յայտնեց, թէ վարժուհին ինչ առարկաներ պիտի աւանդէ, քանի դաս պիտի ունենայ և, բնակարան, վառելիք ու լուսաւորութիւն ունենալով հանդերձ, որքան ոռճիկ պիտի ստանայ:

Օր. Սահակեանը գտաւ, որ ոռճիկը շատ քիչ է, որ այդքան ոռճիկով ոչ մի վարժուհի չի համաձայնիլ գիւղ գնալ:

Մինասեանը պատասխանեց, որ ինքն էլ այդ շատ լաւ գիտէ, բայց ճար չկայ. ժողովուրդն աղքատ է:

—Լաւ, վարժուհին ինչ մեղաւոր է,—բացական-

չեց օր. Սահակեանը:—Վարժուհի որ ուզում էք, այն էլ լաւ վարժուհի, հապա ապրուստի միջոց չպիտի տաք: Ես զարմանում եմ ձեզ վրայ, որ դուք գործի վրայ նայում էք ոչ թէ ուսուցչի, այլ հոգաբարձուի աչքով:

—Իսկ ես զարմանում եմ ձեզ վրայ, օրիորդ, որ դուք շահադիտական տեսակէտից էք նայում գործի վրայ: Վարժուհին այնքան կը ստանայ, որ բոլորովին բաւական կը լինի իր ապրուստի համար և, եթէ ուզենայ, դեռ մի բան էլ կարող է յետ ձգել: Էլ ի՞նչ էք ուզում: Գիւղ է, քաղաք խօ չէ, որ մեծ ծախսեր ունենայ: Ես, ահա, բոլորովին ձրի պիտի ծառայեմ: Բայց բանն այդ չէ: Մի՞թէ չի կարելի մի փոքրիկ զոհաբերութիւն անել գործի սիրոյն:

—Չարմանալի է. դուք այնպէս էք խօսում, որ կարծես թէ ինձ հետ էք պայմանաւորուում: Բայց ես հասկանում եմ ձեզ. դուք իդէալական վարժուհի էք ուզում: Այդպիսի դէպքում սխալուել էք. ինձ մօտ գալու տեղ պիտի գնայիք ոգիների աշխարհը:

—Դժբաղդաբար, ճանապարհը չգիտեմ,—ծիծաղեց Մինասեանը:

—Ի՞նչ գործի սէր, ի՞նչ զոհաբերութիւն, ի՞նչ էք ասում, որտե՞ղ էք ապրում,—շարունակեց օր. Սահակեանը տաքացած:—Դուք կարծում էք, թէ ամենքը ձեզ պէ՞ս են: Մօտակայ վիրախօս հայ գիւղերից մէկում մասամբ իմ և մասամբ ուրիշների ջանքով աղջկանց ուսումնարան է բացուած. ուզում եմ մի ներկայացում սարքել այդ ուսումնարանի օգտին, և ի՞նչ էք կարծում, ո՞ւմ դիմում եմ, որ մասնակցեն ներկայացմանը, համարեա ամենքն էլ մերժում են: Այստեղ խօ, իսկապէս, զոհաբերութիւն էլ չկայ, բայց չեն ուզում մաս-

կոյն երևում էր, որ նա հոգով գիւղացի է և սիրում է գիւղն ու գիւղացուն, թէև վերջինիս հասարակական-բարոյական բարքերը շատ բաներում նկարագրում վերին աստիճանի տգեղ գոյներով:

Օր. Սահակեանն էր միայն, որ մասնակցում էր նրա խօսակցութեանը, մինչդեռ Աշխէնը գրեթէ բոլոր ժամանակ լուռ էր: Իր սովորական հանդարտ հայեացքով նայում էր Մինասեանի համակրելի թուրս դէմքին և լսում էր նրան առանձին հետաքրքրութեամբ: Նրա խաղաղ հայեացքի մէջ տխուր մտախոհութիւն էր նըշմարւում: Մինասեանի պատմութիւնը վերարտադրել էր նրա մէջ մերձակայ անցեալից մի յիշատակ, որ նա միշտ աշխատում էր հանել իր մտքից, սրտից, հոգուց և իսպառ մոռանալ, որպէսզի վերջնականապէս մարէր իր ամբողջ էութիւնը լափող մի սաստիկ հուր, որը երբեմն կատարեալ յուսահատութեան էր հասցնում նըրան... Մինասեանը, այդ եռանդուն, գործունեայ երիտասարդը, գիւղացու թշուառ կեանքը պատմելիս, նըրան յիշեցնում էր մի այլ երիտասարդ՝ նոյնպէս եռանդուն, նոյնպէս գործունեայ, վեհ ձգտումներով, որոշ իդէալի տենչով լցուած, որը կամովին ձգել էր իրեն դէպի հեռաւոր երկիր, բայց դարձեալ հայրենակիցների, համարիւն եղբայրների մէջ՝ նրանց ծանր լուծն իւրովսանն թիթեացնելու... Որքան որ քաղցր և անձնական ազնիւ հպարտութեան համար հաճելի էր, որ նա իր միտքը, սիրտն ու հոգին նուիրել էր մի այդպիսի երիտասարդի, այնքան աւելի յուսահատական էր նրա համար, որ չէր կարող պատկանել այդ երիտասարդին, նրա հետ միատեղ ոչ շնչել, նրա հետ ձեռք ձեռքի տուած գործել և մեռնել միասին... Հերոսական կամք և ասկետական համբերութիւն էր հարկաւոր այդ դրութեանը դիմանալու համար. բայց նա դիմանում էր

և որքան անտրտունջ, որպիսի խոհեմութեամբ, որպիսի անձնագոհութեամբ...

Սօսակցութիւնն անցաւ Թրքա-Հայաստանում նոր երևան եկած շարժումներին ընդհանրապէս և կում-կափուի դէպքին մասնաւորապէս: Օր. Սահակեանն սկսեց սաստիկ յարձակում գործել պատրիարքի վրայ, որ գործն այդպիսի խայտառակ դրութեան էր հասցրել, թէև, միւս կողմից, նա չէր պաշտպանում ցուցարարներին, որոնց վարմունքն անխոհեմ էր համարում: Աշխէնը նկատեց, որ վերջին դէպքերին թեթև աչքով չպէտք է նայել, որովհետև այդպիսի ծանր դէպքերն առանց արդարացուցիչ պատճառների չէ որ երևան են գալիս: Մինասեանն ասաց, որ գործին լաւ ծանօթ չըլինելով, ինքը դժուարանում է որևէ կարծիք յայտնել: Բաւական ուշ էր, որ Աշխէնը վերկացաւ տուն գնալու. ուշագրաւ և կենդանի խօսակցութեան մէջ նա չէր նկատել, թէ ինչպէս անցել էր ժամանակը:

XII

Մինասեանն այդ գիշեր անյարմար համարեց Շահեանի մօտ տեղափոխուել: Հետևեալ առաւօտ վերցրեց իր ջարդուած ձամպրուկն ու հնացած եպիսկոպիտ և դնաց ընկերոջ տուն: Այդ միջոցին Շահեանը զբաղուած էր իր թարգմանութեամբ: Իմանալով, որ եկողը Մինասեանն է, մի րոպէ իր սովորական մտավախութեամբ ուղից թղթերը հաւաքել և պահել, բայց մէկ էլ մտածեց, որ յիմարութիւն կը լինի այդ, քանի որ ինքը լոկ թարգմանութիւն էր անում և, իր համոզումով, այնքան էլ անաջող չէր թարգմանում, որ երկիւղ ունենար ընկերոջ կողմից նկատողութիւններ ստանալու: Նա

շատապէս ճշմարտացանկերը մնաց այս գրասենյակի
փոստը:

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն
ի փոստը եղև զայն քան ի սոյն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

— Երբ որ զեղծութիւնն և զպատիւնն զայն անկեց
Մկեառան և զայն քան ի սոյն զայն քան ի սոյն քան ի սոյն

մանութեամբ միայն, այլ և բերանդէր ձեռքդ և
սրա մաքրը:

— Քարոզում, — զարմացաւ Եսայի որովհետեւ թանկ էր
քարոզել:

— Օր. Սահակեան կայ, ես էր քան:

— Օր. Սահակեան:

— Դա այն վաղ քանի՜ է, երբ որ զայն քան ի սոյն քան ի սոյն
երկեր, քեզից բաժնեկցեց զմտայնութեամբ մի
ուրիշ օրիորդ կար, որով ես այնքան թանկ էր:

Շահեանը դառնալով իր կարծիքով իր փոստը զգլխի
ընկաւ, որ այդ ուրիշ օրիորդը կամ ինչո՞ք զայն լինէր,
կամ Աշխէնը, բայց որովհետեւ զայն քան ի սոյն քան ի սոյն
թէ այդ բանից ամենեւեւ անընդհատ լինէր:

— Ի՞նչ օրիորդ, — կարծաց յոս:

— Աղբը չիմ յիշուի բայց ինչո՞ք անհետացաւ, Աշ-
խէն է:

— Հո՛, — կեղծ անտարբերութեամբ արտասաց Շա-
հեանը:

— Ես այնքան իմ յիշուի աղջիկ լիցի երեսուն և,
երկի, Չախճախի է զայն չէ՞, — ծիծաղեց Եսայի քանի
մտերմական բարեբարութեամբ:

Շահեանը վեր առնուց, որաւ որ զայն քան ի սոյն քան ի սոյն
համար անտանիկ էր զտեղիքը արդար:

— Ինչից գիտես թէ նո՞ր չօրհանուի, որ այն-
քան էլ յիմար աղջիկ չի՞ր երեսուն, որովհետեւ նա
թեքը քեզ այդպէս ասաց:

— Չէ, ամենի՛ց չի՞ր որով ես զայն քան ի սոյն քան ի սոյն
նրն համար եմ այդպէս կարծում, որովհետեւ զաւր
Շողէնհատէրը հէնց ինչո՞ք էր աստիճար, այժմարում
էր իր քարոզած մտքերը նա կիսածն անտանիկ թը-
շուառութիւն էր համարում, բայց ինչո՞ք փոխադրա-
պէս օրասուց այդ կ'անցից ամբողջ կոխանասուն տա-

րի: Մարդկութեանը նա դէպի մահ էր հրաւիրում, բայց ինքը շարունակ աորճանակ էր ման ածում հետը անձնա... Հկարծես անձնասպանութեան, ոչ, — անձնասպաշտպանութեան համար: Մարդկութեան թշուառութեան աղբիւրը նա կանանց էր համարում, բայց ինքը շարունակ կանանց գրկումն էր երջանիկ ժամեր գտնում և վերջը, կարծեմ, ապօրինի դաւակներ թողեց:

— Զարմանալի է. ի՞նչ ես դու նրա կեանքն օրինակ բերում իր մտքերի դէմ:

— Նրանը չլինի, իմը լինի, քոնը լինի: Եթէ գլտնում ես, որ կեանքն անտանելի է, և մեռած ժամանակ միայն մարդ կարող է երջանիկ լինել, — էլ ինչո՞ւ ես ապրում. մեռիք, էլի: Փառք Աստծու, շատ բան հարկաւոր չէ. մի գնդակ և մի վայրկեան, ուրիշ ոչինչ: Կամ, եթէ գնդակից վախենում ես, — ջուր կայ. եթէ ջրից վախենում ես — թոկ կայ. եթէ թոկից էլ վախենում ես — թոյն կայ: Կամ թէ չէ, ուղիւմ ես, Բուդդայի պէս նստիք ծառի տակ և շարունակ նայիր քթիդ ծայրին, մինչև որ սպանես քո մէջ այն, որ քո այդ սիրելի Շոպենհաուէրը «ապրելու անգիտակից կամք» է անուանում:

Շահեանն ախամայ ծիծաղեց:

— Ի՞նչ ես ծիծաղում. ես կատակ չեմ անում: Ինքդ մտածիր, եղբայր. հէնց միայն այն հանգամանքը, որ մարդ իր ակներև մահուան ամենավերջին րոպէում անգամ ամեն ջանք գործ է գնում, որ մի քիչ էլ ապրի, — այդ արդէն պարզ ապացոյց չէ, որ կեանքը շատ էլ վատ բան չէ, և իդուր է քո այդ Շոպենհաուէրը ստիպում, որ մարդ ուրիշ կերպ նայի կեանքի վրայ: Ի՞նչ ես կարծում, այդպէս չէ:

— Ուրեմն, քո կարծիքով, աւելորդ է թարգմա-

նութիւնս, — առանց նրա հարցին պատասխանելու, հարցրեց Շահեանը, կարճ մտախոհութիւնից յետոյ:

— Բոլորովին աւելորդ է: Մեզ համար, ես կարծում եմ, դեռ շատ վաղ է այդպիսի բաներով զբաղուելը: Մեր առաջ մեծ գործ կայ կատարելու. նախ մտածենք այն բանի մասին, թէ ինչպէս անենք, որ նպատած լինինք այդ մեծ գործի կատարման, նախ հոգանք մեր ժողովրդի թշուառութեան մասին, աշխատենք նրան փոքրիշատէ բարօր վիճակի հասցնել, այնուհետև արդէն պարսպ ժամանակ շատ կուենանք ընդհանուր մարդկային թշուառութեան մասին էլ մտածելու... Մի բան էլ ասեմ. Շոպենհաուէրին հասկանալը, ախր, հեշտ չէ, իսկ թարգմանելը — առաւել եւ:

Եւ Մինասեանը, խորհրդաւոր կերպով նայելով ընկերոջ ակնոցներին, մեղմօրէն ժպտաց:

Շահեանը ոչինչ չպատասխանեց: Նա ամաչում էր նայել Մինասեանի դէմքին, բնազդամբ զգալով, որ ընկերն իր մտերմական բարեսրտութեամբ կարող է շատ դառն հարեր կլկեցնել իրեն:

Կէս ժամից յետոյ երկու ընկերները աղա Կարապետի և Թամարի հետ սեղանատանը նստած խմում էին առաւօտեան թէյը: Աղա Կարապետը գովում էր Մինասեանի եռանդը, բայց գտնում էր, որ աւելի նըպատակայարմար կը լինէր ծխական դպրոցի տեղ բանալ գիւղատնտեսական դպրոց: Մինասեանն ասաց, որ այդ բանը իր իղէպն է, որ ծխական դպրոցը լինելու է ապագայ գիւղատնտեսական դպրոցի մի էտապը, իսկ այդ պակասը առ այժմ լրացնում է իր սեպհական փորձադաշտով, որտեղ գիւղացիները քիչ բան չեն սովորում:

Թէյից յետոյ Մինասեանը շտապեց գնալ գրավաճառանոց, ուր դասագրքեր և դասական ուրիշ պիտոյքներ գնեց նոր ուսումնարանի համար, առաւ իր

Մահը

վերջին հրատարակութիւնից երկու օրինակ—մէկը օր-
Սահակեանին, միւսը Շահեանին նուիրելու, յետոյ զը-
նաց սրբազան առաջնորդի և թեմական տեսչի մօտ
ուսումնաբանին վերաբերող մի քանի կարևոր գործերի
համար, ժամը 3-ին ճաշեց Շահեանեաց տանը և երե-
կոյեան զնաց օր. Սահակեանի մօտ վարժուհու մասին
պատասխան ստանալու:

Աշխէնն այս անգամ էլ ընկերուհու մօտ էր:

Երբ Մինասեանը ներս մտաւ, օր. Սահակեանը
տար-տար խօսում էր Աշխէնի հետ:

—Ես ձեզ չասացի, որ ձեր առաջարկած ուձկով
անկարելի է վարժուհի ձարել, — բարկացած կանչեց նա:

—Ի՞նչ է, չաջողուեց:

—Ի հարկէ, չաջողուեց: Զարմանալի է, որ դուք
այդքան խամոթիւն էք անում: Ոչ թէ մէկի, այլ երեք
հոգու մօտ եմ զնացել. ոչոք չհամաձայնուեց ձեր առա-
ջարկած ուձկով գլուզ գնալ: Դեռ ծիծաղեցին էլ: Մեր
տանն, ասացին, աւելի լաւ կարող ենք ապրել:

—Բաս ի՞նչ պէտք է անենք:

—Ի՞նչ ուզում էք՝ արէք: Դեռ ձեր պատճառով
կուուեցի էլ:

—Իմ պատճառով:

—Ես դայրացած խիեցի նրանց երեսին, որ նրանք
ուզում են միայն լաւ ապրել, որ նրանք ուրիշ նպա-
տակ չունին, բացի լաւ ապրելուց, որ նրանք անար-
ժան են իրենց կոչմանը, որ եթէ այսօր մի հարուստ
պառաւ մարդ խնդրի նրանց ձեռքը, նրանք ամեն բան
կըմոռանան և ուրախութեամբ կըվազեն այդ հարուստ
պառաւի տանը լաւ ապրելու:

—Լաւ, ես մեղաւժր եմ, որ այդ խօսքերը շարտել
էք նրանց երեսին:

—Բաս ես եմ մեղաւոր, — աղաղակեց օր. Սահա-

կեանը: — Եթէ չյանձնարարէիք ինձ, որ վարժուհի ճա-
րեմ ձեզ համար, կըկուուէի՞ նրանց հետ:

—Ես ձեզ խնդրեցի, որ վարժուհի ձարէք, խօ-
չխոսեցի, որ կուուէք:

—Պարոն Մինասեան, շատ մի բարկացնէք, թէ
չէ, Աստուած է վկայ, ձեզ հետ կըկուուեմ:

... — Տեսնում էք, որ մեղաւորը ես չեմ, այլ ձեր
ընաւորութիւնը: Բայց կատակը մի կողմ մնայ, օրիորդ.
ինձ, ախր, վարժուհի է հարկաւոր: Ես չեմ կարող
այստեղ երկար մնալ: Թեմական տեսուչը չի ուզում
խառնուել այս գործին, որովհետեւ մեր մէջ անձնական
հաշիւներ կան: Յայտարարութիւն տամ, դիտեմ, բան
չի դուրս գալ: Մի ձար պէտք է անէք, թէ չէ:

Յր. Սահակեանը մտախոհութեան մէջ ընկաւ:
Նրա դէմքը մինչև անգամ տխուր արտայայտութիւն
ստացաւ:

—Ինչո՞ւ ինձ առաջուց իմաց չտուիք, որ ուսում-
նարան էք բաց անում և վարժուհու պէտք կունենար,
— ասաց նա կարճ լուութիւնից յետոյ: — Այն ժամանակ
ես կըգայի:

—Դ՞հուր:

— Զարմանում էք: Այո, ես: Այստեղ, ճիշտը ձեզ
ասեմ, ձանձրացել եմ. կուզէի օդը, միջավայրը փոխել:
Հիմա էլ կարող եմ հրաժարական տալ և ձեզ հետ
գիւղը գալ, բայց...

—Ի՞նչ էք ասում... Ես երբէք չէի ցանկալ, որ
դուք այդպիսի զոհաբերութիւն անէիք:

Օր. Սահակեանը ախրօրէն ժպտաց:

— Դուք այնպէս էք խօսում, որ այդ զոհաբերու-
թիւնը կարծես ձեզ համար պիտի անէի, — նկատեց նա:

— Դիտեմ, որ այդ զոհաբերութիւնը գործի համար
պիտի անէիք, բայց... դիւղում և այն՝ չնչին վարձա-

արութեամբ ծառայելն անկարելի պիտի լինի ձեզ համար, որովհետև... Ի՞նչ պիտի անէք ձեր պառաւ մօրը, ձեր եղբօր երկու փոքրիկ որբերին, որոնց պահողն ու կերակրողը դուք էք միայն: Անյարմարութիւններ շատ կան, օրիորդ:

—Եւ կարծում էք, թէ այդ անյարմարութիւնները դոյութիւն չունին ուրիշներէ համար, որոնցից երէկ դուք զոհաբերութիւն էիք պահանջում: Մենք մեզ հակառակ ենք, պարոն Մինասեան, և անաչառ չենք: Բայց բանն այդ չէ: Գործողն այն ժամանակ է միայն գործող, երբ նա անյարմարութիւններէ և դժուարութիւններէ մէջ է գործում: Բայց դուք գործող ասացէք, գործող: Մեր վարժուհիները... Ի՞նչ են մեր վարժուհիները.— դատարկագլուիս, ծոյլ ու բթամիտ արարածներ, որոնք իրենք էլ չեն իմանում, թէ ինչպէս է պատահել, որ վարժուհի են դարձել: Չես կարող փոքրիշատէ լուրջ բանի մասին վիճարանել հետները: Իրենց խօսքերը քաղիաթինով պիտի հանես բերաններից, իսկ քոնը մուրճով պիտի ցցես նրանց գլուխը, որ մտնի: Փողոսկներում նստում են փայտի պէս, բայց որ իրենք իրենց մէջ են մնում, տեսնէք, թէ ինչպիսի կշկշան կազաղակներ են դառնում.— ամենքը սկսում են խօսել միանգամից, կատակներ են անում, բամբասում են, սրան են ծաղրում, նրան են ծաղրում, մէկին մի անուն են կպցնում, միւսին՝ ուրիշ անուն, բոլթ սրամտութիւններ են անում, ծիծաղում են, հրհռում, իրար կողք են բզում, ծկլթում... մի խօսքով՝ այնպիսի յիմարութիւններ, որ երեխաներն էլ չեն անիլ: Եւ սրանք են կազմում հայ ինտելիգենտ կանանց այն դասը, որ գործում է հասարակական ասպարէզի վրայ, մանուկ սերունդ է կրթում: Ասելս այն է, որ այնպիսի մտաւոր և բարոյական անանկները ի՞նչ գործ, առաւել ևս

—յանուն այդ գործի ի՞նչ զոհաբերութիւն կարող ենք պահանջել: Այս այնպիսի մի ցաւալի դրութիւն է, որ լաւ որ մտածում եմ, ինքս ինձնից, իմ վարժուհի լինելուցս իսկ ամաչում եմ:

—Ներեցէք, օրիորդ,— նկատեց Մինասեանը ժղպտալով.— ինձ թւում է, թէ դուք մի քիչ չափազանցնում էք:

—Ի՞նչ, դուք չէք հաւատում: Ապացոյցի համար, որ ես չեմ չափազանցնում, կընրաւիբիմ այստեղ մի եօթ-ութ հօգի վարժուհի, ձեզ էլ կըբերեմ կընստեցնեմ այստեղ, կըսկսենք խօսել հասարակական կամ նոյն իսկ մանկավարժական որևէ խնդրի մասին, և ինքներդ կըտեսնէք, թէ քանիսն է նրանցից փայտի պէս նստած, քանիսն է կարծիք յայտնում և ի՞նչպիսի կարծիք: Այնուհետև դուք վեր կըկենաք, իբրթէ գնում էք. ես ձեզ թաք կըկացնեմ հարևան սենեակում, և այնտեղից ականջ կըդնէք, թէ ձեր դուրս գնալուց յետոյ ինչի մասին կըսկսեն խօսել.— նրանք ձեր քթի մասին կըխօսեն, պարոն Մինասեան:

Մինասեանը պիտի ծիծաղեց:

Աշխէնը նայեց նրա մեծ քթին և ակամայ ժղպտաց:

—Ի սէր Աստուծոյ, օրիորդ,— բացականչեց Մինասեանը,— ինչպիսի վարժուհի ուզում էք ճարեցէք, միայն թէ ինձ ազատ պահեցէք քթի մասին դասախօսող վարժուհիներէ:

Օր. Սահակեանի ծիծաղը սաստիկ բռնեց:

—Ձեր պայմաններում, ասենք, դժուար թէ ազատ մնաք... նրանք մշտապատրաստ նիւթ կունենան իրենց աչքի առաջ,— սաստիկ ծիծաղի միջից հազիւ կարողացաւ արտասանել նա:— Բայց ես վախենում եմ, որ դուք ինձ էլ քթի մասին դասախօսող վարժուհիներ

րի կարգը դասէք, ուստի թողնենք այս մասին խօսելը:

Եւ օր. Սահակեանը, արագութեամբ զսպելով իր ծիծաղը, նորից լուրջ դէմք ընդունեց:

—Դուք իմ անձնական անյարմարութիւններն մասին մի մտածէք, պարոն Մինասեան,—ասաց նա, դառնալով առաջուայ խօսակցութեանը:—Ես գիտեմ, թէ ինչպէս կըշտկեմ այդ անյարմարութիւնները: Բայց այս տարի չէ, եկող տարի, ձեզ խօսք եմ տալիս առաջուց, ինքս կը դամ գիւղը: Ուրիշ բան է, թէ դուք չէիք ցանկալ ինձ վարժուհի ունենալ ձեր ուսումնարանում,—աւելացրեց նա կատակով, բայց դարձեալ առաջուայ մեղմ-տխուր ժպիտով:

—Դուք կատակ էք անում, օրիորդ, բայց, հաւատացնում եմ ձեզ, անչափ գոհ կը լինէի, եթէ ինձ պատահէր մի այնպիսի վարժուհի, որ եթէ ձեզ պէս անձնուէր չլինէր, գոնէ մի քիչ սիրէր գործը, որովհետեւ երբեք, թէ մանաւանդ ուսուցչական ասպարէզում որքան մեծ նշանակութիւն ունի գործի սէրը: Ձեր առաջարկութիւնն ես ընդունում եմ, իհարկէ, ամենայն սիրով, բայց այս տարուայ համար պիտի օգտէք—առանց վարժուհու չպէտք է թողնէք: Ճարներս ինչ: Միանգամից խօս չե՞նք կարող նոր զբօսութիւն ստեղծել. պէտք է բաւականանանք եղածով: Յոյսս ձեզ վրայ է: Երևակայեցէք, որ հազար ու մի դժուարութիւններով հիմուած ուսումնարանը վարժուհու պատճառով միայն կարող է փակ մնալ, իսկ այդ բանը կարող է ժողովրդին սառեցնել:

—Դիտէք, ինչ կայ, պարոն Մինասեան,—ասաց օր. Սահակեանը:—Վաղն ես կըխօսեմ մի ուրիշի հետ. եթէ համաձայնեց՝ խօսաւ, իսկ եթէ ոչ, այնժամանակի ձեր զարգացումը կ'ընտելուի:

ինչպէս, այդ արդէն ձեր գործն է: Ես իմս արած կը լինիմ, և դուք ինձնից դժգոհ լինելու իրաւունք չէք ունենալ:

—Լաւ,—ասաց Մինասեանը և մտքումը վճռեց, որ եթէ բանը չաջողուի, երեսը պնդի և գիմի Շահապի կամ ուղղակի նրա հօրը օգնութիւն խնդրելու:

Մինչ այդ խօսակցութիւնը տեղի էր ունենում օր. Սահակեանի և Մինասեանի միջև, Աշխէնը, իր սովորութեան համեմատ, նստած էր բոլորովին լուռ: Նրկատելի էր, որ նա խորասուզուած է ինչ-որ մտածմունքի մէջ: Այդ մտածմունքից նրան հանեց օր. Սահակեանը:

—Աշխէն, ի՞նչ ես մտածում,—հարցրեց նա:

Աշխէնը նայեց նրան և սթափուեց:

—Ե՛... ոչինչ:

—Հնա, պարոն Մինասեան, գիտէք, որ մեր այս օրիորդն էլ վարժուհի է, բայց կամաւոր վարժուհի, ինչպէս որ կամաւոր զինուորներ են լինում. չքաւոր մարդկանց երեխաներին ձրի դասեր է տալիս տանավարի: Դուք այսպիսի իրգէալական վարժուհի էք ուզում, բայց Աստուած տայ:

Աշխէնը չկամեցաւ, որ ընկերուհին երկար խօսի այդ մասին: Ուստի, գիմելով Մինասեանին, խօսք բաց արեց նրա ժողովրդական նիւթերի ժողովածուի մասին:

—Հնա, պարոն Մինասեան, բերի՛ք ձեր գիրքը,—հարցրեց օր. Սահակեանը:

Մինասեանը վերկացաւ և, վերարկուի գրպանից հանելով օր. Սահակեանի համար այդ օր գրավածառանոցից վերցրած իր վերջին հրատարակութիւնը, յանձնեց նրան, Աշխէնին էլ խոստացաւ, որ մի գիրք էլ վաղը նրա համար կը վերցնի:

—Ինչպէս երևում է, պարոն Մինասեան,—ծիծա-

դելով նկատեց օր. Սահակեանը,—հայ հեղինակներդ
աւելի շատ նուիրում էք ձեր գրքերը, քան թէ վաճա-
րում:

XIII.

Աշխէնն, այդ երեկոյ օր. Սահակեանի մօտից վե-
րադառնալով տուն, ուղղակի մտաւ իր սենեակը, նըս-
տեց գրասեղանի մօտ, վերցրեց մի գիրք, որ կիսատ
թողած ընթերցանութիւնը շարունակի, բայց թողեց և
մտածութեան մէջ ընկաւ:

Անցաւ համարեա մի ժամ, որ նա՝ գլուխը ձեռ-
քին յենած՝ անթարթ նայում էր մի կէտի: Նրա ուղե-
ղը զբաղուած էր մի խնդրով, որը վճռելու համար խիստ
տատանուում էր: Այդ խնդիրը նրա գլխում ծագել էր
դեռ նախորդ օրուանից, և նա շարունակ մտածում էր
այդ մասին, և որքան շատ էր մտածում, այնքան ա-
ւելի տատանուում էր:

Դուռը կամաց բացուեց:

Աշխէնը ցնցուեց և նայեց դռան կողմը:

Հանդարտ քայլերով ներս մտաւ Եւան, վերցրեց

մի աթոռ և նստեց նրա մօտ:

—Աշխէն, այս երեկոյ խիստ տխուր եմ,—ասաց
նա մեկամաղձոտ ձայնով:

Աշխէնը զարմացած նայեց նրա դէմքին: Յիրաւի
երբէք այդ սիրուն, այդ չարաճճի դէմքն այդպէս տը-
խուր, հանդարտ և մեկամաղձոտ չէր ներկայացել
րան:

—Ինչո՞ւ,—հարցրեց նա:

—Մտածում եմ եղբօրս մասին:

—Արմենակի՞ մասին:

—Այո:

Աշխէնը նկատելի կերպով դունատուեց:

—Ի՞նչ է պատահել... նոր նամակ կայ նրանից,

—անհանգստութեամբ հարցրեց նա:

Եւան նայեց նրան զարմացած:

—Ինչո՞ւ այդպէս վախեցած ես հարցնում:

—Որովհետեւ դու այնպէս ես խօսում, որ կարծես
նրան բան է պատահել... Հո՞ւ:

—Նրան ոչինչ չի պատահել:

—Հասկա ի՞նչ ես ասում:

—Զարմանալի է: Ես, կարծես, ոչինչ չասացի:

Ասացի միայն, որ տխուր եմ և մտածում եմ նրա մա-
սին:

Աշխէնը հանգստացաւ և ձեռքը մտախոն կերպով
շփեց ճակատին:

—Ի՞նչ ես մտածում նրա մասին,—հարցրեց նա
կամաց, կարճ լուռութիւնից յետոյ: Նա այլևս չէր նա-
յում Եւային:

—Ուզում եմ, որ նա այստեղ լինի:

—Դու այդ միշտ էլ ուզել ես:

—Բայց ոչ այնպէս, ինչպէս այժմ: Այնպէս կա-
րօտել եմ, այնպէս կարօտել... Զարմանալի է. կարծես
երբէք այնպէս չեմ սիրել նրան, ինչպէս այժմ, այս
րոպէիս: Պատկերը ձեռքիս էր. նայեցի, նայեցի և...
լաց եղայ,—ինքս էլ չգիտեմ ինչու: Այսպիսի բան եր-
բէք չէր պատահել ինձ: Այս ի՞նչ նախազգացում է, չեմ
հասկանում... Ո՛ւ՛ֆ, պէտք է նամակ գրեմ, որ գայ:
Դու էլ գրիր: Դու էլ խօ սիրում ես նրան:

Աշխէնը վերկացաւ և պինդ փակեց լուսամուտի
վան փակած փեղկը, որ քամին շարժում էր:

—Յետոյ գժրժը,—հարցրեց նա, նստելով Եւայից
հեռու, մի ուրիշ աթոռի վրայ, այնպէս, որ նրա դէմքը
լոյսի հակառակ կողմն էր:

—Ա՛խ, այդ է, որ ինձ յուսահատեցնում է,—բացականչեց Եւան:—Ես դիտեմ, որ այն գործը, որի համար զնացել է նա, աւելի է սիրում, քան թէ ինձ, քեզ, հայրիկին, մայրիկին, Սուրէնին... Յիշում ես ինչպէս ոգևորուած խօսում էր նա այդ մասին...

—Եւ միթէ դրա համար դատապարտում ես նրան:

—Ա՛խ, ո՞վ է ասում,—նեղսրտութեամբ արտասանեց Եւան:—Ես այս ասում եմ, որովհետեւ կարօտել եմ նրան, սաստիկ կարօտել, հասկանձում ես, թէ ոչ: Երեւակայիր, որ նա այնտեղ մենակ է, բոլորովին մենակ. ո՛չ մի, ո՛չ մի սրտակից չունի մօտը:—Ձէ որ հազար ու մի ձախորդութիւններ կան, հիւանդութիւն կայ... Վերջապէս, այնտեղ, ինչպէս երևում է ծանր խառնակութիւններ են տիրում... Միթէ այս բոլորի մասին կարող եմ հանդիստ մտածել:

Աշխէնը, ինքն էլ չիմացաւ թէ ինչպէս, վերկայաւ, մօտեցաւ նրան, պինդ զրկեց նրա գլուխը և քիչ մնաց, որ լաց լինի: Նա անհուն սիրով ու քնքշօրէն համբուրեց Եւայի շրթունքները և նորից նստեց իր առաջուայ տեղը, Եւայի մօտ:

—Երբէք, երբէք քեզ այնպէս չեմ սիրել, ինչպէս այս բոպէիս,—կամաց, շատ կամաց արտասանեց նա առնելով Եւայի ձեռքերը և պահելով իր ձեռքերի մէջ:—Չես կարող երեւակայել, թէ որքան ղգացուած եմ այս բոպէիս, որ եղբօրդ համար այդպէս հողում, այդքան մտածում ես: Հողան, մտածիր, սիրելիս, որովհետեւ եղբայրդ այնքան... անգին եղբայր է, որպիսին... ոչ ոք չունի: Ինքս հողովս չափ... յարգել եմ նրան և երկնական ղաժութեամբ խոնարհել նրա հաստատուն կամքի և այն ղաղափարների առաջ, որ նա այնպէս ջերմ կերպով պաշտպանում, այնպէս ոգևորութեամբ քարոզում էր: Անձնուրացութիւն թշուառի բարօրութեան օգտին:

անձնագոհութիւն հայրենիքի համար—այս էր նրա քարոզը: Եւ այդ ո՛չ թէ լոկ խօսքով, այլ և գործով, որ նա այժմ ապացուցանում է: Խօսքը գործով ապացուցել—այդ այնպիսի մի հերոսութիւն է, որպիսին ո՛ւր էր, թէ ամենքն ունենային: Այս բոպէիս ինչ որ գիտեմ, ինչ որ սովորել եմ և ինչ որ ուզում եմ անել, այդ բոլորի համար մեծապէս պարտական եմ նրան: Եւ եթէ դիտենաս, սիրելիս, որքան հպարտանում եմ, որ նա իմ մօտիկ ազգականն է, իմ հարազատը, իմ... Աշխէնը լռեց և, Եւայի փոքրիկ ձեռքերը ցնցուղաբար սեղմելով իր երկայն մատներին մէջ, տիրօրէն ժպտաց:

—Տեսնում ես, սիրելիս, ինչքան ոգևորուեցի,—արտասանեց նա:

—Երևում է, որ դու ինձնից աւելի ես սիրում եղբօրս,—ասաց Եւան, որ մինչև այդ ժամանակ անմեղ լըջութեամբ նայում էր Աշխէնի վառուած աչքերին, լայն, պարզ ճակատին:

—Միթէ այդ յանցանք է... չէ որ նա և իմ եղբայրն է:

—Ի հարկէ: Նա էլ քեզ շատ էր սիրում:

—Գուցէ նախանձում ես:

—Նախանձում: Ի հարկէ, չէի կամենալ, որ եղբայրս ինձնից պակաս սիրուէր, քան թէ քեզնից կամ մի ուրիշից, չնայելով, որ ես... Ա՛խ, ես նրան շատ եմ սիրում, Աշխէն, չափից դուրս շատ եմ սիրում... Որ դիտենաս՝ ինչքան վատ մտքեր էին պաշարում ինձ այս դիշեր, ինչքան վատ նախազգացումներ... Ո՛ւֆ, այլևս չպէտք է կարդամ այդ անիծուած հեռագրները...

Երկիւղի նման մի մռայլ բան անցաւ Աշխէնի դէմքի վրայով, և նա կաշկանդուած՝ մի բոպէ անթարթ

նայեց Եւայի տխրած աչքերին: Յետոյ հաղիւ նկատելի կերպով ցնցուեց և կամաց վերկացաւ տեղից:

—Դատարկ բան է,—արտասանեց նա, կարծես ինքն իրեն սրտապնդելու համար, և սկսեց անցուղարձ անել սենեակում:—Ճշմարիտ է, հեռագրներն այնքան էլ խողաղ չեն ներկայացնում այնտեղի դժուր թիւնը, բայց... ոչ մի լուրջ առիթ չկայ երկիւղ կրելու... Վերջապէս, միթէ պիտի յուսահատուենք և մեզ հետ նրան էլ յուսահատեցնենք: Ինչի նման կըլինի այդ: Եւ այդ սոյն ժամանակ, երբ դեռ ոչինչ չէ արուած խկապէս, երբ գործը նոր է սկսւում... Այդ վախիտատութիւն և յանցանք կըլինի մեր կողմից, մեծ յանցանք, աններելի յանցանք... Ընդհակառակը, սիրտ պէտք է տալ նրան, պէտք է խրախուսել, ամեն կերպ խրախուսել: Եւ այդ պարտքն ամենից առաջ մեզ վրայ է ընկնում: Մենք հպարտանում ենք, որ նրա պէս մի եղբայր ունինք: Ինչու այնպէս չանենք, որ նա էլ մեզնով հպարտանայ: Լինինք նրան արժանաւոր քոյրեր, և այդ էլ բաւական է, որ նա սիրտ առնի, ոգևորուի:

Աշխէնը խօսում էր կարծես ինքն իր հետ, և նրա ձայնի մէջ լսւում էր ինչ-որ արտասուվոր ջղայնոտութիւն: Թեթե քայլերով նա անցուղարձ էր անում սենեակում և ամենակին չէր նայում Եւային:

Եւան աչքերով հետևում էր նրան սենեակի մի անկիւնից միւսը զարմացած:

—Միթէ մենք նրա արժանաւոր քոյրերը չենք հարցրեց նա:

—Ո՛չ, մենք արժանի չենք նրա քոյրը կոչուելու: Ինչո՞վ ենք արժանի: Նրանո՞վ, որ նստած ենք անգործ, նրանո՞վ, որ պարագիտի դեր ենք կատարում, ուտում, պճնւում, պարում, զբօսնում ու սպասում, թէ երբ

պէտք է գայ մէկը, որ մեզ հաւանի ծախու ձիու պէս և մեր սանձից բռնած՝ տանի իր ախոռում կապելու: Սրանո՞վ արդեօք, այս ամօթալի՞ կեանքով... Իսկ նա այնտեղ, անձնական ամեն հանգստութիւն, ամեն վայելք մոռացած, իր հարազատներից, իր սիրելիներէից կտրուած, ձգել է իրեն կեանքի ահարկու յորձանքի մէջ, ապրում է ո՞վ գիտէ ի՞նչ պայմաններում, լուսացնում է ո՞վ գիտէ որ ձորում, որ անտառում, օտար երկնքի մոակ, ահը միշտ սրտում, մահը միշտ աչքի առաջ, բայց արհամարհելով այդ ահն էլ, այդ մահն էլ...

Աշխէնի ջղայնոտութիւնը աստեղացել էր: Նա խօսում էր դսպուած, բայց խօսքերը նրա բերանից դուրս էին թռչում հատու և ուժեղ շեշտերով: Նրա դժգոյն դէմքի մկանուկները ձգձգւում էին: Նա արագացրել էր քայլերը և առաջուայ նման չէր նայում Եւային:

Իսկ Եւան վեր էր կացել և մնացել էր արձանացած: Նա պարզապէս ապշել էր, որովհետեւ երբէք Աշխէնին չէր տեսել այդպէս տաքացած: Նրբ Աշխէնը լուեց, նա դեռ երկար ժամանակ կանգնած իր նոյն դրութեան մէջ, կարծես սպասելով, որ հօրեղբօր աղջիկը դեռ պիտի շարունակի իր ասելիքը:

—Աշխէն, լսիր ինչ եմ ասում,—վերջապէս ասաց նա, տեսնելով, որ Աշխէնն այլևս ոչինչ չէ ասում և ջղային քայլերով շարունակում է անցուղարձ անել սենեակի մի անկիւնից միւսը:—Տեսնում եմ, որ մի բան ուզում ես ասել, բայց չես ասում: Միտքդ ի՞նչ է. պարզ և ուղղակի ասա: Դու գիտես, որ ես միշտ հետևում եմ քո խորհուրդներին: Եթէ գտնում ես, որ ես պարագիտից և ծախու ձիուց աւելի մի բան չեմ և ահարժան քոյր եմ եղբօրս համար, սովորեցրու, թէ ինչով կարող եմ արժանի լինել նրան:

—Միայն դու չես, ես էլ անարժան եմ նրան...
ևս առաւելապէս...

—Լաւ, ինչո՞վ կարող ենք արժանի լինել նրան:

—Նրանով, որ մենք էլ գնանք նրա ընտրած ճանապարհով:

—Այսինքն:

—Չգիտեմ... Միայն թէ այսպէս ապրել այլևս անկարելի է: Պէտք է ամենից առաջ վերջ տալ այս ձրիակերութեանը, պէտք է թողնել այս անօրուտ, այս վատ կեանքը, որի մէջ փտոււմ ենք անդործութիւնից: Պէտք է բան անել, պէտք է գործ շինել, օգուտ պէտք է տալ հէնց թէկուզ մեր խղճի հանգստութեան համար...

—Ես ամեն բանի պատրաստ եմ: Բայց ասա, ի՞նչ անենք, ի՞նչ կարող ենք անել:

Աշխէնը յանկարծ կանգ առաւ և նայեց Եւային տարօրինակ հայեացքով. յետոյ մօտեցաւ և առաւ նրա ձեռքերը:

—Ներիր, սիրելիս, եթէ մի քիչ խիստ խօսեցի: Բայց ես խօսում էի գլխաւորապէս իմ մասին: Ինչ վերաբերում է այն բանին, թէ ինչ պէտք է անենք և ինչ կարող ենք անել,—այդ մասին այս բոլորիս ոչինչ չեմ կարող ասել: Դեռ չեմ որոշել, դեռ պիտի մտածեմ: Մի բան կայ, որ վաղը կը վճռուի: Համբերութիւն ունեցիր մինչև վաղը: Կը համբերե՞ս, հմ:

Եւան ապշած նայում էր Աշխէնի աչքերին, որոնց մէջ ինչ-որ խորհրդաւոր բան էր կարդացուում:

—Դու գրգռում ես հետաքրքրութիւնս,—ասաց նա:—Այս երեկոյ ուրիշ, շատ ուրիշ տեսակ ես երեւում... Շատ լաւ, կը սպասեմ մինչև վաղը:

Աշխէնը ժպտաց և Եւայի փոքրիկ ձեռքերը քրնքշուրթեամբ սեղմեց իր կրծքին, կարծես շնորհակալ

լինելով, որ նա համբերութիւն էր յայտնում մինչև վաղը սպասելու:

XIV

Հետեւեալ օրը, վաղ առաւօտեան, Աշխէնը մի քանի տող նամակ գրեց և տուեց ծառային, որ շտապով տանի օր. Սահակեանին տայ, քանի նա դեռ ուսումնաւորան գնացած չէր լինիլ: Նամակը հետեւեալն էր.

«Սիրելի Վարօ.

«Ամբողջ գիշերը մտածելով եմ անցկացրել և ահա դրում եմ հետեանքը: Արդեօք յարմար չե՞ս գտնիլ պ. Մինասեանին առաջարկել, որ վարժուհու պաշտօնն ինձ յանձնի իր բացած ուսումնարանում: Շտապով յայտնում եմ քեզ այս մասին, որպէսզի թերևս աւելորդ գտնես ուրիշի հետ պայմանաւորուել: Կուզէի, առանց մեր սովորական երեկոյեան տեսակցութեանը սպասելու, այսօր այս մասին խօսել քեզ հետ ուսումնարանում: Միայն չգիտեմ, այսօր ազատ դաս ունի՞ս, թէ ոչ և եթէ ունիս՝ ո՞ր ժամին: Գրիր:

«Ի՞նչ Աշխէն»:

Կէս ժամից ծառան վերադարձաւ և օր. Սահակեանից բերեց հետեւեալ պատասխանը, որ նա շտապով գրել էր Աշխէնի նամակի միւս երեսի վրայ.

«Եթէ նամակիդ հէնց սկզբումը գրած չլինէիր, թէ ամբողջ գիշերը մտածելով ես անցկացրել, կը կարծէի, թէ փառաւորապէս քնած ես եղել և փառաւոր էլ երազ ես տեսել: Բայց և այնպէս, արի տեսնենք այդ ի՞նչ սիրուն քամի է փչել գլխիդ: Այսօր ազատ եմ ժամը 11 1/2-ի և 12 1/2-ի միջև»:

ժամը 11 1/2-ից մի քանի բողբոջ անց Աշխենը բարձրանում էր ուսումնարանի սանդուղքով: Գասարաններից լսում էր դասամիջոցից յետոյ հէնց նոր ներս մտած աշակերտուհիներէ սովորական ճիչ ու ծկլթոցը. ուսուցիչներն ու ուսուցչուհիները՝ ցուցակները ձեռքներին, շտապում էին իրենց դասարանները: Ուսուցչուհիներից մի քանիսի հետ ծանօթ լինելով, Աշխենը բարեկց նրանց և նրանցից իմանալով, որ օր. Սահակեանն ուսուցչական սենեակումն է, դնաց նրա մօտ:

Օր. Սահակեանը մենակ էր: Նա նստած էր կապոյտ մահուղով ծածկուած երկայն սեղանի առաջ, կաթով սուրճ էր խմում և լրագիր կարդում:

—Ա՛, եկա՛ր, գիւղական վարժուհի,—բացականչեց նա Աշխենին տեսնելուն պէս:—Նստի՛ր տեսնենք ամբողջ գիշերն ինչպէս ես մտածել:

Աշխենը ժպտաց և նստեց նրա մօտ:

—Ուրեմն դու վճռել ես ինձ այսօր ազատել կռուելուց:

—Ո՞ւմ հետ:

—Այն վարժուհու, որի հետ պէտք է խօսել այսօր:

Աշխենը ծիծաղեց:

—Դէ՛հ, խօսի՛ր, խօսի՛ր,—անհամբերութեամբ վրայ տուեց օր. Սահակեանը, լրագիրը ձգելով սեղանի վրայ:—Սուրճ ուղճում ես:

—Ձէ, շնորհակալ եմ:

—Ես, իհարկէ, հասկանում եմ, սիրելիս, թէ՛ որ տեղից է ծագել վճիռդ, և այդ պատճառով այնքան էլ չեմ դարմանում: Բայց հետաքրքրական է, թէ՛ այժմ ինչ պիտի ասես ինձ:

—Առանձին ոչինչ չունիմ ասելու: Միայն այս է՛

ուզում հարցնել, թէ ի՞նչ պէտք է անեմ, որ ուսուցչութեան իրաւունք չունիմ:

—Այսինքն, ուզում ես ասել, ցանկի մէջ չկամ:

—Այո:

—Այդ դատարկ բան է. մի օրում կարելի է թե՛ մական առաջնորդից իրաւունք ձեռք բերել, բայց մի տարուայ համար միայն, որովհետեւ նա մի տարուց աւելի իրաւունք տալու իրաւունք չունի. իսկ այնուհետեւ վկայականներդ կուղարկենք էջմիածին և այնտեղ ցանկի մէջ կըմտցնեն:

—Բայց չի՞ ուշանալ առաջնորդից իրաւունք ձեռք բերելը:

—Ասացի, որ մի օրում կարելի է: Այդ կողմից անոգ կաց: Թե՛մական տեսուչն այստեղ է. ես ինքս կխնդրեմ, որ միջնորդի: Նա ինձ հետ լաւ է: Գու ուրիշ բն ասա:

—Յետոյ այս էի ուզում հարցնել, վարօ: Ի՞նչ ես կաճում, ես... կարո՞ղ եմ արդեօք... ծառայել այն գործին որին վճռել եմ ինձ նուիրել:

—Այդ դու ինձնից աւելի լաւ պէտք է գիտենաս, սիրեհա. էլ ինձ հարցնելդ աւելորդ չէ՞:

—Ձէ: Քեզ հարցնում եմ, որովհետեւ դու փորձած ես և ճանաչում ես ինձ: Գուցէ իմ մէջ կայ այնպիսի ի՛ր պակասութիւն, որ ես չեմ տեսնում, բայց դու կու՞ղ ես նկատած լինել իբրև դիտող: Ուսուցչութիւնն ուսասարակ ինձ չափից դուրս դժուար և պատասխասու պաշտօն է ներկայանում, որին չեմ կարող թե՛թեմամբ վերաբերուել: Այդ պատճառով խիստ անպատահեմ... վախենում եմ, որ ոչինչ չկարողանամ շինել և սօթահար ֆնամ Մինասեանի առաջ: Այդ բանը պարզպէս անտանելի կըլինի ինձ համար, որովհետեւ ես հիւսուցչութեան չափ ինքնասէր եմ... Ահա այս

մասին է, որ Մինասեանին խօսք տալուց առաջ ուղում եմ իմանալ քո կարծիքը:

—Իմ կարծիքը: Իսկոյն կասեմ,—ասաց օր. Սահակեանը, դատարկելով սուրճի մնացորդը:—Փորձառութիւնից, իհարկէ, շատ բան է կատարած. բայց ի՞նչ ուսուցիչը կամ ուսուցչուհին կրթական ասպարէզ է մտել հէնց սկզբից փորձուած: Ոչոք: Մէկն էլ դու այդպիսիններէ, չնայելով որ ուսուցչական ասպարէզում կարելի է քեզ մասամբ փորձուած համարել, քանի որ դու, ահա քանի ժամանակ է, մասնաւոր դասերով ես պարապում, իսկ չէ՞ որ այդ էլ այսպէս թէ այնպէս նշանակութիւն ունի ապագայ դործունէութեանդ համար: Այդպէս է, թէ ոչ:

—Ճշմարիտ է: Այս բոլորիս հինգ աշակերտուհի ունիմ, որոնց հետ ամեն օր պարապում եմ: Հէնց սկզբից ուշադրութիւնս դարձած է եղել այն բանին, որ նրանց տարբեր ընդունակութիւնների մէջ մի ընդհանուր գիծ գտնեմ, որպէսզի դրա վրայ հիմնուած՝ կարելի լինի դասաւանդումը բոլորի համար միատեսակ գիւրամատչելի դարձնել: Թէև այդ դեռ չի աջողուել ինձ, բայց թւում է, թէ անկարելի չէ:

—Օ՛, երբոր այդպէս է, դա մեծ նշանակութիւն ունի, սիրելիս: Հէնց այդ ուշադրութիւնդ միայն, որ մեր, եթէ կարելի է այսպէս ասել, պաշտօնական վարժուհիների մէջ ճրագով պէտք է որոնենք, ցոյց է տալիս, որ դու օրինակելի վարժուհի կարող ես լինել: Վերջապէս ուսուցչական պաշտօնին այդպէս պատկանանքով և երկիւղածութեամբ վերաբերուելի միթէ՞ դրաւական չէ, որ պիտի առաջադիմես, որ դու իսկապէս զործ պիտի կատարես: Ինքնասիրութիւնդ էլ, որ ասում ես, դա պակասութիւն չէ, դա առաւելութիւն է: Ո՛ւր էր, թէ մեր վարժուհիներն այնքան ինքնասիր-

ութիւն ունենային, որ գէթ կարմրէին, երբ տեսուչը նկատում է նրանց. «Օրիորդ, դուք բան չէք շինում», «Օրիորդ, դուք միշտ ուշանում էք», «Օրիորդ, դուք շուտ-շուտ էք հիւանդանում»: Կրկնում եմ. գիտեմ որտեղից է ծագել վճիռդ և պէտք է ասեմ, որ աւելի խելացի կերպով չէիր կարող վարուել: Ինչպիսի՞ եւանդ և աւելի մեծ տոկունութիւն պիտի ստանայ նա, երբ նմանայ, որ դու անմիտ և յուսահատ անգործութեան մէջ չես անպանում ժամանակդ...

Աշխէնի աչքերի կողերը դողողացին. նա պինդ սրտեց շրթունքները և դէմքը դարձրեց օր. Սահակեանից:

Օր. Սահակեանը տեսաւ այդ և հասկացաւ, որ աւելորդ էր հին յիշատակները նորոգել, ուստի շտապեց խօսքը փոխել:

—Ուրեմն այս երեկոյ կըլայտնեմ Մինասեանին քո առաջարկը: Նա, իհարկէ, կընդունի ամենայն ուրախութեամբ, և վաղուանից կանենք ամեն բան, ինչ որ հաւկաւոր է:

—Բայց, իհարկէ, ոտձկի մասին ոչինչ չես ասիլ: —ասաց Աշխէնը:—Ինչ որ որոշուած է, ես նրանով էլ գոհ կըլլեիմ:

—Գիտեմ, գիտեմ, որ դու «լաւ ապրելու» նպատակով չպէտք է ծառայես, այդ գիտեմ: Բայց դու ինձ այս ասա, սիրելիս. ձերոնց արդէն յայտնե՛լ ես վճիռդ:

—Դե՛ս ոչ:

—Եւ նորանք արգելք չե՛ն լինիլ:

—Ձեմ՝ չարձում: Գիտես, որ տանն ինձ բաւական յարգում են:

—Գիտե՛ս, բայց ինչ ուզում է լինիլ, էլի քիչու միչ խորթ կըլտուայ: Հօրեղբայրդ—ոչինչ. նա յիմար մարդ չէ և շատ էլ բարի է. բայց նրա կիներ...

—Նա էլ է ինձ յարգում, թէև բժախնդիր է և, կարծեմ... շատ էլ... չի սիրում ինձ: Ասենք նա սահմանափակ և նախապաշարուած հասկացողութիւններն տէր կ'ին է և եթէ անհամ խօսքեր ասի, չեմ նեղանալ: Ես վախենում եմ միայն Եւայից. նա ինձ շատ է սիրում և կարող է յիմարութիւններ անել: Երէկ երեկոյ մի քիչ նախապատրաստեցի նրան, բայց նա, երևի, մտքովն անգամ չի անցկացնում, որ ես կարող եմ հեռանալ իրենից: Ինչեքիցէ: Յոյս ունիմ մերոնց հետ բանը վերջացնելու առանց խոշոր անհամութիւնների և ուրախ եմ, որ վերջապէս կարող եմ անկախ գիրք ստեղծել ինձ համար և ինքս իմ աշխատանքով ապրել, որովհետև վաղուց ի վեր ճնշւում եմ այն գիտակցութիւնից, որ ես մի տեսակ բեռն եմ հօրեղբորս համար:

—Մեղք է, Աշխէն, այդ մի ասիր: Հօրեղբայրդ...

—Գիտեմ, գիտեմ, որ նա շատ բարի է և իմ կերած մի կտոր հացը նրա համար ոչ մի նշանակութիւն չունի. բայց ես խօսում եմ իմ հոգեկան գրութեան մասին: Ես չեմ կարող ուրիշի բարութիւնը շահագործել, թէկուզ այդ ուրիշը լինի իմ հարազատը: Դա դէմ է իմ խղճին:

—Ինչքան գոռոզ ես, չնեղանաս,—նկատեց օր. Սահակեանը ծիծաղելով:

—Ո՞ս ասացի, որ ես հիւանդութեան չափ ինքնասէր եմ, և դու այդ պակասութիւն չհամարեցիր, այլ առաւելութիւն,—պատասխանեց Աշխէնը ժպտալով և վերկացաւ:—Դէ՛հ, հիմա ի՞նչ ենք անում:

Օր. Սահակեանը նոյնպէս վերկացաւ:

—Մեր անելիքն անա թէ ինչ կըլինի,—ասաց նա:—Երեկոյեան կըզաս ինձ մօտ, Մինասեանի հետ երես առ երես կըխօսենք ինչ որ հարկաւոր է, նրա հետ բանը կըվերջացնենք, յետոյ վաղը կամ ես կամ նա

քեզ հետ միասին կըգնանք թեմական տեսչի և առաջնորդի մօտ, վկայականներդ կընեղակայացնենք, ուսուցչութեան իրաւունք կըստանանք քեզ համար, յետոյ միւս օրը կամ չորրորդ օրը,—այդ քեզնից և Մինասեանից կըլինի կախուած,—կընստէք երկաթուղի և ճանապարհ կընկնէք: Այս է:

... —Սօսքով ի՞նչ հեշտ է շինւում ամեն բան,—ծիծաղեց Աշխէնը:

—Անվստահներն են միայն, որ գործով էլ ոչինչ չեն կարողանում շինել:

Օր. Սահակեանը մինչև ուսումնարանի բակի դուռը ճանապարհ ձգեց Աշխէնին, բակում էլի երկար խօսելով նրա հետ:

XV

Այդ գիշեր բաւական ուշ էր, որ Աշխէնն օր. Սահակեանի տնից վերադարձաւ իրենց տուն: Նա մտաւ իր սենեակը, շտապով մօտեցաւ Եւայի սենեակի դռան, բաց արեց և ներս նայեց:

—Դեռ քնած չե՞ս, Եւա,—հարցրեց ուրախ ձայնով:

Եւան նստած էր սեղանի մօտ և լամպի լոյսի տակ գլխադրեր էր կարում թաշկինակի վրայ:

—Մի քիչ էլ որ ուշ գոյիր, լաւ կանէիր,—ասաց նա չոր-չոր, առանց գլուխը կարի վրայից բարձրացնելու:

—Ի՞նչ անեմ, սիրելիս, ուզում էի վաղ գալ, բայց վարօն գօրով պահեց ընթրիքի:

Այս ասելով, Աշխէնը գլխարկը վերցրեց, վերարկուն հանեց, մտաւ Եւայի սենեակը և նստեց նրա մօտ

ժպտունն աչքերով: Պարզ երևում էր, որ նա արտասու-
վոր ուրախ տրամագրութեան մէջ է:

—Ի՞նչ ջանասէր աղջիկ ես. ամենքը քնած են,
խակ դու դեռ նստած կարում ես: Երևի ինձ էիր սպա-
սում, համ:

Եւան չպատասխանեց. նա գլուխն աւելի կախեց
կարի վրայ: Նրա կեղբոնացած հայեացքից և սառն
դէմքից երևում էր, որ նեղացած է Աշխէնից:

—Եւ դու չլախեցար այս կէս-գիշերին մինակ
գալ,—նկատեց նա հանգիստ:

—Ո՞վ ասաց, թէ ՚հենակ եմ եկել: Ես ուղեկից
ունէի, սիրելիս:

—Ձէ կարելի լմանալ ով էր ուղեկիցդ:

—Ինչո՞ւ չէ. նա մի գիւղատնտես է, որի հետ այս
կրկու օրս եմ ծանօթացել Վարօյնեց տանը: Դու ճա-
նաչում ես նրան, թէ և ամենեկին չես տեսել նրան:

Եւան գլուխը բարձրացրեց, դարմացած նայեց
Աշխէնի ժպտող աչքերին և նորից գլուխը կախեց կա-
րի վրայ, առանց մի խօսք ասելու:

Աշխէնը կամաց ծիծաղեց:

—Սպասիր, այս վաղն էլ կարող ես կարել, —ա-
սաց նա և Եւայի ձեռքից առնելով թաշկինակն ու ա-
սեղը՝ դրեց սեղանի վրայ:—Նայիր աչքերիս: Այդպէս:
Ինչո՞ւ չես հարցնում, թէ ով է այդ գիւղատնտեսը:

—Ի՞նչ հարցնեմ, քանի որ ինձնից թաքուն ինչ-
որ բաներ ես բռնում այնտեղ,—առաջուայ պէս չոր-
չոր պատասխանեց Եւան և ուղեց վերկենալ, բայց Աշ-
խէնը բռնեց նրա ձեռքերից և պահեց իր տեղում:

—Կաց, մի փախչիր... և դարձեալ նայիր աչքե-
րիս: Այդպէս: Ի՞նչ թաքուն բաներ:

—Ես ի՞նչ գիտեմ: Երեկուայ տարօրինակ խօսակ-

ցութիւնդ, այսօր առաւօտեան վաղ գնալը չգիտեմ ուր,
այժմ այսպէս ուշ վերադառնալը...

—Եւ դրա համար է, որ այդպէս փքուել ես, համ:
Եւան յանկարծ մի խիստ շարժում գործեց, և

նրա աչքերը փայլեցին զայրազին:

—Լսիր, Աշխէն, եթէ դու կըշարունակես ինձ
դարձեալ չարչարել և այս լոտէիս չես ասիլ ամեն բան,
Աստուած է վկայ, այնպէս կըխոտովեմ, այնպէս կը-
խոտովեմ, որ այլևս երբէք չեմ խօսիլ քեզ հետ: Կսո՞ւմ ես:

Աշխէնը խոնարհուեց նրա դէմքի վրայ, ձեռքերն
անցկացրեց նրա թևերի տակով և գրկեց նրա մէջքը:

—Լսում եմ, հոգեակս, լսում եմ: Բայց վախենում
եմ, որ եթէ բանը յայտնեմ, աւելի պինդ խոտովեմ:

—Ո՞ւ՞՞՞, արդէն անտանելի է... Ձեմ ուղում, էլ
ոչինչ մի ասիր:

Եւ Եւան, վերին աստիճանի զայրացած, աշխա-
տեց ազատուել հօրեղբոր աղջկայ ձեռքերից, բայց Աշ-
խէնը մատները հիւսեց իրար մէջ և թոյլ չտուեց, որ
վերկենայ:

—Եւա ջան, լսիր. այ, ասում եմ, լսիր: Ես վըճ-
ուել եմ գիւղական վարժուհի լինել և մի քանի օրից
յետոյ գնալու եմ գիւղը:

Եւան մի ակնթարթում սառեց նստած տեղը: Նրա
աչքերը սաստիկ մեծացան և յառած մնացին Աշխէնի
շարունակ ժպտող աչքերի վրայ:

—Տեսնո՞ւմ ես, ապշեցիր: Այդ սկիզբն է,—ծիծա-
ղեց Աշխէնը:—Այժմ լսիր մանրամասնութիւնները:

Եւ Աշխէնը սկսեց մանրամասնօրէն պատմել, թէ
ինչպէս ծանօթացաւ Մինասեանի հետ, որին ինչպէս
ինքը, նոյնպէս և Եւան արդէն ճանաչում էին նրա
դրական երկերից. պատմեց, որ իրենց գիւղում նոր
ուսումնարան հիմնելով, Մինասեանն եկել էր օր. Սա-

հակեանի միջոցով վարժուհի ճարելու. թէ ինչպէս օր. Սահակեանն անաջողութիւն էր կրել իր միջնորդութեան մէջ և թէ ինչպէս, վերջիվերջոյ, ինքը, Աշխէնը վճռել էր յանձն առնել յիշեալ ուսումնարանի վարժուհու պաշտօնը և այնուհետև ընդմիջտ նուիրուել այդ պաշտօնին: Պատմեց նոյնպէս այդ օր առաւօտեան օր. Սահակեանի հետ ունեցած տեսակցութիւնը և սոյն, որ այդ երեկոյ օր. Սահակեանի տանը խօսակցութիւն էր ունեցել Մինասեանի հետ. Մինասեանը նրա առաջարկն ընդունել է ջերմ համակրանքով և շնորհակալութեամբ և խոստացել է վաղնեկ շաբաթ անց նրա համար ուսուցչութեան իրաւունք ձեռք բերելու:

—Այդպէս ուրեմն, եւա ջան, երկու կամ, շատ-շատ, երեք օրից յետոյ մնաս բարեաւ կասեմ քեզ և կըզնամ այնտեղ, ուր յոյս ունիմ գէթ փոքր ինչ օգտակար լինելու: Վարժն այսօր ինձ խիստ խրախուսեց: Այժմ սպասում եմ քո դատավճռին: Ի՞նչ կասես:

—Ես քեզ սոյն կասեմ, որ դու... խելագարուել ես,—ծանր ու հաստատ ձայնով արտասանեց Եւան, առանձնապէս շեշտելով վերջին բառը, և աշխատեց իրանն ազատել նրա ձեռքերից:

Բայց Աշխէնն աւելի պինդ գրկեց նրա մէջքը և ժպտուն գէմքն այնքան մօտեցրեց նրա գէմքին, որ նրանք զգում էին իրար շնչառութիւնը:

—Շատ կարելի է, իմ անգին, իմ աննման Եւա,— շշնջաց նա.—բայց մի՞թէ այսպիսի խելագարութիւնն արժանի չէ խրախուսանքի:

—Խելագարութիւնն առհասարակ կարեկցութեան է արժանի,—վրայ բերեց Եւան,—բայց քո խելագարութիւնը... Դու չպէտք է գնաս, հասկանում ես, թէ ոչ,—յանկարձ կանչեց նա բարկութեամբ և ոտը պինդ

խփեց յատակին: Նրա աչքերը մէջ արտասուքի կաթիլներ ցուցին:

Աշխէնն այս անգամ թողեց նրա իրանը. ժպտալ չբացաւ նրա գէմքից:

—Մի՞թէ կատակ չես անում, Եւա,—հարցրեց նա զարմացած:

—Ամենեին միտք էլ չունիմ կատակ անելու, քանի որ ինքդ կատակ չես անում:

—Հապա երէկ գիշերուայ մեր խօսակցութիւնը...

—Այո, երէկ գիշերուայ մեր խօսակցութիւնն այն մասին չէր, որ դու փախչես այստեղից, որ ինձ... մենակ թողնես: Դու... դու անգութ ես: Դու ինձ երբէք չես սիրել... այժմ էլ չես սիրում: Այո, չես սիրում:

Եւան այլևս չկարողացաւ դապել իրեն. նա դարձաւ աթոռի վրայ, գրպանից հանեց թաշկինակը, սեղմեց աչքերին և հեկեկաց:

Որքան էլ որ անակնկալ չէր Աշխէնի համար Եւայի այդ վարմունքը, այնուամենայնիւ սկզբում նա սառած մնաց:

—Դու ինձ խիստ զարմացում ես, Եւա: Բոլորովին չեմ հասկանում, թէ այդ ի՞նչ բացատրութիւն ես տալիս վճռիս և... լաց ես լինում: Դա արդէն երեխայութիւն է:

—Ի հարկէ, երեխայութիւն կըլինի, քանի որ դու ինձ միշտ երեխայ ես համարել: Ուզում ես ինձ հուստացնել, թէ սիրում ես ինձ, մինչդեռ, ընդհակառակը, միշտ սառն ես վարուել ինձ հետ... Եւ ոչ թէ միայն ինձ, այլ և... հայրիկի հետ... մայրիկի հետ: Կարծես թէ օտար լինիս մեր տանը, կարծես թէ մենք քեզ... քեզ...

Եւան խօսքը չվերջացրեց և, թաշկինակն աւելի պինդ սեղմելով աչքերին, աշխատեց դապել սաստկացող հեկեկանքը:

Աշխէնը դառնութեամբ ժպտալով, գլուխը շարժեց:

—Տեսնո՞ւմ ես, Եւա,—ասաց նա իրեն յատուկ հանդարտ ձայնով.—դու ինձ այնպիսի բաներ ես ասում եւ այնպիսի բաներ ես ուզում ասել, որ... չեմ կարող չվիրաւորուել: Հարկ չկայ, իհարկէ, որ ինքս ինձ պաշտպանեմ. այդ կընշանակէր քեզ իրաւունք տալ այդպէս բաներ ասելու ինձ: Ես միայն զարմանում եմ, թէ ինչպէս դու թոյլ ես տալիս քեզ այդպիսի մեղադրանքներ բարձելու ինձ վրայ:

—Հապա ինչո՞ւ ես փախչում:

—Իէ, բաւական է կրկինս այդ յիմար խօսքը,—բացականչեց Աշխէնը յանկարծական բռնկումով:—Եւ թո՞ղ այդ երեխայական լացն, ի սէր Աստուծոյ, Երէկ գիշեր ինչպէս էինք խօսում, այժմ—ինչպէս: Ուրախուրախ եկայ քեզ մօտ կասարելապէս հաւատացած, թէ պիտի քաջալերես ինձ, իսկ դու... դու միայն աշխատում ես ինձ վիրաւորել:

Եւ Աշխէնը սառնութեամբ վերկացաւ նրա մօտից:

Նոյն վայրկեանին վեր թռաւ տեղից նաև Եւան:

—Ես քեզ չեմ վիրաւորում, հասկանո՞ւմ ես, թէ ոչ,—զայրացած կանչեց նա:—Այդ դո՞ւ ես, որ այդպիսի բացատրութիւն ես տալիս խօսքերիս: Դու, իհարկէ, ազատ ես. ինչ ուզում ես, կարող ես անել. ուր ուզում ես, կարող ես գնալ: Իսկ ես, իսկ ես... Այսքան տարի միասին ապրելուց յետոյ, յանկարծ թողնում հեռանում ես: Եւ հեշտ ես կարծում, ինչ է, ինձ համար քեզնից բաժանուելը: Եղբայրս գնացել է, դու էլ ես գնում, իսկ ես... իսկ ես ինչ անեմ մենակ: Բուռի պէս նստեմ գլուխս վայ տամ: Կամ ինձ էլ տար հեռոյ, կամ այստեղ ճարիր՝ ինչ գործ որ ուզում ես, միայն թէ ես քեզ մօտ լինիմ, դու ինձ մօտ լինիս, որովհետև առանց քեզ ես չեմ կարող գիմանալ: Ես այդ եմ ու-

զում ասել, և ոչ թէ նպատակս է, որ քեզ վիրաւորեմ: Եւ միթէ իրաւունք չունիմ զայրանալու, որ դու, ինչպէս տեսնում եմ, միայն քո մասին ես մտածել, իսկ իմ մասին—ամենևին: Մինչդեռ երէկ դիշեր ինչ էինք խօսում... Հն, ժպտա, ժպտա. չէ՞ որ ես երեխայ եմ:

Աշխէնը ժպտալով մօտեցաւ նրան:

—Այո, սիրուն, խելացի, մեծ երեխայ, որի աչիկները կուզէի այս բոպէիս համբուրել:

—Խնդրեմ, թո՞ղ այդ փաղաքշական խօսքերը, զայրացած կանչեց Եւան:

—Մի նեղանար, սիրելիս: Նեղանալով ու զայրանալով բան չենք հասկացնիլ իրար: Աւելի լաւ է նրստենք և հանգիստ խօսենք: Նստիր:

Աշխէնը համարեա բռնի կերպով նստեցրեց Եւային և ինքը նստեց նրա մօտ:

—Ամենից առաջ քեզ մի բան ասեմ, Եւա ջան, չնեղանաս: Դու եսասիրութեան նշաններ ես ցոյց տալիս. ուզում ես, որ փեշս փեշիցդ կարեմ և չբաժանուեմ քեզնից միմիայն նրան համար, որ առանց ինձ չես կարող գիմանալ: Այդ նշանակում է, որ ես պէտք է քեզ համար զոհարեմ ոչ թէ միայն ինձ, իմ ձրգտումները, իմ կամքը, այլ և այն գործը, որին յոյս ունիմ գէթ մաղի չափ օգուտ տալու: Կուզե՞ս, որ այդպիսի բան անեմ: Ի հարկէ, ոչ: Բացի դրանից, մարդուն արդէն խօսք եմ տուել, այժմ մերժեմ, և կուզե՞ս, որ մերժեմ: Ի հարկէ, ոչ: Ասում ես, թէ քեզ չեմ սիրում: Կարձո՞ղ ես կրկին այդ խօսքերը ձեռքդ խղճիդ վրայ դրած:

Եւան նստած էր լուռ և աչքերը խոնարհած. նա պարզապէս ճնշուած էր Աշխէնի կտրուկ խօսքերի աղբցութեան տակ:

—Ինչ վերաբերում է այն բանին, թե ես միայն իմ մասին եմ մտածել և քեզ մոռացել, այդ բանումն էլ սխալում ես, Եւա ջան: Ինչպէս կարող էի քեզ մոռանալ երէկ գիշերուայ խօսակութիւնից յետոյ: Միայն այժմ չթողեցիր, որ քո անհիլիքի մասին էլ խօսեմ: Դու էլ ես գործ ուզում: Շատ բարի: Ահա թէ դու էլ ինչ կարող ես անել:—Իմ գնալուց յետոյ վերցրու իմ աշակերտուհիներին և իմ տեղ դու դաս տուր նրանց: Դու այդ կարող ես, որովհետեւ թէև փորձուած չես, բայց շատ շուտ կարող ես փորձուել, եթէ գործին սիրով կաշխես, որի մասին տարակոյս չունիմ: Նրանք բոլորն էլ, ինչպէս գիտես, շատ աղքատ ծնողների դաւակներ են, և ես նրանցից ոչ թէ միայն ոչինչ չէի առնում, այլ և չէի խնայում ունեցածս նրանց տալու: Արա դու նոյնը, ինչոր ես էի անում, և կըտեսնես, որ մի բարի գործ կատարած կըլինիս: Բայց եթէ այդ բանը քեզ չնչին է երևում, կարող ես մի ուրիշ շատ օգտակար գործ էլ կատարել: Մենք շատ ծանօթ ընտանիքներ ունինք, որոնց աղջիկները, որոնք քո մօտիկ ընկերուհիներն են, ոչ թէ միայն զուրկ են հայկական կրթութիւնից, այլ և հազիւ հայերէն խօսել ու կարդալ գիտին: Հաւաքիր հայութիւնից խորթացած այդ հարուստ աղջիկներին, շաքաթը մի կամ երկու անգամ գրական երեկոյթի պէս մի բան սարքիր, կարգա նրանց մօտ հայերէն գրքեր, տուր այդ գրքերից, որ իրենք էլ կարդան, ծանօթացրու նրանց մեզ յուզող ազգային-հասարակական խնդիրների հետ, խօսեցէք, վիճեցէք... մի խօսքով արա, ինչ որ կարող ես, որպէսզի օտար ոգւով կրթուած այդ ապագայ հայ մայրերի մէջ հայութեան, ազգային ինքնաճանաչութեան կայծ վառուի: Մի սերմ, մի հատիկ սերմ էլ բաւական է, որ ձգես նրանց մէջ, և այնուհետեւ հաւատացած եղիր, որ այդ

սերմն երբէք ապարդիւն չի անցնիլ, ինչքան էլ փոքր, աննշան լինի: Դա շատ էլ փոքր գործ չէ, եթէ կարողանաս դուրս բերել: Բայց ես համոզուած եմ, որ կարող ես, որովհետեւ նրանք ամենքն էլ սիրում են քեզ և սիրով... էլ կընդունեն քո առաջարկը: Քեզ բաւական կընպաստի այն հանգամանքը, որ նրանք տգէտ չեն, և վերջին ժամանակներս մեր կեանքում երևան եկած շարժումներն անշուշտ փոքրիշատէ հետաքրքրութիւն են զարթեցրել նրանց մէջ: Այս է իմ կազմած ծրագիրը քեզ համար: Հաւանում ես:

Եւան խսկոյն չսպասասխանեց: Նրա դէմքը խիստ լուրջ արտայայտութիւն էր ստացել:

—Այդ բոլորը լաւ ես մտածել,—ասաց նա:—Միայն... այսպէս յանկարծ, այսպէս անպատրաստ... ես ինչ գիտեմ, որ ինչ սովորեցնեմ:

—Ուրեմն դու ինձ չհասկացար, Եւա ջան: Ես խօսեմ ասում կանոնաւոր դասընթացներ սարքիր, դասախօսութիւններ արա: Ի հարկէ, դու այդ չես կարող անել: Եւ թոյլ էլ չեն տալ: Բայց խօ կարող ես հայերէն պարզ գրել-կարդալ սովորեցնել, խօսել նրանց հետ հայերէն, օգնել նրանց իրենց չհասկացածը հասկանալու, ծանօթացնել նրանց մեր գրականութեան, մեր մամուլի, մեր գործիչների հետ: Վերջապէս, գործն ինքը ցոյց կըտայ, թէ ինչ կարող ես անել և ինչ պէտք է անել: Փառք Աստուծոյ, խօսել գիտես և սիրում ես, ինքդ խիստ հետաքրքիր ես և բնատուր ընդունակութիւն ունիս գրաւելու: Սրանք այնպիսի առաւելութիւններ են, որոնցով դու հրաշք կարող ես գործել քո շըրջանում: Այժմ հասկացար ինձ, Եւա ջան:

Եւան նստած էր լուռ: Նրա կեղրոնացած հայնացքից երևում էր, որ նրա մտաւոր աչքերի առաջ յանկարծ բացուել է մի հորիզոն այնքան ընդարձակ,

այնքան նոր ու գրաւիչ, որ վախենում է մինչև անգամ հեռուն նայել շշմեղու համար: Եւ երբ Աշխէնը կրկնեց իր վերջին հարցը, նա ասաց կարծես ինքն իրեն.

— Ձարմանալի է. ինչո՞ւ այդ բանն իմ գլխովս չի անցկացել մինչև այժմ: Ես իսօ այդ կարո՞ղ էի անել:

XVI

Չնայելով օր. Սահակիանի և Մինասեանի աշխատանքին, այնուամենայնիւ համարեա մի շաբաթ տեւեց, մինչև որ Աշխէնը ստացաւ ուսուցչուհու թեան իրաւունք:

Եւան հօրն ու մօրը յայտնել էր Աշխէնի որոշումը, առանց սպասելու, որ Աշխէնն ինքը յայտնէ նրանց:

Մարութեանը, որ շատ լաւ էր ճանաչում եղբօր աղջկայ բնակորութիւնն ու գաղափարները, այնքան էլ չզարմացաւ: Բայց Թեկէն սկզբում ապշեց, յետոյ խիստ զայրացաւ:

— Ինչպէ՞ս, — բացականչեց նա: — Նա վճռել է ուսուցչուհութիւն անել և այն էլ — գիւղում... Գժուհի է: Ինչ է, թէ՞ մեզ է ուղում խայտառակել: Ով լսի, ինչ կասի: Հացի ու ջրի կարծօտ է մնացել, որ այդպիսի միջոցների է դիմում: Տուն չունի՞, տեղ չունի՞, չենք պահում, դուրս ենք անում, որ ուզում է վարձկան վարժուհի դառնալ: Տէր Աստուած, այդ աղջիկը խեղճ կորցրել է բոլորովին:

— Բարկանալդ աւելորդ է, Թեկէ, — նկատեց ամուսինը հանգիստ: — Աւելի լաւ է...

— Դ՞նչ էս ասում, չեմ հասկանում, — նրա վրայ էլ բարկացաւ Թեկէն: — Օրը ցերեկով ուղում են մեր անունը խաղք ու խայտառակ անել, և դու ու-

զում ես, որ չբարկանամ էլ: Ի՞նչ կասես, որ էգուց էլ օր ամենքը վերկենան ու ասեն, թէ՛ սոյ, տես՞ք, մի որը ունէին, չպահեցին, դուրս արին, որ այսօր ստիպուած է գիւղիւն ընկնել ապրուստի միջոց ձարելու համար: Ես զարմանում եմ, որ դու այդ մասին խկի չես մտածում:

— Չեն ասիլ, չէ, մի վախենար:

— Չե՛ն ասիլ, չէ... Որ ասե՛ն:

— Չեն ասիլ, որովհետեւ ամենքը գիտեն, որ մենք նրան մեր հարազատ որդու պէս ենք պահել, և այնքան ճանաչում են նրան, որ կը հասկանան, թէ ինչու է նա գիւղը գնում վարժուհու պաշտօնով:

— Ես չեմ հասկանում ու, ուրիշը ձրտեղից կարող է հասկանալ:

— Ա՛յ, ես քեզ խկոյն կը բացատրեմ:

— Հն, հիմա դու գնա ուրիշներին էլ բացատրիլ, թէ բանն այդպէս չէ, այլ այսպէս է:

Մարութեանն այլևս չկարողացաւ դպել իրեն. նա էլ իր հերթին բարկացաւ կնոջ վրայ:

— Դէ, երբոր այդպէս է, — բացականչեց նա, — մեր որդու համար էլ պէտք է ասեն, էլի, թէ չկարողացանք պահել, դուրս արինք, որ գլուխն առաւ կորաւ:

— Ասում են, բաս չեն ասում:

— Գլուխները քարոյն են տալիս, որ ասում են: Այստեղ գործ կայ, ձգտում կայ, նպատակ կայ, — անյոք ինչու չեն ասում: Ամենքի ասէ-կօսէին որ ականջ դնենք, այդ ո՞ւր կը գնայ:

— Դու այդպէս ես ասում, բայց հէնց այդ ասակօսէն է, որ մարդու տուն է քանդում:

— Իսկի էլ չի քանդում: Քեզ պէսներն են, որ, ասակօսէներին նշանակութիւն տալով, կարծում են, թէ այս է՝ տունները քանդուեց գնաց: Փոխանակ ուրա-

խանայու և պարծենալու, որ Աշխէնի պէս լաւ ձրգտումներն տէր մի որբ աղջիկ ևս պահել մեծացրել, դու ինչ-որ յիմար ասէ-կօսէնքի մասին ևս մտածում և ուզում ևս արդելք լինել նրա ամենալաւ ձգտումներին: Նա մեր անունը բարձրացնում է, և ոչ թէ խաղք ու խայտառակ անում:

— Դէ, դու որ այդպէս ևս խօսում, ևս էլ ի՞նչ ասեմ,— նկատեց Թեկլէն և, սաստիկ ջգրած, դուրս գրնաց, դուռը պինդ շրխկացնելով ևտեից:

Եւան, որ մի կողմ քաշուած՝ ամենայն ուշադրութեամբ լսում էր հօր ու մօր միջև տեղի ունեցող այդ խօսակցութիւնը, մօր դուրս գնալուց յետոյ մօտեցաւ հօրը և լուռ համբուրեց նրան:

Հօր ու մօր միջև տեղի ունեցած այդ խօսակցութիւնը Եւան պատմեց Աշխէնին: Աշխէնն ուրախացաւ, որ նա իրեն ազատել էր հօրեղբօրն ու նրա կնոջն իր տալիք ծանր բացատրութիւնից: Նա տեսաւ, որ ամեն ինչ կատարուում էր այնպէս, ինչպէս կանխատեսել էր ինքը. հօրեղբայրը համակրում էր իրեն, նրա կինը հակառակ էր. իսկ Եւայի հետ արդէն վերջացրել էր բանը: Այժմ մնում էր միայն ձևական թոյլտուութիւնը խնդրել Մարութեան ամուսիններից և Միսասեանի հետ ճանապարհ ընկնել:

Բայց այդ ձևական թոյլտուութիւնը խնդրելուց էլ նա ազատ մնաց, որովհետև նոյն օրնեթ Մարութեանը նրա մենակ եղած ժամանակ մտաւ նրա սենեակը և ասաց իրեն ոչ-յատուկ լրջութեամբ.

— Եւան ասաց, որ վճռել ևս վարժուէի լինել և այդ նպատակով գիւղն ևս գնում, ճիշտ է:

— Այո, հօրեղբայր, — պատասխանեց Աշխէնն անհամարձակութեամբ — մի բան, որ երբէք չէր պատահել Մարութեանի հետ խօսելիս: Նա նայեց հօրեղբօր

լուրջ, մինչև անգամ ստոն դէմքին և զգաց, թէ յանցաւոր է նրա առաջ:

— Լաւ, երբ որ այդպիսի մի բան մտադրում և վճռում էիր, ինչու մի անգամ, գէթ ձևի համար, խորհուրդ չհարցրիր մեզնից, — նկատեց Մարութեանը, — աշխատելով կարելոյն չափ մեզմ արտայայտութիւն տալ իր խօսքերին: — Փառք Աստուծոյ, օտար չենք, և մեր խորհուրդը եթէ օգտակար չլինէր, կարծում եմ, փաստակար էլ չէր լինիր: Համաձայնիր, որ դա վիրաւորական է մեզ համար: Դու վարուել ևս այնպէս, որ ուղենք, չուղենք, պէտք է կարծենք, թէ մեզ... բանի տեղ չես դրել:

Աշխէնը նկատելի կերպով կարմրեց:

— Ներեցէք ինձ, հօրեղբայր, — ասաց նա, — աչքերը վայր թողած, բայց հանդիստ և հաստատուն ձայնով: — Ես կատարելապէս զգում եմ, որ այնպէս չեմ վարուել, ինչպէս հարկն էր, բայց բանի տեղ չընել... Դուք այդ խօսքերը չպէտք է արտասանէիք, հօրեղբայր... Այդ շատ ծանր մեղադրանք է ինձ համար...

— Լաւ, լաւ, մի յուզուիր այդպէս: Ես ներողութիւն եմ խնդրում և յետ եմ վերցնում իմ խօսքերը:

— Ախ, ո՛չ, ի՞նչպէս կարելի է... ես խօս այդ չէի ուզում ասել: Ես ուզում էի խնդրել միայն, որ ինձ խնայէք և իզուր չդատապարտէք: Ես, իհարկէ, պարտաւոր էի մտադրութիւնս յայտնել ամենից առաջ ձեզ: Բայց եթէ մինչև այժմ այդ չեմ արել և խորհուրդ չեմ հարցրել ձեզնից, այդ, — Աստուած է վկայ, հօրեղբայր, հաւատում էք խօսքիս, — այդ նրա համար է եղել միայն, որ... քաշուում էի ձեզնից, յետաձգում էի, որովհետև ինքս իմ որոշմանս վրայ վստահ չէի: Սակայն, ի հարկէ, վերջով վերջոյ պէտք է յայտնէի, խօսէի կարող գնալ առանց ձեր խորհրդի, առանց ձեր օրհնութիւնը

ստանալու. չէ՞ որ այս բոպէիս դուք էք իմ ծնողը և անչափ երախտիք ունիք ինձ վրայ:

— Ինչևիցէ, այդ թողնենք: Այժմ, երբ խօսք է ընկել գնալուդ մասին, կարծում եմ, կարող ես պատմել, ինչ որ հարկաւոր է:

Աշխէնը հանգստացաւ և համառօտ կերպով պատմեց եղելութիւնը:

Մարութեանը մինչև վերջը լսեց նրան լուս և ուշադիր և, երբ Աշխէնը վերջացրեց իր պատմութիւնը, կարճ ժամանակ մտախոհութեան մէջ ընկաւ, ապա վերկացաւ:

— Ե՞րբ ես գնում, — հարցրեց նա:

— Վաղը:

— Ա՛յ, տեսնում ես. դու ամեն բան արդէն վերջացրել ես և գնալու ես վաղը, իսկ ես մինչև օրս ո՛չինչ չգիտէի: Այդպիսի բան կարելի՞ է, քեզ եմ հարցնում: Եւ իրաւունք չես տալիս ինձ, որ նեղանամ: Ինչևիցէ, այս էլ թողնենք: Երկաթուղով ես գնալու՞ չէ՞:

— Այո:

— Գիշերուան գնացքով:

— Այո:

— Յետոյ... ի՞նչ ես տանում հետդ:

— Դէ, ինչ որ ունիմ: Ինձ շատ բան հարկաւոր՞

չէ:

Մարութեանն այլ ևս ոչինչ չհարցրեց և ուղղուեց դէպի գուռը:

Աշխէնը նայեց նրա կտէից, մեքենալուրար մի քանի քայլ առաջ գրեց և կանդ առաւ:

— Հօրեղբայր, — շշուշաց նա անհամարձակութեամբ՝

Մարութեանն արագ դարձաւ դէպի նա:

— Ի՞նչ է. բան ունիս տակու:

Աշխէնն աչքերը վայր թողեց: Նրա տկանջների ծայրերը կարմիր վարդ էին կարուկ:

— Ինձ թւում է, թէ... չաջողուեց ինձ արդարաւնալ ձեր առաջ:

— Ա՛յ, քեզ բան, — բացականչեց Մարութեանը դարմացած: — Եթէ գիտեցայի, որ դու այդ աստիճան կասկածամիտ ես, գի՞ծ էի, ինչ է, որ արտասանէի այն խօսքերը: Ի՞նչ մի մեծ յանցանք ես գործել, որ դու արդարանալու էլ կարիք ես զգում: Կը նշանակի ինձ դու լաւ չես ճանաչում, աղջիկս, — աւելացրեց Մարութեանը, մօտենալով նրան: — Դու գիտես, որ ես քեզ իմ Եւայից ոչնչով չեմ դանազանել և, բացի գրանից, յարգել եմ քեզ, յարգել եմ քո կամքը, քո ազատութիւնը, որովհետեւ գիտեմ, որ դու երեխայ չես, որ դու խելօք աղջիկ ես և գիտես, թէ ինչ ես անում: Այժմ էլ ամենայն յարգանքով եմ վերաբերում քո կամքին, քո ազատութեանը: Եթէ հէնց սկզբից ներշնչած չլինէիր ինձ այս յարգանքը, որ տածում եմ դէպի քեզ, և այն համոզումը, որ դու առանց լուրջ կերպով կշռադատելու ոչինչ չես անիլ, — ճիշտը քեզ ասեմ, երբէք թոյլ չէի տալ, որ հեռանաս իմ տնից, որովհետեւ թոյլ տուր նկատեմ, որ ծնողների վերահսկողութիւնն ինչքան էլ որ ծանր թուայ որդիներին, այնուամենայնիւ հարկաւոր է, շատ անգամ ուղղակի անհրաժեշտ է նոյնիսկ իրենց, որդիներին համար: Բայց քանի որ այդ յարգանքը ու համոզումը դու մի անգամ ընդմիջաւ ներշնչել ես ինձ, ես աւելորդ եմ համարում խառնուել քո գործերին. դու կատարելապէս ազատ ես ցանկացածդ անելու: Եթէ սկզբում մի քանի աւելորդ խօսքեր ասացի, այդ պէտք է վերագրես իմ բարութեանը և այն բանին, որ վճիռդ ինձ մի տեսակ յանկարծակիի էր բերել: Այս դէպքում, որ դու վարժուհու պաշտօնով գիւղ

ես գնացա՛մ, ևս կարող եմ միայն իմ անկեղծ համակրու-
թիւնը յայտնել, խրախուսել քեզ, օրհնել ճանապարհը
իրբև հայր և ի սրտէ աջողութիւն մաղթել, գործիդ:
Դնան, որդիս, գնա այն ճանապարհով, ինչ ճանապար-
հով որ գնացել է որդիս, և թող Աստուած անբաժան
լինի քեզնից:

Աշխէնը կամաց խոնարհուեց, առաւ հօրեղբոր ձեռ-
քը և սեղմեց շրթունքներին:

Մարութեանը դպաց, որ արտասուքի երկու տաք
կաթիլ ընկաւ իր ձեռքի վրայ: Նա թեթև կերպով ցըն-
ցուեց, խոնարհուեց, համբուրեց Աշխէնի մազերը գա-
զաթի վրայ, ձեռքը դուրս քաշեց նրա ձեռքի միջից և
շտապով դուրս գնաց, մի տարօրինակ փսփոսց, արձա-
կելով քթից:

XVII

Դիշերուայ ժամը երկուսից անց էր: Մարութեանը
նրի տանը վաղուց արդէն ամենքը քնած էին: Այդ
ժամին Աշխէնն էր միայն արթուն: Նա նստած էր իջ-
սենեակում և նամակ էր գրում: Կնոջ գրին յատուկ
բարակ, փոքրիկ, իրարից բաժան-բաժան գրերն արագ-
արագ շարուում էին իբար հտակից, լցնելով պոստի թուղ-
թի ամբողջ երեսներ: Նա գրում էր համարեա առանց
կանգ առնելու, կարծես գրելիքն առաջուց անգիր էր
արել: Մազերից մի երկայն, բարակ փունջ կախ էր
ընկել թղթի վրայ, և ստուերը խաղում էր ձախ ձեռ-
քի վրայ, որով պահում էր թուղթը: Նամակը վերջա-
յնելուց յետոյ, ստորագրութեան տեղ խաշ դրեց, յե-
տոյ կարգաց սկզբից մինչև վերջը, մի քանի տեղ շտապ
զրկուց բառեր էր բաց թողել՝ արեւացրեց, մի քանի
տեղ էլ բառեր էր կրկնել՝ ջնջեց, փակեց ծրարի մէջ:

հասցէն գրեց յե պահեց սեղանի վրայ գրուած գրքերից
մէկի մէջ:

Անկողին մտնելով, խակոյն ջկարողանցած քնելի՛
չնայելով որ գիշերից արդէն բաւական անցել էր և
ինքն էլ անց օրը շատ յոգնած էր, զգում իրեն Ան-
գանուում էր այն սովորական անհանգիստ արտեթեան
մէջ որի մէջ լինում է նա, որին կեանքում նորո՛ւնեկա-
նակ, նոր ասպարէզ է սպասում, որը շուտով պիտի
թողնի իր ծննդավայրը, տղւնը, տեղը, ծանօթ ու սր-
տակից անձերը և պաշին անգամ պիտի գնաց արբոյշ
անձանօթ տեղ, ուր մարդիկ և իրեր ներկայանում յեն-
կրեակայութեան, բաղձած, որոյն կերպարանքով: Ինչ
որ թախիժ էր զգում արտի մէջ, անորոշ, ծանր, թա-
խիժ, ինչպէս այն մարդը, որ իր ամբողջ կեանքն ար-
ձգում է ինչ-որ անհասկանալի և անորակելի երջան-
կութեան, բայց միևնոյն ժամանակ համողում յեն որ
այդ երջանկութիւնը անհուսանելի ցնորք է միայն: Նու
դէմքը թաղեց բարձի մէջ, և նրա մաքերը կեղտնա-
ցան այն սնձի վրայ, որի ձեռքը պիտի հասնէր նոր
մակը: Երբէք այդ սնձի պատկերը չէր ներկայացնէ
նրա աչքերի առաջ այնպէս վառ ու կենդանի ինչպէս
այժմ: Նա մտքում կրկնում էր նամակի այն կտրերն
որոնք անմիջական ղեղումն էին այն վառ զգոյն
մունքի, որ նա այնքան ժամանակ զսպում էր յոսան-
հատական տանջանքով:

Լուսաղէմին հազիւ կարողացաւ քնել: Բունը շատ
անհանգիստ էր: Ուղեղը դեռևս շարունակում էր գոր-
ծել, ինչպէս ձգուած լար, որը մի անգամ աւելի
շարժուելուց յետոյ, դեռ կրկաթ ժամանակ յցնցուած
դողդողում է, չկարողանալով միանգամից հանգստա-
նալ: Նամակի բառերը շարուում էին նրա արշիկի մէջ
անկապ, անորոշ, տանջող կերպով: Ե՛վ դժի բախ քցցն

Չնայելով, որ ուշ քնեց, բայց և այնպէս վերկացաւ սովորականից վաղ. պէտք է գնար օր. Մահակեանի մօտ իր ուղևորութեան մասին մի քանի կարևոր բան հարցնելու. շտապում էր, որպէսզի օր. Սահակեանին տանը գտնի, այլապէս հազիւ թէ այդ օր այլևս ժամանակ ունենար նրան առանձին տեսնելու, որովհետև ճանապարհի պատրաստութիւններ պիտի տեսնէր:

Տանը դեռևս ամենքը քնած էին: Աշխէնը շտապով լուացուեց, հագնուեց, առաւ գիշերը գրած նամակը, որպէսզի օր. Սահակեանի մօտից վերադառնալիս ձեռքով պոստ ձգի, և դուրս գնաց:

Նրա գնալուց մի քառորդ ժամ յետոյ, ցաւապար աչքերով ծառան, երբ երկար խոզանակը ձեռքին աւելում էր նախասահեակի սանդուղքը, փողոցի դռան մօտ նամակի մի ծրար գտաւ: Վերցրեց ծրարը, դէս շուռ տուեց, դէն շուռ տուեց, նայեց վրան գրուած հասցէին և, որովհետև կարգաւ չգիտէր, բան չհասկացաւ: Նա զարմացաւ միայն, թէ ինչու պոստային ցրիչը ծրարը չէր ձգել նամակների և լրագիրների համար դռան վերայ շինուած արկղիկը, ինչպէս անում էր միշտ, այլ ներս էր ձգել դռան ձեռքից: Սակայն դուռը դիտելով, տեսաւ, որ չկար այնպիսի մի ձեռք, որտեղից կարելի լինէր ներս ձգել այդքան հաստ ծրարը, ուստի այդ բանի վրայ էլ զարմացաւ: Նորից մանրամասնօրէն գննեց դռան չորս բոլորքը և, վերջապէս, այն եզրակացութեան եկաւ, որ ծրարը կարող էր ներս ձգուած լինել դռան տակից, որովհետև այդտեղ կէս մատնաչափ բացուածք էր մնում: Չարմանքը փարատելուց յետոյ, ծրարը ծոցը դրեց և շարունակեց սանդուղքն աւելիլ:

Որովհետև այդօր, ըստ սովորականին, հօրից ու մօրից վաղ վեր էր կացել Եւան, ուստի ծառան դտած

նամակը նրան յանձնեց, յայտնելով, թէ որտեղ էր գտել: Եւան նայեց հասցէին և խիղոյն ճանաչեց Աշխէնի գիրը: Նամակն ուղղուած էր իր կորօրը—Արմենակին: Ծառայեց խմանալով, որ Աշխէնը դուրս է գնացել վաղ առաւօտեան, խիղոյն գլխի ընկաւ, որ ծրարը պատահամբ ընկել է նրա գրպանից:

Այս դէպքը չափազանց զարմացրեց Եւային: Նա գիտէր, որ Աշխէնն երբէք իր կողմից առանձնապէս նամակ չէր գրել Արմենակին: Մարութեանների կողմից հեռացած որդուն յաճախակի գնացող նամակները սովորաբար գրում էր կամ ինքը Մարութեանը, կամ Եւան,—առաւելապէս վերջինս,—իսկ ընտանիքի միւս անդամներն իրենց կողմից մի քանի խօսքով բարևներ էին աւելացնում իրենց ստորագրութեամբ, այնպէս որ այդ նամակներն ընդհանուր բնուորութիւն ունենալով հանդերձ, բովանդակութիւնն էլ յայտնի էր լինում ամենքին: Այս հանգամանքն ի նկատի ունենալով, Եւային խիստ անախորժ թուաց Աշխէնի ծածկամտութիւնը, որը նա պարզ կերպով տեսնում էր թէ գրուած նամակի փակ ծրարից և թէ այն բանից, որ Աշխէնը չէր յայտնել, թէ ինքը նամակ է գրելու կամ արդէն գրել է Արմենակին և, ինչպէս երևում է, ամենևին չպէտք է էլ յայտնէր, որովհետև պարզ է, որ նամակը գրել է ծածուկ և վերցրել է իր հետ, որ պոստը ձգի, յատկապէս դրա համար դուրս գնալով տնից այն ժամանակ, երբ ամենքը քնած են կղև: Բայց ինչ է գրել նամակի մէջ, որ կամեցել է ծածուկ պահել: Այս հարցն ահագին հետաքրքրութիւն զարթեցրեց Եւայի մէջ, այն աստիճան, որ քիչ մնաց ծրարը պատռէր և նամակը կարդար: Հազար ու մի կասկածներ անցան նրա գլխով, մէկը միւսից վատ, յուզող և զրգոող:

դուան մօտ գտել և յանձնել է ինձ, այնպէս էլ քեզ եմ դարձնում:

— Հապա ինչո՞ւ ես ասում այդպիսի նամակ:

— Հապա ինչո՞ւ դու այդպէս այլայլում ես:

Աշխէնը նկատելի տանջանքով դէմքը շրջեց Եւայից:

— Եւա, ասա միանգամից, ինչ որ ասելու ես. տեսնում ես—տանջում եմ:

— Իսկ ինչո՞ւ ես տանջում: Որովհետեւ զգում ես, որ մեղաւոր ես, չէ՞. որովհետեւ ինքդ էլ հասկանում ես, որ գրածդ... զրպարտութիւն է, չէ՞:

Աշխէնը տարակուսանքով նայեց Եւայի դայրացկոտութիւնից վառնող աչքերին:

— Զրպարտութիւն...

— Այո, զրպարտութիւն, — շեշտեց Եւան, ձայնը բարձրացնելով: — Ի՞նչ է. չլինո՞թ թէ ուղում ես ուրախալ, որ զրպարտութիւն չես գրում այդ նամակի մէջ:

— Ի՞նչ զրպարտութիւն, Եւա... ճում մասին:

— Մեր մասին:

— Ձեր մասին...

— Այո, մեր մասին—հայրիկի մասին, մայրիկի մասին, վերջապէս—իմ մասին:

Աշխէնն ապշութիւնից մինչև անգամ ժպտաց:

— Ի՞նչ ես ասում, Եւա...

— Ի՞նչ է. սուտ է, որ այդ նամակի մէջ չես գանգատուում, թէ մենք ճշտում, նեղում ենք քեզ, թէ մենք ամեն բոլի երեսովդ ենք տալիս մեր բարերարութիւնը, և դրանից է, որ փախչում ես...

— Աստուած է վկայ, Եւա, դու գժուել ես այսօր:

— Ես չեմ գժուել, այլ ճշմարտութիւնն եմ ասում: Եթէ դու լաւ աղջիկ ես, եթէ որեւէ բանի համար նեղացած ես մեզնից, ուղղակի մեզ կը յայտնէիր գժողո՞

հութիւնդ, և ոչ թէ զրպարտութիւններ գրելով կաշխատէիր Արմենակին կոռեցնել մեզ հետ:

— Ե՛ւա, այդ դ՞ու ես... այդ յիմարտութիւնները դ՞ու ես ասում:

— Մենք քեզ ոչինչ չենք արել: Մենք մինչև անգամ ամեն կերպ աշխատել ենք քեզ հետ վարուել այնպէս, որ դու ամենևին չզգաս, թէ մեր տանն ապրում ես իբրև բարերարուած մի ուրբ, իսկ դու... Դու վատ աղջիկ ես... Դու... դու ապերախտ ես...

— Դէ, բաւական է, Եւա, — աղաղակեց Աշխէնը ծանր վերաւորանքի յանկարծական բռնկումով, և նրա աչքերը փայլեցին կատաղի դայրացկոտութեամբ: — Ինչպէ՞ս ես համարձակում ինձ այդպիսի բաներ ասել... Յիմար, կոպիտ, անտանջ: Ի՞նչ է նշանակում բարերարուած որբ... Ի՞նչ է նշանակում ապերախտ... Հասկանում ես այդ բառերի իմաստը... մտածում ես, թէ որքան վերաւորական է այդ ինձ համար... Այդ բառերը որ մտքովդ անցնում են, ի՞նչպէս լեզուդ զօրում է արտասանել... Ես խօ կը մորթէի ինձ, եթէ առաջուց իմանայի, որ ինձ վրայ այդպիսի աչքով էք նայում... Ես կը գնայի մուրացկանութիւն կանէի փողոցում և, եթէ քաղցած մեռնելիս լինէի, ձեր հացը կուտէի միմիայն նրա համար, որ խեղդուէի... Ա՛խ, Եւա, Եւա, այս ինչեր ես ասեցնել տալիս ինձ, այս ինչեր ես ասեցնել տալիս, — հառաչեց Աշխէնը և, նստելով սեղանի մօտ, գլուխը սեղմեց ձեռքերի մէջ անտանելի տանջանքով:

Եւան տեղնուտեղը ցամաքել էր: Պարզ երևում էր, որ ամենևին չէր սպասում, թէ իր խօսքերը կարող են այդպիսի փոթորիկ առաջ բերել: Նա ուղեց խօսել, արդարացնել իրեն, բայց խօսելու տեղ յանկարծ լաց եղաւ:

Աշխէնը հասցեց նրան տարակուսանքով, ուսեւրը վեր քաշեց և գլուխը նորից սեղմեց՝ ձեռքերը մէջ։

— Հապա՛ ինչո՞ւ նամակդ ծածուկ էիր պահում, — ասաց Եւան հեծկտալով, թաշկինակն աչքերին մեղմած։

— Որ դադարն էր պահում, — նշանակում է, — թէ կորուստով թիւնն էր եւ գրեւ ձեր մտախն, և դու իրանքսը ունիս ինձ վիրաւորելու, հեղատեց Աշխէնն այն անգամ հանդիսում ձայնով։

— Մեղաւոր եմ, որ ծածկամտութեանդ համար այդ կնթաղութիւնն եմ արել։

— Եստե՛ս վնաս ես արել։ Մեծ յիւժարութիւն ես արել։ Ինչո՞ւ հակառակ կնթաղութիւնը չէիր անում։ Կէ որ ձեզնից շտրկակալ լինելու և ձեզ դեմիլուս դէպքումն էլ համեմատութիւնս չէր թոյլ տալ ինձ, որ նամակս ցոյց տայի ձեզ։ Ինչ որ համտան ցայտնի չէ, անպատճառ պէտք է վնաս մտքով քայտարել։

Աշխէնը խօսում էր հանդիսում, բայց վերին աստիճանի դասնացած։ Եւան դողարել էր հեծկտալուց և մտաբեր էր արձանացած։ Նա լիովին դգուժ էր իր յանցանքը, ամաչում էր և չէր իմանում ինչպէս անի, որ ուղղի իր սխալը։

Աշխէնը յանկարծ վերկացաւ, ուղղեց գլխարկը, համակը պրպտեց կրտսեց և դիմեց դէպի դռներ, առանց իմիջութեան անդամ արտասանելու։

Եւան անսամարձակօրէն հայեց նրա ետևից։

— Դու գնում ես, — հարցրեց կամայ։

— Այո։

— Ո՞ւր։

— Վարոյի մօտ։

— Միտարի՛ր մի ըտպէ։

— Աշխէնը կանգ առաւ դռան մօտ։

— Բան ունիս ասելու։

— Այո։

— Ի՞նչ։

Եւան խկոյն չպատասխանեց։ Նայում էր յատակին և թաշկինակը ճմուռւմ էր ձեռքին։

— Խիստ վիրաւորուեցիր ինձնից, — հարցրեց վերջապէս։

Աշխէնը դարմացած դարձաւ դէպի նա։

— Ինչ հարցնում ես կեանքիս մէջ ոչոք չի վիրաւորել ինձ այնպէս, ինչպէս դու։

— Եթէ ներողութիւն խնդրեմ...

— Ի՞նչ օգուտ, երբոր արդէն վշտեցիր սիրտս։

— Ուրեմն... ուրեմն այս գիշեր խոտված պիտի բաժանուես ինձնից։

— Ինչո՞ւ խոտված. կրեխայ եմ, ինչ է։ Բայց քեզ հետ այսուհետև շատ խիստ կը վարուեմ, որպէսզի ինձ յարգես։

Եւան յանկարծ դայրացած ոտը սլինդ խփեց յատակին։ Արձակ մաղերից մի երկայն փունջ թռաւ ունի վրայից և ընկաւ կրծքի վրայ։

— Ես քեզ չեմ յարգում, որ այդպէս ես խօսում, — բացականչեց արտասուքն աչքերին։ — Խօս հասկանում ես, որ վիրաւորեցի անգիտակցաբար, վիրաւորեցի իմ յիմարութիւնից, և զղջում եմ։ Ուրիշ ի՞նչ ես ուզում։

— Ես ուզում եմ, որ սովորես նախ լաւ մտածել և ասպա ասել այն, ինչ որ ուզում ես տեսլ։

— Այսուհետև այդպէս կ'անեմ, հիմա։

— Վախնում եմ, որ այդպէս չ'անես, եթէ խիստ չվարուեմ քեզ հետ։

Եւան դապած դայրացկոտութեամբ դէմքը դարձրեց նրանից։

— Գնա՛, լաւ այլևս հարկաւոր չէ քո ներումը, քանի որ, ինչպէս երևում է, ընդունակութիւն չունիս

անկեղծութիւնը հասկանալու,—ասաց, կրճքի վրայ ընկած մաղերի փունջը բարկացած յետ ձգելով:—Դու պեզանտ ես, և ես զարմանում եմ ինձ վրայ, թէ ի՞նչպէս կարողացել եմ քեզ այսքան սիրել, քանի որ մեր բննաւորութիւններն այսքան հակառակ են իրար, և դու կարծես զօրով աշխատում ես, որ քեզ ոչոք չսիրի: Մի՞թէ չես հասկանում, որ քո մի հասարակ, քաղցր խօսքն այս բոլորիս աւելի ազդու և խրատական կարող էր լինել ինձ համար, քան թէ այդ սառն, հպարտ վարմունքը: Եւ այդպիսի չորացած սրտով ուղում ես նուիրել քեզ մի դործի, որին ծառայելու համար ջերմ զգացում, վառ սէր, փափուկ սիրտ է հարկաւոր...

Նա լսեց վիրաւորուած հպարտութեամբ, հեռացաւ դէպի լուսամուտը և, նայելով դէպի դուրս, սկսեց հիւսել արձակ մաղերն արագ-արագ և մեքինայաբար: Երկար ժամանակ լուծիւն տիրեց:

Եւան սպասում էր, թէ Աշխէնը կըխօսի. բայց Աշխէնի ձայնը չէր լսոււմ: Ոչ միայն այդ, այլ և ոչ մի բանից չէր երևում, թէ նա ներկայ է սենեակում: Եւային թուաց, թէ նա գնացել է, բայց, յետնայելով, զարմանքով տեսաւ, որ նա կանգնած է դռան մօտ արձանի նման և նայում է իրեն խիստ օտարոտի հայեացքով: Այդ հայեացքն այլևս առաջուայ սառն, հպարտ հայեացքը չէր, այլ ինչ-որ անակնկալ յայտնութիւն գտած և այդ յայտնագործութիւնից աղշած մի հայեացք, որ ուղղուած էր դէպի ներս, դէպի սեպհական հողու խորքը:

—Գնա, էլի, ի՞նչ ևս կանգնել,—նկատեց Եւան, աւելի ու աւելի զարմանալով:

Աշխէնը դարձեալ մի բոլոր նայեց նրան նոյն հայեացքով, յետոյ մեքինայաբար նստեց հէնց այնտեղ, դռան մօտ, զրուած աթոռի վրայ և տեղն ու

տեղը սառեց: Այս անգամ նա թոյլ կերպով վայր թողած ձեռքերով, յատակին յառած մտախոհ հայեացքով և անշարժ գրութեամբ նմանում էր անմխիթար մի սպաւորի:

Եւան կատարելապէս ապշել էր: Նա չէր հասկանում, թէ յանկարծ ինչ մի յեղաշրջում էր կատարուել հօրեղբօր աղջկայ մէջ, որ նրան այդպէս կերպարանափոխել էր: Նա այլևս չէր համարձակուում ձայն հանել և չուած աչքերով նայում էր Աշխէնին սպասողական գրութեան մէջ:

—Չորացած սրտով... չորացած սրտով,—վերջապէս արտասանեց Աշխէնը շատ կամաց, մաքով ինքն իր մէջ կեղբոնացած:—Դու իրաւունք ունիս... Սրախ ըմբռնողութիւնը չորացել, բթացել, անզգայ է դարձել... Այո, իրաւունք ունիս ինձ յանդիմանելու, որ քեզ խսկոյն չհասկացայ...

Նա ձեռքը ձգեց աթոռի մէջքովը և աչքերը պինդ սեղմեց կուսն վրայ:

—Բայց մեղաւորը ես չեմ, այլ... այն դժբաղդ հանգամանքը, որ այսպէս աւերել, ծերացրել է սիրտս...

Նրա ձայնն արագօրէն խլացաւ և յանկարծ կըտրուեց: Եւային թուաց, թէ արտասուքը խեղդում է նրան, և նա մեծ ջանք է գործ դնում, որ չհեկեկայ: Նա մեքենայաբար մի քանի քայլ առաջ գնաց, բայց յանկարծ կանգ առաւ փշաքաղուելով. Աշխէնի նիհար ուսերը և մէջքը ցնցում էին ջղաձգաբար: Եւան նորից առաջ վազեց:

—Աշխէն ջան... դու լալիս ես,—արտասանեց, չօրելով հօրեղբօր աղջկայ առաջ և քնքշութեամբ զըրկելով նրա ծնկները:

Այս անգամ Աշխէնի ամբողջ մարմինը ցնցուեց: Նա աչքերն աւելի պինդ սեղմեց կուսն վրայ, բայց և

այնպէս զսպած հեկեկանքը, կարծես կուրծքը պատա-
նելով, դուրս ժայթքեց նրա սեղմած բերանից:

Եւան այս անգամ ուղղակի կպաւ նրա ծնկներին,
և նրա աչքերը լցուեցին խոշոր արցունքով:

— Աշխէն ջան, մի՞թէ քեզ դարձեալ վիրաւորե-
ցի... Հա՛, վիրաւորեցի: Բայց չէ՛ որ ես յիմար եմ, և
մի՞թէ արժէ նեղանալ ինձնից: Աղաչում եմ մի լար...
Բաւական է... Աստուած է վկայ, ես երբէք, երբէք
չեմ վիրաւորիլ քեզ... Ի՛նչ բաւական է, ասում եմ...
Աշխէն ջան, լսում ես:

Աշխէնը նստեց ուղիղ, երկու ձեռքով պինդ փա-
թաթուեց Եւայի վզովը և գլուխը կայցրեց նրա գլխին:

— Ինչո՞ւ ես կարծում, թէ ես նրա համար եմ լա-
լիս, որ դու վիրաւորել ես ինձ, — խեղդող հեկեկանքի
միջից արտասանեց նա: — Ո՛չ, ո՛չ, Եւա ջան: Ես լալիս
եմ, որովհետեւ այլ ես չեմ կարող չլալ... լալիս եմ, որ
բովհետեւ այս արցունքը վաղուց է, որ ծանրացել է
սրտիս վրայ: դու միայն առիթ եղար, որ այլևս չկա-
րողացայ զսպել ինձ... Որ գիտենաս, թէ ինքս իմ մէջ
կեդրոնացած, ամենքից, այն, ամենքից, նոյն իսկ քեզ-
նից, ծածուկ հոգեկան ինչպիսի տանջանքներ եմ կրել
ես... Ինչպիսի դառն, ինչպիսի սպանիչ թախիծ շա-
րունակ կրծել է սիրտս... Ամեն բույէ, ամեն վայրկեան
ստիպում եմ եղել ճնշել, մեղցնել մանուկ սրտիս
բաղձանքները, վառ երեսկայտ թեանս թռիչքը... գի-
տակցութիւնս անողոր դահճի պէս շարունակ ջախջա-
խել է իմ մէջ այն, ինչ որ կեանքի հետ մի անգամ է
միայն տրուում մարդու... Այդ է պատճառը, որ ես հո-
գով ու սրտով այդպէս շորացել, պայտիսի անհրէժ ու
անալի արարած եմ դարձել... Բո՛ւ մանուկ սիրտն է մի-
այն, որ կարողացել է այդպիսի սիրտի կապուած մեալ
ինձ հետ...

... Եւայի հետ զարարեց հեկեկանքը, պարսեւ շարժումով
թողեց Եւայի միջոց և բունեց նրա ձեռքերից: Արձանա-
սուքից կարմրած աչքերը ներքին հուր և միկետոյն ժայ-
մանակ սպանիչ տանջանք էր արտաբայտուած: Եւայ կար-
ծես, տենդի մէջ էր:

— Եւայ, — շարունակեց նա լսելով այնպէս
ցածրանկնիւր տրու համարում շնչում: — Երբ լսելիս քեզ-
նից այլևս չեմ կարող թնադցնելու: Ես սիրում եմ քեզ, որ-
բոք... սիրում եմ ոչ! այնպէս ինչպէս որ դու մի-
շեկ այժմ կարծել ես... Եւայ էլ ինձ է մեծրեանել: Երբ
բաժանուեցիք իրարից, որովհետեւ մեր վիրացումն ան-
կարելի էր: Ես հեռացանք: Ես էլ հեռացում եմ: Այ-
ստիկանքով, տարի, տարուց էլ անելի է: Երբ մեզ վերած-
հեա՝ առանձնապէս ոչ մի հաղորդակցութիւն չենք ուն-
ենցել: որովհետեւ խոնք ենք կոտրել իրար: մի անգամ
Բայց այդ հեշտ չէ, այդ անկարելի է... Գիտէ՛ս նա չեմ
կարողացել մոռանալ նրան: Եւայ կարող է: Գիշերի ցե-
րեկ, ամեն ժամ, ամեն բույէ, չնայելով ինչս ինձ զրա-
պելուն, ամբողջ սրտովս, ամբողջ էութեամբս դէպի նա
եմ ձգտել... Կարօտը, սաստիկ կարօտն արմատիկ տան-
ջանք է: այստե՛ստեւ ինձ այս իսկ երէկ պիշեր այլ կարօ-
տըն այն աստիճանի հասնաւ, որ չկարողացայ իմ ստ-
մնապանջ շլինել: Երբեքի այն նամակը, որ մայրիք քո
ձեռքն է ընկել: Եւայ արիտ է, այդ նամակն արդու է
ինչպէս ամենքից, այնպէս և քեզնից: Թա՛ծուկ պի՛նք,
որովհետեւ սիրտս, Եւայ, իմ անդին Եւայ սիր է: Երբ
քեզ վերցնեց, մի՞թէ կոտորեցի, որ պակէ իր ինձ սիրտի
կուզէի, որ ուրիշ աչքով նայելիլ ինձ, չէ՛ որ այդ ան-
կիներ ինձ համար, թէև, երբուամ եմ արևովս, այն
ինչ որ տածում եմ դէպի քո եղբայրը, սուրբ է, սըր-
բութիւնից էլ բարձր և այդպէս էլ կրմեանի, եթէ մի-
այն կրմեանի... Յանցաւոր եմ արդեօք այդ սիրտի մէջ

Մտեր

և այն ընտրում, որ աշխատել եմ այդ սէրը ծածուկ պահել քեզնից,— չգիտեմ, քո դատաստանին եմ ապաւինում, բայց...

Նա խօսքը չվերջացրեց և դէմքը ծածկեց ձեռքերով:

Նւան՝ ինչպէս որ չօրած էր նրա առաջ, այնպէս էլ մնացել էր արձանացած: Աշխէնի խոստովանութիւնն այնքան անակնկալ, այնքան հեռու էր նրա մտքից, որ նրան թւում էր, թէ երազումն է: Նրա դէմքը սառել, աչքերը չւած էին մնացել անմիտ արտայայտութեամբ:

— Նամակի մէջ գրում եմ այն, ինչ որ այժմ յայտնեցի քեզ,— շնչաց Աշխէնը, ձեռքերը դէմքից չհեռացնելով:— Յայտնում եմ, որ գնում եմ դիւղը և խորհրդածութիւններ են առհասարակ կնոջ և մասնաւորապէս իմ ապագայ գործունէութեան մասին: Ուզում եմ, տամ կարգաւ:

Նւան վեր կացաւ նրա առաջևից և մեքենայաբար թափ տուեց փեշերը:

— Ոչ, ի՞նչ հարկաւոր է,— ասաց սառած ձայնով:

— Որպէսզի չկասկածես...

— Ոչ, հարկաւոր չէ,— կրկնեց Նւան և հանդիսաբայելբրով դիմեց դէպի իր սենեակի դուռը:

Աշխէնն արագութեամբ վերկացաւ, ուղեց բանասել, բայց նորից ընկաւ աթոռի վրայ և դէմքը նորից ծածկեց ձեռքերով:

Նւան, անախցիկն նայելու, նոյն հանդիսաբայելբրով դուրս գնաց և դուռը կամայցիկ գրեց իր և տեղից:

XIX

Նւայի առաջ իր խոստովանութիւնն անելով, Աշխէնը կարծում էր, թէ պիտի թեթևանայ երկար ժամանակից ի վեր իր սրտի վրայ ծանրացած զաղտնիքը. բայց ընդհակառակը— նրա տանջանքների վրայ նոր տանջանք աւելացաւ: Տեսնելով և, առաւելապէս, զգալով այն անկարելից սառնութիւնը, որով Նւան ընդունեց իր խոստովանութիւնը, նրան թուաց, թէ անդառնալի կերպով կորցրեց մի թանկագին բան. կորցրեց իր հեղինակութիւնը Նւայի առաջ, կորցրեց նրա սիրտը, կորցրեց նոյն իսկ նրա հետ ունեցած ազգակցական բարոյական կապը: Այժմ նա լիովին զգաց, որ վերին աստիճանի կեղծ պիտի լինի իր գրութիւնն այդ տան մէջ և ապրել այդտեղ այլևս անհնարին կըլինի իր համար: Նրան մխիթարում էր այն հանգամանքը միայն, որ այդ գիշեր պէտք է հեռանար:

Աղախինը մտաւ և ասաց, որ նրան սպասում են թէյ խմելու:

Ոչ թէյի ախորժակ ունէր, ոչ էլ ցանկութիւն Մարութեանների մօտ գնալու: Երկիւղի և ամօթի նրման մի անդիմադրելի զգացում ստիպում էր նրան խոյս տալ Մարութեանների աչքին երևալուց: Թէև ամենևին չէր կարծում, թէ Նւան այնքան յիմար կըլինի գտնուած, որ իր խոստովանութիւնը յայտնած կըլինի ծնողներին, այնուամենայնիւ նրան թւում էր, թէ ամբողջ տունն արդէն իմացել է իր զաղտնիքը և ամենքը խիստ թշնամական աչքով պիտի նայեն իրեն: Այդ ծանր տեսակցութիւնից զէթ առժամանակ ազատ մնալու համար ուրախութեամբ կըզնար օր. Մահակեանի մօտ, եթէ արդէն ուշ չլինէր: Բայց սենեակում փա-

կուելն էլ միտք չունէր. դրանով կարող էր կասկածի առիթ տալ. Ուստի գլխարկը վերցրեց, վերարկուն հանեց և դուրս գնաց զէպի սեղանատուն, աշխատելով ընդունել իր սովորական անտարբերութիւնը, որը, սակայն, այն անգամ յուսահատական համարձակութեան էր անմասունք.

Սեղանի վրայ քլթքլթում էր փոքրիկ մաքուր հնչյուններ. թեկէն արդէն լցրել էր թէյի բաժակները և շոր էր ակեղացնում թէյնոցի մէջ, նրա մօտ նստած էր փոքրիկ Սուրենը և մեղր ու կարգով հաց էր ուտում. Եւան նստած էր սեղանի ծայրին և այդ օրումս լրագիրը սեղանի վրայ փռած ամբողջ մարմնով խնայողութեամբ էր նրա վրայ. Մարութեանը խալաթը հանքին, նստած էր հետու լուսամուտի մօտ և նոյն օրումս մի ուրիշ լրագիր էր կարդում.

Ներս մտնելով, Աշխէնը սովորական բարեւ տուեց Մարութեան ամուսիններին և նստեց Եւայի դիմաց, սեղանի հակառակ ծայրին, ուր նստում էր միշտ. Եւան մինչև անգամ գլուխը չբարձրացրեց լրագրի վերայից. նրա զէմը դժգոյն էր և վերին աստիճանի խաղաղ. Աշխէնը նայեց նրան և այն կեղծնացած հայեացքից, որ նա յանել էր լրագրի վրայ մի հէտի հանկաջաւ, որ նա ոչ միայն չի կարդում, այլև չի տեսնում իր առաջ փռած լրագիրը.

Մարութեանը ձեռքին բռնած լրագիրը ծայրից դրեց լուսամուտի տախտակի վրայ և, աթոռը ձեռք վերցնելով, գնաց նստեց սեղանի մօտ, հստի դիմաց. նա անմիջապէս խօսք բաց արեց Աշխէնի ուղևորութեան մասին և ակելորդ չհամարեց մի քանի խորհուրդ տալ նրան մի առանձին լրութեամբ, ինչպէս առիտն անբախ խօսում էր երբօր ակզկայ հետ. նա ցաւ յայտնեց, որ հորձերի խառն դրութեան պատճառով չի կա-

րողութեանը Աշխէնին թէ և չանէ հոգում նրա ապահով կերպով տեղ համեմուտ համար. ...

Աշխէնը շնորհակալութիւն յայտնեց և հանգստացրեց նրան, անելով որ նրա ուղեկցութիւնն ակելորդ է, քանի որ ինքը մենակ չի գնում. ... Այն ինչ թեկէն զայս քաղաքութեամբ մի քանի նկատողութիւններ արեց. Աշխէնին և ուրում էր շարունակելու լայն ամուսինը մեղմութեամբ անստեղծ նրան, և թեկէն այլև ոչինչ չասաց և մինչև վերջը, իբրև բողոքի ցոյց, չուրթիւն պահպանեց. յամուսնուհի և վերադարձած ց. ...

Միակ Եւան ամենևին ձայն չէր անում. Լրագիրը շարունակ էր հարկան անթուր վրայ և մէջքից խոսնային անած պլուսը միայն խնդրում էր թէյը. առանց բաժակը բարձրացնելու. Աշխէնն ամբողջ ժամանակ նրկելով դիտում էր նրան և շտաւ, որ նա ոչ թէ մի անգամ նայէր իրեն. ...

Հազիւ թէյը վերջացնելով Աշխէնը քաշուեց իր սենսակը. նրկար ժամանակ անցուդարձ էր անում ծաւըր մտատանջութեան մէջ, յետոյ արագ մօտեցաւ նրա արանին, որ հէնց նոր վանել էր ծառան, որպանից հաւձեց նրանակը և շարտեց բոցերի մէջը. ...

Նոյն բուպէին դուռը կամաց բացուեց. ...

Նա դողաց և արագ դարձաւ դռան կողմը. Եւանը կանգնած էր Եւան և անշնորհ. համարեա անզգայ հայեացքով հանում էր ծրարին որը կրակի բոցերի մէջ ծանր կեղծով կարմրեց, սնանցաւ, ծայրերից սլորուեց և ազոմ բոցազառուեց. ...

Այն անմտեղ էր աստեղ Աշխէնը պարծնապաշտպանելով իրեն վի բանի ոչէմ. զսով մե զգանով Եւան և հայեացքը նրա վրայ պարձրեց. ...

—Այրեցի, որովհետև... այդ նամակն եղաւ պատ-
ճառը, որ իմ ու քո միջև բացուեց այս... անդունդը:

—Ի՞նչ անդունդ:

—Չգիտեմ, բայց... ինձ թւում է, ես զգում եմ,
որ մեր միջև արդէն ինչ-որ անդունդ է բացուել...
Թւում է, թէ ես արդէն օտար եւ ատելի եմ քեզ հա-
մար: Չէ որ դու արդէն գիտես, որ եղբօրդ հեռանա-
լու, իր ընտանիքից, իր հարազատներից անջատուելու
զլխաւոր պատճառն ես եմ, ես, որ այդ բանից յետոյ
դու երես եմ ունեցել ձեր խնամքը վայելելու...

Աշխէնի ձայնը հնչում էր խաղաղ. նա այդպէս
խօսում էր, ամենևին միտք չունենալով, թէ ուզում է
իրեն վիրաւորուած ցոյց տալ կամ վիրաւորել:

Նւան ոտը ներս դրեց շեմքից, դուռը փակեց եւ
արագ քայլերով մօտենալով Աշխէնին, կանդ առաւ ուղ-
ղակի նրա առաջ:

—Լսիր, Աշխէն,—համարեա շնչասպառ, շշնջաց
նա:—Այդ դձև ես այդպէս մտածում, թէ քեզ թւում
է, թէ դու համոզուած ես, որ ես եմ այդպէս մտա-
ծում:

Աշխէնը դէմքը դարձրեց նրանից:

—Դու ես այդպէս մտածում... Նւ կատարեալ իրա-
ւունք ունիս...

—Իրան, իրան. դու այդպէս ես համոզուած:

Աշխէնն իսկոյն չպատասխանեց:

Նւան սպասում էր անհամբեր:

—Հապա ինչո՞ւ, որ խոստովանուեցի, այնպէս
ստուեցիր,—վերջապէս արտասանեց Աշխէնը, և նրա ձայ-
նը դողաց:—Ինչո՞ւ մի խօսք, կարեկցութեան, սիր-
փանքի մի խօսք անգամ չասացիր...

—Չասացի, որովհետև... Ի՞նչ կարող էի ասել,—
արագ վրայ բերեց Նւան:—Չասացի, որովհետև... հիմա

էլ, մինչև այժմ էլ ինձ թւում է, թէ երազումս եմ...
Միթէ ինքդ չես հասկանում, որ խոստովանութիւնդ
ուրիշ կերպ չէր կարող ազդել ինձ: Չէ որ այդ նորու-
թիւն էր ինձ համար, անսպասելի, աներևակայիլի, ան-
կարելի նորութիւն... Եղբայրս և դձև... Ի՞նչպէս, երբ,
միթէ... Բայց ինքդ ասացիր, որ այդ իրողութիւն է...
Ի՞նչ կարող եմ ասել... Իրաւունք ունիմ խառնուելու...
Ո՛չ, այդ չեմ թոյլ տալ ինձ և չեմ էլ կարող... և չեմ
էլ ոսզում... Տեսնում ես, բացատրութիւն, մանրամաս-
նութիւն էլ չեմ պահանջում, որովհետև... չեմ ուզում,
որովհետև գիտեմ, որ այդ ծանր պէտք է լինի քեզ
համար և... ինձ համար... Բայց այդ դու իրաւունք
չի տալիս քեզ մեր միջև անդունդ տեսնելու: Այո, դու
իրաւունք չունիս,—լսում ես, իրաւունք չունիս,—իմ
տեղ վատ-վատ բաներ մտածելու քո մասին: Հէնց այս
առաւօտ, փոքր ինչ առաջ էր, որ դու սաստիկ նեղա-
ցար ինձնից, թէ ինչո՞ւ թոյլ էի տուել ինձ քո տեղ
վատ բաներ մտածելու. մեր մասին: Այժմ խօ. ես էլ
իրաւունք ունիմ նեղանալու քեզնից: Ասա, ունիմ,
թէ ոչ:

—Ունիս, ունիս,— շշնջաց Աշխէնը, տեսնելով, որ
դպրոցումների և կասկածների տարօրինակ խառնա-
շփոթութիւնից կորցրել է իր առաջուայ սառնասրտու-
թիւնը, լողիկան, բոլոր քաջութիւնը:

Նւան առաւ նրա ձեռքերը:

—Ա՛խ, Աշխէն, քոյրիկս,—ասաց դպրոցում, —ի
դուր ես կարծում, թէ ես այլևս առաջուայ Նւան չեմ,
քո Նւան; և իդուր ես կարծում, թէ այսուհետև օտար
եւ ինձ համար և ես ատում եմ քեզ: Ատի՛ր... Ես մինչև
անդամ չեմ կարող հասկանալ, թէ ինչպէս և ինչ բա-
նի համար կարելի է ասել: Ես սիրելի միայն կարող
եմ, չափից դուրս սիրել և դրանից է, որ քեզ այսօր

այնքան արհաւիրելու պատճառակցից, Չգարդու թիւնս
այնքանի, նորքը եւ յոր ամեն ձիւ արտասովոր, չոր կտրելի
ցնցում է, ամբողջ էութիւնս, նոյնը պատանկեց, և որո
սորս հայր կրեք, չորքէ մի կարծիքս, թէ կողպովակ
նութիւնը վարս արարութիւնէ թողել, ինչ՞ չկայս
Ընդհանրակցի, եւ հեղհեպէ գգում կն գգութու կտրել
բայլս պատակ արարութեամբ էք ինչ աչքումս, այնքան
բարձրանում, որ մինչև անգամ նախանում կն ձեռ
հողում քաջութեամբ, Չգում կն, որ կթէ ուրիշը, քննել
ձեռ արդը, յիւրութեամբ կարող էր յանցանք գործելու
հայց դուք յայդպիսի բան չէք արել, որակիտակ միայն
կելինէր, որ անէիք, որովհետեւ պատակի իր գործարարաց
նէիք հայրեկին, մայրեկին, ինչ՞ չէ վերջը, կտրակեք
որ գործէ, զգործէք էք, որ անաչում կս ինչ, Ազնեյ
գեղեղսր կթէ կս մի բան ասում կն, ազգակեց արտ
տեցում հորուցում կս պարս, մի բան որ պարս, կն աս
սում կն ոչ, թէ կրտեակայր, որ այդպէս կն վտանգւմ
պչ նրան համար, որ այդպէս կն գգում, Աստուծոյ
թիւն է այս, Ահ թիւն թիւն, չգիտեմ միայն գիտեմ
որ լով չոր ուղեղով մարդ կարող է միևնոյն բանին
հարգը, ու մի երար հակառակ քացարութիւններ աս
միևնոյն զգացմունքը, սիրտը մի բան միայն կարող
է թկարտել, մի անկեղծ բան — միակ հշարտութիւն
Չոր ուղեղով որ բան քացարութիւններ կարող է, աս
այն հանգամանքին, որ գործ է կտրել, ձեռ արդ
պէք յանկէք, զգովութիւնս կարողութիւնս, Չոր ուղե
ղան, զանհա կարտել, կն ձեռ թերտ, ներքայացիկ
հետուր զանհա կարտել, կս արդը կն, կտրակայս
ուրիշից, Չգում արդ կտրելու, կն քաջութեամբ գլու
տան ձեռ զոչարեղութիւնս, զարմտեա կտրակեք, դար
դս կտրել, չորքէ, յիւրութեամբ կն ձեռ արդ, չեւայն
կեղծ արդի, դարձարտեալ, ինչպէս արդ չորքէ

Այն, չոր ուղեղով ամեն կերպ կարելի է դատել, քայց
աս, ոչ, Աստուծոյ շանկ որ կրթելիցէ չոր ուղեղս, քնն
թիւն մէջ, Ամենամեծ դժբաղդութիւնս ինչ, համար այն
օրը կը լինի, երբ կն, դարարեմ արտով մտածելուց
Այժմ որ զիտեմ, թէ ինչու միշտ անպէս մտնէի,
միշտ այնպէս մտախոհ էիր լինում, թէ ինչու միշտ այն
պէս զոյնեած էիր արանում, ջեղ, միշտ քաշուած և որ
թէք արտանց չէիր ուրիշում, այն անպէս որ անչ
թիւն անայց, թէ ինչպիսի յոնանամք թէ, էր արիւն
թէք այդ թողիւ, անմեծութեամբ և հանդանալուց արտ
թիւն կարող եմ ամբողջ հոգովս չարանալ ջեղ զան
չպիւր միևնոյնը, ինչ որ գու կն զգացել և զգումս, յ
անչ Աշխէնի արքերը լցուել էին նրանց քոյր մտաւ
կում էր խոսել, քայց թողիւ կարծես հոգ էին արտիւն
թիւնս — որ զիտեմս, արտանանց, արտանալը ինչ
խոսող, որ զիտեմս, ինչ, որ ջեղ մի թարգման
թիւն խոսքերուն, Չեմ կարող բարեբով մտնայ այն
նախիայած ան, կն երջանիկ եմ, որ ասալու չոր
Եւան ջնջորէն գրիկեց նրան նիհար իրանքը, աս
տեղս Եղբայրս մարդ է գնացել, գու էլ այն գիշեր
եւ կնում — անհուն սիրով և միտութեամբ շնջաց ան
Այնչեւ այժմ կտրելու էի միայն եղբայր համար,
այնուհետեւ կարծեմ և ջեղ համար, ինչ որ մերե
ղանանս, այն մտաւնակ, աս, ինչպիսի կարծեմ
դնեղեմ ջեղ կրծքս, աս աստուծոյն յայտ
պատեւ եւան զէքը սեղմեց Աշխէնի գրծքն, աս
այն Աշխէնի այժմ գրիկեց նրան գիշեր ինչ, աս
ամ որ Միտեմ կում թուլ և կեղեանքը ձայնի յոտեցիւ
դման լամեք, մտք մեմ զարկու մայնքումս զի ջեղ
մայքս լիլամ թուր զի XX մագլան — մ այսամար
պի մայլ ամ շտամարմն զի լիլթո մի յոտամար
դման Չորեկեմ, որ Մանեան ինչ եր Միտանանին

հրաւիրել հիւրանոցից իր մօտ տեղափոխուելու, բայց և այնպէս ընկերոջ ներկայութիւնն իրենց տանը շատ էլ հաճելի չէր նրա համար: Նա սովոր էր միայնակեցութեան, իսկ ընկերոջ ներկայութիւնը ճնշող դրութեան մէջ էր դրել նրան, թէև Մինասեանը, իր գործերի ետեից ընկած, գրեթէ ամբողջ օրը դուրսն էր անցկացնում և գալիս էր միայն գիշերները՝ քնելու: Շահեանը չէր սիրում Մինասեանին, թէև նրա մէջ ատելի ոչինչ չէր գտնուում: Թերևս դրա պատճառն այն էր, որ այդ եռանդուն, այդ գործունեայ երիտասարդի մէջ կենդանի նախատինք էր տեսնում իր անշարժութեան, իր անպէտքութեան համար, մանաւանդ, որ Մինասեանը, տեղն ընկած ժամանակ, չէր քաշուում նրա ինքնասիրութիւնը վիրաւորող կծու-հեղինակաւ խօսքեր ասել նրան բարեկամօրէն: Ի ներքուստ Շահեանը սաստիկ վիրաւորում էր այդ կշտամբանքներից, բայց, զգալով իր թուլութիւնը, լուրթիամբ համաձայնում էր ընկերոջ նկատողութիւններին և այդ պատճառով աւելի ևս նուաաստանում էր ինքն իր աչքում:

Մինասեանից իմանալով, որ նրա դատած վարժուհին Աշխէնն է, Շահեանը սկզբում խիստ զարմացաւ, յետոյ ինչ-որ օտարոտի մի թախիծ պաշարեց նրան: Արդէն ծանօթ լինելով Աշխէնի հայեացքներին, նա հասկանում էր, որ այդ օտարոտի աղջիկն իր ամեն կերպ սպանոյթուած ու հանգիստ կեանքը զոհում էր գիւղական վարժուհու չարքաշ կեանքին նրա համար, որ իր ոյժերին չափ ծառայած լինի ուրիշի բարօրութեան օգտին: Դա նոր առիթ էր Շահեանի համար նորից իր սեպհական ապիկար անձի դառն քննութեանը դառնալու և—այնքան աւելի զօրեղ առիթ, որքան պատճառը մի աղջիկ էր հանդիսանում: Նա իրեն շըր՝ շապատուած էր տեսնում վեհ նպատակների համար

անձնական թանկ դոհողութիւններ անող անձերով, մինչդեռ ինքը փտում էր սենեակի չորս պատերի մէջ, ժամանակը սպանելով Շոպենհաուէրի փիլիսոփայութեան վերաբերեալ շատ տեղ չհասկացած մի գրուածքի թարգմանութեան վրայ: Շահեանի թախիծն աւելի ևս սաստկանում էր, իր աչքում նա աւելի ևս չնչին, անպէտք և ողորմելի արարած էր ներկայանում, երբ Մինասեանը սկսում էր խօսել Աշխէնի մասին հիացմունքով:

Մինասեանի և Աշխէնի ուղևորութեան օրը Շահեանն ընկերոջը ճանապարհ դնելու համար ամենևին ցանկութիւն չունէր երկաթուղու կայարան գնալու, որովհետև առաջուց զգում էր, որ այդ գիշերուայ հրածեշտի ողջոյնները մի անջնջելի դառնութիւն պիտի թողնէին իր առանց այն էլ դառն սրտի վրայ: Եւ, որպէսզի պատրուակ ունենար ընկերական այդ սովորական պարտականութեան անկատար թողնին արդարացնելու, ուղեց պատճառ բերել հօր հիւանդութիւնը, որը վերջին օրերը, յիրաւի, վտանգաւոր բնաւորութիւն էր ստացել, բայց, Աստուած գիտէ ինչ բանից, ամաչեց և գնաց:

Գնացքը մեկնելուց մի ժամ առաջ Մինասեանն ու Շահեանն արդէն կայարանումն էին: Կայարանի դահլիճներում փոքր առ փոքր սկսում էր խոնուել ուղևոր, ճանապարհ դնող և ճանապարհորդներ սպասող սովորական բազմալեզու և բազմատարազ հասարակութիւնը: Դասական բոլոր պիտոյքները մի արկի մէջ մեկտած՝ Մինասեանը յանձնել էր ապրանքների մասը և, ընկերոջը թողած, ինչ-որ հին բարեկամ էր գտել, որի հետ սկսել էր մի երկար ու բարակ խօսակցութիւն: Շահեանը կանգնած էր մինակ և նախանձով դիտում էր Մինասեանին, որ իր պարզ վարուեցողութեամբ, իր

խմանում ինչու, խոսվել է մեզնից և այլ ևս չի գալիս մեր տուն:

Շահեանը փորձեց իրեն պաշտպանել:

—Ինչևիցէ, այդ մասին ես ուրիշ ժամանակ կը հրուեմ ձեզ հետ,—վրայ բերեց Մարութեանը:—Իսկ այժմ գնամ տեսնեմ ինչ արին մեր նոր վարժուհու իրեղէնները:

Եւ Մարութեանը շտապեց դէպի բազաժի բաժանմունքը:

Նրա բացակայութեան ժամանակ Մինասեանը օր Սահակեանին ծանօթացրեց Շահեանի հետ: Յր. Սահակեանն իր նոր ծանօթի ակնոցներին նայեց այնպիսի յամառ հետաքրքրութեամբ, որ Շահեանը հասկացաւ, թէ նա առաջուց արդէն լսել է և շատ էլ լաւ գաղափար չի կազմել իր մասին:

Մի քառորդ ժամից ամենքը նստած էին դահլիճում, մի սեղանի շուրջ բոլորած, և Մարութեանն երկտասարդական աշխոյժով հիւրասիրում էր սեղանակիցներին արտասանմանի գարեջրով:

—Խմեցէք, խմեցէք, այս մեր ճանապարհորդների կենացն է,—ասում էր նա:—Պարոն Մինասեան, ձեր կենացը: Ափսոս, հազար ափսոս, որ նոր ենք ծանօթանում: Ցանկանում եմ ձեր սկսած գործին կատարեալ աջողութիւն և յարատեութիւն: Ապրիք, լաւ գործ էք սկսել: Աշխէն, քո կենացը: Բարի ճանապարհ և բարի վերադարձ: Ցանկանում եմ, որ մեզ նամակի կարօտ չթողնես: Ի նկատի ունեցիր, որ մեր ուշքն ու միտքը միշտ քո կողմը կը լինի: Եւս ջան, վերցրու բաժակդ:

Եւան վերցրեց բաժակը, հաղիւ կպցրեց շրթունքներին և վայր դրեց:

Նոյնն արեցին և միւսները, բացի Մինասեանից,

որը, շնորհակալութիւն յայտնելով, դատարկեց բաժակը: Բայց ամենքը լաւ էին:

—Ա՜յս ինչ է, միայն ես էի պարտաւոր բարի ճանապարհ մաղթելու,—նկատեց Մարութեանը զարմացած և զարձաւ օր. Սահակեանին:—Օրիորդ, սրտեղ է ձեր լեզուն:

—Ես ցոյց կը տայի ձեզ լեզուս, եթէ անքաղաքավարութիւն չլինէր այդ,—ծիծաղեց օր. Սահակեանը:

—Օ՜հ, այդ լաւ բան ասացիք: Ինձ վրայ լեզու հանել հարկաւոր չէ. ես ուզում եմ, որ դուք խօսէք:

—Այդ բանը պահանջեցէք ձեր ազնկանից: Տեսէք ինչպէս է նստած:

—Եւ այլից... Եւ այլից ևս մի բան միայն կարող եմ պահանջել, որը, ասեմք, առանց իմ պահանջելու էլ կանի—մի քիչ էլ լաց լինել:

Եւան, առանց կատակի, յօնքերը կիտեց և գէմքը բարկացած շրջեց հօրից:

—Լաւ, էլ ինչո՞ւ ևս ինձ վրայ բարկանում,—նկատեց հայրը,—բարկացիր Աշխէնի վրայ:

Աշխէնը, որ նստած էր Եւայի մօտ, թեքուեց դէպի նա և շշնջաց նրա ականջին՝

—Եւս, ինչո՞ւ ևս ինձ այսպիսի անյարմար դրութեան մէջ գնում:

Եւան ոչինչ չասաց, թաշկինակը հանեց և ծայրով որբեց աչքերից դուրս ցայտած արտասուքը:

—Չառացի՞, չառացի՞,—բացականչեց Մարութեանը և ծիծաղեց:—Մի բան ասեմ, պարոններ. կոնյ արդեօք աշխարհիս երեսին մի ուրիշ տեղ, ուր այնքան շատ արտասուքներ լինին թափուում, որքան երկաթուղիների կայարաններում, նաւամատոյցներում և առհասարակ այն տեղերում, ուր մարդիկ բաժանուում են իրարից: Եւ ի՞նչ բան է հրաժեշտի ժամը, որ այսքան

...ծանր տպաւորութիւն է թողնում մարդու վրայ: Ինչ-
ևիցէ, փրկիստիալութիւններ անելու ժամանակ չէ:
Կամենք մի բաժակ էլ: Գիտէ՞ք ում կենացն եմ ուզում
խմել, պարոն Մինասեան: Ուզում եմ խմել իմ մեծ
արդուս կենացը, որը...

— Ի դէպ, — վրայ բերեց Մինասեանը: — Օր, Սա-
հակեանից այսօր միայն իմացայ, որ Արմենակ Մարու-
թեանը ձեր որդին է եղել:

— Դուք ճանաչում էք նրան:
— Ես նրա հետ ծանօթացել եմ Լայպցիգում, ու-
սանողական մի ժողովում:

— Սպասեցէք: Մի՞թէ դուք եղել էք Գերմանիա-
յում, — հարցրեց Մարութեանը զարմացած:

— Ես զիւղատնտեսութիւնը սովորել եմ Ֆրանսիա-
յում, բայց Գերմանիայումն էլ եմ եղել:

— Այ՛ թեղ բան, — բացականչեց Մարութեանը կա-
տարեկապէս ապշած, զիտելով Մինասեանի արտաքինը:

— Իսկ ես կարծում էի, թէ դուք ձեր գիւղից դուրս
աշխարհ չէք տեսել, որովհետեւ մեղանում տեսնուած
բան է մի՞թէ գնալ Եւրոպա և վերադառնալ առանց
ցիլիւնդի և ձեռնոցների:

— Ես կարծում եմ որ այդ բանում ձեզ ինձնից
առաջ պիտի համոզէր ձեր որդին, — նկատեց Մինասեանը
ինքն ժպտալով:

Մարութեանը ըջորէն բռնեց նրա թևից արմուշ-
կից բարձր, և քամով նրա կողմը: հայեացքը կեղտո-
նացրեց Աշխենի վրայ: Ես քամով Մինասեանի մը

— Բանս այն է՛րարեկամ, — ասաց նա: — որ որ-
դուս մինչև այժմ բացառութիւն էի համարում, իսկ
այժմ տեսնում եմ որ այդ բացառութիւնն իր երկուր-

րեակնունի և այդ երկուրեակը հարել է իր երրորդ
նշխարը, — թէ կարելի է այսպէս ասել: — Թէ և բոլորովին

ուրիշ, բայց նոյնքան հանրօգուտ ասպարիզում... Ասում
էք Գերմանիայումն էլ էք եղել: Հիմա ես ձեզ միանգա-
մից ճանաչեցի: Գերմանական բարձրագոյն դպրոցները
մեզ շատ պիտանի մարդիկ են տուել. նրանք մեզ տը-
ւել են մտքի, գիտութեան, գաղափարի մարդիկ: Մեր
մամուլը, մեր գրականութիւնը, մեր դպրոցները եթէ
մի բան, մի շօշափելի, մի գրական բան տուել են,
այդ եղել է, անշուշտ, այն մարդկանց շնորհիւ, որոնք
գերմանական մտքի, գերմանական գիտութեան աշա-
կերտներ են եղել: Ես ինքս եղել եմ Գերմանիայում,
երբ որդիս ուսանող ժամանակ հիւանդացել էր: Ահա
մի երկիր, ահա մի ժողովուրդ, որը հէնց միայն իր
ազգային միութեան գաղափարով ընտիր օրինակ կա-
րող է լինել մեզ համար: Իմ որդին... Գիտէ՞ք դուք
այժմ որտեղ է նա:

— Օր, Սահակեանը պատմեց:

— Լու է արել թէ ոչ:

— Նրա արածը պատիւ է բերում նրան և ձեզ:

— Ես կարծում եմ: Դոնէ ես, իբրև հայր, պարծե-
նում եմ նրանով: Հայ գիւղի հա, որ յիշում եմ նրա
հետ ունեցած վիճաբանութիւններս... Նրա կենացը,
պարոն Մինասեան: Նրա կենացի հետ միասին խմում
եմ և ձեր կենացը: Գուցէ ձեր և որդուս արածը չնչին
բան է, բայց եթէ մեր բոլոր կարող երիտասարդներից
ամեն մէկը մի-մի այդպիսի չնչին բան անէր, սրտիս
հակայական գործ դուրս կըզար վերջը... բաժակները
խփենք իրար: Ա՛խ, ինչքան նեղանում եմ, որ այստեղ
ենք միայն ծանօթանում...

XXI

Դուրսը, ընդարձակ պլատֆորմի ծածկոցի տակ,
Մանր

խուլ արձագանք տալով, լսուեց զանգի զրնգզրնգոցը: Դա նշան էր, թէ գնացքը դուրս է եկել մերձակայ կա- յարանից:

Եւան ցնցուեց և անզգայ հայեացքով նայեց շուրջը:

Դահլիճում իրարանցում ընկաւ:

Մինասեանը շտապով վեր կացաւ:

—Ներեցէք,—ասաց,—պէտք է տոմսակ վերցնել:

—Սպասեցէք, ի՞նչ էք շտապում, դեռ ժամանակ շատ կայ,—պահեց նրան Մարութեանը և նստեցրեց իր տեղում, իսկ ինքը վերկացաւ:—Նստեցէք, ես իսկոյն գալիս եմ: Օրիորդ,—դիմեց նա օր. Սահակեանին,— ինչդուրեմ եմ, մի թողնէք, որ Եւան այդպէս նորահար սի պէս նստած մնայ:

Եւ նա շտապով հեռացաւ:

Եւան բարկացկոտ հայեացքով նայեց նրա ետևից:

Օր. Սահակեանը նայեց նրա դէմքին և ծիծաղեց:

—Լսեցի՞ր ինչ ասաց հայրդ, ուրեմն խօսիր,—ասաց նա:

Եւան այս անգամ հանդիստ հայեացքով նայեց օր. Սահակեանին և դարձեալ լուռ մնաց:

—Լաւ, ինչո՞ւ չես խօսում:

—Ի՞նչ խօսեմ,—վերջապէս արտասանեց Եւան

խաղաղ ձայնով:

—Ես ի՞նչ գիտեմ. լուռթիւնը քեզ չի սաղում:

—Չարմանալի է,—նկատեց Թեկէն դժգոհու- թեամբ, ըստ երևոյթին անկարող լինելով այլևս զսպել իրեն. այ, միշտ այդպէս է, ինչպէս որ կայ. չխօսկան հարս է դառել գլխիս, իսկ առաջ զահլա էր տանում, այնքան խօսում ու ծիծաղում էր:

—Պատճառն, ասե՛ք, հասկանալի է. չէ՞ որ քոյրը հեռանում է,—նկատեց օր. Սահակեանը ժպտալով նա-

յելով Եւայի մեծ-մեծ աչքերին, որ նա մտախոհու- թեամբ ուղղել էր դէպի դահլիճի խորքը:

—Թող այդպէս ասի,—վրայ բերեց Թեկէն.—Թող գոնէ մի անգամ խնդրած լինի, որ չգնայ:

Եւան նեղսրտութեամբ շարժուեց իր տեղում:

—Մայրիկ, ի՞նչ հարկ կայ այդ մասին խօսելու: Մեծ ցաւ չէ, որ այլևս չեմ խօսում ու ծիծաղում:

—Մեծ ցաւն այն է, որ քեզ այդպէս մաշում ես: Տես այս երկու օրուայ մէջ ինչ ես դառել:

—Է՛հ,—զսպած զայրացկոտութեամբ արտասանեց Եւան և մինչև անգամ դէմքը շրջեց մօրից:

Թեկէն նայեց աղջկան խիստ ջգրած, ուղեց բան ասել, բայց զսպեց իրեն և լռեց: Նա զգում էր, որ Աշխէնի դէմ իր մէջ մի քանի օրուայ ընթացքում հա-

ւաքուած բարկութիւնը պատրաստ է պայթելու, բայց տեղն անյարմար էր:

Մօր և աղջկայ միջև տեղի ունեցած այդ ընդհար-

ման ժամանակ Աշխէնը վերին աստիճանի անյարմար

դրութեան մէջ էր զգում իրեն: Նա աւելի քան հաս-

կանում էր, որ հօրեղբօր կինը կատաղած է իր դէմ.

տեսնում էր, որ այդ ընդհարման պատճառն ինքն է,

ուստի ինչքան ուղում էր միջամտել իրեն ճնշող այդ

խօսակցութեանը վերջ դնելու համար, ոչինչ չէր կա-

րողանում ասել: Առհասարակ նա դարմանալի վախկոտ էր դարձել Եւային արած խոստովանութիւնից յետոյ:

Կարճ ժամանակ խիստ ճնշող լուռթիւն տիրեց: Մայր ու աղջիկ, կարծես իրարից խոտլած, նայում էին իրար հակառակ կողմը: Աշխէնն անհանդստու-

թեամբ շուռ ու մուռ էր գալիս աթոռի վրայ, մեքե- նայաբար նայելով դահլիճում իրար անցնող հասարա-

կութեանը: Իսկ մնացածներն՝ անախորժ, անորոշ տպա- ւորութեան տակ՝ չէին իմանում ինչ ասեն:

Այդ միջոցին վրայ հասաւ Մարութեանը:

—Է՛րի-հա՛, մի բոպէ հեռացայ, և դուք ոչինչ չէք գտնում խօսելու,—բացականչեց նա:—Ասենք, Եւան երդուել է այլևս չխօսել, դժուր ինչ էք, մանաւանդ դժուր օրիորդ,—դիմեց նա օր. Սահակեանին:—Ինչպէս տեսնում եմ, որքան Եւայի քոյրն է հեռանում, նոյնքան և ձերը: Ես ձեզ այդքան թուլասիրտ չէի կարծում: Յամենայն դէպս, դուք ամենքդ էլ անշնորհք էք. ձեզ հետ ոչ կարելի է քէֆ անել, ոչ ճանապարհորդել. դուք կըքնեցնէք մարդու: Պարոն Մինասեան, համեցէք—այս ձեզ, այս էլ—քեզ, Աշխէն ջան:

Այդ ասելով, նա երկու տոմսակ դրեց՝ մէկը Մինասեանի, միւսը Աշխէնի առաջ: Տոմսակներն երկրորդ կարգի էին:

—Նստեցէք ձեզ համար փափուկ նստարանների վրայ ու հնչող,—աւելացրեց նա, շտապով նստելով իր տեղը:

Մինասեանը դարմացած վերցրեց տոմսակը, նայեց և բերանը բաց արեց, որ բան ասի, բայց Մարութեանը բռնեց նրա թևից և դրանով հասկացրեց, որ աւելորդ է այդ մասին խօսելը:

—Դէհ, խմենք վերջին բաժակը,—կանչեց նա:—Աշխէն ջան, դարձեալ և առանձնապէս ք՛ն կենացը: Հաւատացիր, ես էլ Եւայի նման... ներողութիւն, երեխայի նման լաց կըլինէի և չէի թողնիլ, որ գնաս, եթէ համոզուած չլինէի, որ ապարդիւն գործի համար չես գնում: Այս օրուանից ազատ ես, թուր ուր ուզում ես: Այն աստիճան վատահ եմ քեզ վրայ, որ խիղճս երբէք չպէտք է տանջի ինձ, թէ վատ բան եմ արել, որ քեզ, եթէ կարելի է այսպէս ասել, քեզ եմ յանձնել: Ինձ տանջել միայն կարող է կարօտը, և հարկ կայ ասելու թէ ինչպիսի ուրախութեան օր կըլինի ինձ համար այն

օրը, երբ նորից կըտեսնեմ քեզ ողջ, առողջ, անյուսահեկ: Բայց յոյսս մեծ է: Մինչև այժմ իմ ամենամեծ բաղձանքն այն է եղել, որ արժանանամ իմ Արմենակի տեսութեանը. այսօրուանից նոյնպիսի մի բաղձանքի առիթ տալիս է և իմ Աշխէնը: Բարով դնաս, սիրելիս, զաւակս: Հայրական սրտով օրհնում եմ ճանապարհդ: Աստուած տայ, որ դու էլ, իմ Արմենակի նման, մեր ընտանիքի պարծանքը դառնաս: Խփենք բաժակները: Այդպէս: Կեցցե՛ս: Կրկին և միլիոն անգամ բարի ճանապարհ և բարի վերադարձ:

Եւ Մարութեանը մի շնչում դատարկեց բաժակը: Մինասեանը, որը հիացած էր մնացել այդ վերին աստիճանի շարժուն ու կենդանի մարդուց, վերջին խօսքերի ժամանակ արտասուքի կաթիլներ նկատեց նրա աչքերի մէջ: Նա նայեց Աշխէնի լուրջ, դուռատ դէմքին և տեսաւ, որ նրա վայր թողած աչքերն էլ թաց են եղել:

—Ե՛ւա, վերջապէս, դա բանի նման չէ, ասաց հայրը,—դատարկ բաժակը փոքր ինչ սաստիկութեամբ դնելով սեղանի վրայ:—Հաւատացիր, կատակ չեմ անում. ականջս այն աստիճան սովորել է ձայնիդ, որ ուղղակի անտանելի է ինձ համար, երբ չես խօսում:

Եւայի աչքերի կողերը դողդողացին:

—Հայրիկ, դու ինձ նեղացնում ես,—արտասանեց նա լացակուամած ձայնով և շուտ եկաւ աթոռի վրայ: Մարութեանը լռեց և տխուր մտախոհութեամբ մնաց նայելիս աղջկայ դէմքին:

Թեկլէն վերաւորուած հանգստութեամբ նայում էր այս ու այն կողմ և երբեմն-երբեմն անհաշտ հակացքներ էր նետում Աշխէնի վրայ:

Օր. Սահակեանը կարեկցութեամբ նայում էր Եւային և, հակառակ իր սովորութեան, թէ տխուր էր

և թէ հէնց սկզբից տրամադրութիւն չունէր խօսելու:

Մինասեանը, իբրև օտար, նոյնպէս նայում էր Եւային, և նրան հիացնում էր այդ աղջկայ անբիծ գեղեցկութիւնը, որ այս անգամ, տխրութեան մէջ, ինչ-որ տրագիքական-մեղամաղձիկ դրոշմ էր կրում:

Իսկ Շահեանի թախիծն այն աստիճան սաստկացել էր, որ նա մինչև անգամ կորցրել էր զգալու ընդունակութիւնը:

Այն ինչ Աշխէնը, հօրեղբօր խօսքերի զօրեղ ազդեցութեան տակ, չէր իմանում, թէ ինչ է կատարում շուրջը:

—Կարծեմ, զնացքն արդէն եկել է,—ասաց Մինասեանը:

Մարութեանը յանկարծ սթափուեց իր մտախոհ գրութիւնից:

—Ա՛, արդէն,—արտասանեց նա և մեքենայաբար վերկացաւ տեղից:

Նրա հետ վերկացան և միւսները:

Դահլիճում իրարանցումը սաստկացել էր: Դէպի պլատֆորմ տանող դուռն անդադար բաց ու խուփ էր լինում, և ներս էին մտնում ամեն տեսակ մարդիկ: ձմեռուայ վերարկուների մէջ կոլտլած, ճամպուռակներով և բազմազան փաթեթներով: Դահլիճում դտնուած մարդիկ իրենց հերթին, վերցնելով իրենց ճանապարհորդական իրերը, շտապում էին դէպի դուրս, դռան մօտ ամբոխուելով և իրար բռթբռելով: Այդ միջոցին Շահեանի աչքովն ընկաւ և իսկոյն էլ կորաւ բազմութեան մէջ մի ծանօթ դէմք: «Բազէնեանը չէ՞ր արդեօք» մտածեց նա:

Դեռ երկրորդ զանգը՝ չէին տուել, որ Մարութեանները, օր. Սահակեանը, Մինասեանն ու Շահեանն արդէն վազոնումն էին: Այստեղ արդէն ամենքն էլ հրա-

ժեշտի վերջին բոպէի ծանր ազդեցութեան տակ էին: Թեկլէի սիրտը կակղել էր, և նրա աչքերի մէջ մինչև անգամ արցունքներ էին նկատուում. նա խորհուրդ էր տալիս-Աշխէնին, որ լաւ պահի իրեն, չմտնի, չհիւանդանայ: Մարութեանը խնդրում էր, որ Աշխէնը որքան կարելի է՝ յաճախ նամակ գրի իրենց: Օր. Սահակեանը նոյնն էր խնդրում ընկերուհուց: Մինասեանը սովոր ձեռքով տեղաւորում էր իր և Աշխէնի իրեղէնները: Եւան լուռ էր և սառն հանգստութեամբ դիտում էր Մինասեանի արագ շարժումները: Իսկ Շահեանը, ինքն իր մէջ կեդրոնացած, քաշուել էր մի կողմ և ապուշի նման նայում էր մերթ մէկին, մերթ միւսին, նայելով թէ ով էր խօսում, և զգում էր, որ հէնց սկզբից մի աւելորդ մարդ է Մարութեանների, Մինասեանի և օր. Սահակեանի ընկերութեան մէջ, իսկ այժմ վազոնի այդ նեղ պատերի մէջ արդէն խանգարում է նրանց ազատ շարժուելուն: Սրտի անպատմելի դառնութեամբ նա տեսնում էր, որ ոչ ոք ուշք չի դարձնում իր վրայ, կարծես ինքն այնտեղ չլինէր, կարծես մի երեխայ, մի ծառայ լինէր կանգնած այնտեղ:

Լսուեց երկրորդ զանգի զրնգզրնգոցը:]

Եւան, առջուայ նման, դարձեալ ցնցուեց, բայց անշարժ մնաց տեղը:

Մինչդեռ միւսները շտապեցին իրենց հրաժեշտը տալ ուղևորներին:

Թեկլէն մի քանի անգամ համբուրեց Աշխէնին և հազիւ զսպեց արտասուքը: «Լաւ պահիր քեզ, որդիս, լաւ պահիր», վերջին անգամ կրկնեց նա:

Օր. Սահակեանը, արցունքն աչքերին, գրկուեց և համբուրուեց հեռացող ընկերուհու հետ և պինդ սեղմեց Մինասեանի ձեռքը:

Մարութեանը ոչ մի կերպ չէր ուզում ընկճուել

հրաժեշտի ծանր ըտպէի ազդեցութեան տակ. կարծես իրեն և միւսներին սիրտ տալու համար, բռնի աշխոյժով սեղմեց եղբօր աղջկայ և Մինասեանի ձեռքը, չէ՛ մոռանալով մի անգամ ևս կրկնել, որ Աշխէնը շուտ-շուտ նամակ գրի իրենց: Բայց և այնպէս նրա աչքերը լիքն էին արտասուքով:

Յետոյ մօտեցաւ Շահեանը և, հազիւ սեղմելով Աշխէնի և ընկերոջ ձեռքը, շտապեց ամենից առաջ դուրս գնալ վազոնից:

Ամենից վերջը եւան տուեց իր հրաժեշտը հեռացողներին: Նա ոչ մի խօսք չարտասանեց, միայն կամաց փաթաթուեց Աշխէնի վզովը և դէմքը սեղմեց նրա կրծքին: Մի վայրկեան նրա ուսերը սաստիկ ցնցուեցին:

Աշխէնի աչքերը վաղուց արդէն լցուած էին արցունքով: Նա նոյնպէս ոչ մի խօսք չկարողացաւ արտասանել. միայն դողացող շրթունքներն երկար ժամանակ սեղմած պահեց եւայլ դէմքի վրայ, ահանջի մօտ:

— Բաւական է, բաւական է, — կանչեց Մարութեանը, տեսնելով, որ նրանք չեն ուզում բաց թողնել իրար: — Շուտով երրորդ դանգը կը տան:

Եւան յանկարծ թողեց Աշխէնին և, առանց նայելու նրան, դուրս վաղեց վազոնից:

Մարութեաններն ու օր. Սահակեանը դուրս լքեցին բուեցին վազոնի լուսամուտի տակ: Շահեանը չքացել էր. նրա բացակայութիւնը ոչ ոք չնկատեց էլ: Աշխէնը գլուխը դուրս էր հանել լուսամուտից: Նրա հոտից երևում էր Մինասեանի գլուխը: Աշխէնի և եւայլ աչքերը սաստիկ կարմրել էին: Երկու կողմից էլ կցկատուր խօսքեր էին փոխանակում:

Ձանգն երրորդ անգամ զրնգզրնգաց: Մի կոնզուկտոր, վառ լապտերը ձեռքին, շտապ քայլերով անցաւ

վազոնների լուսամուտների տակով: Վազոնների դռներն սկսեցին չրխկոցով փակուել: Լուեց աւագ կոնզուկտորի սուլիչի դողգոջիւն սուր ձայնը: Շոգեմեքեանն սուլեց և տնքաց: Վազոնների երկայն շարքը յանկարծ ցնցուեց, մի վայրկեան մնաց անշարժ, յետոյ սահուն կերպով սկսեց պռաջ շարժուել:

— Գնա՛ք բարեաւ, բարի՛ ճանապարհ, — վերջին անգամ կանչեց Մարութեանը, գլխարկը շարժելով:

Ամենքը մեխուած մնացին իրենց տեղում, մինչև որ վազոնների մութ շարքը միախառնուեց գիշերային մթութեան հետ, հեռուից ուղարկելով միայն անիւների հետզհետէ խլացող գրգռոցն ու շոգեմեքեանայի արագ հեքը:

ԵՐԿՐՈՐԴ ՄԱՍ

I

Օրերն օրերի, շաբաթներ շաբաթների հուկից անցնում էին Շահեանի համար դանդաղ, միակերպ, տաղուկալի: Իսկապէս ոչ մի պատկեր չունեցող իր կեանքը նա պատկերաւորում էր այնպէս, որ կարծես ինքը խրուած լինէր անշարժ, կպչուն ճահճի մէջ և քանի գրնում, այնքան խորն էր խրւում, մինչև որ բոլորովին կանհետանար, և ճահճի մակերեսը կըհաւասարուէր, ոչ մի նշան չթողնելով, թէ այնտեղ, խորքում, մարդ կայ թաղուած: Իր անպէտքութեան և ապիկարութեան մասին ունեցած գիտակցութիւնն այժմ այլևս առաջուայ ուժով չէր հալածում նրան: Այդ գիտակցութիւնը կամաց-կամաց բթանում և փոխւում էր մի տեսակ ապատիայի, որի մէջ բանաւոր արարածի կեանքը ստորանում է մինչև անբան կենդանու կեանքի աստիճանը, որի մէջ մարդը դառնում է զուտ կենդանական մի մարմին՝ առանց մտածումների, առանց յոյզերի, առանց նպատակների:

Այն գիշերը, երբ Շահեանը, Մինասեանին և Աշխէնին ճանապարհ ձգելուց յետոյ, երկաթուղու կայարանից տուն դարձաւ, հօրը մեռած գտաւ կաթուածից: Կէս ժամ առաջ աղա կարապետի սառած դիակը բարձրացրել և դրել էին մահճակալի վրայ: Խալաթը

դեռ ևս հագին էր. թրքական կարմիր ֆէսն ընկած էր յատակի վրայ. ձախ ձեռքը բռունցքը կաղմած՝ կախ էր ընկել մահճակալից. դէմքը սառած էր ջղաձգական կրճկումների մէջ: Գլուխը բարձի վրայ չէր, այլ ներքև և կուրծքն ու փորը սարի նման բարձրացել էին դէմքի և ոտների մակերեսից:

Շահեանը նայեց և յետ քաշուեց սարսափահար՝ «Ահա մահը» մտածեց նա և, ազատուելով վշտահար հեծկլտող մօր գրկից, քաշուեց իր ննջարանը: Ամբողջ գիշեր չկարողացաւ քնել: Զարմանալի յամառութեամբ նրա մտքից չէր հեռանում մի բան—հօր՝ մահճակալից կախ ընկած ձեռքը: Նա մտածում էր, թէ բռունցք սեղմած այդ ձեռքն այնքան ծանր պիտի լինէր, որ եթէ մէկը փորձէր բարձրացնել, չպիտի կարողանար՝

Հօր մահը նրան խիստ ազդել էր իբրև շարժող մտածող, զգացող արարածից մնացած անշունչ, սառած մի մարմին, որը գերանի կտորից ոչնչով չէր տարբերուում: Մարդը մօտ վաթսուներեք տարի ապրում, յուզում, չարչարում, մերթ ուրախանում, մերթ տխրում էր՝ անդադար ինչ-որ ծրագրներ էր կազմում, հետամուտ էր լինում ինչ-որ նպատակների, և յանկարծ այդ բոլորից յետոյ ոչինչ չկայ այլևս. կայ միայն գերանի կտորից ոչնչով չտարբերող, մտից և ոսկորներից բաղկացած անկենդան մի մարմին, որը թէկուզ մաս-մաս արա և ձգիւր կրակի բոցերի մէջ,—նչ մի ձայն, ոչ մի շշուկ չի հանիւր: Մինչդեռ որպիսի սոսկալի աղաղակ կը բարձրացնէր այդ մարդը կենդանի ժամանակ, եթէ կարէիր նրա տասն մասներից մի ձկոյթը... Ահա ուրեմն ինչ է մահը.—նչ մի զգացողութիւն, հետևաբար՝ ոչ մի տանջանք, ոչ մի բողոք. կատարեալ հաշտութիւն և անզորութիւն...

Հօրն այնպէս թաղեցին, որ Շահեանը մի կաթիլ

արտասուք անգամ չթափեց: Նրան յուզում էր միայն մօր ծանր վիշտը, սակայն, այդ վիշտն էլ չտեսնելու համար, փակուում էր իր սենեակում:

Այժմ նա բոլորովին կտրել էր իրեն արտաքին աշխարհից: Հօրից ժառանգութիւն մնացած կալուածները կառավարութիւնը յանձնել էր իրենց հեռաւոր ազգական Ստեփան անունով մի մարդու, որը փառաւորապէս խարում էր նրան և եկամտի մի մասն իր գրպանը կոխում: Շահեանը դիտէր այդ բայց ամենևին չէր յուզում: Նա միանգամայն գոհ էր, որ ոչոք և ոչինչ չէր խանգարում իր հանդիստը: Իսկ նրա հանդիստն այն էր, որ ամբողջ օրը կամ չափում էր տաք սենեակի մի ծայրից միւսը, կամ կտրում էր մաղձով լի յոռետես-փրկիտփաների երկերը, կամ պառկում ու քնում էր օրուայ նր ժամին էլ պատահէր:

Մինչդեռ այդ ժամանակներումն էր, որ Թիւրքահայաստանում յանկարծ երևան եկած շարժումները խլրտումն էին ձգել հասարակութեան մէջ և զբաղեցնում էին մտքերն աւելի ու աւելի: Երբեմն լրագրների մէջ սպրդած մի չնչին լուր ձեռքից ձեռք էր խլում. մասնաւոր տեղեկութիւնները շրջում էին բերնէ բերան. ամեն տեղ խօսում, դատում, վիճում էին. մէկը տասն էին շինում, տասը—հարիւր: Ինչ-որ քնած հսկայական մի բան շարժուել էր յանկարծ և իր հուժկու հոսանքի հետ քշում էր ամենքին ուր-որ... Մեռած հայութեան մեռած յոյսերը կենդանացել էին, թէև ապագան ծածկուած էր անթափանցելի մռայլ քողով...

Մի անգամ, կէսօրին մօտ, երբ Շահեանը, իր սովորութեան համաձայն, չափում էր սենեակի երկարութիւնը, հաճելի խտողանք զգալով ոտներին թոյլ կերպով հազած փափուկ մաշկիները շլալ-շլալոցից, ծանան մտաւ և յայտնեց, որ մի պարոն ուզում է տես-

նել նրան: Նա պատուիրեց, որ այդ պարոնին ներս հրաւիրէ հիւրասենեակ, իսկ ինքը, զարմանալով, թէ ով կարող է իրեն տեսնել ուղենալ, քանի որ ոչոքի հետ յարաբերութիւն չունէր, դէն ձգեց մաշիկները, հազաւ կօշիկները, շտապով հանեց խալաթը, որ հօր մահից յետոյ սովորութիւն էր արել հազնելու, հագնուեց, մի քիչ էլ կոկուեց և դուրս գնաց հիւրին ընդունելու:

Հիւրասենեակում նրան դիմաւորեց Բաղէնեանը, որին նա բոլորովին մոռացել էր:

— Այս էլ ես, իմ սիրելի վաղեմի բարեկամ, մտերմական շինծու քաղաքավարութեամբ ասաց Բաղէնեանը, երկու ձեռքով սեղմելով Շահեանի ձեռքը: Նա հազնուած էր վերջին մոդով, մաքուր, գեղեցիկ և հոտաւէտ օծանելիքով սրսկուած: — Հաւատարիմ մնացի խոստմանս և, երկար տարիների բացակայութիւնից յետոյ վերադառնալով այս օրհնեալ քաղաքը, նորից բաղդ ունեցայ քաղցր տեսութեանդ արժանանալու: Եւ ի նկատի ունեցիր, սիրելիդ իմ Լևոն, որ այստեղի հին բարեկամներիցս դու ես առաջինը, որին այցելում եմ, չնայելով որ այս կողմերի գաւառական մի քանի քաղաքներն արած էքսկուրսիայիցս մի ամսից աւելի է որ վերադարձել եմ:

— Երկաթուղու կայարանում, կարծեմ, քեզ տեսայ:

— «Միխայլովօ կայարանում:

— Ոչ, թիֆլիս մտած օրդ:

— Չեմ կարող ասել տեսար թէ ոչ, որովհետեւ ես քեզ չեմ տեսել: Էհ, ուրիշ, ինչ բարիդ հարցնենք: Ծնողներդ ողջ են, առողջ են:

Շահեանը յիշեց, որ հայրը մեռել է, և դէմքին տխուր արտայայտութիւն տուեց:

— Հայրս մեռաւ, — ասաց նա:

Բաղէնեանն աչքերը չուեց անակնկալ լուր լսողի պէս:

— Մեռաւ... Երբ, ինչ ես ասում: Նստիր տեսնե՞ք:

Եւ, վերին աստիճանի նուրբ կեղծ ցաւակցութեան հետաքրքրութիւն ցոյց տալով, Բաղէնեանը վարուեց այնպէս, որ կարծես ինքը չէր հիւրը, այլ — Շահեանը: Շահեանի ձեռքից բռնած՝ նստեցրեց նրան և ինքը նստեց նրա մօտ: Շահեանը համառօտ կերպով պատմեց հօր մահը:

— Շատ, շատ ցաւում եմ, — լրջութեամբ լսելուց յետոյ ասաց Բաղէնեանը, պինդ սեղմելով նրա ձեռքը:

— Ապտոս, չեմ իմացել, որ կատարէի ընկերական պարտքս և ներկայ լինէի թաղմանը: Խնդրում եմ ներիր:

Այդ օրերն ես նոր էի եկել և այնքան խառնուած էի, որ ժամանակ չունէի մինչև անգամ լրագիր առնելու ձեռքս: Յամենայն դէպս, դու էլի բաղդաւոր ես, Լևոն, — աւելացրեց նա հառաչելով: — Գոնէ տուն ունիս,

տեղ ունիս, վերջապէս, մայր ունիս: Իսկ ես... Մանկութիւնիցս արդէն դատապարտուած էի որբութեան և անտէրութեան, և դարմանալի չէ, որ այնքան փչացած էի:

Նրանից յետոյ աւելի փչացայ: Երկու անգամ բանտ եմ նստել գողութեան համար: Մի անգամ էլ մարդ սպանեցի և փախայ արդարադատութեան ձեռքից, և այդ բանը փրկեց ինձ վերջնական անկումից:

Բացի դրանից, ես ընկայ այնպիսի շրջաններ, ուր ինձ կատարելապէս կերպարանափոխեցին, այո, կատարելապէս, այնպէս որ շատ անգամ, երբ համեմատում եմ անցեալս ներկայիս հետ, ինքս էլ ապշած եմ մնում, թէ ինչպէս կարող էի այսպէս փոխուել: Լինում են մարդիկ, որոնք բնաւորութեան մի ծայրայեղութիւնից ընկնում են միւս ծայրայեղութեան մէջ: Այդպիսինե-

բից մէկն ես եմ, երևի: Գիտես թէ ինչ էի առաջ, բայց այժմ... է՛հ, ես իմ մասին սկսեցի խօսել: Չեմ սիրում,—կանչեց Բաղէնեանը և, վերկենալով, մի ծըխախոտ վառեց: Աւելի լաւ է քո մասին պատմես: Ի՞նչ ես անում, ի՞նչ չես անում:

—Իմ մասին խօսելն ամենևին հետաքրքրական չէ,—ասաց Շահեանը շփոթուելով:—Ես, այ, այսպէս անգործ և անպէտք ընկած եմ տանը: Դու քո մասին պատմիր: Ո՞րտեղ էիր այսքան ժամանակ, ի՞նչ էիր անում, այդ ի՞նչ փոփոխութիւն է, որ կատարուել է քո մէջ:

—է՛, այդ մասին որ խօսեմ, օրերով պէտք է նըստեմ քեզ մօտ. դա ձեռաց պատմելու բան չէ: Բայց այժմ...

Բաղէնեանը զդուշօրէն նայեց հարևան սենեակի դռանը և հարցրեց ձայնը ցածրացնելով.

—Այնտեղ խօսե՞լ ոչոք չի՞ լսում:

Շահեանը զարմացած նայեց նրա խորհրդաւոր դէմքին:

—Չէ: Ի՞նչ է որ:

Բաղէնեանը, շարունակելով նայել հարևան սենեակի դռան կողմը, նստեց Շահեանին մօտիկ և ձայնն աւելի ևս ցածրացրեց:

—Ես քեզ, իբրև վաղեմի մտերիմ ընկերոջս, մի բան պիտի յայտնեմ, որը յոյս ունիմ, մեր մէջ կը մնայ:

Եւ Բաղէնեանը խորհրդաւոր եղանակով ու մութ ակնարկներով սկսեց պատմել տրտասահմանում կազմակերպուած հայկական մի ինչ-որ կոմիտէի մասին, որի նպատակն է յեղափոխութիւն առաջ բերել թիւրքիայի հայկական զաւառներում: Յայտնեց, որ ինքն այդ կոմիտէի գործօն անդամներից մէկն է և եկել է կովկաս յատուկ այն նպատակով, որ տեղական մաս-

նաճիւղեր կազմէ, դրամ հաւաքէ և զէնք ուղարկէ: Ասաց, որ գործն արդէն սկսուած է, ապացոյց բերեց վերջին անցքերը, բացատրեց այդ անցքերի նշանակութիւնն ապագայի համար, մտաւ նոյն իսկ պետութիւնների դիւանագիտութեան նրբութիւնների մէջ և, վերջի վերջոյ, ազատ և անկախ հայրենիքի մի սիրուն պատկեր գրեց ապշած Շահեանի առաջ:

Բաղէնեանը ճարպիկ լեզու ունէր. խօսում էր կենդանի և ազդու կերպով. դիտէր իր պատմածներին խորհրդաւոր գոյն տալ: Ընդմիջ իր շարժումները, արտասանութիւնը, հետաքրքրութիւն զարթեցնելու և լսողին գրաւելու բոլոր ձևերն արտիստիքական կատարելութեան էր հասցրել:

Շահեանը սկզբում սկսել էր վախենալ նրանից: Բաղէնեանի պատմածները վերին աստիճանի համարձակ բաներ էին թւում նրան, և իր նախկին ընկերն ամեն մի խօսքի վրայ աճում, բարձրանում էր նրա աչքում: Բայց յետոյ կամաց-կամաց գրաւուեց, իսկ վերջը լսում էր նրան ամենայն հաճութեամբ, նոյն իսկ ազահօրէն: Նրա ինքնասիրութեան համար խիստ հաճելի էր, որ այդպիսի մեծ գործի նուիրուած մի երիտասարդ հաւատ էր ընծայում իրեն և իր տան մէջ բոլորովին մտերմօրէն պատմում էր իրեն իրենց դադարներիցները:

Նա խնդրեց, որ Բաղէնեանը ճաշի մնայ իր մօտ: Բաղէնեանը սկզբում հրաժարուեց, բայց վերջը, զիջելով Շահեանի թախանձանքին, մնաց: Ճաշին յեղափոխականի գլուխը բաւական տաքացաւ և լեզուն աւելի բացուեց: Շահեանն էլ այդ օր սովորականից շատ աւելի խմեց կախէթի ընտիր գինուց: Երբէք այդ օրւայ պէս լաւ տրամադրութեան մէջ չէր զգացել իրեն: Նրան թւում էր, թէ այդ օր, ճաշի ժամանակ, երբ գի-

նին արդէն գլուխն էր ընկել, վերածնութեան մի օր է իր համար: Մի առանձին եռանդ, երակներէ մէջ մի առանձին տաքութիւն էր գգում, որոնք առաջ բոլորովին անծանօթ էին նրան, և նա էլ սկսել էր շատ խօսել: Բանն այնտեղ հասաւ, որ երբ Բաղէնեանը բաժակը կրկին բարձրացրեց «սուրբ գործի» կենացը, Շահեանը բաժակը ձեռքին վեր թռաւ տեղից և համբուրեց ընկերոջ փոքրիկ ձիգ բեխերից:

—Այդ գործի օգտին հինգ հարիւր ուղբի ես եմ նուիրում,—բացականչեց նա:

Այստեղ արդէն Շահեանն այն աստիճան զգացուեց, որ սկսեց ամենայն անկեղծութեամբ խոստովանուել իր ոչնչութիւնը—մի բան, որ դեռ ոչոքի առաջ չէր արել: Էլ ցեխ ու մուր չմնաց, որ չթափէր իր վերայ:

—Ասա, խնդրեմ, ինչացո՞ւ եմ ես,—ասում էր նա տաքացած, ուռերէն լեզուով, որպէսզի մայրը, որ ներկայ էր ճաշին, չհասկանայ իրենց խօսակցութիւնը: —Հը, քեզ եմ հարցնում, ինչացո՞ւ եմ ես կամ ինչացո՞ւ են ինձ նմանները, եթէ միայն ուրիշներն էլ կան ինձ նման: Ես չեմ ընդունում, թէ ինձ նման մէկ ուրիշն էլ լինի, որովհետեւ չգիտես, ախր, թէ ինչ եմ ես: Ես... ի՞նչպէս ասեմ... ես հասարակութեան, ազգի համար մի միտու եմ, մի գերօ, որը իր մէջ պարունակում է տորիչելեան դատարկութիւնից էլ մեծ դատարկութիւն: Ողորմածիկ հայրս թէև, —ի՞նչ ծածկեմ մեղքս,—վախենում էր ինձից, որովհետեւ իմ բոլոր մաղձը նրա վրայ էի թափում, բայց երբեմն էլի ուղղակի կամ անուղղակի երեսուիս էր տալիս իմ անպէտքութիւնը: Այդ ինձ կատաղեցնում էր: Ի՞նչո՞ւ: Որովհետեւ ճշմարտութիւնն էր ասում, և ես օգուտ էի քաղում այն հանգամանքից, որ իր միակ զաւակն էի և նա սիրում էր

ինձ: Մի անգամ էլ երկու օրիորդի, երկու դարմանալի օրիորդի հետ խօսակցութիւն ունեցայ կեանքի և մարդու գոյութեան նպատակի մասին: Թէ ինչպէս նրանք ցամաք-ցամաք ցեխը կոխեցին ինձ ու հանեցին իմ յոռետեսական հայեացքներիս համար,—չեմ կարող ասել: Նրանք պարզապէս հասկացրին ինձ, որ ես յոռետես եմ ձեռնում նրա համար միայն, որ ծածկեմ իմ ոչնչութիւնը: Երբ նրանցից հեռացայ, ինձ թուաց, թէ փողոց եմ դուրս եկել կաշիս մաշկած, անատովիական ծանօթ նկարի պէս: Մինչև հիմա էլ, որ մտաբերում եմ, ուզում եմ գետինը մտնել ամօթից: Հիմա—համեմատենք ինձ ու քեզ: Ի՞նչ ես դու և ի՞նչ եմ ես: Գուկրակ ես, ես—սառոյց. դու հեղեղ ես, ես—ճահիճ. մինչդեռ դու տարին տասներկու ամիս՝ հանգստութիւնդ, անձնական վայելքներդ մոռացած՝ թափառում ես երկրից երկիր անմահ գործի համար և մութ բանտը, տաժանելի կապանքներն ամեն ըոպէ աչքիդ առջն են, ես ի՞նչ եմ անում. ես, այ, այս չորս պատերի մէջ առանձնացած, քնում եմ՝ երբ ուզում եմ, քնում եմ՝ երբ ձանձրանում եմ արթուն մնալուց, ապահով միտքամայն այն բանից, որ փողոցի մուրացիկն անգամ չի հալածում ինձ իր աղիոցորմ աղերսներով: Այս ի՞նչ կեանք է: Այսպէս վերջին մըջիւնն անգամ չի ապրում: Հաւատա, Բաղէնեան, եթէ մայրս չլինէր, ես վաղուց արդէն անձնասպանութիւն կըլինէի գործած, որովհետեւ չգիտես, ախր, թէ ինչ դարհուրելի, ի՞նչ անտանելի կեանք է այս, որ ես եմ վարում: Գիտակցութիւն ունիմ, գուցէ, աւելի, քան պէտք է ունենան ինձ նման ողորմելի արարածները, բայց կամք չունիմ, ընաւորութիւն չունեմ, մի խօսքով՝ փալաս եմ, ամօթ է ասել, նոյն իսկ աղտոտութիւնը սրբելու անարժան մի փալաս...

Բազէնեանը սկսեց հանգստացնել նրան, լրջօրէն համոզելով, որ իղուր է այդպէս վատարանում իրեն, որ նրա պէս ազնիւ հոգու և ձգտումների տէր երիտասարդներն, ընդհակառակը, շատ պիտանի են ազգին, իսկ այդպիսի երիտասարդներ շատ չես գտնիլ: Նա ասաց, որ Թիֆլիսում, փոքրիշատէ ունեւոր դասակարգի մէջ, միայն Շահեանին է հանդիպում, որ խոշոր նուիրաբերութիւն է անում «սուրբ գործի» օգտին—մի բան, որի համար հայրենիքի թշուառ զաւակները երախտապարտ պիտի մնան նրան: Ինքը, Բազէնեանը, փող չունի՝ գործով է օգնում, Շահեանը փող ունի՝ փողով է ուզում օգտակար լինել,—միթէ այդ միևնոյնը չէ. օգնութիւնն օգնութիւն է՝ փողով թէ գործով. մէկը միւսից աւելի է և մէկը միւսին լրացնում է: Այստեղ Բազէնեանն երկար ու բարակ փիլիսոփայութեան մէջ մտաւ, բացատրելով փողի և գործի փոխադարձ ոյժն ու նշանակութիւնը:

Չնայելով որ գինին արդէն բաւական կպել էր երկսին էլ, խօսակցութիւնն ամենևին թեթև բնաւորութիւն չէր ստանում. ընդհակառակը, նրանք աւելի ու աւելի խոր փիլիսոփայութիւնների մէջ էին մտնում, մանաւանդ Շահեանը, որի հիւանդութիւնն էր վերացական դատողութիւններով զբաղուելը:

Մօսակցութիւնը զուտ նեղ, մտերմական բնոյթ ստացաւ ճաշից յետոյ, երբ նրանք, փափուկ բազկաթոռների վրայ իրար դէմուդէմ նստած, թանկագին սիգարների ծուխը դէպի առաստաղն էին բարձրացնում: Շահեանն ամենայն անկեղծութեամբ ասում էր այն բոլորը, ինչ որ սրտումն ունէր, և համոզուած էր, թէ Բազէնեանն էլ ինչ որ ասում էր, իր սրտինն էր ասում: Մինչև անգամ ամենևին կասկած չտարաւ այն մասին, որ երբ նորից հարցրեց, թէ ինչպէս է եղել

որ նա այդպէս փոխուել և իրեն «սուրբ գործին» է նը-
ւիրել,—Բազէնեանը հառաչելով պատասխանեց, թէ պատճառը զլիաւորապէս էլզասցի մի աղջիկ էր, զարմանալի, նմանը չունեցող մի աղջիկ, որը գրեթէ խելագարուած էր «ուրվանշի» վրայ:

—Նա կարող էր երկրորդ ժանն դ'Արք լինել, եթէ հիւանդ չլինէր,—շարունակեց Բազէնեանը:—Նրա հետ ծանօթացայ Յիւրիսում: Ասում էր, թէ փախել է Ստրասբուրգից պարզապէս նրան համար, որ այլևս չըտեսնէ «գարեջրի հոտած տակառների» երեսը: Այդպէս էր անուանում գերմանացիներին, որոնք, յիւրաւի, հոտած ազգ են և սարսափելի բռնակալ: Ինքը հասարակ ծնողների զաւակ էր, բայց բաւական զարգացած: Եղբայրը ծառայում էր գերմանական զօրքի մէջ և—դու տես բաղդի խաղը—թունդ գերմանոֆիլ էր: Իրա համար եղբօրն աւելի էր ասում, քան թէ իրեն՝ երկաթի կանցլերին: Եղբօր անունն անգամ չէր ուզում լսել, իսկ երբ խօսակցութիւն էր բացւում, նրա մասին, ուղղակի դաւաճան էր անուանում նրան և դառնութեամբ զանօզատուում էր, որ իր պէս թշուառ քոյր չկայ աշխարհիս երեսին: Ես չեմ պատմիլ, թէ ինչպէս ծանօթացայ նրա հետ, ինչպէս մօտեցանք իրար,—դա մի ամբողջ ոտմանի նիւթ կարող է լինել,—այսքանս միայն կասեմ, որ... զժուածի պէս սիրահարուեցի նրա վրայ: Այն, զժուածի պէս, Լևոն... Ի դէպ. դու երբևիցէ սիրահարուեմ ես:

Այդ հարցի վրայ Շահեանի աչքի առաջ իսկոյն պատկերացաւ Եւան, և նրա սիրտը լցուեց դառն անձկութեամբ:

—Ոչ,—պատասխանեց նա, երկար տատանումից յետոյ:

—Ուրեմն երջանիկ ես: Այն, երջանիկ ես, Լևոն, որովհետև սիրոյ պատճառած դառնութիւնն աւելի է,

քան քաղցրութիւնը: Գոնէ իմ սէրն ինձ մեծ տանջանք պատճառեց: Նա մեռաւ, Լևոն, մեռաւ՝ ինչպէս մեռնում է ազատութիւն սիրող թռչունը վանդակի մէջ, մեռաւ՝ ինչպէս մեռնում է մայր հողից կարուած ծաղիկն օտար հողի մէջ... Հարկաւոր է արդեօք պատմեմ, թէ՛ նրա մահն ինչ ազդեցութիւն ունեցաւ ինձ վրայ: Այսքանս բաւական է ասեմ, որ մի անգամ նոյն իսկ փորձեցի անձնասպանութիւն գործել, բայց դարձեալ նրա յիշատակըն հղաւ, որ ինձ փրկեց: Մի անգամ, մի հրաշալի գիշեր, — անխ, այդ սիրոյ գիշերները, երբ լուսնի ծիծաղկոտ լոյսը չես իմանում տանջում է քեզ, թէ փաղաքշում, — այդպիսի մի գիշեր դուրս եկանք դրօսանքի: Նա ասաց, որ իր հայրենիքի վիճակն երբէք չի տանջում իրեն այնպէս, ինչպէս այդպիսի հրաշալի գիշերներին, և յանկարծ հարցրեց իմ հայրենիքի մասին: Ինձ թուաց, թէ յանկարծ ինքս էլ համակուեցի նոյն վշտով, ինչ որ նա: Սկսեցի պատմել մեր հայրենիքի աղէտալի վիճակը և ասացի, որ երկուսս էլ միևնոյն վիճակի մէջ ենք: — «Ա՛խ, դուք երջանիկ էք ինձնից, — բացականչեց նա, — որովհետև դուք տղամարդ էք»: Այդ խօսքերն այնպիսի զօրեղ տպաւորութիւն գործեցին ինձ վրայ, Լևոն, որ յետոյ, անձնասպանութեան միտքը յղանալիս, երբ յանկարծ միտս ընկան, ինքս ինձնից ամաչեցի: Յիրաւի, մի՞թէ ամօթալի բան չէ անձնասպանութիւն դործելը, — մտածեցի ինքս ինձ: — Մի՞թէ տղամարդուն վաշիլ բան է անձնասպանութիւնը: Չէ՞ որ նա ինձ երջանիկ էր համարում հէնց նրա համար, որ ես տղամարդ էի, այսինքն՝ մի ոյժ, որ աւելի, քան կինը, միջոցներ ունի հայրենիքին օգտակար լինելու: Մահը մահ է. «Մարդ մի անգամ պիտ մեռնի», բայց աւելի լաւ չէ՞ աղնիւ, խելացի, օգտակար մահը, այնպիսի մի մահ, որով կարելի է կեանք տալ ուրիշներին — աւետարանա-

կան ցորենի այն հատիկի նման, որ «եթէ մեռանիցէ, բազում արգիւնս առնէ»: Եւ, ահա, այդ օրուանից ուխտեցի և գլխովին նուիրեցի ինձ սուրբ գործին, այսինքն այնպիսի մի գործի, որի համար, թէև ապարդիւն, բայց ինքն իր մէջ տանջուելով մեռաւ նա: Նրա մահից անցել է մօտ հինգ տարի, և ես... էհ, ինչ հարկաւոր է հին խոցերը փորփրել...

Բաղէնեանը զօրեղ շեշտով թափ տուեց ձեռքը, վերկացաւ և սկսեց մտազբաղ ու տխուր անցուդարձ անել հիւրասենեակի փափուկ գորգի վրայ:

Նրա պատմութիւնը խիստ ազդել էր Շահեանին: Շահեանին թւում էր, թէ Բաղէնեանի վիշտն այնքան մեծ է, որ մեղք է նրան իր դժբաղդ սիրոյ մասին երկար հարցուփորձ անելը: Բաղէնեանի սիրած աղջկան, ինքն էլ չէր իմանում ինչու, համեմատում էր Եւայի հետ, և նրան թւում էր, թէ էլզասցի այդ աղջիկը ճիշտ Եւայի հասակն ու գեղեցկութիւնը պիտի ունենար և պէտք է որ Եւայի պէս վառվառն մի աղջիկ լինէր:

Եւ Եւայի, ըստ երևոյթին մոռացուած, պատկերը նորից կենդանութիւն առաւ նրա գրգռուած երեակաջութեան մէջ, տանջող անձկութիւն ու տխրութիւն պատճառելով նրան:

II

Շահեանն անկեղծօրէն սիրեց Բաղէնեանին, որին, յիրաւի, բոլորովին փոխուած էր տեսնում: Հէնց առաջին օրուանից մտերմական այնպիսի մի սերտ կապ հաստատուեց նրանց միջև, որ Բաղէնեանին ամեն օր իր տան մէջ տեսնելը կատարեալ մի պահանջ դարձաւ Շահեանի համար: Նա վաղուց ի վեր ձգտում էր ունենալ այդպիսի մի մտերիմ ընկեր, որի առաջ կարող

լինէր վստահօրէն թափել իր սրտի բոլոր դառնութիւնը, անկեղծօրէն դատափետել իրեն, իր վարած կեանքը և երկիւղ չունենալ, թէ ինքը կընուաստանայ այդպէս անելով: Եւ նա աներկիւղ այդ բանն անում էր Բաղէնեանի առաջ: Իսկ Բաղէնեանը կարճ ժամանակում արդէն ուսումնասիրել էր նրա ընաւորութիւնը, գտել էր նրա թոյլ երակը և մեծ ճարպիկութեամբ շոյում էր անդադար նրա ինքնասիրութիւնը:

Ամեն անգամ, Բաղէնեանին ճանապարհ դնելիս, Շահեանն անկեղծ շնորհակալութիւն էր յայտնում նրան, որ ջերմութիւն էր տալիս իր սառած կեանքին, և խնդրում էր, որ ամեն օր դայ իր մօտ. խնդրեցնոյն իսկ, որ հիւրանոցից տեղափոխուի իր տունը: Բաղէնեանեանը վերջին հիւրասիրութիւնից վճռապէս հրաժարուեց, բայց ամեն օր դալիս էր Շահեանի մօտ, փառաւոր ճաշ էր վայելում նրա տանը, շարժում էր իր ճարպիկ լեզուն, ծխում էր նրա թանկագին սիգարները և վերջը, այդ բոլորի համար շնորհակալութիւն ստանալով, հեռանում էր, որ հետևեալ օրը դարձեալ դայ նոյն պաշտօնը կատարելու:

Մի անգամ երկու օր շարունակ չերևաց Բաղէնեանը: Այդ երկու օրը Շահեանի համար անցաւ շատ տխուր: Երբորդ օրն առաւօտեան պատրաստուում էր գնալու Բաղէնեանի մօտ, երբ ստացաւ նրա այցետոմսը, որի վրայ խիստ անձոռնի տառերով գրուած էր մատիտով հետևեալը.

«Սիրելի Լեոն, անշուշտ չգիտես, որ անցեալ օր ինձ մի փոքրիկ դժբաղդութիւն պատահեց, որի շնորհիւ այժմ չեմ կարողանում սենեակիցս դուրս գալ: Արի, մենակութիւնից սիրտս ճաքում է: Էլի հին տեղումս եմ—«Լոնդոն»: Գրում եմ ձախ ձեռքով»:

Շահեանը շտապեց:

Երբ նա «Լոնդոն» հիւրանոցում բաց արեց Բաղէնեանի սենեակի դուռը և ներս մտաւ, Բաղէնեանը պառկած էր մահճակալի վրայ, անկողնի մէջ, և լրագիր էր կարդում ձախ ձեռքին բռնած: Նրա գեղեցիկ դէմքը դժգոյն էր և թւում էր, թէ բաւական հիշարել է: Շահեանին տեսնելով, ժպտաց և լրագիրը կամաց դրեց կողքին:

—Ա՞յս ինչ է, դու պառկած ես,—դարմացած բացականչեց Շահեանը:

—Էլ ասում ես,—ասաց Բաղէնեանը թոյլ ձայնով և ձախ ձեռքը պառկած տեղից մեկնեց նրան:—Աթոռ մօտ բեր նստիլ:

Շահեանն անհամբերութեամբ մի աթոռ առաւ և նստեց նրա մահճակալի մօտ:

—Հէնց նոր պատրաստուում էի քեզ մօտ գալու, որ նամակդ բերեցին: Ի՞նչ է պատահել:

—Ա՛յ, կարդա,—ասաց Բաղէնեանը ժպտալով և լրագիրը տուեց նրան:—Կարդա ահա այս լուրը,—ձախ ձեռքի ցուցամատով ցոյց տուեց նա:

Շահեանը կարդաց.

«Կիրակի օր, ժամը 12-ին մօտ, Գալաւինսկի պրոսպեկտի վրայ մի կառքի ձիերը յայտնի չէ ինչ բանից խրտնեցին և գլուխներն առան թռան դէպի Բաթթիթինսկայա դառիվայր փողոցը: Կառապանը չկարողացաւ զսպել ձիերը և ցած ընկաւ կառքի ուժգին ցընցումից. մի կողմ շարտուեց նաև կառքի մէջ նստած մի պարոն. սակայն, բարեբաղդաբար, երկուսն էլ թեթեւ խեղումներ միայն ստացան: Այն ինչ ձիերը, բոլորովին ազատ դգալով իրենց, ցած էին վազում աւելի ևս կատաղած: Այդ միջոցին մի օրիորդ չորս-հինգ տարեկան մի երեխայի հետ մի մայթից միւսն էր անցնում: Օրիորդը կարողացաւ աղատուել, բայց երեխան

անշուշտ պիտի ճխլուէր կատաղած ձիերի ոտները և կառքի անիւնների տակ, եթէ մի պարոն, որ այդ բո- պէին անցնում էր այդ կողմով, խսկոյն օգնութեան չը- հասնէր. նա վազեց, խտտեց երեխային և յետ էր վա- զում, որ մօտեցող կատաղած ձիերից ազատուի, բայց, դժբաղդաբար, կառքը վրայ հասաւ, շուռ եկաւ և մի կողքով դիպչելով պարոնին՝ մի կողմ շարտեց նրան երեխայի հետ միասին: Երեխան ոչ մի վնաս չստացաւ, մինչդեռ անձնազոհութեան այսպիսի գեղեցիկ օրինակ ցոյց տուող պարոնը ծանր վէրք ստացաւ, և նրան ու- շագնաց տարան հիւանդանոց: Նրա կեանքը վտանգի մէջ է: Նրա աղբը Բագէնեան է»:

Շահեանը կարդաց վերջացրեց և զարմացած նայեց Բագէնեանի ժպտող աչքերին:

— Այդ դու ես:

— Ինչպէս տեսնում ես: Բոլորը ճիշտ է նկարա- զրուած, միայն մի տեղ գլուխը քարոյն է տուել լրա- տուն. կրծքիս վրայ ոչ մի վէրք չեմ ստացել, այլա- պէս հարուածն այնքան սաստիկ էր, որ տեղնուտեղը բան-հոգի կըլինէի: Թեև է միայն վնասուել. ահա:— Բագէնեանը վերմակը կամաց յետ քաշեց և ցոյց տուեց աջ թևը, որ ուսից սկսած մինչև արմունկը պինդ փա- թաթուած էր սպիտակ շորով, շապկի թևն ուսին հա- ւաքուած:— Կեանքիս էլ, ինչպէս տեսնում ես, ոչ մի վտանգ չի սպանում:

— Փառք Աստուծոյ, որ այդպէս թեթև ես պրծել: Ես էլ ասում եմ ինչու այս երկու օրս չես երևում: Յետոյ, պատմիր տեսնեմ:

— Յետոյ ի՞նչ: Յետոյ, երբ ուշքի եկայ, տեսայ, որ փառաւորապէս պառկած եմ հիւանդանոցում և ձեռքս պատում ու փաթաթում են ինչ-որ տաշեղնե- րով: Զարմանալի է. ուրիշ ոչ մի տեղ վէրք չեմ ստա-

ցել և չեմ հասկանում ինչու պէտք է ուշագնաց լինէի: Բայց, ո՞վ գիտէ, գուցէ, լրատուի ասելով, կառքն իս- կապէս կրծքիս կամ մի ուրիշ վտանգաւոր տեղիս է դիպել, թէ չէ՝ ձեռքից չեմ կարծում թէ մարդ ուշա- թափուի: Այս էլ կայ, որ ոչ մի տեղս ցաւ չեմ զգում: Զեռքս էր միայն, որ սկզբում սաստիկ ցաւում էր, իսկ այժմ ցաւը բաւական մեղմացել է:

— Բաս ինչո՞ւ ես պառկած:

— Ձեմ կարողանում շորս հագնել: Եւ վերկենամ, ի՞նչ անեմ: Բժիշկն ասաց, որ մի քանի օր սենեակից դուրս չգամ, ցուրտ է, ասաց, կարող ես ձեռքդ մըր- սեցնել:

— Այ թէ օյին է եկել գլխիդ:

— Օյին ասիր ու պրծա՞ր: Նոր էի դուրս եկել հիւ- բանոցից և բարձրանում էի դէպի Գալաւինսկի պրոս- պեկա, որ տեսայ, թէ ինչպէս ձիերը սարսափելի կա- տաղութեամբ վերեւից ներքև էին վազում: Այն էլ տե- սայ, թէ ինչպէս կառքի մէջ նստած պարոնը և կառա- պանը գնդակի պէս շարտուեցին մէկն այս, միւսն այն կողմը: Խեղճ երեխան այնպէս շշկուել էր փողոցի մէջ տեղ վերեւից մարդկանց բարձրացրած աղաղակների վրայ, միւս կողմից էլ քոյրն այնպիսի յուսահատական ճիչեր էր արձակում, որ ես չէ՛ ով ուզում է լինէր, անկարելի էր, որ օգնութեան չհասնէր: Զէ, լաւ պըր- ծայ: Բայց ինձ խիստ ուրախացնում է այն հանգա- մանքը, որ երեխան անվնաս մնաց: Նոյն օրն երեխայի հայրն այցելեց ինձ հիւանդանոցում: Ի՞նչպիսի շնոր- հակալութիւններ, երախտագիտական զգացման ի՞նչ- պիսի արտայայտումներ... Բայց ճիշտն ասեմ, ես ինքս չափազանց շնորհակալ կըլինէի նրանից, եթէ ամենաին նեղութիւն չկրէր ինձ այցելելու, որովհետև ձեռքիս

կսկծից չզբիտէի ինչ անեմ, իսկ նա կատարելապէս զահլա տարաւ իր շնորհակալութիւններով:

—Ո՞վ էր, ի՞նչ մարդ էր:

—Ազգանունն ասաց, տան հասցէն էլ յայտնեց, բայց գլխումս խելք կամր, որ միտս մնար: Թաթուլեան ասաց, Թումանեան ասաց, չեմ յիշում, ճշմարիտ: Աշնանային ճանճ տեսել ես, որ ականջիցդ քշում ես՝ ճակատիդ է նստում, ճակատիցդ քշում՝ քթիդ է նստում: Այդպիսի մի ճանճի տպաւորութիւն թողեց ինձ վրայ:

Միջանցքից շտապ քայլերի մի ձայն և կնոջ հագուստի խշխշոց լսուեց: Դուռն ուժգնօրէն բացուեց, և շտապով ներս մտաւ մի յաղթանգամ կին՝ մոխրագոյն ծանր մուշտակով, որ ինջնում էր մինչև ոտների ծայրերը, և նոյն գոյնի մորթէ գլխարկով, որ չափազանց փոքր էր թուով՝ ծոծրակի վրայ շքեղօրէն հաւաքուած սաստիկ հարուստ մազերի հետ համեմատած: Ըստ երևոյթին, նա բուռն անհանգստութեամբ ուղում էր վազել դէպի Բաղէնեանը, բայց, տեսնելով, որ նա մենակ չէ, յանկարծ կանգ առաւ և շփոթուեց, կարծես:

Շահեանն իսկոյն ճանաչեց նրան. դա այն կինն էր, որին տեսել էր «Միխայլովօ» կայարանում Բաղէնեանին ուղեկցելիս: Նա բոլորովին մոռացել էր այդ կնոջը, և դրա՝ այդ սենեակում այդպէս անակնկալ յայտնուելը խիստ շփոթեց նրան: Նա մեքենայաբար վերկացաւ տեղից և չտեսաւ ոչ այդ կնոջ շփոթմունքը և ոչ ինչ-որ անհաճոյ զգացումից առաջացած այն ալլայլումը, որ արտայայտեց Բաղէնեանի դէմքը այդ կնոջ յայտնուելուն պէս: Սակայն այդ բոլորը մի քանի վայրկեան միայն տևեց:

—Պանի Զդանկիչ... դուք այստե՞ր, — կանչեց Բա-

ղէնեանը ուսերէն, շտապով վերկենալով և նստելով անկողնի մէջ:

—Պարզոն, ես առանց իմաց տալու մտայ,—ասաց պանի Զդանկիչը ախորժալուր, կրծքային ձայնով և արագ մօտեցաւ նրան:—Բայց ես այնքան անհանգիստ էի...

—Ներեցէք... ես...,—արտասանեց Բաղէնեանը, ըստ երևոյթին, ամօթխածօրէն ծածկելով շապկի կուրծքը ձախ ձեռքով:

—Ա՛խ, խնդրում եմ, խնդրում եմ, մի նեղանաք: Այդ ի՞նչ դժբաղդութիւն է պատահել ձեզ, ես այսօր կարդացի լրագրներում:

—Դատարկ բան է, պանի Զդանկիչ: Կուռս միայն փոքր ինչ ֆլաստուել է, ուրիշ ոչինչ չկայ: Խնդրում եմ դարձեալ, որ ներէք ինձ: Արդեօք չէ՞իք հաճիլ նստել:

Պանի Զդանկիչն արագօրէն նստեց այն աթոռի վրայ, որի վրայ առաջ Շահեանն էր նստած, և մուշտակը յետ ձգեց աթոռի մէջքին, երևան հանելով սև ատլասի հագուստի մէջ պինդ սեղմուած երկայն շքեղ իրանն իր փարթամ կրծքով:

—Ե՞րբ էք եկել, — հարցրեց Բաղէնեանը:

—Մի շաբաթ է, որ Թիֆլիսումն եմ:

—Մենակ էք եկել:

—Ոչ... ամուսինս էլ հետս է... և, երևի... շուտով կը վերադառնանք,—պատասխանեց պանի Զդանկիչը տարօրինակ յապաղումով և Շահեանի կողմը անհանգիստ մի հայտնացք ձգելով:—Բայց դուք ձերը պատմեցէք: Ա՛հ, ինչքան ցաւեցի և վախեցայ... մանաւանդ, որ գրուած էր, թէ ձեր կեանքին վտանգ է սպառնում:

—Լրագրների մէջ չափազանցրել են, պանի Զդանկիչ:

—Այո, տեսնում եմ, որ դուք լաւ էք: Եւ փառք

Աստուծոյ: Բայց դուք խակապէս որ օրինակելի անձնադո՞ւրեւութիւն էք ցոյց տուել: Չէք կարող երեւակայել, որքան հիացած եմ... Պարդոն,—յանկարծ դարձաւ պանի Զդանեկիչը Շահեանին,—ես ձեր տեղն եմ նստել, կարծեմ, և դուք կանգնած էք մնացել:

—Մնորեմ, խնորեմ,—արագ վրայ բերեց Շահեանը, մինչև ականջները կարմրելով, և մեքենայաբար նստեց մի ուրիշ աթոռի վրայ:

Բազէնեանը շտապեց Շահեանին ներկայացնելու պանի Զդանեկիչին:

—Այնպէս չէ՞, ձեր ընկերն անօրինակ անձնադո՞ւրեւութիւն է ցոյց տուել,—ասաց պանի Զդանեկիչը, դառնալով Շահեանին:—Երեւակայեցէք, որ եթէ պարոն Բազէնեանը օգնութեան չհասնէր, այն խեղճ, այն փոքրիկ երեխան պիտի ջարդուէր մեռնէր, և ի՞նչ սոսկալի թըշուառութեան մէջ պիտի ընկնէին նրա ծնողները... Ա՛խ, պարոն Բազէնեան, չգիտեմ, ճշմարիտ, ինչպէս արտայայտեմ իմ հիացմունքը:

—Պանի Զդանեկիչ...

—Լաւ, լաւ, դուք համեստ էք, ես այդ հասկանում եմ. բայց և այնպէս, կարծում եմ, այդ բանն արգելք չպիտի լինի ձեզ մանրամասնութիւնները պատմելու: Ես չափից դուրս հետաքրքրուում եմ: Ա՛խ, ինչքան նիհարել էք: Այստեղ, կարծեմ, ցուրտ պիտի լինի ձեզ համար: Մի՞թէ վառարան չեն վառում: Խնորում եմ, լաւ ծածկուեցէք: Սպասեցէք...

Պանի Զդանեկիչը շտապով վերկացաւ, առաւ Բազէնեանի ոտները մօտ, մահճակալի վրայ ձգուած պլեդը և ծածկեց նրա ուսերը:

—Ահա այսպէս: Ներեցէք, որ ես այսպէս տանալարի եմ վարուում,—ասաց նա նորից նստելով իր տեղը.—բայց որովհետև այն երեխային փրկելով ապացու-

ցել էք, որ ուրիշի կեանքն աւելի թանկ էք գնահատում, քան թէ ձերը, ուստի ուրիշներն էլ պարտաւոր են հողալ ձեր առողջութեան համար: Այնպէս չէ՞,—հրաշալի ժպիտով դիմեց նա Շահեանին:

—Անշուշտ,—վրայ բերեց Շահեանը՝ յափշտակուած այդ գեղեցիկ կնոջ անսեթեթ վարմունքից, և դարձեալ կարմրեց:

—Դուք շատ բարի էք, պանի Զդանեկիչ,—արտասանեց Բազէնեանը:

—Իմ բարութիւնը մի կողմ թողէք և պատմեցէք մանրամասնութիւնները:

Բազէնեանը սկսեց պատմել: Նրա պատմութիւնը չոր էր:

Շահեանն արդէն փոքր ինչ ընտելացել էր պանի Զդանեկիչի ներկայութեանը և, լուռ նստած, հետաքրքրութեամբ դիտում էր նրան իր պարզ ակնոցների միջից, օգուտ քաղելով այն հանգամանքից, որ այդ կնոջ ամբողջ ուշադրութիւնը Բազէնեանի կողմն էր: Չափից դուրս գեղեցիկ էր թւում նրան այդ հսկայ կինը, աւելի գեղեցիկ, քան այն ժամանակ, երբ առաջին անգամ տեսաւ նրան «Միխայլովօ» կայարանում: Սև առլասի մէջ ամուր սեղմուած այդ շքեղ իրանը, այդ բարձր կուրծքը, այդ փարթամ ուսերը և հպարտօրէն բարձրացած այդ գլուխն իր չափազանց հարուստ մաղերով, իր աղնիւ, պլաստիքական դիմագծերով, որոնց մէջ, չնայելով տարիքին, դեռ ևս նկատելի էր խնամքով պահպանուած երիտասարդական թարմութիւնը,—այդ բոլորը երկիւղ ազդելու չափ վեհուութիւն և, միևնոյն ժամանակ, անդիմադրելի հմայքի ոյժ էին տալիս նրան: «Սա կարող է թագուհի լինել», մտածում էր Շահեանը և դարմանում էր, թէ ինչպէս

այդպիսի մի կին մինչև անգամ լայեղ էր արել մտնել այդ սենեակը:

Բաղէնեանի պատմութիւնը լսելիս պանի Չղա- նեկիչը ջերմ հետաքրքրութիւն էր ցոյց տալիս: Այն- տեղ, ուր կարեկցութիւն էր հարկաւոր, նրա դէմքն արտայայտում էր աւելի, քան կարեկցութիւն, և այդ բանից Շահեանն եզրակացնում էր, որ նա խիստ բա- րէ կին է:

Մինչդեռ Բաղէնեանը պատմում էր, կարծես, ա- կամայ և ամենակին չէր նայում պանի Չղանեկիչին: Առհասարակ ինչ-որ օտարոտի ինքնազսպումն, նոյն իսկ սառնութիւն էր նկատուում նրա վարուեցողութեան մէջ պանի Չղանեկիչի վերաբերմամբ: Շահեանը տեսնում էր այդ, և ընկերոջ այդ վարմունքն աւելի քան կո- պիտ էր երևում նրան: Ծնշուած այդ բանից, նա նա- յում էր պանի Չղանեկիչին և զարմանքով տեսնում էր, որ այդ կինը կամ չի նկատում Բաղէնեանի այդ կո- պիտ վարմունքը, կամ այնքան կրթուած կին է, որ չտեսնելուն է տալիս:

Պանի Չղանեկիչը մօտ մի ժամ մնաց Բաղէնեանի մօտ. կարծես, չէր ուզում հեռանալ այդ սենեակից: Ի միջի այլոց, ասաց Շահեանին, որ ինքն առհասարակ համակրում է հայերին, որոնց մէջ կան այնպիսի երի- տասարդներ, ինչպիսին Բաղէնեանն է, որի հայրենա- սիրական նպատակներին ու գործունեութեանն աւրի է ունեցել մասամբ ծանօթ լինելու: Յետոյ նուրբ հետա- քրքրութեամբ սկսեց հարցումորձ անել իրեն՝ Շահեա- նին, առաջուց ներողութիւն խնդրելով իր հետաքրքրու- թեան համար: Եւ Շահեանը, զարմանալի է, ամենայն անկեղծութեամբ սկսեց պատմել ինչ որ հարկաւոր էր ինչ որ ճիշտ էր: Այդ կինը, որի գեղեցկութիւնը սկզբ- բում գրեթէ սարսափեցնում էր նրան, այնքան բարի,

կարեկից ու բարեկիրթ կին էր երևում և իր պարզ ու փոքր ինչ հովանաւորող վարուեցողութեամբ այնպիսի մի պատկառանք էր ներշնչում նրան, որ նա ամաչում էր դիմել իր սովորական դէնքին—ստախօսութեան: Եւ պանի Չղանեկիչը լսում էր նրան այնպիսի հետաքրք- րութեամբ, որ կարծես մինչև անգամ շնորհակալ էր, որ նա խօսում էր այդքան անկեղծօրէն:

—Եթէ համեստութիւնից չէ, որ դուք այդքան դատափետում էք ձեզ,—ասաց նա ժպտալով,—ապա- ևս ձեզ կասեմ հետեւալը. նա, ով զգում է իր պակա- սութիւնները, կորած չէ. պէտք է միայն կամքի ոյժ ունենալ զգացած պակասութիւններն ուղղելու: Յամե- նայն դէպս, դուք այնքան բարի էք, որ այսպիսի դէպ- քերում չէք մոռանում ձեր ընկերոջը: Ես շատ ուրախ եմ, որ ծանօթացայ ձեզ հետ: Յոյս ունիմ, մենք էլի առիթ կունենանք իրար տեսնելու: Իսկ այժմ,—նա վեր կա- ցաւ տեղից,—ներեցէք: Պարոն Բաղէնեան, թո՛յլ կը- տաք, որ դարձեալ այցելեմ ձեզ:

—Պանի Չղանեկիչ... չգիտեմ, ճշմարիտ, ինչո՞վ եմ արժանացել ձեր...

—Դուք թոյլ էք տալիս, ուրեմն դարձեալ կըզամ, —ծիծաղելով ընդհատեց պանի Չղանեկիչը և, արագօ- րէն առնելով մուշտակը, ծածկեց, որի ժամանակ Շա- հեանը մինչև անգամ համարձակութիւն ունեցաւ նրան օգնելու:—Մերսի,—հրաշալի ժպիտով շնորհակալու- թիւն յայտնեց նա Շահեանին և ամուր սեղմեց նրա ձեռքը:—Ցտեսութիւն, պարոն Բաղէնեան: Չգոյժ կա- ցէք, չմրսէք: Ցտեսութիւն,—նոյն հրաշալի ժպիտով վերջին անգամ դիմեց նա Շահեանին և դուրս գնաց արագ:

—Ի սէր Աստուծոյ, շուտով առողջացէք, թէ չէ՝ այդ բանի նման չէ: Պարոն Շահեան... դճւք այստեղ ինչ էք շինում:

—Ընկերս է, եկել եմ տեսութիւն:

—Հա-ա՛, մի՛թէ... Դուք այսպիսի պատուական ընկերներ էք ունեցել,—մէկը Մինասեանը, միւսը սա,—և ես այդ պատահմունքով պիտի իմանամ: Դուք գիտէք, որ պարոն Բաղէնեանն իմ երեսիս է փրկել:

Շահեանը դարմացաւ: Այդ յայտնութիւնը բոլորովին անակնկալ էր նրա համար:

—Հասցն, իմ Սուրէնին:

—Ճի՛շտ:

—Բաս ինչ ունիմ հիմա այստեղ: Չէ՞ որ երախտապարտ եմ, անչափ երախտապարտ եմ պարոնին, որի հետ այդ ցաւալի դէպքն է ինձ առիթ տուել ծանօթանալու: Պարոն Բաղէնեան, դարձեալ և բիւր անգամ շնորհակալ եմ ձեզնից, և չէք կարող երևակայել թէ ինչքան ցաւում եմ, որ այդ դնով էք որդուս կեանքը փրկել: Որ իմանաք ինչ կը պատահէր մերոնց, եթէ... Ո՛հ, ես սարսափում եմ անգամ այդ մասին մտածելուց: Շնորհակալ եմ, անչափ շնորհակալ եմ:

Եւ Մարութեանն ամուր-ամուր սեղմեց Բաղէնեանի ձախ ձեռքը:

Բաղէնեանը ժպտաց և ասաց, որ չարժէ շնորհակալ լինել, որովհետև իւրաքանչիւր մարդու բարոյական պարտականութիւնն է վտանգ եղած դէպքում օգնութեան հասնել ուրիշներին, մանաւանդ անզօր երեսկաներին: Յետոյ խնդրեց, որ նստի, և հարցրեց, թէ երեսան իսկապէ՞ս բոլորովին անվտանգ է մնացել:

—Մի մազի չափ անգամ չի մնասուել,—ասաց Մարութեանը:—Այդ կատարեալ հրաշք է: Աղջիկս միայն փոքր ինչ վախեցել է, բայց այդ դատարկ բան է: Հի-

մա գիտէք ինչու եմ եկել, պարոն Բաղէնեան: Եկել եմ, որ նախ՝ տեղեկանամ ձեր թանկագին առողջութեան մասին և յետո՛յ՝ խնդրեմ, որ շնորհ բերէք մեր տուն: Մերոնք այնպէ՛ս ցանկանում են ծանօթանալ ձեզ հետ...

—Ամենայն ուրախութեամբ կըզամ, ի հարկէ, երբ առողջանամ:

—Մի՛թէ հիմա առողջ չէք:

—Առողջ եմ, ի հարկէ, բայց բժիշկն արգելել է, որ սենեակից դուրս չգամ. ձեռքս կըմրսեցնեմ: Բացի դրանից, չեմ կարողանում առայժմ շորս հագնել: Եւ դրա համար է, որ պառկած եմ:

—Հն, երբոր այդպէս է, ի հարկէ, լաւ է, որ զգոյշ մնաք: Բայց որ վտանգն անցնի բոլորովին, խօ կըզամք:

—Շատ եմ ուզում և կաշխատեմ:

—Չէ, ի սէր Աստուծոյ: Կիսաբերան խօսքեր չեմ սիրում: Վճռական պատասխան տուէք՝ կըզամք, թէ ոչ: Թէ չէ, միևնոյն է, ձեզ հանգիստ չեմ թողնիլ:

—Կըզամ: Անպատճառ կըզամ,—ասաց Բաղէնեանը ժպտալով:

—Այդպէս: Ա՛, պարոն Շահեանը գիտէ մեր տունը. միասին վեր կըկենաք կըզամք: Հն, պարոն Շահեան. դուք շարունակում էք մեզնից հեռու ման գալ: Լաւ չէք անում: Ի՛հ, ի՛նչ անենք. Աստուծոյ կամքն էր, որ ձեր ողորմածիկ հայրը վախճանուեց. բայց խօ չի՞ կարելի այդքան երկար սուգ պահել:

—Չէ, ի՛նչ սուգի բան կայ,—ասաց Շահեանը փոքր ինչ շփոթուելով և ուզեց արդարացնել իրեն, բայց չիմացաւ ինչ ասի:

—Դէ, երբոր սուգի բան չկայ, եկէք, էլի, առաջուայ պէս: Երիտասարդ էք, պէտք է գնաք, գաք, խօ-

շող զգացում: Նախանձ էր այդ, չկամութիւն, թէ մի ուրիշ բան,—Աստուած գիտէ. բայց, կարծես, այնքան էլ նրա սրտովը չէր, որ Բաղէնեանի ձեռքով աղաւաւած երեխան Մարութեանի որդին էր: Եւ, զարմանալի է, ամենեւին չէր ուզում, որ Բաղէնեանը գնայ Մարութեաննորի տուն...

—Բարև ձեզ, պարոն Շահեան,—յանկարծ ինչ որ կանացի ձայն դիպաւ նրա ականջին, և նա մի քննայաբար կանգ առաւ:

Նրա առաջ կանգնած էր օր. Սահակեանը՝ աշակերտական մի կոյտ տետրակներ կռան տակին:

—Չճանաչեցիք,—հարցրեց օր. Սահակեանը ժրպատալով իր համարձակ ժպիտով:

Շահեանը շփոթուեց:

—Ինչպէս չէ... ներողութիւն...

—Յիշում էք. մենք ծանօթացել ենք Իրկաթուղու կայարանում, երբ ճանապարհ էինք ձգում մեր բարեկամներին—Աշխէնին և Մինասեանին:

—Այո, այո... Ներողութիւն... Ես... ինչպէս չէ, ինչպէս չէ...

Եւ Շահեանը սաստկացած շփոթմունքից մինչև անզամ կարմրեց:

—Ասենք, ներելի է, որ ինձ իսկոյն չյիշէիք, որովհետև մենք ծանօթացել ենք այնպիսի պարագաներում, երբ մեր ամբողջ ուշադրութիւնը կիզբոնացած էր մեր ամենալաւ բարեկամների վրայ,—ասաց օր. Սահակեանը շարունակելով ժպտալով:—Ինչեիցէ, ես այժմ, —ներողութիւն, որ ձեզ անհանդատացնում եմ, — ես այժմ ուզում եմ մի տոմսակ սաղացնել ձեզ վրայ:

—Ի՞նչ տոմսակ:

—Կիրակի օր, այս կիրակի, մի աղքատիկ գիւղի

ուսումնարանի օգտին պարահանդէս ունինք, պէտք է գաք:

—Պարահանդէս...

Օր. Սահակեանը նայեց Շահեանի՝ մի քիչ ապուշի տպաւորութիւն դործող դէմքին և ծիծաղեց:

—Կարող էք չպարել, բայց տոմսակ, կարծում եմ, կարող էք վերցնել: Համ, տամ:

—Տոմսակ... Ինչո՞ւ չէ: Խնդրեմ:

Օր. Սահակեանը տետրակների կոյտն արագօրէն միւս թևի տակն առաւ, շտապով հանեց յուշատետրը և սկսեց թերթել, որ մի տոմսակ հանի:

—Գիտէք, ուզում էինք ներկայացում տալ, չաջողուեց: Ներկայացումն, ասենք, զալմաղալ բան էլ է և ծախքեր շատ է պահանջում: Աւելի լաւ համարեցինք բանը պարահանդէսով վերջացնել: Համեցէք, երկու ուրլի արժէ:

Շահեանն առաւ տոմսակը և գինը վճարեց:

—Շնորհակալութիւն: Տեսնում էք, մինչև անզամ շնորհակալութիւն ենք յայտնում տոմսակ գնողներին, —ասաց օր. Սահակեանը ծիծաղելով:—Ի՞նչ արած, բանն այդտեղ է հասել: Երևակայեցէք, քսան հատ տոմսակ են տուել ինձ վաճառելու, և այդ ութերորդն է միայն, որ վաճառում եմ, չնայելով որ էլ ծանօթ ու բարեկամ չեմ թողել, որին առաջարկած չլինիմ: Հայերիս մէջ բանը միշտ այդպէս է առաջ գնում: Բայց, երևի, մի երկու-երեք հատ էլ կը վաճառեմ: Դեռ Մարութեաններին չեմ տեսել. չեմ շտապում, որովհետև նրանք ամեն բանում նաղդ են: Հո, իմացած ինչ է պատահել Մարութեանի որդուն ու աղջկան:

—Որ կառքի տակ ընկնելուց աղատուե՞լ են:

—Այո:

—Ինչպէս չէ:

Մարութեանների տան սանդուղքով: Նախասենեակը լուսաւորուած էր առաստաղից կախուած կապոյտ լապտերով: Հեռաւոր սենեակներից աղջկանց տաք խօսակցութեան և բարձրաձայն ծիծաղի ձայներ էին լսուում: Ազգախիւր ներս հրաւիրեց հիւրերին հիւրասենեակ: Այնտեղ ոչոք չկար: Սեղանի վրայ վառուում էր բրոնզեայ ջրոտ մարդու ուսին դրած հսկայական լամպը: Մի բոպէ չանցած, բացուեց հիւրասենեակի խորքում դռներից մէկը, և արագ քայլերով ներս մտաւ Մարութեանը:

—Ա՛, վերջապէս,— ուրախ բացականչեց նա և երկար ու պինդ սկսեց սեղմել իր երկու ձեռքով: Բաղէնեանի ձեռքը:— Ի՞նչքան ցաւում եմ, որ ստիպուած եմ ձեր ձախ ձեռքը սեղմել: Ի՞նչպէս էք հիմա, լաւ էք? — Փառք Աստուծոյ:

—Օ՛, որ դիտենաք օրական քանի անգամ եմ փառք տալիս Աստուծուն, որ այդպէս հեշտ էք պրծել՝ Համեցէք, համեցէք այստեղ: Ձէք կարող երևակայել՝ թէ ինչքան ուրախացրիք ինձ ձեր այցելութեամբ: Պարոն Շահեան, բարև ձեզ: Դուք էլ, վերջապէս, եկաք՝ Դուք էլ այստեղ համեցէք: Սակայն, ազատ էք, պարոններ, ուր կամենում էք՝ նստեցէք: Սուրէն, Սուրէն արի այստեղ, տես ով է եկել,— կանչեց Մարութեանը՝ վազելով դէպի այն դուռը, որտեղից ինքը ներս մտաւ:

Սակայն, այդ դռնից, Սուրէնի տեղ, դուրս եկաւ Թեկէն:

—Արի, արի, դու արի,— կնոջ առաջն ընկաւ Մարութեանը:— Ահա, ներկայացնում եմ քեզ մեր Սուրէնի ազատչին, որին այնքան ցանկանում էիր տեսնել՝ Իմ կինս է,— դարձաւ նա Բաղէնեանին:

Բաղէնեանն այդ աղմկալի ընդունելութից չզիտեմ ինչ անէր և շարունակ ժպտում էր ինքնավստահ համեստութեամբ:

—Ներեցէք, տիկին, ես ստիպուած եմ ձեզ իմ ձախ ձեռքը տալ,— ասաց նա, թեթև խոնարհուելով:

—Ա՛խ, ձեր անջ ձեռքն է փրստուել,— մեղմօրէն և ցաւազին բացականչեց Թեկէն:— Ինչքան ցաւում եմ, ինչքան ցաւում եմ:

—Բան չկայ,— նկատեց Մարութեանը,— շուտով բազմ կունենանք աջ ձեռքը սեղմելու: Ա՛, արի - այստեղ, չարածձի,— յանկարծ կանչեց նա և վազեց դէպի Սուրէնը, որ կանգնել էր դռան շեմքում և երեսայական մտառու հետաքրքրութեամբ նայում էր հիւրերին: Հայրը բռնեց երեսային ձեռքից և առաջ բերեց:— Տես ով է եկել: Ճանաչում ես այս պարոնին:

Երեսային լուրջ հայեացքով և փոքր ինչ քաշուելով դիտում էր Բաղէնեանի ժպտող դէմքը:

—Ձեռն ճանաչում: Սա այն պարոնն է, չարածձի, որ քեզ ազատեց կառքի տակ ընկնելուց: Ի՛է, շնորհակալութիւն յայտնիր:

Սուրէնն այս անգամ նայեց Բաղէնեանին յոնքերի տակից, ժպտաց մանկական ամօթխածութեամբ և սիրուն աչքերը վայր թողեց:

—Մնուակալ եմ,— շշմաց նա, հագուստի փէշը մատի վրայ փաթաթելով:

—Է՛, լաւ ասա, է՛: Ասա, շատ շնորհակալ եմ, պարոն, որ ինձ ազատեցիք:

—Սատ մնուակալ եմ, պարոն, ոչ ինձ ազատեցիք, — կրկնեց Սուրէնը:

—Այ այդպէս, ապրիս,— բացականչեց Մարութեանը և կամաց կմշտեց որդու թուշը:

—Ես քեզ ազատեցի, որովհետև այդքան խելօք տղայ ես,— շոյեց երեսային Բաղէնեանը:— Եկ ինձ մօտ. մենք այսուհետև բարեկամներ ենք: Իմ անունն էլ Սուրէն է:

ձեռքն իրաւունք չունի մի-երկու ամիս կապած մնալու: Շատ-շատ՝ մի-երկու շաբաթ:

— Ի հարկէ, — սնդեց Եւան:

— Աւելի լաւ չէ՞ մի-երկու օր, — իր հերթին նկատեց Թեկէն:

— Ու՛հ, մայրիկս աւելի լաւ ասաց. շատ-շատ՝ մի երկու օր, այսինքն դարձեալ մի-երկու օր, որովհետեւ մի շաբաթ է արդէն, որ կապած ունիք ձեր ձեռքը... Ա՛խ, պարոն Շահեան, — յանկարծ բացականչեց Եւան, նոր տեսնելով Շահեանին, և արագ մօտեցաւ նրան: — Դուք այնքան հեռու էք նստել, որ ձեզ չնկատեցի: Բարեւ ձեզ: Ինչո՞ւ մեզ մոռացել էք: Համեցէք մօտիկ նըստեցէք, խնդրում եմ:

Շահեանը հէնց սկզբից այնպիսի դրութեան մէջ էր դրում իրեն, որ կարծես ինքն առանձնապէս ոչ մի նշանակութիւն չունի այդ տան մէջ կամ եթէ ունի՝ այդ էլ նրա համար միայն, որ Բաղէնեանի ընկերն է: Նրա ինքնասիրութիւնը սաստիկ վիրաւորուեց մահաւանդ այն բանից, որ Եւան, Բաղէնեանով ոգևորուած, չնկատեց իրեն սկզբում: Եւ չար, անգոր նախանձը, որ երկու օրից ի վեր ծագել էր նրա մէջ գէպի ընկերը՝ այժմ արդէն զգալի արագութեամբ պաշարում էր նրա ամբողջ էութիւնը: Չէ՞ որ ֆլաստուած ձեռքը փաթաթանի մէջ դրած, արտիստական ճաշակով հագնուած այդ վայելչահասակ, գեղեցիկ երիտասարդն արդէն կու՞ճ էր դարձած Մարութեանների համար, որոնց երեխային փրկել էր մահից անօրինակ անձնադոնութեամբ: Մինչդեռ Եւան այնքան շնորհալի, այնքան գեղեցիկ, այնքան հրապուրիչ էր և այնպիսի՛ հոանդուն ուշադրութիւն էր ընծայում Բաղէնեանին...

Շահեանի դրութիւնը հետզհետէ ծանրանում էր՝ նա բոլորովին չէր խօսում, և, ըստ երևոյթին ուշա-

դրութիւն դարձնող չկար նրան: Երբ Մարութեաններն հրեմնաակի մի-մի խօսք էին ուղղում նրան, այդ էլ, Շահեանը կարծում էր, քաղաքավարութեան համար միայն:

Ամենքի ուշադրութիւնը կեդրոնացած էր Բաղէնեանի վրայ, Հարցեր էին, որ այս ու այն կողմից տալիս էին նրան, և նա ամենքին էլ գոհացում էր տալիս պարզ, ազատ և ինքնավստահօրէն:

Խօսակցութիւնն ինքնաբերաբար անցաւ Կ. Պօլսի անցքերին և առհասարակ թրքական Հայաստանում ըսկսուած գործին: Այստեղ Բաղէնեանը, ինչպէս ասում են, մտաւ իր դերի մէջ, և «սուրբ գործն» սկսեց հովուել նրա բերնում ամեն կերպ:

Շահեանին թւում էր, թէ նա բառ առ բառ կըրկնում է նոյնը, ինչ որ իր մօտ էր ասել. կարծես բերան էր արել այդ բոլորը, ինչպէս մի լաւ դերասան իր բազմիցս խաղացած դերը:

Մարութեանները լսում էին նրան առանձին հետաքրքրութեամբ: Այդ բանը ոգևորում էր Բաղէնեանին աւելի խորը գնալու: Արդէն այն հանգամանքը, որ մինչև անգամ շատախօս Մարութեանը լռել էր, պարզ ապացոյց էր Շահեանի համար, որ Բաղէնեանը կատարելապէս տիրել էր ունկնդիրներին:

Շահեանը գաղտագողի դիտում էր Եւային: Եւան կըթնել էր բազկաթուռի թիկունքին և, հայեացքը Բաղէնեանի աչքերին յառած, լսում էր նրան ամենայն մտաուութեամբ: Նրա յոնքերի միջև գոյացել էր մի կնճիռ, որ վերին աստիճանի խելացի արտայայտութիւն էր տալիս նրա խոշոր աչքերին:

Եւ որքան Շահեանը շատ էր դիտում Եւային, այնքան աւելի թւում էր նրան, թէ Բաղէնեանի ճառախօսութիւնը սուտ է, խաբերայութիւն է, անամօթ

աղջկան:

—Եւայիհն:—Օր. Սահակեանն ամբողջ մարմնով արագօրէն դարձաւ դէպի Եւան, ժպտաց և ցուցամատով կամաց խփեց նրա կզակին:—Հա-ւ, Եւա, քեզ բողբոջմ:

Եւան գլուխը փոքր ինչ յեա զցեց, որ ազատուի նրա անտեղի փաղաքշանքից, բայց ծիծաղեց:

—Ում ուզում ես բողբոջիր,—նկատեց նա,—բայց աւելի լաւ չի լինիլ ասեա՛ ինչ է գրում:

—Կուզէ՞ք կարգամ նամակը:

—Եթէ մասնաւոր ոչինչ չկայ,—նկատեց Մարութեանը:

—Ներողութիւն. կուզէիք, որ մասնաւորն էլ կարդայի: Տեսէք ինչ է գրում:

Օր. Սահակեանը շտապով հանեց Աշխէնի նամակը, բայց արեց, պատրաստուեց կարդալու, բայց յանկարծ նայեց Բազէնեանին ու Շահեանին, որոնք նրա գալուց յետոյ նստած էին բոլորովին լուռ, նամակը նորից ծալեց և պահեց:

—Ներողութիւն, պարոններ,—ասաց նա.—ես լաւ չհասկացայ տանտիրոջ այս բռնութիւն արած նկատողութեան լմաստը և այնքան անքաղաքավարի դտնուեցայ, որ ուզում էի մասնաւոր գործերով զբաղեցնել ձեզ:

—Խնդրում եմ, օրիորդ,—եռանդով վրայ բերեց Բազէնեանը:—Մեր ներկայութիւնը թող ամենևին արգելք չլինի ձեզ նամակը կարդալու:

«Իմ տեղ էլ սա է խօսում: Սա երևելի նշան է» մտածեց Շահեանը:

—Դուք թո՛ղ էք տալիս:

—Խնդրում եմ, օրիորդ: Դա ինչ խօսք է:

—Իսկ դուք, պարոն Շահեան:

—Է՛, թողէք, թէ Աստուած կըսիրէք, այդ անտեղի քաղաքավարութիւնները,—նկատեց Մարութեանը:—Ինչից եղբակացրիք, չեմ հասկանում, թէ նկատողութիւնս արի նրա համար, որ պատուական հիւրերիս չզբաղեցնէք մասնաւոր բաներով: Եթէ չճանաչէի իմ Աշխէնին, ուղղակի կարգելէի ձեզ նրա դրածը կարգալ: Բայց գիտեմ, թէ ինչ է նա և ինչ կըլինի գրած, ուստի ամենևին երկիւղ չունիմ, թէ հիւրերս պիտի ձանձրանան նրա նամակը լսելով: Խնդրում եմ կարգացէք:

Օր. Սահակեանը նորից հանեց նամակը:

—Պարոն Մարութեանը ճիշտ է ասում, պարոններ. այն, ինչ որ այժմ պիտի կարդամ, անհետաքրքրական չէ և կարող է ընդհանուր խօսակցութեան նիւթ դառնալ: Պարոն Շահեանը ճանաչում է Աշխէնին, բայց չգիտեմ՝ դուք լսել էք նրա մասին, պարոն...

—Բազէնեան,—վրայ զցեց օր. Սահակեանին Մարութեանը:

—Պարոն Բազէնեան: Չգիտեմ՝ դուք լսել էք օր. Աշխէնի մասին:

—Եթէ չեմ սխալուում, նա ձեր...—դիմեց Բազէնեանը Մարութեանին:

—Եղբօրս աղջիկն է:

—Որը վարժուհու համեստ պաշտօնով գիւղն է գնացել,—վրայ բերեց օր. Սահակեանը:—Տեսնում էք այս տունը. նա ապրել է այս տան մէջ երկար տարիներ,—նա որք է,—խաղաղ, հանգիստ կեանք է վարել իր յարգելի հօրեղբօր և նրա յարգելի ամուսնու խնամքի տակ, որոնք իրենց հարազատ աղջկանից ոչնչով չեն զանազանել նրան: Բայց և այնպէս թողել է իր ամենայնիւ ապահովուած կեանքը և զրկանքներով լի գիւղն է գնացել խաւար ժողովրդի մէջ լոյս տարածելու համար: Նա սիրուած և մանաւանդ յարգուած է ե-

— Խնդրում եմ, պարոն Բաղէնեան, բոլորովին ապահով եղէք. ես այդքան բծախնդիր չեմ: Օր, Սահակեանը կատակ է անում:

Օր, Սահակեանը կոմիքական ապշուլթեամբ նայեց նախ Եւայի լուրջ դէմքին, յետոյ Մարութեանին և նրա կնոջը:

— Դէ արի ու սրապէսների պատիւը պաշտպանիր, — ասաց նա: — Շատ լաւ: Երբոր ես կատակ եմ անում, այժմ լուրջ կերպով կըխօսեմ, մանաւանդ, որ պարոն Բաղէնեանն ասում է, թէ խօսակցութիւնը բոլորովին լուրջ բանի մասին է: Շատ բարի, պարոն Բաղէնեան: Երբոր դուք կարծում էք, թէ լուրջ բաների մասին խօսելիս շատ էլ բծախնդիր չպէտք է լինինք քաղաքավարական կանոնները պահպանելու համար, ուստի ես էլ ծախում մի կողմ եմ դնում քաղաքավարական կանոնները և ասում եմ. եթէ, ձեր ասելով, հայ աղջիկներն անգոյն, չնչին, դատարկ արարածներ են ընդհանրապէս, երիտասարդներդ էլ մի բանի նման չէք: Խնդրում եմ, մի նեղանաք, մենք բոլորովին լուրջ բանի մասին ենք խօսում:

— Ես չեմ նեղանում:

— Ծիշտ:

— Ամենակին:

— Ուրեմն ձիշտ եմ ասում:

— Բոլորովին ձիշտ չէք ասում:

Բաղէնեանն իր պատասխանները տալիս էր շատ հանգիստ, ամենեւին ուշադրութիւն չդարձնելով օր. Սահակեանի հեղնական տոնին: Այդ բանը զրգուցեց օր. Սահակեանին:

— Զարմանալի է, — ասաց նա, — և դուք կարողանում էք այդքան հանգիստ մնալ, երբ անարդարութիւն էք լսում:

— Ես հանգիստ եմ մնում հէնց նրա համար, որ անարդարութիւն եմ լսում:

— Ուրեմն ես չարախօսում եմ:

— Ես այդպիսի բան չասացի: Եւ, կարծեմ, հաշիւ էլ չպէտք է ունենաք չարախօսելու մեր երիտասարդների վրայ, — աւելացրեց Բաղէնեանը իր հանգիստ-յանդուզն հայեացքով դիտելով օր. Սահակեանի տգեղ արտաքինը:

Այդ երկմիտ խօսքերը և մանաւանդ այդ յանդուզն հայեացքը աւելի ևս վառեցին օր. Սահակեանին, բայց և այնպէս նա չկորցրեց իրեն:

— Ես շատ եմ հաւանում, պարոն, ձեր այդ սիրուն պատասխանները, — ասաց նա իր նախկին հեղնական տոնով: — Բայց կարելի չէ՞ արդեօք իմանալ, թէ ի՞նչ ունիք դուք երիտասարդներիդ պաշտպանելու համար:

— Ես ոչինչ չունիմ, օրիորդ, մեր երիտասարդներին պաշտպանելու համար, որովհետև նրանք կարօտ չեն իմ պաշտպանութեանը: Նրանց կատարած մեծ գործերը հրապարակի վրայ են. պէտք է միայն ընդունակութիւն ունենալ տեսնելու:

— Խոստովանւում եմ, ևս այդ ընդունակութիւնը չունիմ և դրա համար խնդրում եմ, որ գէթ մի օրինակ ցոյց տայիք:

— Օրինակ՝ հէնց վերջին շարժումները:

— Ես գիտեի, որ այդ պիտի ասէք, որովհետև ուրիշ օրինակ չէք կարող բերել:

— Մի՞թէ այդ քիչ է:

Մինչև անգամ չափազանց շատ է, ո՞վ է ասում: Բայց դուք ասացիք կատարած գործերը, իսկ ձեր ասած շարժումները նոր են սկսուած, և դեռ չգիտենք՝ կրկունքի մէջ եղած լիռն ի՞նչ կըծնի — փի՞ղ թէ մուկ:

ճարտանութեան մէջ և փախուստ տալ օր. Սահակեանի առաջ: Դա վիրաւորական էր նրա ինքնասիրութեան համար, մանաւանդ այդ ընտանիքի մէջ, ուր կարճ միջոցում ահագին հեղինակութիւն էր ձեռք բերել: Վախկոտութեամբ փախուստ տալ սւամ առաջ ուզում է լինէր, մանաւանդ այդ գէր, այդ անձոննի աղջկանից, որին պարզապէս արհամարհում էր,—այդ բանը չէր յարմարում նրա ընաւորութեանը: Բացի դրանից, փախուստ տալ նշանակում էր ընկնել այն բարձրութիւնից, ուր ելել էր նա այդ սիրելի ընտանիքի աչքում: Եւ Բաղէնեանը հաւաքեց իր բնածին բոլոր յանդուգն համարձակութիւնը, պատրաստուեց դիմադրելու, բայց օր. Սահակեանը ժամանակ չտուեց նրան:

—Ձեր ասած հայ աղջիկներին ես էլ լաւ եմ ճանաչում, պարոն Բաղէնեան և, իհարկէ, շատ աւելի լաւ, քան թէ դուք. բայց իմ ասած հայ երիտասարդներին էլ ճանաչում եմ ինչպէս հարկն է: Ուրեմն, աւելի լաւ է, լռենք այս մասին և կարդանք այս նամակը, որի գրողը...

—Ոչ, ինչո՞ւ լռենք, օրիորդ,—ընդհատեց նրան Բաղէնեանը:—Լուրթիւնը միշտ կասկած է յարուցանում... Մենք կարող են խօսել բացարձակ, եթէ ոչ հիմա, գոնէ ուրիշ ժամանակ. յոյս ունիմ, առիթ կունենանք:

—Անշուշտ. ես միշտ պատրաստ եմ: Բայց առաջուց պիտի ասեմ ձեզ, որ իմ համոզմունքը ոչ մի պայմանով չէք կարող փոխել:

—Ուրեմն աւելորդ կըլինի մեր վիճաբանութիւնը:

—Ո՛չ, ինչո՞ւ. գուցէ ես եմ փոխում ձեր համոզմունքը,—բացականչեց օր. Սահակեանը և բարձրաձայն ծիծաղեց:

Բաղէնեանը շատ սառն, պարզապէս ատելութեամբ

լի հայեացքով նայեց նրա կախ ընկած չաղ կզակին, որ դողդողում էր ծիծաղից, և նկատեց առանց մի մաշի չափ անգամ շփոթուելու.

—Ինչո՞ւ էք կարծում, թէ իմ համոզմունքը նոյնքան, եթէ ոչ աւելի հաստատ չէ, որքան ձերը:

—Իսկ դուք ինչից էք կարծում, թէ ես այդպէս եմ կարծում:

—Ձեր խօսքերից:

—Թէև ես այդպիսի բան չեմ ասել, բայց, համեցէք, ընդունում եմ, որ ձեր համոզմունքն աւելի հաստատ է, քան թէ իմը: Յամենայն դէպս, այդ չի արդելում, կարծեմ, որ մենք դիսպուտի դուրս գանք—ես իմ փաստերով, դուք ձեր փաստերով: Իսկ այժմ, որպէսզի աւելորդ ժամավաճառութեամբ չզբաղուենք, պարոն Բաղէնեան, կարդանք այս նամակը:

Եւ, որպէսզի Բաղէնեանը շատ չվիրաւորուի, օր. Սահակեանը ժպտաց յաղթանակը տարած մեծահոգի մարդու մեղմութեամբ:

Բաղէնեանը կծեց ներքին շրթունքը և այդպէս էլ մնաց—լուռ, մռայլ:

Երկու հիւրերի միջև տեղի ունեցած այդ ընդհանրումը շատ ճնշող տպաւորութիւն էր գործել տանտէրերի վրայ: Մարութեանն ու կինն անհանգստութեամբ շարժուում էին անդադար իրենց տեղում, գրեթէ յուսահատուած՝ չիմանալով ինչպէս վերջ տան այդ անախորժ վիճաբանութեանը, որ նկատելի չլինի, թէ այդ բանն անում են նրան համար միայն, որ Բաղէնեանին ազատեն նեղ դրութիւնից. ուստի աւելի լաւ էին համարում լռել:

Բոլորովին լուռ էր և Եւան: Շատ լաւ ծանօթ լինելով օր. Սահակեանի բնաւորութեանը, գիտէր, որ նա կոպիտ լինելու չափ համարձակ էր և վիճաբանու-

րից մէկը և ժողովրդական բանահաւաք: Դուք նրան գոնէ մեր գրականութիւնից պիտի ծանօթ լինէիք:

—Մինասեանն... Այդպիսի գրող չեմ ճանաչում:

—Ուրեմն չէք հետևում գրականութեանը,—նկատեց օր. Սահակեանը և պատրաստուեց նամակի ընթերցումը շարունակելու:

Բազէնեանը դգաց՝ որ կարմրում է դէպի իր հակառակորդը տածած շարութիւնից:

—Ներեցէք, գուցէ նա մի անյայտ...

—Ո՛չ, մեր ժողովրդական գրականութեան մէջ նա բաւական յայտնի է, և յայտնիներ էլ շատ չունինք,—կտրեց նրա խօսքն օր. Սահակեանը և շարունակեց նամակի ընթերցումը.

«Պ. Մինասեանը կրթութեան մէջ ոչ թէ միայն ընդհանրապէս մարդկային առաջադիմութեան միջոց է տեսնում, այլ և—ամենակարճ ճանապարհը, որով գիւղացին կարող է տնտեսական փոքրիշատէ բարւոք վիճակի հասնել: Տուր գիւղացուն հող էլ, փող էլ, կարճ ժամանակից յետոյ նա նոյն հացակարօտ աղքատը կը մնայ, եթէ կրթութիւն չես տալ նրան, որ այդ հողն ու փողը կառավարել կարողանայ: Ահա, այս հիմնական միտքն իրեն առաջնորդ ունենալով, պ. Մինասեանը նուիրուել է ուսումնարանի գործին արտասովոր եռանդով: Այս կատարեալ հերոսութիւն է, եթէ ի նկատի առնենք այն ահագին դժուարութիւնները, որոնց դէմ ստիպուած է նա մաքառել: Այս երիտասարդն ի՞ր հաստատուն բնաւորութեամբ, իր անհանդիստ աշխատասիրութեամբ, նպատակին ձգտող իր յամառ գործունէութեամբ կատարելապէս դարմացնում է ինձ: Աշխատում է գիշեր-ցերեկ, անում է ամեն բան, չեղած տեղը գործ է ստեղծում, որ պարապ չմնայ: Գիւղատնտեսութեան մէջ մանաւանդ նրա կատարած գործ-

ծերն ահագին են: Գիւղացիները կատարեալ հաւատ են ընծայում նրան, որովհետև գիտէ նրանց բան հասկացնելու կերպը. իսկ գիւղացիներին բան հասկացնելու համար ուղղակի տաղանդ է հարկաւոր ինտելիգենտ մարդուն: Ասենք, Մինասեանին այս գործում մեծապէս նպաստում է այն հանգամանքը, որ նա, շատերի պէս, երբէք չի կտրել իր կապը գիւղի հետ: Անցած ամսին այստեղ էր եկել, քսան տարուայ բացակայութիւնից յետոյ, գիւղին համփա բնակիչներից մէկի ինժնեք որդին ժառանգական-կալուածական մի վէճի համար: Երբ ինձ ասացին, թէ նա այս-ինչ տան զաւակն է, ուղղակի ապշեցի—այն աստիճան օտար էր նա գիւղին իր լեզուով, սովորութիւններով, նիստ ու կացով, էլ չեմ ասում տարազով: Ես ու Մինասեանը ներկայ էինք համագիւղացիների հետ նրա ունեցած վէճին: Մարդն ինձ վրայ շատ լաւ տպաւորութիւն թողեց իր խելացի հայեացքներով, բարի զգացումներով և հակառակորդներին ըստ ամենայնի գիշում անելու ցանկութիւններով. բայց արի տես, որ ամբողջ երկու ժամ խօսում էր գիւղացիների հետ և ոչինչ չէր կարողանում հասկացնել նրանց: Գիւղացիները բան հասկացան միայն այն ժամանակ, երբ միջամտեց Մինասեանը և մի քանի խօսքով բացատրեց նրանց բանի էութիւնը նրանց լեզուով և զարմանալի պարզ օրինակներով: Եթէ ասեմ, որ Մինասեանը գիւղի կուռքն է և ամբողջ գաւառում մեծ հեղինակութիւն է վայելում, չափազանցութիւն արած չեմ լինիլ: Բայց նա ունի և զօրեղ թշնամիներ: Դրանք, գլխաւորապէս, վաշխառուներն են, որոնցից մէկն այս օրերս գանգատ է տուել նրա դէմ նահանգական դատարանին՝ լրագրի մէջ իր մասին նրա արած մի մերկացման համար:

«Ես գրում եմ իմ առաջին տպաւորութիւնները,

Մահր

սիրելի վարօ: Չգիտեմ, գիւղն ու գիւղական կեանքն ինձ համար նորութիւն է—գլխի համար է ինձ այստեղ ամեն բան մտայլ թւում, թէ՞ այդ իսկապէս այդպէս է: Գոնէ մխիթարական ես ոչինչ չեմ գտնում այստեղ: Միակ մխիթարականը և յուսատուն, որ լուսատու մէնաւոր աստղի պէս պայծառ փայլում է այս թխպոտ հորիզոնի վրայ, դա պ. Մինասեանն է: Բայց մի ծաղկով դարձն կը դառայ...»:

—Դու էլ մէկ—երկու, երկուսով խօս կը դառայ,—ասաց օր. Սահակեանն Աշխէնի հասցէին և նամակը ծախեց:—Ահա, այս էր, պարոններ, ինչ որ կարող էի կարգալ այս նամակից: Մի քանի կտորներ էլ կարելի էր կարգալ, բայց վախենում եմ, որ պարոն Բաղէնեանը կարծի, թէ նա ինքնագովութեամբ է պարապում:

Եւ օր. Սահակեանը, նայելով Բաղէնեանին, ժլուր ասաց:

—Ես պարոն Բաղէնեանի տեղ բողբոջում եմ ձեր դէմ, օրիորդ,—բացականչեց Մարութեանը:—Եթէ պարոնը հայ աղջիկների մասին աննպատակ կարծիք ունի այդ չի նշանակում, թէ նա բացառութիւններ չի ճանաչում: Այդպէս չէ, պարոն Բաղէնեան:

—Ձեմ հասկանում,—խիստ հանգիստ արտասանեց Բաղէնեանը, ուսերը վեր քաշելով: Նա արդէն ատում էր օր. Սահակեանին:

—Ես համաձայն եմ ձեզ հետ, պարոն Մարութեան, որ պարոն Բաղէնեանը չի կարող չճանաչել բացառութիւններ. բայց մի՞թէ այսպիսի բացառութիւններն աւելի քիչ են արժանի ուշադրութեան, քան ընդհանրութիւնը: Ի՞նչ էք կարծում, տիկին,—դարձաւ օր. Սահակեանը Թեկէին.—Աշխէնը դատարկ աղջիկ է:

—Ո՞վ է ասում... Երանի չէ՞ր լինիլ որ բոլոր աղ-

ջիկները նրա պէս խելօք լինէին,—ասաց Թեկէն ախուր մտախոհութեամբ:

—Տեսնում եք: Իսկ դուք, պարոն Շահեան.՝ ձե՞ր կարծիքն ինչ է. դուք ճանաչում եք նրան:

—Ես համաձայն եմ ձեզ հետ,—ասաց Շահեանը, առանց մտածելու, թէ ինչ է ասում և, ինքն էլ չհասկացաւ ինչու, ժպտաց:

Օր. Սահակեանն արագօրէն դարձաւ դէպի Եւան որ նստած էր իր կողքին:

—Իսկ դու, Եւան:

Եւան իսկոյն չպատասխանեց: Նրա անսովոր-լուրջ հայեացքը մտքի ինչ-որ տխուր-խորհրդաւոր կեդրոնացում էր արտայայտում:

—Այդպիսի մի նամակ էլ մեզ է գրել,—ասաց նա, առանց պատասխանելու օր. Սահակեանի հարցմունքին:

—Հա-մ:

—Բաս ի՞նչ էիք կարծում,—ասաց Մարութեանը:

—Դէ որ այդպէս է, ինչո՞ւ առաջուց չէիք ասում, որ իզուր ժամավաճառ չլինէի կարգալով... Ասե՛ք, քնաս չունի. այդ հարկաւոր էր պարոն Բաղէնեանի համար, որպէսզի պարոնը համոզուի, որ հայ աղջիկների մէջ ևս կան այնպիսիները, որոնց մօտ շատ հայ երիտասարդներ դերօ են:

Բաղէնեանը յետ էր ընկել բազկաթոռի մէջքին և աշխատում էր կատարեալ լուրթեամբ արտայայտել իր արհամարհանքը:

—Ներեցէք, պարոն Բաղէնեան, որ ձեր յայտնած կարծիքի մասին այսքան շատ եմ խօսում,—աւելացրեց օր. Սահակեանն այս անգամ զիջողաբար ժպտալով:—Ես ինքս համաձայն եմ ձեզ հետ, որ հայ աղջիկները, խիստ մեծամասնութեամբ, դատարկ և չնչին արարածներ են, ինչպէս դուք ասացիք. բայց դուք մի դատա-

պարտէք այդ աղջիկներին, այլ դատապարտեցէք ընտանեկան, թէկուզ և հասարակական այն պայմանները, որոնց մէջ մեծանում են նրանք, որովհետև, ամեն երևոյթ իր պատճառներն ունենալով, այս տխուր երևոյթի մէջ էլ քննութեան առարկան և դատապարտելին ոչ թէ ինքն երևոյթը պիտի լինի, այլ պատճառը: Բայց, միևս կողմից, թոյլ տուէք նկատեմ, որ հայ երիտասարդներն արդէն իրենք են դատապարտելին, որովհետև նրանք անհամեմատ թէ աւելի ազատ են մեծանում և թէ աւելի լաւ կրթութիւն են ստանում, քան հայ աղջիկները. մինչդեռ նրանք ինչ են անում.—կամ քնուկ են, կամ իրենց փորի համար միայն աշխատում: Ասացէք, խնդրեմ, որ երիտասարդը, քաղաքում հանգիստ ու ապահով կեանք վարող երիտասարդն էմ ասում, սիրտ կանէ կորած տեղեր գնալ աչքից ընկած, մտքից մոռացուած ժողովրդի բարօրութեան գործին ծառայելու համար: Ասացէք, կա՞յ այդպիսի երիտասարդ:

—Իմ եղբայրը,—գուրս թռաւ Եւայի բերանից՝ և նրա մտախոհ հայեացքի մէջ յանկարծ ինչ-որ կայծ վառուեց, բայց իսկոյն էլ հանգաւ:

Այն աստիճան աղդու էր նրա ձայնը, որ ամենքն էլ ակամայ նայեցին նրան:

Եւան վեր կացաւ տեղից, և կայծը նորից վառուեց նրա գեղեցիկ աչքերի մէջ:

—Իմ եղբայրը,—կրկնեց նա:—Ես կերդուեմ, որ ոչոք չի կարող նրան հասնել... Ա՛խ, ինչպէս ուզում եմ, որ այս բոլոր այստեղ լինի նա...

Օր. Սահակեանը սիրով ու կարեկցութեամբ նայեց նրան և այլևս չշարունակեց վիճաբանութիւնը: Թեկլէի աչքերը լցուեցին մայրական սիրոյ: Կարօտակէզ արտասուքներով: Իսկ Մարութեանը, որի հայրական սիրտը նոյնպէս սաստիկ շարժուել էր դէպի իր

հեռացած որդին, իրեն սրտապնդելու համար սկսեց բարձրաձայն հազալ:

—Ի դէպ, պարոն Բագէնեան, դուք չէ՞ք ճանաչում օրիորդի եղբօրը—Արմենակին:

—Ոչ:

—Ձարմանալի է: Որքան իմացել եմ, դուք ևս ծառայում էք միևնոյն գործին, ինչ որ նա, և ինչպէս է, որ չէք ճանաչում նրան...

—Ուրիշ ինչ է գրում,—շտապով դարձաւ Մարութեանն օր. Սահակեանին, վախենալով, թէ մի գուցէ նա մի նոր յարձակում սկսի Բագէնեանի դէմ:—Չի տխրում, գոհ է իր վիճակից: Մեզ գրած նամակների մէջ իր կեանքի մասին ընդհանրապէս ոչ մի դժգոհութիւն չի յայտնում. բայց ես հասկանում եմ, որ մեզ ուրիշ կերպ չի գրիլ, իսկ ձեզ, կարծում եմ, ճշմարտութիւնը պիտի լինի յայտնելիս:

—Ահա, ուզում էք, այդ կտորն էլ կարդամ:

—Խնդրում եմ:

Եւան, մի-երկու անգամ սենեակում անցուղարձ անելուց յետոյ, կամաց նստեց իր առաջուայ տեղը, օր. Սահակեանի մօտ:

VII

«Գիւղն ինձ վրայ, ինչպէս ասացի, խիստ ճնշող տպաւորութիւն գործեց,—կարդաց օր. Սահակեանը:—Աղքատութեանը զուգակից է տգեղութիւնը, և այդտեղ գեղութիւնն արդէն չափից գուրս աչքի էր ընկնում այստեղ: Հէնց միմիայն գիւղի արտաքին տեսքը—նրա ծուռումուռ, անասունների մշտական աղբով ծածկուած, ցեխոտ փողոցները, անճոռնի, շատ տեղ գետնափոր տները, վտիտ անասունները, ճրճուան ծանրաշարժ սայ-

լերը, անազին փափախներ թակ ճնշուած մարդիկ) բերանն ու քթները կալած կանայք, կեղտոտ ու գրգռուած երեխաները, անհամար քոսոտ շները,—ամեն, ամեն բան ինձ վերին աստիճանի տգեղ և հակակրելի էր թւում: Կարծում էի, թէ յանկարծ ընկել եմ վայրենի մի աշխարհ, ուր ամեն ինչ խորթ ու անծանօթ էր ինձ: Ինձ վրայ նայում էին զարմանքով և կասկածով: Կանայք մանաւանդ աւելի էին խորտնում ինձնից) —չեմ հասկանում ինչու: Շատ անգամ, երբ հարեանի կողմը ցեխոտ պոչը տատանելով անցնում էր առաջովս, ինձ թւում էր, թէ այդ անասունն անգամ իր յիմար աչքերով ուրիշ կերպ էր նայում ինձ,—ոչ այնպէս) ինչպէս սովորական զիւղացիներին:

«Առաջին իսկ օրից դառնութեամբ, գրեթէ տանջուելով դգացի, որ ոչինչ չպիտի կարողանամ շինել այստեղ: Իմ և ինձ շրջապատող մարդկանց միջև ոչ մի առնչութիւն չէի տեսնում: Ոչ ես էի հասկանում սրանց) ոչ սրանք էին հասկանում ինձ: Այդ քիչ է. ինձ թւում էր, թէ երբէք չպիտի կարողանամ անկեղծօրէն համակրել և սիրել այս բիրտ, կասկածոտ և տգեղ մարդկանց) որոնց բարօրութեան գործին վճուել էի նուիրել ինձ այդտեղ իմ մաքուր սենեակում նստած: Այս կէտը մանաւանդ մեծ մտահոգութիւն էր պատճառում ինձ և երեան էր հանում իմ մէջ այնպիսի անծանօթ գծեր, որ ուղղակի ապշած էի մնում և չէի ճանաչում ինքս ինձ: Ի՞նչ էլ նշանակում այս խորթութիւնը, այս օտարութիւնը, այս զգուանքը, վերջապէս: Ես արիստոկրատ չէի ծնուել՝ ընդհակառակը՝ պատկանում էի ժողովրդի նոյն ստորին խաւին, ինչ որ սրանք, այս կոշտ ու կոպիտ, այս անմաքուր ու տգեղ զիւղացիները, և մեր ծագման միջև եթէ մի տարբերութիւն կար, այդ էլ զուտ աշխարհադրական էր. ես ծնուել էի քաղաքում, սրանք—գիւ-

ղում: Ուրեմն ռոտեղից էր այս «արիստոկրատիզմը», որի գոյութիւնն իմ մէջ մինչև այստեղ դալս երեակայել անգամ չէի կարող... Այս ու այսպիսի հազարաւոր մտքերի ճնշման տակ, յանկարծ յիմարութիւն և, որ աւելի վատ է, կեղծիք թուաց ինձ իմ «անձնուրացութիւնը»: Այս էր ամենաանտանելին, որովհետև այս միտքն ինձ նուաստացրեց իմ աչքում վերին աստիճանի, ինքս ինձնից ամաչելու չափ...»

«Այսպիսով առաջին օրերն ու շաբաթներն անցան յուզող կասկածների, ծանր անձնաքննութեան և վերին աստիճանի տաղտկութեան մէջ, որի ժամանակ խենթանալու չափ սկսեցի կարօտել քաղաքի կեանքը, ինձ ծանօթ սիրելի դէմքերը, մանաւանդ քեզ և մանաւանդ Եւային, իմ սիրուն, իմ քնքոյշ, իմ պաշտելի Եւային...»:

Այստեղ ամենքի հայիացքը մեքենայաբար դարձաւ դէպի Եւան, որի աչքերի մէջ յանկարծ արտասուքի կաթիլներ ցոլացին: Նա գլուխը խոնարհեց և մատներով պինդ ծածկեց աչքերը: Մինչդեռ օր. Սահակեանը, ըստ երևոյթին ոգևորուած նամակից, ուշադրութիւն չդարձրեց այդ բանին և շարունակեց կարգալ.

«Բայց ոչինչ չշինած՝ վերադառնալ, այդ միկնոյնը կըլինէր, թէ զինուորը փախչում է պատերազմի դաշտից՝ մի գնդակ անգամ չարձակած: Այդպիսի դէպքում աւելի լաւ է՞ր լինիլ, որ ուղղակի դեան ընկնէի խեղդուէի, քան թէ վերադառնայի հարադատներին մօտ այդպիսի խայտառակութեամբ: Այդ միտքն էր, որ պահպանեց ինձ անկումից և, միկնոյն ժամանակ, քաջութիւն տուեց: Միւս կողմից, գիտէի, որ ժամանակն ամենալաւ հաշտեցնողն է: Հարկաւոր էր միայն համբերութիւն և բարոյական ոյժ: Այդ համբերութիւնն ու բարոյական ոյժը...»:

Օր. Սահակեանը յանկարծ դադարեցրեց ընթերցումը և նամակը շտապով ծալեց:

—Ներեցէք, այլ ևս չեմ շարունակիլ,—ասաց նա: Եւան, մատները հեռացրեց աչքերից և հետաքրքրութեամբ նայեց նրա դէմքին:

—Ինչո՞ւ,—հարցրեց Մարութեանը զարմացած:

—Որովհետեւ...,—օր. Սահակեանը հազիւ նկատելի կերպով շփոթուեց,—որովհետեւ... շարունակութիւնն արդէն ինքնագովութիւն է, որ... պարոն Բաղէնեանը կարող է խիստ կրիտիկայի ենթարկել,—շփոթմունքը դապելով, վրայ բերեց նա և ժպտալով նայեց Բաղէնեանին:

Բաղէնեանը ոչինչ չասաց, միայն հանգիստ զարմանքով նայեց Մարութեանին, կարծես հարցնում լի՛նէր՝ ի՞նչ է պատահել սրան:

—է՛հ, կարդացէք,—ասաց Մարութեանը, դժգոհելով, որ օր. Սահակեանն այդպէս յաճախ ընդհատում է նամակի ընթերցումը և ամեն անգամ անտեղի կերպով ուզում է խայթել Բաղէնեանին:

—Բացի ինքնագովութիւնից,—վրայ բերեց օր. Սահակեանը հեգնօրէն,—շարունակութիւնն այսպէս ասած՝ աշակերտական բարոյախօսութիւն է, որը կարող է ձանձրալի լինել, ինչպէս ամեն մի բարոյախօսութիւն:

—Տէր իմ, Աստուած... ձեր ի՞նչ գործն է. դու՞ք կարդացէք:

Օր. Սահակեանը ծիծաղեց Մարութեանի գայրացկոտութեան վրայ և դարձաւ Եւային.

—Կարդամ, Եւա:

—Ինչո՞ւ չպէտք է կարդաս,—ասաց Եւան կամայն նրա դէմքը սառնութիւն էր արտայայտում:

Օր. Սահակեանը նորից բաց արեց նամակը:

«Այդ համբերութիւնն ու բարոյական ոյժն ես արդէն առիթ եմ ունեցել զարգացնելու իմ մէջ» —կարդաց նա կիսատ թողած նախադասութիւնը և լռեց:

Ամենքն էլ տեսան, որ նա շարունակութիւնը մտքումն է կարդում: Եւան կամաց թեքուեց դէպի նա, սկսեց նայել նամակին և տեսաւ, որ նա մի շարք տողեր բաց թողեց:

Օր. Սահակեանը շտապով դարձրեց թերթը և շարունակեց.

«Ահա հէնց այդ համբերութեամբն ու բարոյական ուժովս էր, որ կարողացայ դիմանալ սկզբնական դժուարութիւններին, որոնք, գուցէ, շատ չնչին բաներ էին, բայց ինձ, որովհետեւ խամ էի, ծանր էին թւում: Ծանր էին թւում մանաւանդ այն պատճառով, որ կարծում էի, թէ բաւական է, որ մարդ ոգևորուած լինի այս կամ այն գաղափարով, մնացածը հեշտ է: Մինչդեռ փորձն ինձ ցոյց էր տալիս, որ գեղեցիկ գաղափարների իրագործումը շրջապատուած է սգեղ պայմաններով, այնքան աւելի սգեղ, որքան մարդ շատ է լինում ոգևորուած: Կրկնում եմ. այդ ես փորձով տեսնում ու զգում էի, ուրեմն և հասկանում, որ այդ այդպէս էլ պէտք է լինի և ուրիշ կերպ չի կարող լինել: Միւս կողմից, ինչպէս ասացի, ինձ ոյժ էր տալիս այն գիտակցութիւնը, թէ դժուարութիւններից փախչելն առհասարակ ամօթալի բան է, երբ այդ դժուարութիւններն ինքդ ես կամովին յանձն առել կրելու: Բացի այդ, ինձ ուսուցել և օրինակ էին տուել անձնականը զոհելու ընդհանրութեանը, ապրելու ուրիշների համար, և ես չէի կարող, չպէտք է դաւաճանէի այդ գաղափարին, մանաւանդ այն ժամանակ, երբ ոտք էի կոխել այդ գաղափարին գործով ծառայելու ճանապարհի վրայ: Այժմ, երբ սկսել եմ ընտելանալ գիւղական

մնայլ կեանքին, այդ գաղափարն աւելի ևս ոգևորում է ինձ, և ես կարողանում եմ զսպել մարդկային թուլութիւններս: Նոյն իսկ պատահում են ոգևորութեան օրերը, երբ ամեն բան մոռանում եմ և բուն ճգտումով անձնատուր եմ լինում այս թշուառ մանուկների կըրթութեան դործին—մանուկների, որոնց լոկ տեսքն անգամ անհուն կարեկցութիւն է շարժում: Սարսափում եմ, որ մտածում եմ, թէ ապագայ այս գեղջուկներն ու գեղջկուհիներն էլ առանց կըրթութեան կարող են, նոյն խաւարով շրջապատուած, փտել անասնական նոյն կեանքի մէջ, ինչպէս փտել ու փտում են սրանց պապերն ու տատերը, սրանց հայրերն ու մայրերը: Չէ որ սրանք էլ մեզ պէս մարդիկ են. չէ որ սրանք մեր քոյրերն ու եղբայրներն են: Ի՞նչ խղճով պէտք է տեսնենք սրանց այս ողբալի դրութիւնը և օգնութեան ձեռք չկարկառենք, երբ կարող ենք և քանի որ կարող ենք: Ամօթալի և վիրաւորական չէ միթէ մեզ համար, որ մեզ նման Աստուծոյ պատկերը կրող այս արարածները զրկուած են անտուածային լոյսից: Խաւարի այս սոսկալի թագաւորութիւնը տեսնելով, մի՞թէ այլ ևս հնարաւոր պիտի լինի անհատի համար եսական կեանքը:

Ես չեմ ուրանում, որ մարդիկ իրար չեն օգնում: Մարդկային կեանքն իր բոլոր ասպարէզներում փոխադարձ օգնութեան վրայ է հիմնուած: Բայց, աւանդ, այդ օգնութիւնը դեռ լոկ բնադրական, անգիտակցական և անուղղակի է, որպէսզի ցանկալի պտուղները տար: Ես կուզէի, որ մարդիկ իրար օգնէին գիտակցաբար: Այդ քիչ է. կուզէի, որ մարդիկ ուրիշին օգնելու գործում ղենէին իրենց սիրտը, հոգին, ամբողջ էութիւնը: Անպայման անձնուրացութիւն և անձնազոհութիւն եմ պահանջում ես, որովհետեւ մարդու գոյութեան բուն նպատակը, հետեւաբար և նրա իսկական երջանկութեան

զբաւականն ուրիշ ոչ մի բանի մէջ չեմ տեսնում, բացի միայն սեպհական եւմուրիշի բարիքին զոհարելու մէջ: Այդպէս է քարոզում բոլոր խելօք զրքերից ամենախելօք գիրքը—Աւետարանը, և զբանով միայն մարդը կարող է աստուածանալ, որին ճգնում է նա հասնել: Քանի՜ դար է անց, որ քարոզում է այդ գաղափարը, որը, սակայն, դեռ ևս լոկ մեռած տառ է հանդիսանում և եթէ անցել է գործադրութեան, անցել է չափից դուրս սահմանափակ և չոր մտքով: Ինչո՞ւ: Այդ նրանից չէ՞ արդեօք, որ մարդիկ հոգին համաշափ կերպով չեն զարգացնում մտքի հետ: Պատճառն այն չէ՞ արդեօք, որ միտքն առաջ է սլացել, հոգին յետ է մնացել: Միտքը հսկայական թռիչքներ է գործում երկրի անդունդներից մինչև երկնքի անհունութիւնը, իսկ հոգին դեռ ևս խարխափում է խաւարի մէջ և շարժում է կրիայի քայլերով: Ես հաւատում եմ մտքի յաղթանակին, բայց աւելի ևս հաւատում հոգու յաղթանակին: Յանկալի եղեմն այն ժամանակ կըզտնուի, երբ հոգին ու միտքն առաջ կընթանան ձեռք ձեռքի տուած...»

—Ես վերջացրի,—ասաց օր. Սահակեանը և դանդաղօրէն ծալեց նամակը:

Սենեակում կարճ ժամանակ խոր լուծիւն տիրեց: Այդպէս է լինում միշտ, երբ որեւէ զրուածքի ընթերցումը գրողի համար կամ աննպատակ, կամ խիստ նպատաւոր սպաւորութիւն է թողնում ունկնդիրների վրայ:

VIII

—Բռնւօ,—յանկարծ բացականչեց Մարութեանը խիստ ոգևորուած:—Բռնւօ, Աշխէն, բռնւօ: Ամեն մի

բառը մի ոսկի արժէ: Օ՛ր, խելօք է, շատ խելօք: Գիտէ մտածել: Այդպիսի մտքեր... Հիւանալի է, հիւանալի: Զարմանալի է. դուք հէնց ամենահետաքրքրական կը տորը չէիք ուզում կարդալ:

— Է՛հ, թողէք, թէ Աստուած կըսիրէք: Ի՞նչ հետաքրքրական, ձանձրալի ասացէք,— հեզնօրէն նկատեց օր. Սահակեանը և հարեանցի նայեց Բաղէնեանին:— Խելքին զօր է տուել, էլի: Փոխանակ ըսն գրելու, ինչ որ անգիր արած ճրճուան ֆուաղներ է շարել իրար յետևից:

— Բան ասացիք: Իմ ի՞նչ գործն է, թէ խելքին զօր է տուել: Դուք յայտնած մտքերն ասացէք: Յետոյ ի՞նչպէս թէ անգիր արած: Ներողութիւն: Այդպէս էք ճանաչում ձեր ընկերուհուն: «Յանկալի եղեմն այն ժամանակ կըգտնուի, երբ հոգին ու միտքն առաջ կընթանան ձեռք ձեռքի տուած»: Հրաշալի չէ՞ միթէ: Ճիշտ չէ՞ արդեօք, որ մարդիկ մտքի կրթութեան վրայ աւելին ուշք դարձնում, քան թէ հոգու: Ճիշտ չէ՞ արդեօք, պարոն Բաղէնեան, ճիշտ չէ՞ արդեօք, պարոն Շահեան՝ ձեզ եմ հարցնում:

— Բոլորովին իրաւացի է,— ասաց Բաղէնեանը և նոյնը մեքենայաբար կրկնեց Շահեանը:

— Ոչ թէ բոլորովին, այլ դեռ մի բան էլ աւելի է,— բացականչեց Մարութեանն աւելի ու աւելի ոգևորուելով:— Ասում են, մեծ մարդիկ մեծ էլ պակասութիւններ են ունենում: Ինչո՞ւ. Ինչո՞ւ այնպէս չպէտք է լինի, որ մեծ մարդիկ ոչ թէ միայն մեծ, այլ և առհասարակ ոչ մի պակասութիւն չունենան: Ինչո՞ւ այդպէս է, հարցնում եմ ձեզ: Որովհետև մեծ մարդկանց, ինչպէս և ամեն մի սովորական փոքր մարդու, հոգին, այսինքն բարոյական ընդունակութիւնները համաչափ կերպով չեն զարգացում մտաւոր ընդունակութիւններէ հետ:

Ասացէք, խնդրեմ. եթէ մենք կարողանում ենք մեր միտքն այնպէս զարգացնել, որ կարող ենք հնարել երկաթուղի, հեռագիր, հեռախօս, ձայնախօս, մահաբեր հրացան ու թնդանօթ, միթէ չենք կարող մեր հոգին էլ այնպէս զարգացնել, որ թշուառների արտասուքը տեսնելիս անտարբեր չմնանք, նեղացածներին օգնենք, տնանկին պատսպարենք, քաղցածին հաց տանք: Միթէ հոգին աւելի պակաս ընդունակ է կրթուելու և զարգանալու, քան թէ միտքը: Զեմ կարծում: Սխտեմը, այժմեան կրթութեան ամբողջ սխտեմն է մեղաւոր այս պիաշքարայ հակասութեան մէջ: Ես հաւատացած եմ, որ մեծ մարդիկ կրկին չափով մեծ գործեր կընէին կատարած, եթէ նրանց հոգին զարգացած լինէր ուղեղի հետ համաչափ կերպով: Այդպիսով մենք մի տասնեկինն դար էլ առաջ կըլինէինք գնացած, որովհետև շատ անգամ մի բան, որ անկարելի է լոկ ուղեղով, մտքով ըմբռնել, կարելի է հասկանալ հոգու աջակցութեամբ: Հոգին մտքի ամենալաւ խորհրդատուն է. միաքըն առանց հոգու— գերօ, բայց միտքն ու հոգին միասին — ամեն բան: «Յանկալի եղեմն այն ժամանակ կըգտնուի, երբ հոգին ու միտքն առաջ կընթանան ձեռք ձեռքի տուած, մի հաւասար գծով»: Պարոններ, միթէ սա ճիշտ չէ, միթէ սրանք կլասիքական խօսքեր չեն:

— Եւ ասողն ճի՛, այդ ասացէք. — մի հայ աղջիկ, — նորից հեզնեց օր. Սահակեանը և դարձեալ նայեց Բաղէնեանին:

Բաղէնեանն այլևս չկարողացաւ համբերել:

— Օրիորդ, իզուր դուք հեզնում էք,— ասաց նա շատ սառն կերպով:— Ես կարող եմ հիւանալ այդ նամակի մէջ յայտնուած մտքերից և զարմանալ այն օրիորդի ընդունակութեան վրայ, որ կարողացել է գրել

այդպիսի մի նամակ, բայց և այնպէս այդ չի խանդարում ինձ դարձեալ պնդելու, որ հայ աղջիկներն ընդհանրապէս,—ուսում առած, թէ չառած,—շատ չնչին և դատարկ արարածներ են, որ նրանք...

—Ձարմանում եմ ձեզ վրայ...

—Ներողութիւն, թողէք խօսքս վերջացնեմ... Որ նրանք ոչ թէ չեն կարող այդպիսի նամակներ գրել, այլ և երկու տող հասարակ բարոյագիր գրելն անգամ մեծ դժուարութիւն է պատճառում նրանց: Բացառութիւններ...

—Պարոն Բա...

—Ներողութիւն: Բացառութիւնները շատ ուրախալի են այդպիսի դէպքում, բայց հէնց նրա համար, որ բացառութիւններ են, կորցնում են իրենց նշանակութիւնը: Ընդհանրութիւնն է, որ իշխում է, ուրեմն և մեծ ցաւ պիտի պատճառէ:

Օր: Սահակեանը ծիծաղեց:

—Ախր, ո՞վ է հակառակը պնդում, պարոն Բազէնեան, որ դուք առանց ներողութիւնների չէք շարունակում ձեր խօսքը: Եթէ մեր միջև մի թիւրիմացութիւն կայ, այդ, կարծեմ, ոչ թէ աղջիկների մասին է, այլ—երիտասարդների:

—Գիտեմ: Բայց ձեր կարծիքը մեր երիտասարդների մասին հերքում է ամենից առաջ այդ նամակով:

—Ի՞նչպէս:

—Մնղրեմ նորից կարգացէք Մինասեանի մասին գրուած տողերը...

—Ա՛, հասկանում եմ ինչ էք ուզում ասել:

—Յետոյ պարոն Մարութեանի որդին, որի մասին...

—Յետոյ, երևի, դուք... յետոյ, երևի, պարոն Շահեանը,—վրայ բերեց օր. Սահակեանը և սկսեց կուշտ-

կուշտ ծիծաղել: Բայց, երևի ինքն էլ զգալով, որ չափն անցաւ, յանկարծ զսպեց ծիծաղը և ուղեց ինչ-որ ասել, սակայն Եւան թոյլ չտուեց:

—Եւայի համբերութիւնն արդէն հատել էր: Նա խիստ անհանգիստ մի շարժում գործեց և, դժգոհութիւնից յոնքերը կիտած, առանց նայելու օր. Սահակեանին, ակամայ ձեռքով արեց նրան, կարծես հասկացնելու համար, թէ բաւական էր, վերջապէս, որ նա այդքան հեզնօրէն և կոպտութեամբ խօսեց իրենց հիւրի հետ. ապա դարձաւ Բազէնեանին և շատ լուրջ կերպով նկատեց.

—Իմ կարծիքով, սխալում էք, պարոն Բազէնեան, որ ասում էք, թէ բացառութիւններն ընդհանրութեան մէջ կորցնում են իրենց նշանակութիւնը: Ընդհակառակը, ես կարծում եմ, որ լաւ բացառութիւններն են հէնց, որ առանձին նշանակութիւն են ստանում, այլապէս ումից պիտի օրինակ առնէինք: Երկնքի վրայ աստեր շատ կան, բայց լուսինն է միայն, որ պայծառ լուսաւորում է:

—Ներեցէք, օրիորդ, երևի չկարողացայ միտքս պարզ արտայայտել: Եթէ ասացի, որ բացառութիւնները կորցնում են իրենց նշանակութիւնը, այդ ասացի նախ մտքով, որ ընդհանուրի իշխողութեան մէջ ոչնչանում է բացառութիւնների կատարած դերը: Դուք չնչանում է բացառութիւնների կատարած դերը, ես էլ օրինակ օրինակ բերիք լուսինն աստղերի մէջ, ես էլ օրինակ կարող եմ բերել մոմի ճրագը դիշերուայ խաւարի մէջ:

—Թո՞ղ հէնց մոմի, թէկուզ մեղրամոմի, ճրագը լինի,—վրայ բերեց օր. Սահակեանը.—չէ՞ որ մոմի ճրագն էլ լոյս է տարածում իր շուրջը:

Եւան դէմքը ջղային տհաճութեամբ դարձրեց օր. Սահակեանից: «Տէր իմ Աստուած, ինչքան անտանելի արարած է եղել», մտածեց նա:

—Ինչի վրան էք վիճում,—բացականչեց Մարութեանը։—Մի հատ լաւ խնձորը տասը փտած խնձորի մէջ փտում է, տասը լաւ խնձորի մէջ մի հատ փտած խնձորը բոլորին էլ փտեցնում է։

—Հն-հն-հն-հն.—Ի՞նչ օրինակ բերիք,—կանչեց օր. Սահակեանը ծիծաղելով և շտապով վեր կացաւ տեղից։—Եւա, դէ հիմա պաշտպանուիր հօրդ դէմ։

Եւան արագութեամբ դարձաւ դէպի հայրը։

—Այդ օրինակ չի կարող լինել, հայրիկ, որ դու բերիր,—գրեթէ աղաղակեց նա զայրագին։ Օր. Սահակեանի դէմ զգացած բոլոր բարկութիւնը, կարծես, հօր վրայ էր ուզում թափել։

—Ձարմանալի է. դուք լուսինն ու ճրագն օրի՛նակ բերիք, ես էլ փտած խնձորներն եմ բերում, ինչո՞ւ չի կարելի։

—Ձի կարելի, որովհետեւ... մենք լուրջ բանի մասին ենք խօսում, իսկ դու... կատակ ես անում։

—Կարելի է, կարելի է, պարոն Մարութեան, դուք սրան մի նայէք,—ասաց օր. Սահակեանը, շարունակելով ծիծաղել, և, միևնոյն ժամանակ, աչքով արեց դէպի Եւան։—Մեր ժամանակում օրինակների մէջ խտրութիւն չեն դնում,—աւելացրեց նա բազմախորհուրդ կերպով։

—Բայց չէ, պարոններ, —ասաց Մարութեանն այս անգամ լրջօրէն։—Աղջիկս թէև մի քիչ բարկանում է, բայց ճիշտ է նկատում. այսպիսի բաների մասին պէտք է լուրջ կերպով խօսել։ Ես այն համոզմունքն ունիմ, որ լաւն առհասարակ անպտուղ չի անցնում, ինչքան էլ որ շրջապատը վատ լինի, որովհետև մարդիկ միշտ դէպի լաւն են ձգտում։ Լաւի գաղափարը...

—Ներեցէք, պարոն Մարութեան, ես ձեզ ընդհատում եմ,—ասաց օր. Սահակեանը, տեսնելով, որ նա

տրամադիր է նորից ողևորուել։—Այժմ ինչքան ուզում էք՝ փիլիսոփայութիւններ արէք, բայց իմ և պարոն Բաղէնեանի միջև ծագած թիւրիմացութիւնը չպարզուեց, իսկ ես գնում եմ։

—Գնում էք։ Է՛, ի՞նչ էք ասում։ Նստեցէք, թէ Աստուած կըսիրէք։

—Նստեցէք, ի՞նչ էք շտապում,—իր կողմից ասաց թեկէն։

—Ձէ, չեմ կարող, արդէն ուշ է, իսկ տանն անագին քանակութեամբ տետրակներ ունիմ ուղղելու։ Ես, ախր, երկու բանի համար էի եկել. մէկը վերջացրի, մնաց միւսը։ Իսկ այդ միւսը—ահն, պարոն Մարութեան։

Եւ օր. Սահակեանն երեք տոմսակ դրեց Մարութեանի առաջ։

—Կարծեմ, մի տոմսակ էլ որ ձեզ տամ, չէք մերժիլ, չէ՞, պարոն Բաղէնեան։ Բարեգործական նպատակով պարահանդէս ունինք։ Պարոն Շահեանի վրայ արդէն մի տոմսակ սաղացրել եմ երէկ չէ, մէկէլ օր։

Մարութեանն ու Բաղէնեանն ընդունեցին տոմսակները, որից յետոյ օր. Սահակեանը ոտի վրայ դարձեալ մի թեթև վիճաբանութեան բռնուելով, իրեն յատուկ համարձակութեամբ և կատակով էլի մի քանի բաներ ուտեցրեց Բաղէնեանին և, բարի զիջեր մաղթելով, դուրս գնաց հիւրասենեակից։

Նրա դուրս գնալուց յետոյ, Եւան մեծ թեթևութիւն զգաց։ Բայց յանկարծ նրան թուաց, թէ իր վերջին զայրացիտութեամբ ինքն իրեն մատնել է մի բանի մէջ, որը չէր ուզում, որ օր. Սահակեանն իմանար. իսկ թէ ի՞նչ բանի մէջ էր մատնել իրեն—ինքն էլ չըզիտէր... Նա արագ վերկացաւ և դուրս գնաց օր. Սահակեանի ետևից։

Օր. Սահակեանը նախասենեակում շտապով և անքստնքալով հագնում էր վերարկուն:

—Ինչո՞ւ էիր այնպէս յարձակում նրա վրայ,—ասաց Եւան բոլորովին հանդիստ կերպով և շտապեց օգնել նրան վերարկուն հագնելու:

—Ո՞ւմ վրայ: Բազէնեանի՞ վրայ: Որովհետեւ, սիրելիս, նա չափից դուրս մեծ բան է երևակայում իրեն, իսկ պարծենկոտներին ես չեմ սիրում:

Եւան ոչինչ չասաց: Նա տեսաւ, որ օր. Սահակեանը ամենևին ոչինչ չի կասկածել իր զայրացկոտութեան մասին, այլապէս անկարելի էր, որ այդ մասին չխօսէր:

—Բայց զարմանալի է,—ասաց նա կարճ լուսթիւնից յետոյ, երբ օր. Սահակեանը հագնում էր կըրկնակօշիկները, յատակն իր ծանր ոտների տակ զըրմբդրմբացնելով.—նրա մէջ մի գիծ կայ, որ երբեմն զարմանալի կերպով յիշեցնում էր եղբօրս...

—Հն, լաւ միտս բիրիր. եղբօրիցդ նամակ չունի՞ք այս մօտիկ ժամանակներս:

—Անցած շաբաթ ստացանք մի նամակ, բայց շատ վաղ է գրուած, մօտաւորապէս ամիս ու կէս առաջ: Ի՞նչ է որ:

—Աշխէնն է խնդրել, որ եղբօրդ մասին մանրամասն տեղեկութիւններ գրես իրեն: Ներսն այդ մասին չասացի քեզ, որովհետեւ... հասկանում ես էլի... Շատ է գանգատուում, որ Արմենակի մասին ոչինչ չէք գրում: Կըգրես, չէ՞:

—Կըգրեմ:

—Ուրեմն, բարի գիշեր, սիրելիս: Աշակերտուէիներդ ի՞նչպէս են, լաւ են սովորում:

—Վատ չեն. գոնէ առայժմ սիրով են կպած դոր-

ծին: Ինչո՞ւ մէկ-մէկ անգամ չես գալիս տեսնելու ինչ ենք անում, ինչ չենք անում:

—Սպասիր մէկ այս պարահանդէսի գլխացաւանքից պրծնեմ: Աշխատիր, աշխատիր, սիրելիս, թէ չէ՛ ձեր այդ նոր բարեկամը դարձեալ մի օրինակով առիթ կունենայ պնդելու, թէ հայ աղջիկները դատարկ և չընչին արարածներ են: Ասենք, սուտ չէր ասում... Բայց, ի սէր Աստուծոյ, շատ էլ երես մի տաք նրան: Նրա մասին շատ գովասանքներ եմ լսել, բայց ես իմ սեպհական մեթոդն ունիմ—միշտ կրիտիքաբար վերաբերուել նրանց, ում մասին որ շատ են խօսում: Ինչեկիցէ: Դարձեալ բարի գիշեր: Չմոռանաս եղբօրդ մասին տեղեկութիւններ հաղորդել Աշխէնին. անհամբեր սպասում է, մեղք է:

Եւ օր. Սահակեանը ներքև վազեց սանդուղքներով, իսկ Եւան վերադարձաւ հիւրասենեակ:

IX

Գիշերը պարզ էր: Երկինքը ծածկուած էր ձիւնաբեր մոխրագոյն ամպով: Առատ ձիւնի խոշոր փաթիլները ցած էին թափուում անշարժ օդի մէջ անձայն ու հանդիստ և ծածկում էին գետինը մաքուր սպիտակով: Ամեն մի ձայն, առանց ցրուելու, կեղրոնանում, խլանում էր փափուկ ձիւնով ծածկուած շրջապատի մէջ: Ամպով սքօղուած լուսնի լոյսը, միախառնուելով ձիւնի միապաղաղ սպիտակութեան հետ, գիշերուայ մթութիւնը լուսաւորում էր կաթնագոյն փափուկ լուսով:

Երբ երկու ընկերները դուրս եկան Մարութեանների տնից և դուռը փակուեց նրանց ետևից, Բազէնեանը կանգ առաւ ակամայ, նայեց վերև և բացականչեց հիացած.

—Ի՞նչ հրաշալի գիշեր...

—Այո, լաւ գիշեր է,—արձագանք տուեց Շահեանը, սակայն շատ մեռած ձայնով, և ինչ-որ անհասկանալի դառն անձկութեամբ ճմլուեց նրա սիրտը:

—Ի սէր Աստուծոյ, Լևոն, սպասիր: Մէկ այսպէս վերև նայիր. տես ինչպիսի ախորժելի սառնութեամբ ձիւնի փաթիլները նստում են երեսիդ...

Շահեանը, վերև նայելու տեղ, միայն վերարկուի օձիքը բարձրացրեց և առաջ քայլեց:

—Գրողը տանի, այս բոլորէիս պատրաստ եմ տասր բանաստեղծութիւն գրելու,—բացականչեց Բաղէնեանը և հետևեց ընկերոջը:—Սիրում եմ մէկ գարնանային խաղաղ լուանկայ, մէկ էլ ձմեռային այսպիսի սպիտակ գիշերները:

Շահեանը գնում էր գլուխը մինչև ականջները ներս կոխած վերարկուի օձիքի մէջ, և նրա մարմինը մերթ ընդ մերթ սարսուռում էր օդի ցրտութիւնից: Մինչդեռ Բաղէնեանը քայլում էր մորթէ գլխարկը ճակատից յետ ձգած և մուշտակի ձախ թևը միայն հագած: Օր. Սահակեանի հեռանալուց յետոյ Մարութեաններն երկու ընկերներին պահել էին ընթրիքի, որի ժամանակ Բաղէնեանի տրամադրութիւնը խիստ բացուել էր օր. Սահակեանի հետ ունեցած անախորժութիւնից յետոյ: Այժմ նա քայլում էր ուրախ և երջանիկ, քայլում էր՝ շուտ-շուտ վերև նայելով և լեզուով որսում էր երեսին թափուող ձիւնի փաթիլները: Փողոցում արդէն բաւական բարձրացած ձիւնը կպչում էր նրա կօշիկներին, որից նա ախորժելի խոնաւ սառնութիւն էր զգում տաքացած ոտների մէջ:

—Ո՞վ է այդ... օր. Սահակեան է, ինչ է,—հարցրեց նա իր կողքին մտայլ լուութեամբ քայլող Շահեանին:

—Վարժուհի է,—պատասխանեց Շահեանը և, կարճ լուութիւնից յետոյ, հարցրեց.—Ի՞նչ է որ:

—Ինչ-որ յոպոպներ ունի:

Եւ Բաղէնեանն սկսեց ինչ-որ օպերայից մի կտոր շփշփացնել:

Շահեանն անձայն քմծիծաղ տուեց և ոչինչ չասաց:

—Չգիտեմ, նկատե՞լ ես, Լևոն. տգեղ աղջիկները միշտ աւելի համարձակ են լինում:

—Ո՞ւմ համար ես ասում այդ:

—Այդ յոպոպաւոր օրիորդի համար: Անունն էլ «օրիորդ» է դրել... Երևի, առնուազն քառասուն տարեկան կըլինի: Մի քանի անգամ քիչ մնաց «տիկին» անուանէի: Մեր ամբողջ վիճաբանութեան ժամանակ ես միայն մի եղբակացութեան եկայ.—նա, երևի, շատ է ուզեցել ամուսնանալ, բայց ոչոք, գոհնկական լեզուով ասեմք, ըսխին մտիկ չի տուել: Եւ ահա խեղճին ուրիշ բան չի մնացել, բացի միայն քացախելուց իր օրիորդութեան մէջ և ատամները սրելուց մեր երիտասարդութեան դէմ: Հը՞, դ՞՞ռ ինչ ես կարծում, Լևոն:

—Ես կարծում եմ, որ դու... միայն քո ոխն ես ուզում հանել նրանից:

—Ի՞նչ... Ո՞խը... Հն, հն, հն, հն... Ա՛յ թէ հիասալի հոգեբան ես եղել և լաւ ես ճանաչում ինձ... Ես որս հանեմ մի պառաւ օրիորդից իր անատամ յարձուկումների համար և այն էլ նրա բացակայութեան ժամանակ... Չէ, Լևոն, այդ չեղաւ. ուրիշ բան ասա, թէ չէ՛ կըպայթեմ ծիծաղելուց:

Բաղէնեանը ծիծաղում էր այնքան սրտանց և անկեղծ, որ Շահեանին թուաց, թէ իր ասածը պէտք է որ խկապէս յիմարութիւն լինէր:

—Ասա խնդրեմ, ուրիշ ի՞նչպէս բացատրեմ քո

այդ նազելի օրիորդի այն տխմար ծայրայեղութիւնը որ ուրանում էր մինչև անգամ շարժումների նշանակութիւնը, այն շանժումների, որոնք բացառապէս մեր երիտասարդների գործն են: Նկատիր, սիրելիդ իմ Լևոն, որ նա հայ աղջիկներին էլ չէր պաշտպանում իմ կարծիքի դէմ, որովհետև միւս աղջիկները, գոնէ իրեն շրջապատողները, ինչպէս, օրինակ, Մարութեանի աղջիկը, Չահէլ և գեղեցիկ են իրենից: Բայց ի՞նչ եմ ասում. ես ուղղակի սրբապղծութիւն եմ գործում, որ Մարութեանի աղջկան համեմատում եմ նրա հետ:

— Հապա ինչո՞ւ այնպէս եռանդով գովաբանում էր Աշխէսին:

— Նրան, որի նամակը կարդում էր:

— Հէնց նրան:

— Երևի նա էլ իր պէս պառաւ և ազնիւ է:

— Ընդհակառակը, նա շատ Չահէլ է և բաւական էլ գեղեցիկ:

— Կամ գովաբանում էր նրան համար, որ իր մտերիմն է: Բայց այդ նշանակութիւն չունի: Նա համաձայն էր ինձ հետ, որ հայ աղջիկներն ընդհանրապէս դատարկ և չնչին արարածներ են: Իսկ այն գիւղ գնացած աղջիկն էլ իր ճրճուան նամակով, ճիշտը քեզ ասեմ, ուրիշ տեսակ տպաւորութիւն թողեց ինձ վրայ:

— Ի՞նչ տպաւորութիւն:

— Չգիտեմ, ճշմարիտ, ինչպէս ասեմ, որ կարողա՞նամ ճիշտ արտայայտել... Նա, երևի, բանաստեղծութիւններ էլ է գրում թաքուն... Սօսք չունիմ. գրիչը լաւ, մինչև անգամ շատ լաւ է շարժում, եթէ միայն, իհարկէ, չի արտազրում որևէ գրքից. բայց—գործ, գործ: Ծրճուան ֆրագներով խելքահան կարելի է անել միայն Մարութեանի պէս միամիտներին, իսկ ինձ հարկաւոր է, որ տեսնեմ, թէ ինչ է շինել նա, կամ

ինչ է շինում... Բայց մի ուրիշ բան եմ ուզում ասել քեզ, Լևոն: Այդ ի՞նչ հրաշալի աղջիկ է եղել Մարութեանի աղջիկը...

Շահեանն ինքն էլ չնկատեց, թէ ինչպէս մի քանի քայլ առաջ ընկաւ ընկերոջից:

Բաղէնեանը հասաւ նրան և առաւ նրա թևը իր միակ առողջ, ձախ ձեռքով:

— Չարմանալի է, Լևոն,— շարունակեց նա մտերմաբար,— հայ աղջիկներն առհասարակ շատ անճոռնի արտաքին են ունենում. մէջքները ծռած, գլուխներն առաջ ձգած,— կարծես վզակոթներին տուել են,— զիմազդերն անկանոն, կոպիտ ու բութ, շարժումները ազնիւ ու ստրկական, իսկ հագուստներն այնքան անճոռնի ու անճաշակ, որ չես ուզում նայել: Բայց Մարութեանի աղջիկը... Ես մինչև այժմ էլ ապշած եմ մնացել և հարցնում եմ ինքս ինձ՝ մի՞թէ դա հայ ընտանիքի ծնունդ է: Այդպիսի աղջիկներ ես տեսել եմ միայն Եւրոպայում: Հայ աղջիկ և այդպիսի գեղեցկութիւն, այդքան գրացիա... Իսկ դատողութիւնը, անբունազրօսիկ վարուեցողութիւնը, հիւրին դրազեցնելու ընդունակութիւնը, այսինքն այն բաները, որոնք ամենից աւելի պակասում են հայ աղջիկներին...

Եւ Բաղէնեանը որքան շատ էր խօսում Եւայի մասին, այնքան աւելի Շահեանը զգում էր, որ երկիւղի և ատելութեան նման մի բան էր շարժում իր սրտի մէջ դէպի ընկերը: Մի տաքօրինակ ետական զգացում թելադրում էր նրան, թէ Բաղէնեանն իրաւունք չունի խօսելու Եւայի մասին այդպիսի հիացմունքով: Եւ նա կարէվիւր Չանք էր գործ դնում, որ դսպի այդ զգացումը, անտարբեր ձևանայ և մի բան ասի իրեն չմտանելու համար, բայց չէր կարողանում:

— Այսքան ժամանակ ծանօթ ես այդ ընտանիքի

հետ և ի՞նչպէս է եղել, որ չես սիրահարուել այդ հրաշալի աղջկայ վրայ, — նկատեց Բաղէնեանը և ծիծաղեց: — Քո տեղ որ ես լինէի, Աստուած է վկայ, Լևոն, անպատճառ կըսիրահարուէի:

Շահեանը քիչ մնաց, որ յետ դառնար և ապտակ տար նրա երեսին — այն աստիճան լիրբ և յանդուգն թուաց նրան Բաղէնեանի մեղմ, խորհրդաւոր ծիծաղը: Նա միայն այնքան քաջութիւն ունեցաւ, որ թեք խեց ընկերոջ ձեռքից: Հէնց սկզբից անդիմադրելի մի նողկանք էր դրում Բաղէնեանի ձեռքի շոշափումից:

— Յիմարութիւններ որ դուրս չտաս, աւելի լաւ կըլինի, — ասաց և քայլերն արագացրեց: Այդպիսի բաներով դեռ երբէք չէր խօսել Բաղէնեանի հետ:

Բաղէնեանը շարունակեց ծիծաղել:

— Լևոն, դու մատնեցիր քեզ, — բացականչեց նա:

Շահեանը զգաց, որ յանկարծ զգացած բարկութիւնից արդէն խիստ ջղային է դառնում, բայց զսպեց իրեն և ոչինչ չասաց:

— Լաւ, էլ ի՞նչ ես վաղում, — կանչեց Բաղէնեանը:

— Այս ձիւնի մէջ դեռ մի լաւ էլ կըդրմփաս:

Շահեանը նոր նկատեց, որ բաւական առաջ է ընկել և իրաւ որ կամայ-ակամայ մատնում է իրեն: Նա կանգ առաւ, մինչև որ ընկերը հաւասարուեց իրեն:

— Այսօր ինչ-որ ուրիշ տեսակ ես երևում, Լևոն, — նկատեց Բաղէնեանն այս անգամ լրջօրէն: — Մարութեանների տանն էլ ամբողջ ժամանակ նստած էիր այնպէս լուռ ու մռայլ, որ կարծես անխարհիս բոլոր դարձերը քեզ են տուել:

Շահեանը մեքենայաբար թափ տուեց վերարկուի կրծքին և փեշին սպիտակ շերտով նստած ձիւնը:

— Ո՞ր դեռ տանն ասացի քեզ, որ տրամադրութիւնս այսօր վատ է, — ասաց նա հանգիստ եղանակով:

— Այս անտէր մելամաղձութիւնից չկարողացայ ազատուել:

— Այդ նրանից է, որ ճշնաւորի կեանք ես վարում, — նկատեց Բաղէնեանը, նորից մտերմօրէն առնելով նրա թեք և նրա հետ առաջ քայլելով: — Իմացիւր, որ բնութեանը հակառակ դնալը, մանաւանդ երիտասարդական կեանքում, առաքինութիւն չէ և վտանգաւոր բան է... Ես կատակ չեմ անում, Լևոն: Ուզում ես բժշկեմ քեզ:

— Ի՞նչպէս, — դեռ ևս լաւ չհասկանալով նրա միտքը, հարցրեց Շահեանը:

— Այնպէս, որ ցոյց կըտամ քեզ, թէ ինչն է երիտասարդական մելամաղձութեան իսկական դեղը: Թող այդ բանում քո մենտորը լինիմ, և դու շատ շնորհակալ կըլինիս ինձնից: Ուզում ես հէնց այս գիշեր սկսենք, հէնց այս բողբոջով...

Այլևս հարկաւոր չէր, որ Բաղէնեանն աւելի պարզ խօսէր: Շահեանը հասկացաւ նրա միտքը և խիստ վախեցաւ: Վախեցաւ և, միևնոյն ժամանակ, զգաց, որ Բաղէնեանը հոսկացաւ իր վախը:

— Ոչ, այդպիսի բան երբէք չեմ արել, հիմա էլ չեմ անիլ, — ասաց նա կամաց և ամաչեց իր խօսքերից:

— Այդպիսի դէպքում խորհուրդ կըտամ, որ շուտ ամուսնանաս: Միակ փրկութիւնն այդ է, ուրիշ ելք չկայ: Հաւատացնում եմ, Լևոն, ես շատ լուրջ կերպով եմ խօսում: Քո տեղ որ ես լինիմ, ուղղակի կըխնդրեմ Մարութեանի աղջկայ ձեռքը: Նա հրաշալի բան է, ախր...

Այս անգամ Շահեանը վերին աստիճանի զզուանք զգաց դէպի ընկերը: Այն հայեացքը, որով Բաղէնեանը նայում էր Եւայի հետ ամուսնանալու վրայ, սրբա-

պղծութեան պէս մի բան թուաց նրան: Ճիշտ է, որ քան նա իրեն հեռու էր պահում կանանցից, այնքան աւելի ցանկութեամբ և շատ անգամ ուղղակի դուտ ահասնական կրքով էր նայում նրանց վրայ. բայց Եւլայի վրայ միշտ նայել և մտածել էր իբրև սրբութեան վրայ, որին պիտի սիրել և պաշտել միայն ամենամաքուր զգացումներով: Նա մէկ ուղեց, որ իր այդ զգացումը յայտնի ընկերոջը, բայց Բաղէնեանն արդէն այն աստիճան ատելի էր նրան և այնքան ուղում էր, որ ընկերն այլ ևս չխօսի Եւլայի մասին, որ աւելի լաւ համարեց բոլորովին լռել, քան թէ այդ մասին խօսելով նոր նիւթ տալ Բաղէնեանին իրեն գրգռելու:

Բայց և այնպէս, երբ նա, հաղիւ հազ ազատուելով Բաղէնեանի ձեռքից, տուն գնաց, չկարողացաւ հանգիստ քնել: Բաղէնեանի խօսքերը սաստիկ շփոթել, սաստիկ տանջում էին նրան...

X

Պարահանդէսի գիշերը, ժամը տասին մօտ, Շահեանը, սիւրտուկը վերևից մինչև ներքև կոճկած, դէմքին կեղծ-անտարբեր արտայայտութիւն տուած, բալձրանում էր ժողովարանի սանդուղքներով: Ահագին հայելու մէջ տեսաւ իր պատկերը, ուղեց կանգ առնել, բայց ամաչեց, թէ մի գուցէ տեսնող լինի, որ նայում է հայելու մէջ, և շարունակեց բարձրանալ:

Արդէն բաւական թուով հասարակութիւն էր հաւաքուած, և դեռ գալիս էին: Տղամարդկանց թիւն աւելի էր երևում, քան կանանց: Բուն թիֆլիսը բացակայ էր, ինչպէս լինում է հայկական ամեն մի հանդէսի ժամանակ: Ներկայ էր գաւառը: Մեծ մասով աչքի էին ընկնում զարաբաղցիք և ղոկեր—առաջիններն ի-

րենց խոշոր արտաքինով և ծիծեռնակի թևերի պէս հաղին բխեցրով, վերջիններն իրենց պատիկ, նիհար մարմնով և ճմշկած դէմքերով: Շքեղօրէն լուսաւորուած դահլիճի խորքում, այս ու այնտեղ, կէնտ ու կունտ մարդիկ էին երևում: Մեծ մասը հաւաքուած էր դուրսը, սրահում: Դահլիճի դռան մօտ, սեղանի առաջ, նըստած էր օր. Սահակեանը հրկու կանանց հետ և տոմսակ էր վաճառում: Շահեանը մօտեցաւ նրան, ուղեց բարևել, բայց օր. Սահակեանն այնքան զբաղուած էր, որ չնկատեց նրան: Նա անցաւ: Սիւսն տակ տեսաւ Մարութեանին, որ հաստափոր մի պարոնի հետ դէմ առ դէմ կանգնած՝ խօսում էր ձեռքերի և յոնքերի արտայայտիչ շարժումներով: Մարութեանը նոյնպէս չընկատեց նրան: Շահեանը մի շրջան արեց սրահում, մտաւ դահլիճ, նայեց բազմաթիւ մոմերով հուրհրատին տուող ջահերին, դուրս եկաւ այնտեղից, քաշուեց մի անկիւն, սկսեց նայել առջևը խոնուող բազմութեանը, և արդէն տաղտկալի թուաց նրան այդ ժողովը:

Արդէն մտածում էր, որ տուն գնայ, երբ յանկարծ նրա աչքովն ընկան Մարութեանի կինն ու աղջիկը, որոնք առաջանում էին դէպի նա: Մի բան, որ հէնց սկզբից զարմացրեց Շահեանին, այդ՝ Եւլայի շատ պարզ, ոչ-պարահանդէսի հագուստն էր, որ գրեթէ աննկատելի էր դարձնում նրան աչք ծակելու չափ պըճնուած-զարդարուած շրջապատող տիկինների և օրիորդների մէջ: Կարծես հէնց այդ էր պատճառը, որ Եւլան այդտեղ այնքան դեղեցիկ ու գրաւիչ չերևաց Շահեանին, ինչպէս տանը: Հասակով նա, կարծես, փոքրացիլ էլ էր: Բայց և այնպէս, նրան տեսնելուն պէս Շահեանի սիրտը թրթռաց վերին աստիճանի քաղցր ու քնքոյշ մի զգացումով: Այդ զգացումը նոր չէր Շահեանի համար. Եւլայի հանդիպումը միշտ միևնոյն զգա-

ցումն էր յարուցել նրա մէջ: Սակայն այս անգամ այդ զգացումը մի առանձին ոյժ ունէր, անդիմադրելի մի ոյժ, որ քաղցրութեան հետ միասին ինչ-որ անորակելի մի դառնութիւն պատճառեց նրան: Նա լուռ բարեկեց թեկլէին ու Եւային և զգաց, որ այժմ դէպի նրանց ունեցած իր բարեկամութիւնն այնպէս ազատ ու ինքնաբուզի չէ, ինչպէս առաջ, երբ նոր էր ծանօթացել նրանց հետ:

—Դուք մենակ էք եկել,—հարցրեց թեկլէն:

—Այո:

—Հասկա պարոն Բաղէնեանը: Չի՞ դալու:

Շահեանն առաջուց արդէն զգում էր, որ առաջին խօսքը Բաղէնեանի մասին պիտի լինի, և յանկարծ մի տարօրինակ սառնութիւն տիրեց նրան:

—Չգիտեմ,—պատասխանեց նա չոր-չոր:

—Ի՞նչպէս է այժմ նրա ձեռքը: Յոյս ունիմ, շատ լաւ է:

—Չգիտեմ, չեմ տեսել նրան:

—Մի՞թէ կարելի է, նրա ընկերն էք և չէք հետաքրքրուում նրա առողջութեամբ... Ա՛խ, որ իմանաք պարոն Շահեան, որքան երախտապարտ ենք նրան... Ուղղակի որդուս պէս սիրեցի: Ինչքան բարի, ինչքան ազնիւ երիտասարդ է:

Շահեանը թոյլ կերպով ժպտաց, բայց իսկոյն կարծես մի սուր ցաւից, կծեց ներքին շրթունքը և նայեց Եւային:

—Ասացէք, պարոն Շահեան, վաղ՞ուց է, որ բարեկամ էք նրա հետ,—հարցրեց Եւան, նայելով նրան իր խոշոր աչքերով տարօրինակ լրջութեամբ:

—Վաղուց է:

—Չէ՞ք կարող ասել, ինչ գործի է նա իսկապէս:

—Ո՛չ մի գործի,—ղուրս թռաւ Շահեանի բերա-

նից, և նա թէ վախեցաւ և թէ զարմացաւ այն առանձին շեշտի վրայ, որ տուեց այդ բառերին:

—Բայց անցած դիշեր, մեր տանը, նա պատմում էր...—նկատեց Եւան անմեղ տարակուսանքով:—Ես այդ գործի մասին եմ հարցնում:

—Հա՛,—երկարացրեց Շահեանը երկդիմի ու խորհրդաւոր եղանակով և լռեց:

Եւան նայեց նրան աւելի մեծ տարակուսանքով:

—Ներեցէք հետաքրքրութիւնս,—արտասանեց նա իր մեղաւորութիւնը զգացող մարդու ամօթխած անվստահութեամբ:—Դուցէ նրա գործերը գաղտնիք են, որոնք...

—Այո, նա այդպէս է ասել, ասաց Շահեանը մեքենայաբար և իսկոյն էլ զղջաց, որ այդպէս պատասխանեց, որովհետեւ զգաց, որ այդ պատասխանով, հակառակ իր ցանկութեան, աւելի ևս ոյժ տուեց Բաղէնեանի անձի այն խորհրդաւորութեանը, որով, ինչպէս երևում էր, առանձնապէս հետաքրքրում էր Եւան:

Եւան այլ ևս ոչինչ չհարցրեց: Նրանք երեքով սկսեցին անցուդարձ անել սրահում: Թեկլէն ինչ-որ բան էր պատմում Շահեանին, բայց Շահեանը չէր լսում. նրա ուշադրութիւնն Եւայի կողմն էր, թէև արտաքուստ ցոյց էր տալիս, թէ անտարբեր է դէպի նա: Եւան ամենևին չէր խօսում: Վերջին ժամանակները զարմանալի փոփոխութիւն էր կատարուել նրա մէջ. առաջուայ շատախօսութիւնը մոռացել էր. թէ շարժումներ էր և թէ խօսակցութեան մէջ զսպած էր պահում իրեն. դէմքի ծիծաղկոտութիւնը չքացել էր. այդ դէմքի և մանաւանդ աչքերի մէջ երևացող առաջուայ չարաճճի աշխոյժի տեղ այժմ պարզ նկատուում էր մտքի մի առանձին լարումն և ինչ-որ անհանդիստ մի տխրութիւն:

Մարութեանը թողեց հաստափոր պարոնին, որի հետ խօսում էր սիւնի տակ, և մօտեցաւ նրանց: Շահեանին նա էլ իսկոյն հարցրեց, թէ մենակ է եկել, որ տեղ է Բաղէնեանը: «Ի՞նչ դառաւ այդ Բաղէնեանը սըրանց համար» — մտածեց Շահեանը նեղսիրտ վիրաւորանքով, տեսնելով, որ այդ ընտանիքի բոլոր ուշքն ու միտքը Բաղէնեանով է զբաղուած: Նա զգում էր, որ եթէ այդ բոլորին Բաղէնեանը լինէր իր տեղ և ինքը լինէր չեկողը, նրան, Բաղէնեանին, այդպիսի հարցումներ չէին տալ իր մասին, թերևս ամենևին չլիջէին էլ թէ աշխարհիս երեսին գոյութիւն ունի Շահեան անունով մի երիտասարդ:

— Ահա պարոն Բաղէնեանը, — յանկարծ բացականչեց Եւան, և նրա փոքր ինչ անհանդստութիւն արտայայտող դէմքի վրայ մի ուրախ ժպիտ փայլեց:

Շահեանը գունատուեց:

Սրահի մէջ խոնուող հասարակութեան միջոց, ոտները զգուշօրէն յատակին քամակով՝ որպէսզի կոխ չտայ կանանց շրջազգեստի փեշերը, ձեռքը դեռ ևս սեշորի մէջ կախ արած՝ առաջ եկաւ Բաղէնեանը իր չափազանց դեղեցիկ կրակոտ աչքերով: Ժպիտը դէմքին, սղատ քաղաքավարութեամբ բարեկեց ամենքին, առանց մէկին կամ միւսին նախապատուութիւն տալու:

— Այս ի՞նչ է, — ասաց նա ուրախ. — ես կարծում էի, թէ ուշացել եմ, բայց, ինչպէս երևում է, պարերը դեռ չեն էլ սկսուել:

— Ի՞նչ է, ուզում էք պարել, — հարցրեց Մարութեանը:

— Այո, եթէ միայն կարելի է մի ձեռքով պարել:

— Մի՞թէ ձեռքերով են պարում. ես կարծում էի ոտներով, — բացականչեց Մարութեանը և, շատ սրամիտ համարելով իր այդ կատակը, — բարձրաձայն ծիծաղեց:

— Ի դէպ, ի՞նչպէս է այժմ ձեր ձեռքը, պարոն Բաղէնեան, — հարցրեց Թեկէն:

— Փառք Աստուծոյ, տիկին, լաւանում է կամացկամաց:

— Է՛հ, ի՞նչ կասի, որ չի լաւանալ, — նկատեց Մարութեանը: — Մեր օրիորդն էլ դժբաղդութիւն ունի այս գիշեր չպարելու:

Բաղէնեանը հետաքրքրուած նայեց Եւային:

— Ինչո՞ւ:

• Եւան թեթևակի շփոթուեց նրա թափանցող հայեացքից:

— Սրտի թրթուոց է ստացել, — պատասխանեց Թեկէն:

— Երևի օրումանից:

— Այո, այն չարարաստիկ դէպքից յետոյ, որից ամենից շատ տուժողը դուք եղաք, — ասաց Մարութեանը: — Եւ օրիորդիս դժբաղդութիւնը դուք լիովին կը հասկանաք, երբ ձեզ ասեմ, որ չափազանց շատ է սիրում պարել:

— Ուրեմն կարող եմ երևակայել, թէ որքան ալ-լուր պիտի անցնի այս հանդէսը ձեզ համար, օրիորդ, — դիմեց Բաղէնեանը Եւային կէս-կատակով, կէս-լրջութեամբ:

— Եւան նայեց նրան, յետոյ հօրը և կամաց ծիծաղեց:

— Դու միշտ չափազանցնում ես, հայրիկ: Ծճմարիտ է, պարոն Բաղէնեան, պարելիս ես բաւական հաճոյք եմ զգում, բայց ոչ չափազանց, ինչպէս հայրս է ասում:

— Այ, հիմա կուրանայ, — նկատեց Մարութեանը:

— Հայրիկ, շատ որ պնդես, կը պարեմ:

Մարութեանը վեր թռաւ կոմիքական անհանգըստութեամբ:

—Օ՛յ, չլինեմ-չիմանամ... Իժիշկը մինչև անգամ արգելել է, որ արագ ման չգայ, իսկ սա ասում է՝ պարեմ: Ո՛չ, սիրելիս, պարն առաջժամ պաս է քեզ համար, — աւելացրեց Մարութեանը և, կամաց առնելով աղջկայ ձեռքը, սկսեց շփել հայրական քնքշանքով:

Երաժշտութիւնը նուագեց: Սրահն արագօրէն դատարկուեց: Ամենքը հաւաքուեցին դահլիճում, ուր արդէն սկսուել էին պարերը:

Մարութեանները Բաղէնեանի և Շահեանի հետ մտել էին այնտեղ և, դռան մօտ կանգնած, նայում էին նոր սկսուած պարերին, որոնք դեռ ևս շատ սակաւամարդ էին: Վիզն երկարացրած, պարդ ակնոցների միջից Շահեանը մի քանի գլուխների արանքով մեքենայաբար նայում էր պարողներին, բայց նրա բոլոր ուշադրութիւնը լարուած էր դէպի Եւան ու Բաղէնեանը, որոնք կանգնած էին նրա մօտ, մի քիչ յետև, և երաժշտութեան աղմկալի ձայների միջից հաղիւ կարողանում էր լսել նրանց խօսակցութիւնը: Անցաւ մի քանի բոպէ, և նա այլևս չլսեց Եւայի ու Բաղէնեանի ձայնը: Յետ նայեց, տեսաւ, որ նրանք չկան: Տեսաւ միայն Մարութեանին ու նրա կնոջը, որոնք, պատիտակ քաշուած, խօսում էին ինչ-որ մի պարոնի և մի տիկնոջ հետ:

Շահեանը դուրս գնաց դահլիճից: Սրահում նրա աչքովն ընկան Եւան ու Բաղէնեանը բազմոցի վրայ նստած իրար հետ զրոյց անելիս: Շահեանը ցոյց տըւեց, թէ չտեսաւ նրանց և անցաւ օր. Սահակեանի կողմը, որ այս անգամ նստած էր մենակ և մատիտով ինչ որ թուանշաններ էր գրում թղթի վրայ:

— Բարև ձեզ, օրիորդ, — արտասանեց նա սովորականից աւելի բարձր ձայնով:

Օր. Սահակեանն արագ բարձրացրեց գլուխը:

— Ա՛խ, բարև ձեզ, պարոն Շահեան: Ի սէր Աստուծոյ, մի նեղութիւն տամ ձեզ, յանձն առէք:

— Հրամայեցէք:

— Տեսնում եք այս թուերը. խնդրում եմ գումարեցէք և տեսէք՝ իմ դուրս բերած այս վերջին գումարի հետ ճիշտ է թէ ոչ: Գլուխս այնքան խառնուել է, որ մի քանի անգամ գումարեցի և ամեն անգամ տարբեր գումարներ ստացայ: Համեցէք, խնդրեմ, նստեցէք:

Շահեանը նստեց սեղանի մօտ և, աշխատելով բոլոր ուշադրութիւնը կեդրոնացնել թուերի վրայ, սկսեց գումարել: Գումարը ճիշտ դուրս չեկաւ օր. Սահակեանի ստացած վերջին գումարի հետ: Կրկին գումարեց, և այս անգամ ուրիշ գումար ստացուեց: Խնդիրը լուծել չկարողացող աշակերտի պէս, քրտինքը վրայ տուեց նրան: Որքան բռնի կերպով աշխատում էր ուշքն ու միտքը կեդրոնացնել թուանշանների վրայ, այնքան շփոթուած էր և թղթի վրայ, թուանշանների տեղ, տեսնում էր Եւային ու Բաղէնեանին՝ կողք կողքի նստած, իրար հետ քաղցր զրոյց անելիս, ինչպէս ահա այս 53 թիւը, որի 5-ը և 3-ը կտուց կտուցի տուած՝ կարծես քշվիչում են իրար հետ: «Ի՞նչ են խօսում արդեօք» — մտածում էր նա և միևնոյն ժամանակ նրա շրթունքները կրկնում էին մեքենայաբար՝ «53 և 6...»:

— Չվերջացրի՞ք, — հարցրեց օր. Սահակեանը, դըլուխը բարձրացնելով իր գործի վրայից:

— Չէ, դուրս չի գալիս. թուանշանները շատ են, համարելով հեշտ կըլինի... Յետոյ, այստեղ այնպիսի աղմուկ է տիրում, որ...

— Ինչևիցէ. թողէք, սա վաղուան գործ է:

Շահեանք հանեց թաշկինակը և սկսեց սրբել ճակատի քրտինքը:

— Ինչպէս երևում է, եկամուտը լաւ պէտք է լինի,—ասաց նա:

— Վատ չէ: Բայց այնպէս յոգնած եմ... Երևակայեցէք, առաւօտից մինչև այժմ ամենևին հանդատութիւն չեմ ունեցել: Էգուց էլ ժամը ութին դասի պէտք է գնամ: Ամեն բան իմ վզին են գցել ու հեռացել: Այնպէս դայրանում եմ...

— Միշտ այդպէս է լինում, օրիորդ, երբ ընկերներից մէկը եռանդով է կաշում գործին, միւսները ամեն բան նրա վրայ են թողնում,—նկատեց Շահեանք չլռելու համար, բայց ինքը խիստ հաւանեց իր այդ նկատողութիւնը:

— Իրա համար էլ գործին եռանդով կաշողները շատ շուտ են սառում,—վրայ բերեց օր. Սահակեանը: — Հիմա Աստուած ոյժ տայ մեր պարողների ոտներին՝ մինչև լուսաղէմ պէտք է մաշեն յատակը: Դուք չէ՞ք պարում:

Շահեանք ժպտաց:

— Ես պարել չգիտեմ:

— Մի՞թէ: Զարմանալի է:

Թե թեի տուած, բարձրաձայն խօսելով ու ծիծաղելով, մօտեցան օր. Սահակեանին ծանօթ երկու օրիորդ: Օր. Սահակեանը զբաղուեց նրանցով, իսկ Շահեանն անմիջապէս վեր կացաւ և հեռացաւ: Եւան ու Բաղէնեանը նստած էին առաջուայ տեղը: Շահեանը դարձեալ ցոյց տուեց, թէ չտեսաւ նրանց և, շեղալի անցնելով, մտաւ սեղանատուն:

Եւան թեթեակի նայեց Շահեանի ետևից և դարձաւ Բաղէնեանին ժպտալով:

— Գիտէ՞ք ինչ կայ, պարոն Բաղէնեան: Փոքր ինչ առաջ, երբ դուք դեռ չէիք եկել, ես այնքան անզգոյշ եղայ, որ ուղեցի իմանալ Շահեանից, թէ դուք ինչ գործի էք: Երևակայեցէք, նա ինձ այնպիսի չոր պատասխան տուեց, որ սաստիկ զղջացի անզգոյշ հետաքրքրութեանս համար: Ինձ թւում է, թէ Շահեանն իրաւունք ունէր ինձ ոչինչ չասելու, որովհետև...— Եւան, գլուխը թեթեակի յետ ու առաջ տանելով, մեքենայաբար սկսեց ուղղել շրջազգեստը ծնկների վրայ, — որովհետև լաւ չէ առհասարակ, որ մարդ անտեղի հետաքրքրւում է ուրիշի գործերով... Այնպէս չէ,— հարցրեց նա և յանկարծ նայեց Բաղէնեանին համարձակ, մտերմական ժպտալով:

— Չէ, ինչո՞ւ: Վատ բան ես այդտեղ ոչինչ չեմ գտնում: Ընդհակառակը, շատ լաւ է, նոյն իսկ անպատճառ հարկաւոր է, որ մարդ իմանայ, թէ ում հետ գործ ունի:

Եւան բաւական կոտորուեց Բաղէնեանի այդ լուրջ պատասխանից:

— Այդ, ի հարկէ, այդպէս է. բայց... ձեր վերաբերմամբ...

— Հա՛, իմ վերաբերմամբ,— երկարացրեց Բաղէնեանը:

Նրա ձայնը խիստ խորհրդաւոր կերպով հնչեց Եւայի ականջին: Եւան տեսաւ, թէ ինչպէս իր հետ մինչև այդ ժամանակ ուրախ ու մտերմաբար խօսող

այդ երիտասարդը յանկարծ սառեց, թէ ինչպէս մինչև այդ բոպէ նրա շարունակ ժպտող, անհող հայեացքը վերին աստիճանի խորհրդաւոր, նոյն իսկ խիստ արտայայտութիւն ստացաւ: Եւ այդ առաջին անգամն էր, որ Եւան իրեն ճնշուած դրութեան մէջ զգաց Բաղէնեանի առաջ. իսկ վերջն այդ դրութիւնը երկիւղի նման մի տեսակ զգացման փոխուեց, երբ տեսաւ, որ Բաղէնեանը երկար ժամանակ, ինքն իր մէջ կեղբոնացած, լռութիւն է պահպանում, մեքենայաբար ուղղելով ձեռքի փաթաթանը:

— Ես կարծում եմ, օրիորդ, — վերջապէս շատ լուրջ ձայնով և հատընդհատ խօսեց Բաղէնեանը, առանց նայելու Եւային և շարունակելով ուղղել ձեռքի փաթաթանը. — Ես կարծում եմ, որ դուք պիտի ներէք ինձ, եթէ ասեմ, որ Շահեանն իրաւունք ունէր կամ, աւելի ճիշտը, պարտաւոր էր գաղտնի պահելու իմ պաշտօնն ինչպէս ամենքից առհասարակ, նոյնպէս և ձեզնից, որովհետեւ... կան բաներ, որոնք խիստ գաղտնի պիտի պահուեն և եթէ ասուում են մէկին, կընշանակի ամենքին և ասուում: Իմ պաշտօնի գաղտնիքն ես միայն Շահեանին եմ յայտնել, իբրև շատ մտերիմ և շատ հաւատարիմ ընկերոջս, և վստահ եմ եղել, որ նա այդ գաղտնիքն ուրիշներին պատմելու անխոհեմութիւնը չի ունենար:

— Տեսնում էք, ես էլ հէնց այդ էի ուզում ասել այսինքն... որ ձեր պաշտօնը... լաւ չէ, որ ամեն մարդ իմանայ:

— Ո՛չ, ամեն մարդ, օրիորդ, բայց ոչ ամեն մարդ: — Եւան մտառութեամբ նայեց Բաղէնեանի աչքերին: Ինչպէս միշտ, երբ աշխատում էր ըմբռնել լսած մութ խօսքերի իմաստը, այս անգամ էլ նրա աչքերը մեծացել, կեղբոնացել և խիստ գեղեցկացել էին:

— Ներողութիւն, չկարողացայ հասկանալ, թէ ինչ էք ուզում ասել:

— Ես ուզում եմ ասել, օրիորդ, որ մեր գործերը լաւ կըլինի, որ ամեն մարդ իմանայ, եթէ միայն իմացողը մարդ է իսկապէս, ազնիւ, գործի սիրով վառուող մարդ: Բայց որովհետև աշխարհս լիքն է վատ, մութ մարդկանցով, որոնք անկաշառ գործչին մօտենում են Յուդայի համբոյրով, ուստի մեր գաղտնիքը պէտք է իմանայ ոչ ամեն մարդ: Մենք առհասարակ խիստ զգոյշ ենք, որովհետև գործն ինքը չափազանց մեծ զգուշութիւն է պահանջում...

— Հասկացայ... Այժմ հասկացայ: Հա, ի հարկէ, դուք իրաւացի էք: Բայց ես կարծում եմ, որ դուք միևնոյն հայեացքով չպէտք է նայէք ամենքի վրայ:

— Ես պարտաւոր եմ, օրիորդ, թերահաւատութեամբ նայելու ամենքին, որովհետև, կրկնում եմ, գործն ինքն է պահանջում այդ. այլապէս՝ միթէ չէք հասկանում, որ ես վաղուց արդէն հրաժեշտ պիտի լինէի տուած ազատութեանս և գործին էլ մեծապէս վրասած...

— Եւան անմեղ յանդիմանութեամբ նայեց Բաղէնեանի աչքերին:

— Միթէ կարծում էք, որ ինձ վրայ էլ պէտք է կասկածանքով նայել...

Բաղէնեանն իր հերթին նայեց Եւայի աչքերին և ակամայ այնպիսի մի շարժում գործեց, որ կարծես թէ ուղում էր բուռն ձգտումով առնել նրա ձեռքերը և ամուր-ամուր սեղմել: Բայց նա զսպեց իրեն և նորից սկսեց ուղղել ձեռքի փաթաթանը:

— Բանի որ իմ խօսքերը ձեզ վրայ ընդունեցիք, օրիորդ, — խօսեց նա մտախոհ հանգստութեամբ, — ես արդէն ստիպուած եմ համոզել ձեզ, որ դուք չարաչար

սխալուում էք, կարծելով թէ ձեզ վրայ էլ կասկածանքով եմ նայում: Պէտք է ասեմ ձեզ, որ ես...

Բազէնեանը յանկարծ թողեց ձեռքի փաթաթանը և արագ, շատ լուրջ հայեացքով նայեց Նւային:

— Լսեցէք, օրիորդ,— շարունակեց նա արագախօսութեամբ:— Ես չեմ ուզում, որ մենք այդպիսի ոլորապտոյտ ճանապարհներով մօտենանք բուն խնդրին: Քանի որ մենք հասկանում ենք իրար, ուստի դուր ժամավաճառութիւն է այսպիսի խօսակցութիւններով զբաղուելը: Գանք ուղղակի գործին: Դուք յանդիմանութեամբ նկատեցիք ինձ, թէ ինչո՞ւ ձեզ վրայ էլ, ձեր կարծիքով, թերահաւատութեամբ եմ նայում: Կրկնում եմ, դուք շատ սխալուում էք: Ես աւելի քան տեսնում եմ, որ ձեր հետաքրքրութիւնը բղխում է բոլորովին ազնիւ, մաքուր ազբիւրից: Տեսնում եմ, որ դուք լոկ հետաքրքրութեան համար չէ, որ հետաքրքրում էք: Ուստի աւելորդ է, որ ուրիշներից էք ուզում իմ մասին տեղեկութիւններ ստանալ: Հրամայեցէք ուղղակի ինձ: Ես ինքս անձամբ պատրաստ եմ ամենայն ուրախութեամբ լի ու լի գոհացում տալ ձեր հետաքրքրութեանը:

Նւան թեթևակի շտապուհեց:

— Շնորհակալ եմ, որ վստահում էք ինձ,— շշուկով ասեց նա:

— Ձի կարելի վստահել միայն նրան, ով այսպիսի գործերով հետաքրքրում է չար դիտաւորութեամբ:

Նւան նայեց նրան և ժպտաց: Նոյնն արեց և Բազէնեանը: Այդ փոխադարձ հայեացքից զբողած, ինչ որ անմեղ չարաճճի մի զգացում յանկարծ թելադրեց նրանց, թէ քաղաքավարական այդ խօսակցութիւնն արդէն չափից դուրս անհամ ու անհոտ է, որ իրենց համար աւելի լաւ, աւելի հաճելի կը լինի, եթէ բոլորովին

մտերմարար խօսեն իրար հետ, և նոյն իսկ վատ չի լինիլ, եթէ մի քիչ էլ կատակ անեն:

— Ի՞նչ գիտէք, թէ ես այդպիսի հետաքրքրուողներից չեմ,— առաջինն ինքը Նւան կատակի ձև տուեց խօսակցութեանը:

— Որովհետև այդ միևնոյնը կը լինէր, թէ մեզուն ծաղկից հիւթ է քաղում, որ թոյն շինի,— վրայ բերեց Բազէնեանը նոյնպէս կատակով:

— Ինչո՞ւ մեզուն վերցրիք և ոչ օձը, որ ծաղկի հիւթից իսկապէս թոյն է շինում,— ասաց Նւան ծիծաղելով:— Դա աւելի յարմար կը լինէր, քանի որ ձեր համաատութիւնն ինձ է վերաբերում, իսկ օձ անունը հէնց կանանց համար են գործածում:

— Այո, բայց հրեշտակ անունն էլ են գործածում, — նկատեց Բազէնեանը նոյնպէս ծիծաղելով:— Օձը հակառակ ծայրն է:

— Ինչպէս և հրեշտակը:

— Ուրեմն դարձեալ մեզուն է յարմարը, որ ես գործածեցի:

— Բայց դուք մեզը շինելու կողմից վերցրիք մեզուն, ախր, սարսափելի խայթում էլ է:

— Այդ փնաս չունի. մեզուի խայթելը չի խանգարում նրա քաղցր մեղրը վայելելու:

Այդ այլաբանական խօսակցութիւնը բղխում էր ինքնաբերաբար և մեծ հաճոյք էր պատճառում երկուսին էլ: Նրանք անկեղծ, ուրախ կերպով խնդում էին անդադար:

— Մենք, կարծեմ... շեղուեցինք,— առաջինը զսպելով իրեն, ասաց Նւան և լուրջ կերպարանք ընդունեց:

— Ուրեմն դուք վստահում էք ինձ...

— Մինչև անգամ աւելի, քան դուք կարող էք երևակայել,— վրայ բերեց Բազէնեանը եռանդով:— Որով-

հետև. . Թ՜ճԼ կըտաք ինձ, օրիորդ, անկեղծ լինիմ ձեզ հետ:

Եւան զարմանքով նայեց նրա աչքերին:

—Միթէ անկեղծութիւնն ամենամեծ առաքինութիւնը չէ,—հարցրեց նա:

—Նայելով թէ ով ինչպէս է նայում—հաւատով թէ թերահաւատութեամբ:

Եւան այս անգամ ժպտաց:

—Մեր գերերը կարծես թէ փոխուում են,—նկատեց նա.—այժմ դուք էք սկսել կասկածել, թէ ես թերահաւատութեամբ պիտի նայեմ ձեզ վրայ... Առհասարակ պիտի ասեմ ձեզ, պարոն Բազէնեան,—ըջօրէն աւելացրեց Եւան,—որ ես մեծ դժուարութեամբ եմ ընդունում, թէ մարդիկ կարող են անկեղծ չլինել, որովհետև չէ՞ որ այդ լաւ չէ... լաւ չէ ամենից առաջ հէնց իրենց համար: ԶԷ:

—Շատ իրաւացի է ձեր նկատողութիւնը, օրիորդ, և այդ միանգամայն պատիւ է բերում ձեր սրտի մաքրութեանը: Դրանով դուք աւելի ևս խրախուսում էք ինձ, որ ձեզ հետ անկեղծ լինիմ: Ձեզ վրայ ունեցած վստահութիւնս այնքան մեծ է, որ ես ամենևին երկիւղ չունիմ ձեր առաջ բանալու մեր գործի այսպէս ասած՝ սրբութեան սրբոցը: Ծիշտ է, անցած գիշեր ձեր տանն արդէն շատ բան պարզեցի, բայց ոչ այն, ինչ որ մեր գործի իսկական գաղտնիքն է կազմում: Ես աւելին կասեմ. մինչև անգամ Շահեանին չեմ վստահացել յայտնել այն, ինչ որ ձեզ պիտի յայտնեմ: Այսքան ժամանակ ես թափառում եմ երկրից երկիր, քաղաքից քաղաք, անցել եմ համարեա բոլոր հայաբնակ վայրերը, շատ կանանց, շատ օրիորդներ ի հետ եմ ծանօթացել, բայց ոչ ոք այնպիսի վստահութիւն և համարանք չի ներշնչել ինձ, ինչպէս դուք...

Եւան ամեն կերպ աշխատեց, որ հանգիստ մնայ, բայց և այնպէս նկատելի կերպով շփոթուեց,—շփոթուեց ոչ այնքան Բազէնեանի խօսքերից, որքան այն տարօրինակ վառուող հայեացքից, որ Բազէնեանը յանել էր իր վրայ:

Բազէնեանը տեսաւ նրա շփոթմունքն և իսկոյն զսպեց իրեն:

—Ներեցէք, օրիորդ. ես, կարծեմ, արդէն չափից դուրս անկեղծ եղայ,—ասաց նա ժպտալով:—Այս դէպքում անկեղծութիւնն արդէն առաքինութիւն չէ: Ես խիստ տպաւորուող եմ, և բնաւորութեանս այս գիծն ինձ միշտ փնասել է: Խնդրում եմ ներեցէք:

Եւան բոլորովին շփոթուեց: Այդ բոլորին նա սաստիկ ցանկանում էր, որ հայրը կամ մայրը, կամ մի որեւէ ծանօթ մարդ գար և խանգարէր այդ խօսակցութիւնը:

Սակայն Բազէնեանն ինքը վերջ տուեց այդ խօսակցութեանը:

—Մենք պէտք է խօսէինք ուղղակի գործի մասին, մինչդեռ աւելի հեռացանք գործից,—ասաց նա և, շուրջը մի զգուշաւոր հայեացք ձգելուց յետոյ շարունակեց:—Ես չեմ կարող և չպէտք է ծածկեմ ձեզից մեր գործի գաղտնիքները հէնց թէկու՞ղ նրան համար, որ դուք, ինչպէս տեսնում եմ, ի սրտէ համակրում էք այդ գործը, և համոզուած եմ, որ լոկ համակրելով չէք բաւականանալ, եթէ ամեն բան բոլորովին պարզ լինի ձեզ համար: Ի դէպ պէտք է ասեմ, որ հասարակութեան մէջ, դժբաղդաբար, կանխակալ կարծիքներ շատ կան տարածուած մեր մասին: Այդ կարծիքները շատ անգամ ուղղակի հրէշաւոր գոյներով են ներկայացնում մեզ: Մարդիկ կան, որոնք նոյն իսկ ուրանում և փրսակար են համարում մեր կատարած գործը: Ձեր բա-

րեկամ օր. Սահակեանն օրինակ: Ինքնեւրդ տեսաք, թէ անցեալ օր ինչ աչքով էր նայում նա գործի վրայ...

—Օ՛, նա շատ բարի է. դուք նրա լեզուին մի նայէք,—բացականչեց Եւան:

—Նրա բարութեան մասին ես տարակոյս չունիմ, օրիորդ. բայց ես նրա աննպաստ հայեացքն եմ ասում, որով նայում էր վերջին շարժումների վրայ: Դժբաղդութիւնն այն է, որ մենք չենք կարող գործը հրապարակի վրայ դնել, որպէսզի ամենքի համար պարզ լինի, որպէսզի ոչոք չկասկածի, թիւր կարծիքներ տանելու տեղիք չունենայ: Այդ, իհարկէ, շատ ցաւալի է և շատ է ֆրաստում մեզ: Բայց ո՞ր կրգնար, եթէ այդպիսի բաներից յուսահատուէինք: Սենք հաւատում ենք մեր գործի սրբութեանը և յանուն այդ գործի պատրաստ ենք ամեն հալածանք տանելու: Զրպարտութիւնը մեզ համար ոչ մի նշանակութիւն չունի. դա մի ժանգոտ գէնք է, որ կեղտոտում է միայն, բայց ոչ սպանում: Ե՞րբ և ճրտեղ չեն հալածել հասարակական գործչին: Եւ հալածանքն այնքան սաստիկ է լինում, որքան հասարակական գործիչը բարձր է լինում կանգնած ամբոխի հոգու և մտքի քմրոնողութիւնից: Մեզ էլ հալածում են: Է՛հ, թող հալածեն: Մենք խօ մեր անձնական շահերի համար չենք գործում, որ վախենանք: Մենք միայն ցաւում ենք, որ մեզ հալածելով ազգի շահերն են հալածում, այսինքն այն շահերը, որոնց օգտին աշխատում ենք մենք, որոնց պաշտպանութեանը նուիրել ենք մեր կեանքը: Ո՛ւմ համար խաչուեց Քրիստոսը: —հէնց այն ամբոխի համար չխաչուեց, որը խաչեց Նրան: Մեզ համար առանձնապէս գործի դժուարութիւնըն այն է, որ հալածանքը մեր դէմ երկու կողմից է —ներքին և արտաքին: Մենք աշխատում ենք խուսափել արտաքին հալածանքներից, բայց արի տես, որ

ստիպուած ենք ներքին հալածանքների դէմ էլ կռուելու: Այս իսկապէս խիստ տրագիքական դրութիւն է: Այսպիսի դրութեան մէջ, ի հարկէ, մեծ ուրախութիւն և խրախուսանք է մեզ համար, որ մեր ներքին հալածողները դէմ գտնուում են անհատներ, որոնք համակրում են մեր վարած դատը և այդպիսով մի տեսակ գործակից են հանդիսանում մեզ այդ դատի պաշտպանութեան համար: Մեր նպատակներից մէկն էլ այն է, որ հասարակութեան մէջ որքան կարելի է շատ գտնենք այդպիսի անհատներ, ինչպէս, օրինակ, գտնուեցաք դուք: Կանանց համակրութիւնը մեզ համար առանձնապէս մեծ նշանակութիւն ունի, որովհետև նրանց սիրտը մաքուր է, հետևաբար—աւելի ընդունակ գործը բուռն սիրով սիրելու: Ես աւելին կասեմ.—կանանցից մենք հերոսներ ենք սպասում: Մի ժամն դ՛Արք մի ամբողջ հայրենիք փրկեց: Հինգերորդ դարը... Ինչ՞ու ամեն անգամ հրճուանքով ենք յիշում հինգերորդ դարը: Նրա համար չէ՞ արդեօք, որ այդ դարում հայ կիւր թերևս աւելի, քան տղամարդը, ցոյց տուեց իր բուռն հայրենասիրութիւնը, իր հերոսական անզուգական անվեհերութիւնը...

Եւան անզգայաբար առաւ Բաղէնեանի ձեռքը:

—Սպասեցէք, պարոն Բաղէնեան: Այս աղմուկն անտանելի է: Գնանք... այնտեղ... առանձին սենեակներ կան:

Եւ Եւան արագ վերկացաւ տեղից: Նրա զեղեցիկ աչքերը վառուում էին մի տեսակ ինքնամոռացութեան կրակով:

Բաղէնեանը հետևեց նրան:

—Ներքեցէք, օրիորդ. դուք եկել էք այստեղ զլարճանալու, իսկ ես ձեզ զբաղեցնում եմ այսպիսի...

—Ո՛ւֆ, չէ... Եկէք:

Շահեանք շատ շուտ թողեց պարահանդէսը և դիմեց դէպի տուն: Այդ պարող երկսեռ հասարակութիւնը, երաժշտութեան այդ խլացուցիչ ձայները, շուրջը ախրող ուրախ խօսակցութիւնն ու քրքիջները, ժողովարանի պայծառ լուսաւորութիւնը—ամեն ինչ ատելի էր թւում նրան, և նա այդ ամենի մէջ ճնշուած, մենակ և տխուր էր զգում իրեն: Առաջուայ ծանօթ մելամաղձութիւնն իր ամբողջ ծանրութեամբ նորից պաշարել էր նրան: Նա շատ անգամ վտրձել էր, որ հոգեկան այդ դրութիւնն առանձին ուժգնութեան էր հասնում միշտ այն ժամանակ, երբ ներկայ էր լինում այդպիսի ուրախ հանդէսներին:

Միքայէլեան կամրջով անցնելիս նա մի-երկու րոպէ կանգ առաւ և նայեց ներքև: Ձիւնածածկ ասիերի սպիտակին տուող զուգահեռական գծերի մէջ պարզորոշ աչքի էր ընկնում գետն, իր սեխն տուող ժապաւէնով: Հանդարտ ու դանդաղ շարժւում էր այդ ժապաւէնը: Խուլ ու միահաւասար լսում էր գետի հոսանքի հետ առաջ ընթացող սառցաշերտերի ֆշշոցը:

Շահեանի աչքերը մեխուած էին մնացել գետի հոսանքի մի կէտի վրայ, ուր կամրջի բարձրութիւնից լապտերներից մէկի լոյսը խաւար կերպով անդրադառնում էր ջրի մէջ: Գետի հոսանքն այդտեղ արագ, խորհրդաւոր և սարսափելի էր թւում: Շահեանի աչքերը կարծես մագնիսացել էին այդ տեղում: Նա բռնել էր կամրջի վանդակապատից և մատները ջրային ուժգնութեամբ սեղմում էին սառն երկաթը: Յանկարծ նրան թուաց, թէ ոտներն իրենք իրենց բարձրանում, անցնում են վանդակապատի այն կողմը, մատներն

ուղղակի ցցւում են երկաթի մէջ և... Նա յետ քաշուեց և աշխատեց կարելոյն չափ շուտով անցնել կամուրջը: Մայրը զարմացաւ, որ որդին այդպէս շուտ էր վերադարձել:

—Ինչո՞ւ այսպէս վաղ եկար,—հարցրեց պառաւը:

Շահեանը չպատասխանեց և ուղղակի անցաւ իր ննջարանը:

Մայրը վախեցած հետեց նրան:

—Լևոն ջան... ասա, է:

Շահեանն ուզեց պինդ գոռալ մօր վրայ, բայց պատասխանեց հանդիստ ձայնով.

—Որովհետև ձանձրացայ:

—Թե՞ հիւանդ ես,—չհաւատալով հարցրեց մայրն անհանդուստացած:

Շահեանը դարձեալ զսպեց իրեն, որ չգոռայ: Լուռ ու դանդաղօրէն սկսեց շորերը հանել:

—Լևոն ջան... դու վախեցնում ես ինձ:

Շահեանը կատաղօրէն սիււրտուկը յանկարծ շարժեց ակտոռի վրայ:

—Հիմա շատ պէտք է զահլա տանես,—բռնկաց նա:—Հազար անգամ ասել եմ, որ, երբ վատ տրամադրութեան մէջ եմ լինում, մի խօսիր ինձ հետ, հարցուփորձ մի անիր, հանդիստ թող ինձ: Երանի չէ՞ր լինիլ, որ միանգամից հիւանդանայի ու սատկէի, որ վերջապէս պրծնէի քո ձեռքից...

—Աստուած ոչ անի, որդի ջան, ինչե՞ր ես ասում, —ես ի՞նչ եմ անում, որ...

—Ա՛յ, հիմա կըշարունակի,—աչքերը ոլորելով մօր վրայ, արտասանեց Շահեանը զսպած կատաղութեամբ:

Այն աստիճան սարսափելի էր նրա հայեացքը, որ խեղճ մայրը, կուչ գալով, լռեց:

Շահեանն երեսն ի վեր ընկաւ մահճակալի վրայ՝ ձեռքերը դրեց գլխի տակ և մնաց անշարժ։ Երկար ժամանակ ծանր լուռութիւն տիրեց։ Մօր վրայ այդպիսի խստութեամբ յարձակուելով նա մի տեսակ վայրենի գուարճութիւն էր զգում։ Այդպիսի դէպքերում իրեն առհասարակ այնքան չէր կորցնում, որ շարունակ դիտում էր իրեն և, երբ տեսնում էր որ լաւ է բարկանում, հաւանում էր։ Այս անգամ էլ հաւանեց իր խիստ վարժունքը, որովհետեւ տեսաւ, որ լաւ բարկացաւ։ Նա ուզում և սպասում էր, որ մայրը դարձեալ մի քանի խօսք ասի, որպէսզի աւելի լաւ, այսինքն աւելի խիստ բառերով ու ձևերով արտայայտի իր բարկութիւնը։

Յիրաւի, մայրը խօսեց, բայց ոչ այնպիսի բան, որ որդին պատճառ ունենար իր բարկութիւնը ցանկացած կերպով արտայայտելու։

— Լեռն ջան, — ասաց նա անհամարձակօրէն։ — Այս գիշեր Ստեփանն եկաւ. ասաց, որ փակ խանութներին մէկի կտուրը փուլ է եկել ձիւնից։

— Ձհաննամը, — արտասանեց Շահեանը։

— Էզուց գնա տես։

— Այդ ես դիտեմ, իսկ դու... գնա քնիր։

Մայրն այլևս ոչ մի խօսք չարտասանեց և սուս ու փուս դուրս գնաց։ Նոյն բոպէին դռան ետեւից ինչ որ խուլ հեղեղանքի ձայներ լսուեցին։ Շահեանը փշաքաղուեց։ Գլուխը բարձրացրեց և, շունչն իրեն քաշելով ականջ դրեց։ Մայրն էր լաց լինում։ Քիչ մնաց վեր թռչէր մօր մօտ ծնկաչոք ներողութիւն խնդրելու, բայց միայն ձեռքը ջղաձգաբար բռունցք սեղմեց և պինդ խփեց բարձին։

«Ո՛չ, հարկաւոր չէ, այսպէս աւելի լաւ է» — մտածեց նա և նորից պառկեց։

Հետևեալ օրն աւելի ևս վատ տրամադրութեան

մէջ էր։ Կարծես մէկը մահու չափ վիրաւորել էր նրան, և նա երբէք չպէտք է մոռանար այդ վիրաւորանքը։

Թէյի ժամանակ եկաւ կալուածների կառավարիչը — Ստեփանը։ Դա միջահասակ մի մարդ էր խիստ մաշակալած երեսով. արխալուղի վրայ հագած էր հնամաշ մի սիւրտուկ, որի օձիքը պլպլում էր քրտնքի կեղտից։ Բացի Շահեանի կալուածներին վերահսկելուց, նա դաւալի բաղմազան արհեստով էլ էր պարապում։ Վերջին հանգամանքը նրան վերին աստիճանի լեզուանի, խորամանկ և հաճոյախօս էր դարձրել իր գրպանի օգտին։ Ում հետ էլ որ գործ ունենար, անկարելի էր, որ չխաբէր նրան. իսկ Շահեանին խօսաբուրդ էր ամեն մի քայլափոխում։

Նա պատմեց փակ խանութներից մէկի կտրան փուլ գալը և ասաց, որ քաղաքային վարչութեան և ստիկանութեան կողմից մարդիկ էին եկել, որոնք, բոլոր խանութները դիտելուց յետոյ, գտել էին, որ ամբողջ շէնքը պէտք է հիմքից քանդուի, այլապէս, խիստ խարխուլ լինելով, վտանգ է սպառնում անցուղարձ անողներին տակոյն անելու։

Շահեանին խիստ անհաճոյ թուաց այդ պատմութիւնը. տեսաւ, որ այդ խանութների գործը պէտք է բաւական անհանգստութիւն պատճառի իրեն, ուստի առաջարկեց Ստեփանին, որ ծախի։

Ստեփանն ընդդիմացաւ. ասաց, որ խանութները թէև շատ էլ բանուկ տեղ չեն, բայց նոր որ շինուեն, լաւ եկամուտ կը բերեն։

— Ձէ, ծախիր, չեմ ուզում, — կարճ կտրեց Շահեանը։

Ստեփանը, հակառակ իր ցանկութեան, ստիպուած էր հնազանդուել։

Նա նոր էր դուրս գնացել, որ Շահեանի մօտ մտաւ Բաղէնեանը խիստ ուրախ տրամադրութեամբ:

Այդ անսպասելի այցը վերին աստիճանի անհաճոյ թուաց Շահեանին: Ընկերոջ անհոգ, ուրախ դէմքն ու գեղեցիկ արտաքինն երբէք այնպէս ատելի չէին թուացել նրան, ինչպէս այժմ: Բայց նրան ամենից աւելի ատելի թուաց Բաղէնեանի՝ սև շորի մէջ կախ արած ձեռքը:

Շահեանն աշխատեց սառն ընդունելութիւն ցոյց տալ Բաղէնեանին և մինչև անգամ այնպէս անել, որ նա հասկանայ, թէ այժմ այլևս ամենին հաճելի չեն իրեն նրա այցելութիւնները, բայց իր թոյլ բնաւորութեան շնորհիւ այդ բոլորն արտայայտեց այնքան անշնորհք կերպով, որ Բաղէնեանն ամենին չէ՛ նկատեց էլ, թէ նրա տրամադրութեան մէջ որևէ փոփոխութիւն է կատարուել դէպի ինքը:

Շահեանը կարծեց, թէ Բաղէնեանի առաջին խօսքը լինելու է այն մասին, թէ ինչո՞ւ ինքը, Շահեանը, երէկ գիշեր այնպէս շուտ էր հեռացել պարահանդէսից՝ բայց խիստ վիրաւորուեց, երբ Բաղէնեանը հարցրեց՝

— Ինչո՞ւ երէկ գիշեր պարահանդէս չէիր եկել:

— Երևի արդէն շատ մեծ մարդ ես դարձել, որ ինձ չես նկատել, — ասաց Շահեանը հանդիստ ձայնով:

Բաղէնեանը մի բոպէ անկեղծ դարմացած նայեց Շահեանի դէմքին:

— Ա՛խ, իրան, — յանկարծ բացականչեց նա. — դու խօ Մարութեանների հետ էիր, որ եկար: Ի՞նչպէս մոռացել եմ: Բայց մեղաւորը Մարութեանի աղջիկն է՝ բռնեց և այլևս բաց չթողեց: Նա հարցրել է քեզ իմ պարապմունքի մասին, և դու ոչինչ չես ասել: Շնորհակալ եմ գաղտնապահութեանդ համար. բայց ես ինքն ամեն բան պատմեցի նրան: Նա պարզապէս գերեց ինձ:

Որ ասեմ, թէ չիմացանք, թէ ինչպէս անցաւ պարահանդէսը, չես հաւատալ: Ինքը մազնխասցել և ինձ էլ մազնխասցրել էր իր կողքին: Պէտք է տեսնէիր, թէ ի՞նչպիսի ոգևորութեամբ, ի՞նչպիսի համակրութեամբ էր լսում... Խոստացաւ հօրը խնդրել, որ միտրէ գուժարով նպաստի գործին: Մինչև անգամ հասկացրեց, որ ինքն էլ իր կողմից պատրաստ է զոհաբերելու, ինչ որ կարող է... Մի խօսքով՝ գանձ, կատարեալ մի գանձ, որ ես ամենևին յոյս չունէի տեսնելու մեր ներկայ հայ աղջիկների մէջ: Հը՞, ի՞նչ կասես, Լևոն:

Շահեանը կամաց, կարծես ուժասպառ, երեսն ի վեր պառկեց փափուկ օթոցի վրայ և ձեռքերը դրեց գլխի տակ: Նա կարէվեր ջանք էր գործ դնում, որ կարելոյն չափ հանդիստ ու անտարբեր մնայ: Նա ոչինչ չպատասխանեց:

— Լսիր, Լևոն, քեզ եմ հարցնում. գանձ չէ՞ այսպիսի մի աղջիկ: Ի՞նչ անտարբեր և անքաղաքավարի մարդ ես, — բացականչեց Բաղէնեանը ծիծաղելով և, նրա ոտներից հանելով ծաղկանկար մաշիկներից մէկը, ձգեց յատակի վրայ:

Այդ բանը խիստ գրգռեց Շահեանին, և նա այլ ևս չկարողացաւ դապել իրեն:

— Դէ որ գանձ է, թող գանձ լինի, էլ ի՞նչ ես ինձ հարցնում, — շատ կոպիտ կերպով ասաց նա, նստեց և կռացաւ, որ մաշիկը հազնի:

Բաղէնեանը նայեց նրա կարմրատակած ու ձրգձգուող դէմքին և շարունակեց ծիծաղել:

— Լաւ, էլ ինչո՞ւ ես բարկանում:

— Բարկանում եմ, որովհետև... ի՞նչ գործ ունիս մաշիկներին հետ:

Եւ Շահեանը նորից պառկեց, բայց դէմքն այս անգամ պատի կողմն արեց:

Բաղէնեանը մատը կծեց:

Շահեանը, դէմքը պատի կողմն արած, թէև չէր տեսնում նրան, բայց իսկոյն զգաց, որ նա հասկացաւ, թէ ինչ էր կատարում իր ներսը, և շատ զղջաց, նոյն իսկ ամաչեց, որ ակամայ արտայայտեց իր ներքինը: «Մաշիկները... ի՛նչ յիմար, ի՛նչ երեխայական պատճառարանութիւն»—մտածեց նա:

Բաղէնեանը կարճ ժամանակ լռեց և, բեխի ծայրը ոլորելով, անթարթ նայում էր ընկերոջ ծոծրակին:

Շահեանը վախեցաւ այդ խորհրդաւոր լուծիւնից: Այժմ նա ըլլորովին համոզուեց, որ Բաղէնեանը լիովին հասկանում է իրեն: Նա գրեթէ սարսափով սպասում էր, թէ Բաղէնեանն այդ մասին հարցումներ պիտի անի իրեն, և զգում էր, որ ինքը ոչ մի կերպով չպիտի կարողանայ ծածկել նրանից, որ նախանձից ատում է նրան:

Սակայն Բաղէնեանը նստեց նրա մօտ, աթոռի վրայ, և մեծ ճարպիկութեամբ փոխեց խօսակցութիւնը, առանց այլևս ոչ մի խօսք արտասանելու Եւայի մասին:

Բայց զբանով Շահեանի դրութիւնը չթեթեացաւ: Նա աւելի ուրախ կը լինէր, եթէ Բաղէնեանը շարունակէր խօսել Եւայի մասին, քան թէ խոյս տալով Մարութեանի աղջկայ մասին խօսելուց, զբանով զգացնել տար, որ խղճում է իրեն:

Բաղէնեանն այժմ խօսում էր ոչ առաջուայ մտերմական անկեղծութեամբ: Նոր մտած ժամանակ այնքան ուրախ և ոգևորուած լինելով, այժմ խիստ զսպած, նոյն իսկ սառն էր պահում իրեն: Բայց նրա ձայնի մէջ հետզհետէ և աւելի ու աւելի տիրապետում էր լսողին գերող այն տխուր լարը, որ հնչում է ուրիշի թըշուառութեան համար անկեղծօրէն ցաւող մարդու ձայ-

նի մէջ: Նա խօսում էր ազգի թշուառութեան մասին:

Շահեանը պառկած էր, դէմքը շարունակ պատի կողմն արած: Նա ուշի ուշով լսում էր Բաղէնեանին և մտածում էր ոչ թէ այն մասին, թէ ինչ էր խօսում և ընկերը, այլ այն մասին, թէ ինչպէս էր խօսում նա, թէ ինչպէս էր հնչում նրա ձայնը: Եւ Բաղէնեանն այդ կողմից կատարեալ կախարդ էր թւում նրան: Նա զգում էր, որ այդ գեղեցիկ երիտասարդն եթէ ամենքի հետ էր, որ այդ գեղեցիկ երիտասարդն եթէ ամենքի հետ էլ այդպէս է խօսում, անկարելի է, որ չգերէ նրանց, մանաւանդ Եւային, այդ անկեղծ բուռն զգացումներով ապրող անփորձ աղջկան: «Եւ ես ուզում եմ սրա հետ մրցել»—մտածեց նա խորին դառնութեամբ:

Երբ Բաղէնեանը գնաց, Շահեանը դեռ երկար ժամանակ պառկած էր նոյն դրութեան մէջ: Նա ընկել էր խորը մտածմունքների մէջ: Յետոյ կամաց վերկացաւ, նստեց զբանեղանի մօտ և մի նամակ գրեց: Գրելուց յետոյ կարգաց, բայց չհաւանեց, պատուեց և մի ուրիշը գրեց: Այդ էլ չհաւանեց: Այդպիսով մի քանի թուղթ գրելուց յետոյ, վերջիվերջոյ գրելիքը խմբագրեց հետևալ կերպով:

«Սիրելի ընկեր»

«Ի հարկէ, հասկացար, թէ իսկապէս ինչու այնպէս յանկարծ զրգուեցի այսօր... Եւ թերևս ինձ լըզ-ճալուդ համար էր, որ չհարցրիր պատճառը: Բայց և այնպէս, անկեղծօրէն պիտի խոստովանուեմ քեզ այդ պատճառը. միտք էլ չունի, որ ծածկեմ:—Ես սիրում եմ Եւային, սիրում եմ անյոյս, անպատմելի տանջանքով, որովհետև զգում եմ և հաւատացած եմ, որ նա երբէք չպիտի կարողանայ սիրել ինձ նման մի ողորմելի արարածի...»

«Տեսնում ես, ես խօսում եմ անկեղծ օրէն: Եկ դու էլ ոչինչ մի ծածկիր ինձնից. սաս ուղղակի, որ արդէն սիրում ես նրան: Ես համոզուած եմ, որ նա էլ անտարբեր չէ դէպի քեզ, որովհետեւ ձեր ծանօթանալու առաջին իսկ բողոքից տեսայ, որ դու զօրեղ սպաւորութիւն ես գործել նրա վրայ: Ուրիշ կերպ անկարելի էր: Նա այնքան զգայուն աղջիկ է... Թերեւս ոչոք նրա հոգին այնպէս չհասկանայ, ինչպէս ես: Մի զարմանար, որքան արտաքուստ մեռած եմ երևում, այնքան նուրբ է հոգուս ըմբռնողութիւնը:

— «Լսիր, Բաղէնեան: Այն օրից, որ իմ մէջ գիտակցութիւն է զարթել, ես միշտ թշուառ եմ զգացել ինձ: Բայց այժմ իմ այդ թշուառութիւնը հասել է իր գագաթնակէտին: Ես տանջուում եմ, անասելի կերպով տանջուում: Անհնար է, որ այլ ես դիմանամ այս տանջանքին: Ի՞նչ արած, բնութիւնը զրկել է ինձ այդ քաջութիւնից: Այս տանջանքին վերջ տալու համար մնում է երկու բան. — կամ անձնասպանութիւն գործել: կամ վերջ դնել իմ ու քո միջև եղած բարեկամութեանը: Քեզ եմ թողնում — ընտրիր՝ որն ուզում ես... Այս մասին չեմ երկարացնում: Յոյս ունիմ, ինձ հասկանում ես... Ա՛խ, տուր ինձ հոգու անդորրութիւն, հոգու անդորրութիւն միայն, մնացածը, — Աստուած քեզ հետ, — մնացածը թող քեզ լինի. ես կըհաշտուեմ գրութեանս հետ...»

«Մաս բարեաւ, երջանիկ ընկեր, կրկին անգամ մնաս բարեաւ:

«Քո դժբախտ Լեոն Շահեան»:

Շահեանը խիստ հաւանեց իր այդ նամակը, այնքան հաւանեց, որ չձուլացաւ մաքուր արտագրելու և

արտագրածը մի քանի անգամ կարդալու: Նամակը սպասածից աւելի աջող էր դուրս եկել, թէև բոլորովին ուրիշ բնաւորութիւն ունէր, քան մտադիր էր տալ սկզբում: Ինչ որ սրտաշարժ բան էր նկատում իր գրածի մէջ և հէնց այդ սրտաշարժ բանն էր, որ հաւանում էր:

Նամակը փակելով ծրարի մէջ, տուեց ծառային որ տանի յանձնի Բաղէնեանին «Լեոնդոն» հիւրանոցում:

XIII

Ծառան վերադարձաւ և յայտնեց, թէ Բաղէնեանը տանը չէր, ուստի նամակը տուել է հիւրանոցի դռնապանին, որ նրան յանձնի: Շահեանը համոզուած էր, որ եթէ ոչ այդ օրը, գոնէ հետեւեալ օրն անպատճառ պատասխան կըստանայ: Բայց ոչ այդ և ոչ հետեւեալ օրը ոչ պատասխան եկաւ Բաղէնեանից և ոչ ինքն երևաց:

Շահեանը վախկոտ մտահոգութեան մէջ ընկաւ: Կարգաց նամակի սևագրութիւնը, թէև բառ առ բառ անգիր գիտէր, և այս անգամ խիստ դժգոհեց այն բանից, ինչ որ գրել էր: Տեսաւ, որ շատ բան կեղծել է և շատ բան չափազանցրել: Գլխաւորը, որ նա բոլորովին չհաւանեց այս անգամ, այդ այն էր, որ նամակը սկզբից մինչև վերջը վիպական ինչ որ ծիծաղելի սանտիմենտալ բնաւորութիւն ունէր, այսինքն այն, ինչ որ նամակը գրած ժամանակ խիստ հաւանել էր: Եւ շատ զրուջաց, որ այդպիսի նամակ էր գրել Բաղէնեանին: Այդ նամակի մէջ նա ներկայանում էր իբրև վերին աստիճանի խղճալի արարած՝ զուրկ արժանապատուութեան զգացումից, սանտիմենտալ իր սիրոյ մէջ, վախկոտ իր աստելութեան մէջ:

Բայց նամակն արդէն գրուած ուղարկուած էր, և

նա այս անգամ պատասխանին սպասում էր գրեթէ սարսափով: Պատասխանը ստացուեց երրորդ օրը քաղաքային պոստով: Բազենեանը գրում էր.

«Անգին իմ Լևոն.

«Թերևս զարմացած ես, թէ ինչո՞ւ այսպէս ուշ եմ պատասխանում նամակիդ: Զարմանքդ կը փարատուի, եթէ գէթ հարևանցի երևակայես դրու՞թիւնս: Նամակդ այնպէս ցնցել է ինձ, որ մինչև այս րոպէիս էլ խելքս, կարծես, գլխիս չէ: Հաւատում ես, ոչ երէկ և ոչ այս գիշեր չեմ քնել կամ, ահլի ճիշտը, չեմ կարողացել քնել, որովհետև շարունակ մտածում էի, թէ ինչ պատասխանեմ:

«Յիրաւի, ի՞նչ պատասխանեմ...

«Սակայն, փորձեմ պատասխանել: Թերևս շատ էլ դժգոհ չմնաս իմ պատասխանից:

«Դու ինձ անկեղծօրէն խոստովանւում ես բոլորը: Դա ինձ համար մեծ գին ունի: Եւ ուզում ես, որ ես էլ ոչինչ չծածկեմ քեզնից: Թոյլ տուր միջանկեալ նկատեմ քեզ, սիրելիս, որ իզուր ես կարծում, թէ ես որևէ բանում կարող եմ անկեղծ չլինել: Եւ կեղծեմ՝ ո՞ւմ առաջ: Ի՞նչ: Ինչո՞ւ համար: Եւ ի՞նչ միտք ունի՞ կեքծիքն այս գէպքում:

«Եթէ դու այնքան սկեպտիկ չես, Լևոն, և խօսքերս որևէ նշանակութիւն ունին քեզ համար, ապա կարող եմ քեզ հաւատացնել, որ ընկերներիցս ոչոքի՛ — այն, ո՞չ ոքի, — այնպէս չեմ սիրել, ինչպէս քեզ...

«Սակայն, այս մասին կարճ եմ կարում, որովհետև ո՞վ գիտէ՞ ինչ բացատրութիւններ տաս խօսքերիս...

«Գանք ուղղակի գործին:

«Ինչպէս տեսնում ես, սիրելիս, ես աշխատում եմ կարելոյն չափ հանգիստ հոգով գրել:

«Ի՞նչ նամակովդ, Լևոն, իսկապէս մեծ ծառայութիւն մատուցիր ինձ, — այնպիսի մի անզնահատելի ծառայութիւն, որի համար երբէք չպլտի դադարեմ քո անունն երախտագիտութեամբ յիշելու, քանի շունչս բերնումս կըլինի: Ասեմ ինչու:

«Դու չես սխալուում. ես անտարբեր չեմ գէպի Մարութեանի աղջիկը: Կարծեմ իմ առաջին այցելութեան առաջին գիշերն իսկ ասացի քեզ, որ այդ աղջիկը խիստ դուր է եկել ինձ: — Տեսնում ես, առանց քո ասելու էլ ես անկեղծ եմ եղել գէպի քեզ: — Ճշմարիտը խոստովանուելով, պիտի ասեմ քեզ, որ Եւայի ինձ վրայ թողած տպաւորութիւնը եթէ արդէն սէր չէ, գոնէ շատ շուտով կարող է սիրոյ փոխուել: Ես այդ աւելի քան նախազգում եմ: Գիտեմ, թէ ինչ է այն զգացումը, որ «սէր» է կոչւում: Այդ մասին ես քեզ մի պատմութիւն արդէն արել եմ իմ կեանքից: Այժմ կարող եմ աւելացնել հետևեալը.

«Եթէ այն ժամանակ այն էլզասցի աղջկան սիրել եմ, որքան ընդունակ է մարդ-արարածը սիրելու, այնուամենայնիւ զգացել եմ, որ այդ աղջիկն օտար է ինձ համար, այնքան օտար, որքան օտար կարող են լինել թէև միևնոյն գաղափարով համակուած, բայց տարբեր ազգութիւնների պատկանող և իւրաքանչիւրն իր հայրենիքի թշուառութեան մասին մտածող երկու սիրող սիրտ: Բայց այժմ գգում եմ, որ եթէ հազարաւոր այդպիսի օտարուհիներ պատահեն ինձ, ես զբանց բոլորին էլ չեմ փոխիլ մի, — այն, մի, — հայ Եւայի հետ: Մի հարազատն աւելի սիրելի է, քան հազարաւոր օտարներ միասին առած: Դա ընական օրէնք է:

«Ներքի, սիրելիս, ինձ թւում է, թէ տրամադիր եմ գործից հեռանալու: Կարճ կտրեմ, աւելի լաւ է:

«Քանի որ ասում ես, թէ սիրում ես Նւային, իսկ Նւան դէպի ինձ է հակուած (այդ ես էլ եմ նկատում. պարզ խօսելը լաւ է), և հոգիդ անդորր պահելու համար անհրաժեշտ ես գտնում, որ վերջ տրուի իմ ու քո միջև եղած բարեկամութեանը,—համաձայն եմ. տուր ինձ ձեռքդ: Հարկաւ, դա շատ ծանր է ինձ համար, բայց աւելի լաւ է հեռու մնանք իրարից իբրև բարեկամ, քան մօտիկ լինինք իրար իբրև թշնամի: Անձնասպանութեան մասին աւելորդ եմ համարում խօսել, որովհետև այդ, ի հարկէ, շատ յիմար մի միտք է, որ ծագել է գլխումդ: Ես միայն դարմանում եմ, թէ այդ ինչ հրէշաւոր դադափար ունիս իմ մասին, որ բաւական չէ այդ մասին գրում ես ինձ, այլ և իմ ընտրութեանն ես թողնում...»

«Ինչևիցէ, այս թողնենք: Ես քեզ ուրիշ բան եմ ուզում ասել,—և նամակովդ ինձ մատուցած մեծ ծառայութիւնն այդ բանը համարիր:

«Քո և իմ միջև եղած բարեկամութեանը վերջ դնելով, ես միևնոյն ժամանակ այսօրուանից վերջ եմ գնում իմ ու Նւայի միջև եղած բարեկամութեանը, համակրութեանը, սիրոյն,—ինչպէս ուզում ես՝ անուանիր:

«Այս բանը թերևս անսպասելի լինի քեզ համար: Բայց մի դարմանար, Լևոն: Քեզ յայտնի է, որ իմ անձը սուրբ երգումով նուիրել եմ իմ թշուառ հայրենիքին, հետևաբար այդ անձը չի կարող, իրաւունք չունի պատկանելու միտրեէ անհատի, թէկուզ այդ անհատը լինէր Նւայի պէս մի աղջիկ, որի համար,—ճ, սիրոյ յանցաւոր պաշտելի աստուած,—արժէ մոռանալ հայրենիքն էլ, ամեն բան էլ... Միևս կողմից, ինչ

խղճով ես կարող եմ վայելել մի սէր, երբ ինձ համար պարզ է, որ եթէ ես չլինէի, կարող էր պատկանել իմ ընկերոջը: Ո՛չ, այդպիսի սէրն երջանկութիւնն չէր բերիլ ինձ համար, այլ սոսկալի թշուառութիւն, որովհետև գիտակցութիւնս աչքիս առաջ շարունակ պիտի ներկայացնէր այդ սիրոյ պատճառով թշուառացած թանկագին ընկերոջս տանջանքները...»

«Այդպէս ուրեմն, անգին բարեկամ և ազնիւ ընկեր, այս օրուանից ամեն բան արդէն վճռուած է: Հաւաքում եմ սրտիս բոլոր քաջութիւնը, մտքիս բոլոր խոհականութիւնը և հրաժեշտ եմ տալիս քեզ և քեզ հետ միասին—Նւային: Եթէ մի քանի կարևոր գործերս չլինէին, որոնց, սակայն, յոյս ունիմ շուտով վերջացնելու,—կըհեռանայի հէնց այսօրեկէ: Սակայն, այդ միևնոյն է. այսօրուանից այլևս երբէք չեմ տեսնիլ Նւային և կաշխատեմ մտքիցս ու սրտիցս հանել նրա պատկերը:

«Ի վերջոյ պարտաւորութիւնս եմ համարում յատուկ շնորհակալութիւնս յայտնել քեզ, որ իր ժամանակին հանեցիր ինձ ինքնամոռացութիւնիցս և, թէև անուղղակի, յիշեցրիր ինձ իմ վեհ նպատակը: Ուրեմն մնաս բարեաւ, իմ անգին ընկեր: Մնաս բարեաւ և դնւ, Նւա: Ես գնում եմ այնտեղ, ուր պարտաւոր եմ գնալ... Թէև յոյս չունիմ, թէ կենդանի կըմնամ այնտեղ, բայց այս անակնկալ դէպքից յետոյ մահն աւելի ևս քաղցր կըլինի ինձ համար:

«Կրկին անգամ մնաս բարեաւ, իմ անգին, իմ ազնիւ, իմ անկեղծ ընկեր:

«Ընդամիշտ քո Սուրէն Բաղէնեան»:

Շահեանը չկարողացաւ միանգամից ըմբռնել այդ

նամակի միտքը: Կարգաց երկրորդ անգամ, երրորդ անգամ... և, հետզհետե ազդուելով, ընկղմուեց ծանր մտատանջութեան մէջ:

Մթթէ, յիրաւի, Բաղէնեանն այդ աստիճան վհահանձն, անձնազոհ և հայրենիքին այդպէս նուիրուած երիտասարդ էր: Մինչդեռ ինքը, Շահեանը, իր համար անաջող ու անյոյս սիրոյ մէջ նրա ախոյեանը հանդիսանալով, լցուել է դէպի նա չար նախանձով ու ատելութեամբ,—Բաղէնեանն, ընդհակառակը, քրիստոնէական ամենամեծ պատուէրի հետևող էր հանդիսանում— իր բազդը, իր երջանկութիւնը զոհում էր ընկերոջ օգտին:

Այդ այնքան պարզ էր Բաղէնեանի նամակից, որ Շահեանը մինչև անգամ զգուանքով ամաչեց դէպի նա տածած իր փոքրոգի և նախանձոտ ատելութիւնից:

Սակայն, այդ ատելութիւնն այժմ չքացաւ միանգամից: Շահեանը զգում էր այժմ, որ պատրաստ է առաջուանից էլ աւելի բուռն զգացումով սիրելու և յարգելու Բաղէնեանին, և թէ նրա հոգին չդառնանար այն դիտակցութիւնից, թէ՛ միևնոյն է, Եւան Բաղէնեանի հեռանալովը խօ չի փոխիլ իր համակրութիւնը. ընդհակառակը, իբրև չափից դուրս զգայուն աղջիկ, աւելի ևս կըսիրէ անձնազոհ և հայրենիքի ազատութեան գործին նուիրուած Բաղէնեանին, խակ իրեն, Շահեանին, ատելով կատի, երբ իմանայ, որ իր սիրած երիտասարդին իրենից անջատողը այդ չնչին, ողորմելի Շահեանն է:

Վերջին միտքը խելագարեցնելու չափ անտանելի թուաց Շահեանին: Նա ապշեց: Ի՞նչ միտք ունէր, որ խառնուում էր Եւայի և Բաղէնեանի միջև սկսուած յարաբերութիւններին, քանի որ հէնց սկզբից համոզուած էր, որ նրանց սրտերն արդէն կապուած են ի-

բար հետ, և Եւան ոչ մի կերպ չի կարող սիրել իրեն: Ճիշտ է, Բաղէնեանին իր նամակը զրեց այն մտազրուութեամբ միայն, որ նա հեռու մնայ իրենից, որպէս զի ինքը կարողանար հոգու անդորրութիւն գտնել, բայց ի՞նչպէս չէր հասկանում, որ իր նամակն իսկապէս ստոր նախանձով լցուած սրտի խուլ ու ապօրինի մի բողոք էր այն երջանկութեան դէմ, որ պիտի ունենային Եւան ու Բաղէնեանն իրար սիրելով: Մեղաւոր էր Եւան, որ համակրում էր Բաղէնեանին. մեղաւոր էր Բաղէնեանը, որ համակրում էր Եւային: Ի՞նչ ինքնաց թշուառութեան պատճառ է դառնում: Ի՞նչ իրաւունքով: Եսասէր մարդու ստոր նախանձի արդիւնք չէր արդեօք իր վարմունքը:

Շահեանը քստմնեց իրենից: Այս անգամ զգաց, որ իր հոգին անդորր կարող էր լինել այն դէպքում միայն, երբ ամենևին չգրէր իր նամակը Բաղէնեանին և շարունակէր նրա հետ իր առաջուայ բարեկամութիւնը: Այո, հազարապատիկ աւելի լաւ է, որ մարդ ինքը տանջուի ուրիշի պատճառով, քան թէ զգայ, որ ինքն է պատճառն ուրիշի տանջանքի,—մտածում էր Շահեանը:

Շահեանի հանդիսող միանգամայն կորել էր, և նա որքան շատ էր մտածում իր վարմունքի մասին, այնքան աւելի ու աւելի զգում էր, որ արդարանալու ոչ մի կէտ չունի: Նրան թւում էր, թէ մարդ է սպանել և ոչ մի զղջում չպիտի կարողանայ քաւել այդ յանցանքը:

Բաղէնեանի զրուութիւնը նրան պարզապէս տրագիքական էր թւում: Եւ նա զգում էր, որ Բաղէնեանին ոչ թէ միայն այլևս չի ատում և չի կասկածում նրա վեհ առաքելութեան մասին, այլ և այդ երիտասարդը չափից դուրս բարձրացել է իր աչքում:

Չնայելով Բաղէնեանի պարզ ու հատու նամակին, Շահեանին թւում էր, թէ իրենց յարաբերութիւնները չափազանց խճճուել են, թէ այդ յարաբերութիւնները պարզելու համար անպատճառ հարկաւոր է մի բան անել, բայց թէ ինչ բան,—չգիտէր: Ի հարկէ, ամենից լաւն այն կըլինէր, որ անձամբ տեսնուէր ու խօսէր Բաղէնեանի հետ, բայց այժմ աւելի, բան երբէք, վըստահութիւն չունէր այդ բանն անելու: Նա խիստ ամաչում էր, իր նամակից յետոյ, գնալ Բաղէնեանի մօտ և չգիտէր էլ, թէ իսկապէս ինչ պիտի խօսէր նրա հետ:

XIV

Անցաւ մօտ մի ամիս: Շահեանը դեռ ևս մտատանջուում էր, թէ ինչպէս տեսնուի Բաղէնեանի հետ, երբ մի օր յանկարծ ուրախացած կանգ առաւ այն մտքի վրայ, թէ Բաղէնեանն այդ մի ամսուայ ընթացքում անշուշտ արդէն հեռացած կըլինի թիֆլիսից, ուրեմն աւելորդ է այլևս այդքան մտատանջուել նրա տեսնուելու և խօսելու մասին: Այս միտքն անասելի մի թեթևութիւն պատճառեց նրան, որպիսի թեթևութիւն ղգում են առհասարակ անվճռական մարդիկ, երբ իրենց որևէ մի ծանր պարտականութիւնն անկատար թողնելու համար յանկարծ բանաւոր պատճառ են գտնում:

Բայց սխալուեց:

Մի երեկոյ, երբ Շահեանը, զբօսանքի դուրս եկած ժամանակ, անցնում էր Միքայէլեան կամըջով՝ յանկարծ նրա դէմն ելաւ Բաղէնեանը մուշտակի մէջ կողուում և մոխրագոյն մորթէ գլխարկով, որը, ծուծածկած, չափազանց սազում էր նրան: Այդ հանդի-

պումն այնքան անակնկալ էր Շահեանի համար, որ նա ահամայ կանգ առաւ, կարմրեց ու զուտատուեց:

Բաղէնեանը նրան դիմաւորեց բաւական զսպուած կերպով: Նրա դէմքը լուրջ էր, աչքերը նայում էին մտահոգ հանգստութեամբ:

—Մի՞թէ, յիրաւի, մենք պիտի բաժանուէինք իրարից այնպէս, որ, գէթ վերջին անգամ, չպիտի տեսնէինք իրար,—ասաց նա սառն, հաւասար ձայնով և ձախ ձեռքը մեկնեց Շահեանին: Աջ ձեռքը դեռ ևս կապած էր:

—Ես էլ այդ էի մտածում,—պատասխանեց Շահեանը, խիստ անյարմար դրութեան մէջ զգալով իրեն ընկերոջ սառն ընդունելութիւնից:

—Այդ մի փոքր տարօրինակ կըլինէր,—աւելացրեց Բաղէնեանը:—Գոնէ ինձ համար...

—Ինձ համար էլ,—մեքենայաբար վրայ բերեց Շահեանը:

—Թողնենք մեր պատանեկութիւնը... այս վերջերս, կարճ միջոցում, այնքան մօտեցանք իրար, գոնէ ես ինձ այնքան մօտ էի զգում քեզ, որ համոզուած էի, թէ ոչ մի բան չպիտի կարողանար արգելք լինել մեզ անջատման ժամին եղբայրաբար սեղմելու իրար ձեռք և մնաս բարեաւ ասելու իրար վերջին անգամ:

Շահեանը զգացուեց: Առանց յանդիմանութեան և թախծօրէն արտասանուած այդ խօսքերն այնպիսի ազդեցութիւն ունեցան նրա վրայ, որ նա անկարող եղաւ զսպել իրեն և բացականչեց ամենայն անկեղծութեամբ.

—Այո, այո, մենք դարձեալ ընկերներ ենք... Պէտք է ներես, Սուրէն... Ձգում եմ, որ մեղաւոր եմ բո առաջ. չպէտք է գրէի քեզ այն նամակը...

Բաղէնեանը փորձող հայեացքով նայեց նրա շփոթուած դէմքին և հանդիստ վեր քաշեց ուսերը:

—Տեսնում ես, դու ուրիշ բան հասկացար,—ասաց նա:—Իսկ ես այդ չէի ուզում ասել:

—Գիտեմ, գիտեմ,—արագ, աւելի ևս անկեղծօրէն վրայ բերեց Շահեանը:—Նւ իդուր ես կարծում, թէ խօսքերդ ակնարկութիւն եմ ընդունում իմ այն չարաբաստիկ նամակի համար: Ընդհակառակը, Սուրէն. ես աւելի քան հաւատում եմ քո ընկերակիան անկեղծութեանը, և եթէ ասացի, թէ չպէտք է գրէի քեզ այն նամակը, ասացի նրան համար, որ... խիղճս հանդիստ չէ: Կարծես մի ծանր յանցանք եմ գործել, որ ոչ ես և ոչ ուրիշն երբէք չպէտք է ների ինձ...

Բաղէնեանն իր սուր հայեացքով մի րոպէ վերին աստիճանի լրջօրէն նայեց Շահեանի խեղճ, միամիտ աչքերին:

—Սղճիդ մի հաւատար, Լևոն,—ասաց նա հանգիստ:—Չափազանց զգայուն լինելուց խիղճդ ծայրայեղութեան մէջ է ընկնում: Երկար չեմ ուզում խօսել այս մասին,—աւելացրեց նա կարուկ կերպով:—Այսքանս միայն կասեմ, որ վատ բան արած կըլինէիր, եթէ այն նամակը չգրէիր ինձ:

—Ի՞նչպէս,—զարմոցաւ Շահեանը:

—Այնպէս որ...—Բաղէնեանը բռնեց Շահեանի թևից և քաշեց կամրջի վանդակապատի կողմը, որպէս զի ազատ ճանապարհ լինին տուած անցուղարձ անողներին:—Լսիր, Լևոն, ինչ եմ ասում: Այնպիսի ընկերներ չեն, որպիսին ես ու դու ենք, զազանապահութիւն չպէտք է լինի ամենեւին: Պարզ կերպով, առանց յետին մտքի, իրարու ամեն բան խոստովանուելը միակ միջոցն է ընկերակիան յարաբերութիւնները հաստատ հիմքերի վրայ դնելու: Մինչև անգամ ես կարծում եմ, որ երբ երկու ընկերներ ինչ-ինչ պատճառներով հակակրանք է ծագում, այդ դէպքումն էլ շատ լաւ կը

լինի, որ նրանք իրենց այդ զգացումը չծածկեն իրարից: Սիրում ես ընկերոջդ,—այդ ինքն ըստ ինքեան կարտայայտուի. սկսել ես ատել,—այդ էլ մի աշխատիր ծածկել: Դաշուելն աւելի վատ է այդ դէպքում: Խօսքն ուղղակի տուր ճակատին և հեռացիր: Այդ հասկացութիւն կըտայ քեզ, կամրացնի հողիդ:

Շահեանը քնացել էր շփոթուած և ապշած: Նրան թւում էր, թէ Բաղէնեանը թափանցել է իր հոգու խորքը և զիծ առ գիծ երևան է հանում հակակրանքի այն զգացումը, որ ինքը սկսել էր տածել դէպի ընկերը: Բայց այժմ այդ զգացումն այլևս չկար նրա մէջ: Այս անգամ նա թէ վախենում էր Բաղէնեանի թափանցողութիւնից և թէ զգում էր, որ պատրաստ է առաջուանից աւելի սիրելու ընկերոջը, որի մէջ այժմ բոլորովին նոր ու սրտագրաւ մի բան էր տեսնում:

—Ինչպէս տեսնում եմ, Սուրէն, դու դարձեալ կասկածում ես դէպի քեզ տածած զգացումներին վերաբերմամբ,—մեղմօրէն կշտամբեց նա:

—Է՛հ, ի՞նչ տեսակ մարդ ես,—նեղացաւ Բաղէնեանը:—Ինչո՞ւ խօսքերս միշտ քեզ վրայ ես ընդունում: Ես խօսում եմ ընդհանրապէս: Դու ասացիր, թէ մեղաւոր ես իմ առաջ, թէ չպէտք է գրէիր ինձ այն նամակը, իսկ ես ուզում եմ ապացուցանել, որ զրանով վատ բան արած կըլինէիր: Նւ վատ բան արած կըլինէիր նրանով, որ...

—Բայց, ախր, դու չհասկացար ինձ...

—Սպասիր: Վատ բան արած կըլինէիր նրանով, որ... Ի՞նչպէս չհասկացայ քեզ: Ուզում ես ասել, որ նամակովդ ակամայ առիթ ես տուել ինձ հեռանալու Նւայից, որ դու ամենեւին ի նկատի չես ունեցել, թէ նամակդ ինձ համար, քո կարծիքով, այսպիսի ծանր

հետևանք կունենայ, որ հէնց այդ բանի համար էլ խիղճդ տանջում է քեզ: Այդպէս չէ:

—Այո:

—Տեսնում ես, որ հասկացել եմ: Այ, դու չես հասկացել քեզ գրած պատասխանիս միտքը... Դժբաղդարար, ժամանակ չունիմ, Լեոն, երկար խօսելու,—մի շատ կարևոր գործի համար շտապում եմ մի տեղ.— բայց որպէսզի քո գովելի բարեսրտութեամբ շատ էլ չչափազանցես դրութիւնս, ահա թէ ինչ պէտք է ասեմ քեզ: Իրաւ է, Եւան ինձ վրայ մեծ տպաւորութիւն է թողել. ընդամենը մի քանի անգամ եմ տեսել նրան, և նրա մօտ լինելը, նրա հետ խօսելը միշտ մեծ հաճոյք է պատճառել ինձ. բայց միայն այդքան: Այն զգացումը, որ ես տածում եմ դէպի նա, սէր չէ, ինչպէս դու ես կարծում. հետևաբար այդ զգացումը մեռցնելու համար մի առանձին դժուարութիւն չկայ: Բաւական է, որ հեռու մնամ, և ամեն բան կը վերջանայ ինքնըստինքեան: Առանց այդ էլ շուտով պէտք է հեռանայի այստեղից, և եթէ մինչև այժմ մնում եմ այստեղ, պատճառը մեր գործի հետ կապ ունեցող մի քանի անակնկալ հանգամանքներ են: Գուցէ, քեզ գրած պատասխանիս մէջ, նամակիդ ազդեցութեան տակ, փոքր ինչ չափազանցրել եմ դրութիւնս, բայց այժմ դէպի Եւան տածած զգացումս բոլորովին պարզ է ինձ համար: Ծանօթանալուս առաջին օրերն էին... Եւան շնորհալի, հետաքրքրուող, ինքնուրոյն, գեղեցիկ ազլի է, որպիսին առաջին անգամն եմ պատահում հայ ազլիներին մէջ... Վերջապէս, ինքս խիստ տպաւորուող եմ... Է՛հ, այսպիսի պայմաններում շատ հասկանալի է, որ փոքր ինչ ինքնամոռացութեան մէջ ընկնէի: Բայց, փառք Աստուծոյ, այժմ բանը չի կարող հեռու գնալ՝ որովհետև... շնորհակալ եմ, քո և միայն քո նամակի

շնորհիւ ես, բարեբաղդարար, խոհեմութիւն ունեցայ իր ժամանակին զսպելու ինձ և յետ քաշուելու: Այն գործը, որին նուիրուած եմ ես, պահանջում է ամենից առաջ անձնուրացութիւն, իսկ սիրոյ մէջ իր շրջանակից դուրս չկայ այդպիսի անձնուրացութիւն: Ժողովրդական գործին նուիրուած մարդը կատարելապէս ազատ պիտի լինի անձնական զգացումներից, զոնէ նա չպէտք է թոյլ տայ, որ այդ զգացումները գերելով խող դեր կատարեն իր կեանքի մէջ. իսկ սիրոյ զգացումն այն առանձնայատկութիւնն ունի, որ մարդուն ամենանեղ ետասէր է դարձնում: Քիչ չի պատահել, որ մարդիկ հայրենիքի դաւաճան են հանդիսացել նրա համար միայն, որ սիրել են: Այդ դաւաճանութիւնն եղել է գիտակցաբար և անգիտակցաբար: Անգիտակցաբար դաւաճանողներից մէկն էլ ես կարող էի հանդիսանալ. անձնատուր կը լինէի սիրոյ հրապոյրներին և... այդ հրապոյրներից դուրս թէկուզ ամբողջ աշխարհը կործանուէր, այդ մասին ես ամենևին չէի հոգալ: Մինչդեռ ես ընկերներ ունիմ... նրանք գործում են... հաւատում են, որ ես էլ ցմահ իրենց հետ եմ... ես ինքս եմ խօսք տուել... մենք ուխտել ենք միասին... և ի՞նչպէս կարող եմ դրժել իմ խօսքը, իմ ուխտը... Ահա թէ ինչու համար եմ ասում, որ վատ բան արած կը լինէի, եթէ չզբէի ինձ այն նամակը,—մի նամակ, որը սթափեցուցիչ մի դեղ էր ինձ համար:

Բազէնեանը խօսում էր հանդիստ և իր մտքերին անձնատուր եղած մարդու ոչինչ չտեսնող հայեացքով նայում էր գետի խաղաղ ընթացքին: Այդ միջոցին նրա ամբողջ արտաքինն այն աստիճան ազդու կերպարանք էր առել, նրա հանդիստ ձայնի մէջ այնպիսի վշտաբեկ մի լար էր հնչում, որ Շահեանը զգաց, թէ

Մանր

նրան երջանկացնելու համար պատրաստ է զոհել ամեն բան, ինչ որ կարող է:

—Լսիր, Բաղէնեան,—ասաց նա կամաց, բռնելով նրա թևից:—Իմ կարծիքով, սէրն արդելք չպիտի լինի քեզ, որ շարունակես գործել հայրենիքի համար, մանաւանդ Եւայի պէս մի աղջկայ սէրը...

Բաղէնեանը չպատասխանեց: Նա շարունակ նայում էր գետի հոսանքին, բայց այս անգամ յոնքերը կիտեց, և նրա մտախոհ հայեացքը փոքր ինչ խիստ արտայայտութիւն ստացաւ:

Շահեանը, կարճ լուծիւնից յետոյ, աւելացրեց.
—Ինձ թւում է, թէ այդ զոհաբերութիւնն անուժ

ես... ինձ համար:

Բաղէնեանը դառնութեամբ ժպտաց և թեթևակի նայեց նրան:

—Ուզում ես ասել, թէ աւելորդ է, որ հայրենիքն եմ մէջ բերում...

—Ո՛չ, Աստուած է վկայ, ո՛չ, Սուրէն,—եռանդուն անկեղծութեամբ վրայ բերեց Շահեանը և մինչև անդամ նեղացաւ, որ նա այդպիսի մի անակնկալ բացատրութիւն տուեց իր խօսքերին:—Ասում եմ, զոհաբերութիւնդ ինձ համար ես անում, որովհետեւ... Եւան երբէք չի կարող քեզ արդելք լինել, որ դու շարունակես գործել հայրենիքիդ համար: Ընդհակառակը, ես կարծում եմ, նոյն իսկ համոզուած եմ, որ նա քեզ սիրում է հէնց այդ բանի համար... Չէ՞ որ ես ճանաչում եմ նրան:

Բաղէնեանը մի խիստ շարժում գործեց:

—Ինչեիցէ, այս մասին այլևս չխօսենք,—ասաց նա, կարծես ինքն իր դէմ զայրացած:—Գործի վրայ ես ուրիշ տեսակէտից եմ նայում: Վճիռս անդարձ է: Եւ նա պատրաստուեց, որ հեռանայ:

—Այս մեր վերջին տեսակցութիւնն է, թէ էլի կըտեսնուենք,—հարցրեց նա:

—Է՛լի, էլի,—արագ վրայ բերեց Շահեանը:—Ե՞րբ ես գնում:

—Կարծեմ, դարձեալ մի շաբաթ կըմնամ:

—Որ այդպէս է, Սուրէն, վաղը ճաշին արի ինձ մօտ... առաջուայ պէս: Կըգամ:

—Տեսնեմ... Հափազանց դադուած եմ:

—Չէ, անպատճառ արի. այլապէս՝ կը կարծեմ, որ նեղացած ես ինձնից:

—Լաւ, կըգամ,—ժպտաց Բաղէնեանը և ձախ ձեռքը մեկնեց նրան:

—Չարմանալի է. ձեռքդ դեռ ևս չի՞ առողջացել:

—Ինչպէս տեսնում ես, աջ ձեռքս դեռ ևս դատապարտուած է անգործութեան:

Նրանք բաժանուեցին իրարից խիստ սրտագին:

XV

Հետևեալ օրը Շահեանն երկար ժամանակ սպասում էր Բաղէնեանին: Այդ օրը յատկապէս փառաւոր ճաշ էր պատրաստել տուել նրա համար: Բայց Բաղէնեանը չէր երևում: Վերջապէս մի նամակ ստացաւ նրանից հետևեալ բովանդակութեամբ.

«Սիրելի ընկեր.

«Ներքը, որ, խոստմանս հակառակ, այսօր չեմ կարող դալ: Հէնց այս բողբիս մի խիստ կարևոր նամակ ստացայ. անսպասելի նորութիւն ևս յայտնում. ամենաեռանդուն ընկերներիցս երկուսը սև մատնութեան զոհ են գնացել... Խիստ անհանգիստ դրութեան

մէջ եւմ: Անյապաղ օգնութիւն է պահանջուում: Մի խոշոր գումարի կարիք կայ: Ինձ մօտ այդ գումարը պահասում է: Հարկաւոր է դարձեալ հազար ուրբի: Պահանջը ստիպողական է: Գնում եմ ճար տեսնելու: Նամակ այրիբ:

«Բո Ս. Բ.»:

«Յ. Գ.—Պակաս գումարը ճարելուս պէս անմիջապէս ուղևորուելու եմ: Թերևս այլևս չըտեսնենք իրար: Մնաս բարեաւ: Կրկնում եմ, նամակ այրիբ»:

Կարդալուց յետոյ, Շահեանը նամակը ձգեց վառարանը: Յետոյ արագ մօտեցաւ գրասեղանին և գուրս քաշեց գզրոցներից մէկը: Այնտեղ հազար և մի քանի հարիւր ուրբի կար: Այդ գումարից հազար ուրբին ստացել էր նախորդ օրն իր կալուածներէ կառավարչից, որը ծախել էր փուլ եկած շէնքը: Նա վերցրեց ջոկ դրած այդ հազար ուրբին, դրեց մի ծրարի մէջ, ծոցը կոխեց և անմիջապէս գնաց Բաղէնեանի մօտ:

Բաղէնեանը տանը չէր:

Շահեանը վերադարձաւ տուն այն մտադրութեամբ, որ երեկոյեան դարձեալ գնայ ընկերոջ մօտ: Բայց երեկոյեան էլ նրան տանը չգտաւ: Իր անելիք գոհարելութիւնը Շահեանին ազնիւ անհամբերութիւն էր ներշնչել: Այդ օրը գիշերն էլ գնաց:

Դեռ ևս բաւական վաղ էր: Հիւրանոցի դռնապանից իմացաւ, որ Բաղէնեանն այս անգամ տանն է: Դռնապանն աւելացրեց, որ նա «մենակ չէ», սակայն Շահեանը չլսեց և արագ բարձրացաւ վերև: Նա բռնեց Բաղէնեանի սենեակի դռան փականքից և առաջ մղեց: Դուռը փակ էր: Նա ծեծեց:

—Ո՞վ է, —լսուեց ներսից Բաղէնեանի ձայնը:

- Ես եմ:
- Լևոն:
- Ես եմ:
- Իսկոյն:

Մի բոլի Շահեանին թուաց, թէ ներսից ինչ-որ քչփչոցի ձայներ լսեց, յետոյ սեղան էր թէ աթոռ թրխեաց, և կարծես մէկը բորիկ ստներով վազեց սենեակի մի ծայրից միւսը:

Դուռը բացուեց: Եւստիւս երևաց Բաղէնեանը սիրտուկն ու ժիլեան հանած: Նրա քնասուած ձեռքը կապած չէր:

Շահեանը մտաւ: Սանդուղքներով արագ վերև բարձրանալուց և այն դիտակցութիւնից, թէ շուտով պէտք է ուրախացնի ընկերոջը, նրա սիրտը թրթուում էր:

—Դու մենակ ես, —հարցրեց նա կամաց, շնչասպառ, նայելով սենեակի չորս կողմը:

—Մենակ եմ: Ներքի, որ քեզ այսպէս եմ ընդունում: Հէնց նոր ուզում էի պառկել:

Շահեանը նոր նայեց ընկերոջ դէմքին:

—Այսպէս վաղ:

—Ի՞նչ անեմ, սիրելիս, սաստիկ յոգնած եմ. այսօր շան պէս չարչարուել եմ... Ներողութիւն, այսօր երկու անգամ եկել ես, տանը չեմ եղել:

—Այո, ես... Նամակը ստացայ... Իզուր այդքան նեղութիւն ես կրել... Խնդրում եմ, ընդունիր այս իմ կողմից...

Եւ Շահեանը, ծոցից հանելով ծրարը, տուեց Բաղէնեանին: Նա աշխատում էր կարելոյն չափ հանդիսա մալ և ցոյց տալ, թէ բոլորովին հասարակ մի դործ է կատարում:

Բաղէնեանը մեքենայաբար առաւ ծրարը և մի բոլի նայեց Շահեանին լուռ ու դարմացած:

—Այս ի՞նչ է,—հարցրեց նա:

—Այդ... այն գուճարն է, որ... պահանջել են քեզ-
նից:

—Ի՞նչ գուճար:

—Այսօր որ գրել էիր:

Բաղէնեանն ուրախութիւնից, կարծես յանկարծ,
կորցրեց իրեն:

—Լեոն... Սպասիր... Չգիտեմ, ճշմարիտ, ինչ ա-
սեմ... Դու այնպիսի բարի, այնպիսի ազնիւ գործ ես
կատարում, որ... Ո՛չ, այդ մասին չեմ ուզում խօսել:
աւելորդ է. ինքդ արդէն զգում ես, թէ ի՞նչ արժէ այս
զոհարերութիւնդ... Եթէ գէթ մի բոլոր երևակայես, թէ
ինչ վերաւորանքներ եմ կրել, ինչքան ստորացրել են
ինձ... Ամեն կողմից կասկածանք, ամեն կողմից երկ-
դիմի հեղնութիւն... Բայց, որ ամենից աւելի սարսա-
փելին է, վեհ զգացումների կատարեալ մեռելութիւն...
Կարծես թէ գործն իմ անձնական շահերին է վերաբե-
րում, կարծես թէ այդ գործն իրենցը չէ, ընդհանրու-
թեանը չէ... Կարծես թէ ես մի եզուրիտ, մի սրիկայ,
մի ափերիստ եմ, որ ասպարէզ եմ եկել երեսիս դի-
մակ առած՝ մարդկանց խաբելու... Ինչ է մնում, որ
այս բանն ուղղակի երեսիս ասեն: Այս սարսափելի է:
Քար, անդդայ քար պէտք է լինել այս բոլորը տեսնե-
լու և տանելու համար: Գործունէութեանս ընթացքում
ես այն համոզման եմ եկել, Լեոն, որ ամբողջ հայու-
թեան, ամենամանշան բացառութեամբ, մի բան, մի ա-
հագին բան է պահասում. դա հոգու այն լարն է, վե-
րածնող այն ոյժը, որը հիմն ի վեր ցնցում է մարդու
ամբողջ էութիւնը, վառում, ոգևորում է նրան սրբա-
զան գործի համար: Ամեն տեղ անձնական նեղ սահմա-
նափակումն, յեղափոխական գործի մէջ միկան վախկոտու-
թիւն, քաղաքացիական զգացումների կատարեալ մեռե-

լութիւն, նուիրաբերութեան մէջ չարչիական առևտուր.
կոպէկի համար սատկում են, տալիս էլ կարծես թէ
իրենց մսից են կտրում: Այսպիսի պայմաններում կա-
րելի է չյուսահատուել... Մանաւանդ թիֆլիսը, այս
այլասերուած, ապագգայնացած թիֆլիսը... Ճիշտը քեզ
ասեմ, Լեոն, այն նամակը գրեցի քեզ, բայց շատ զըղ-
ջացի: Մտածում էի, ո՞վ գիտէ, գուցէ կարծէիր, թէ դա
մի խաղ է իմ կողմից, թէ դրանով ուզում եմ մի աւե-
լորդ անգամ փող կորզել քեզնից...

Շահեանը խիստ անհանգիստ մի շարժում գործեց
և հայեց նրան անկեղծ յանդիմանութեամբ:

Բաղէնեանը նկատեց այդ և սրագ առաւ նրա
ձեռքը:

—Խնդրում եմ, Լեոն, ներիր ինձ,—յուզուած ա-
ղերսեց նա:—Կեանքի դառն փորձերն այն աստիճան
յուռետես են դարձրել ինձ, որ ես, տեսնում ես, թոյլ
եմ տալիս ինձ կասկածելու մինչև անգամ քո ազնիւ
սրտի մաքրութեան վրայ... Ա՛խ, Լեոն, իմ պատուա-
կան ընկեր, որքան շնորհակալ եմ քեզնից...

Եւ Բաղէնեանն ամուր-ամուր սեղմեց Շահեանի
ձեռքը:

Շահեանը հաղիւ ազատեց իր ձեռքը: Այն աստի-
ճան շփոթուած և վերացած էր, որ չլսեց, թէ ինչպէս
այդ միջոցին ինչ-որ, ըստ երևոյթին կնոջ, հագուստի
խիշոց եկաւ, և ոչ էլ տեսաւ, թէ ինչպէս սենեակի
անկիւնում գրուած պատուարի չթի պատերը թեթևա-
կի շարժուեցին: Մեքենայաբար բարի գիշեր մաղթեց
Բաղէնեանին, ասաց, որ նա յոգնած է, չի ուզում ան-
հանդատացնել նրան, դուրս եկաւ, անցաւ երկայն մի-
ջանցքով և սկսեց մանրիկ արագ քայլերով իջնել սան-
դուղքի ցածը աստիճաններով: Դռնապանը շտապեց
յարգական պատրաստակամութեամբ բանալ նրա առաջ

դուռը: Շահեանք կանգ առաւ, վերարկուի գրպանից հանեց արծաթ մի դրամ, կոխեց դռնապանի բուռը, առանց նայելու նրան, կարծես ամաչելով, որ փող է տալիս նրան, և շտապով դուրս գնաց փողոց: Իր արած զոհարարութեան գիտակցութիւնից, Բաղէնեանի խոստովանութիւնից և շնորհակալութիւնից շժմել էր նրա գլուխը: Նա քայլում էր արագ և վստահօրէն և ոչինչ չէր մտածում. զգում էր միայն, որ չափից դուրս երջանիկ է: Դա հոգին ու միտքն ազնուացնող այն վեհ, այն հպարտ երջանկութիւնն էր, որ զգում է մարդ ինքնաբերաբար որևէ բարի գործ կատարած ժամանակ:

— Պարոն Շահեան... պարոն Շահեան,— լսեց նա իր ետևից:

Շահեանը կանգ առաւ և արագ շուռ եկաւ: Խառնութեան լի վառ ճրագներ լոյսի մէջ տեսաւ Մարութեանին ու Եւային, որոնք գալիս էին իր ետևից: Կանչողը Մարութեանն էր: Շահեանը շտապեց դէպի նրանց:

— Դուք անցաք ուղղակի մեր կողքով և չբարեկեցիք մեզ: Չլինի՞ թէ դարձեալ խոսիել էք, — նկատեց Մարութեանը ծիծաղելով:

Շահեանը սեղմեց հօր ու աղջկայ ձեռքը: Նա ժըպտում էր: Նրա դէմքը վառուում էր հոգեկան բերկրանքով: Եւայի հանդիպումն այդ բողբոջին մի կատարեալ երջանկութիւն էր նրա համար:

— Ներեցէք, չնկատեցի, — պատասխանեց նա Մարութեանի նկատողութեանը, և իսկապէս որ չէր նկատել նրանց:

Մի բողբոջ կանգ առնելով, նրանք երեքը միասին շարունակեցին ճանապարհը:

— Ներելի է, — ասաց Մարութեանը, — որովհետև շատ շտապում էիք, երևի ցրտից շուտով պատասխարուելու համար: Տեսնում էք, ինչ փառաւոր ցուրտ է:

Բայց լազաթ ունի, որ սառած գետնի վրայ ման ևս դալիս այսպէս կտկտալի: Ինձ որ հարցնէք, ձմեռն էլ ունի իր բանաստեղծական հրապոյրները: Օրինակի համար, մէկ նայեցէք երկնքին. ո՞ր մի զարնանային գիշեր երկնքի կապուտակն այնպէս ամուր է լինում, այնպէս հաստատ, ինչպէս այժմ. երբ էք տեսել, որ աստղերն այնպէս մեծ երևան, այնպէս հուրհրատին տան, ինչպէս այս գիշեր...

Մարութեանն աչքերը հեռացրեց երկնքից, նայեց Շահեանին և ծիծաղեց:

— Երևակայում եմ, թէ ինչքան ծիծաղում էք ինձ վրայ մտքներումդ, — բացականչեց նա:

— Ընդհակառակը, ես նախանձում եմ ձեր ոգևորութեանը:

Մարութեանն առաւ նրա թևը:

— Որ այդպէս է, երիտասարդ բարեկամ, դուք դեռ շատ բանում պիտի նախանձէք ինձ... Աղջիկս է միայն, որ, — չգիտեմ, ճշմարիտ, այս ինչ փոփոխութիւն է, — ոչ ոգևորում է, ոչ խօսում: Ասացէք ինդրեմ, կարելի՞ է այսպիսի մի հրաշալի գիշեր ման գալ լուռ ու մունջ. իսկ մենք, ես ու աղջիկս, ահա մի ժամ է, որ դուրս ենք եկել մի քիչ սառն օդ կուլ տալու, և բացի մի քանի կցկտուր խօսքերից, ուրիշ ոչինչ չեմ լսել սրա բերանից: Մտածում է, ինչ որ խորին խորհուրդներ է խորհում, բայց թէ ինչ բանի մասին, — այդ Բարձրեալին է միայն յայտնի:

Եւ Մարութեանը, դէմքին ծաղրական արտայայտութիւն տուած, ուսի վրայից նայեց աղջկայ դէմքին. կարծես, ուզում էր զրգուել նրան, որ զայրանայ, խօսի:

Բայց Եւան, կարծես, չէր լսում, թէ ինչ է ասում հայրը: Չեւքերը մուփթի մէջ դրած, մերթ առաջ ընկնելով, մերթ յետ մնալով, նա քայլում էր հօր կողքից

և մեքենայաբար նայում էր ցրախից կուշ եկած անցու-
ղարձ անողներին: Նրա թէ քայլուածքի և թէ հայեաց-
քի մէջ նկատուում էր ինչ-որ զսպուած անհանգստու-
թիւն: Երբեմն անհանգիստ հայեացքն ուղղում էր Շա-
հեանին, ըստ երևոյթին ուղղում էր բան հարցնել, բայց
ոչինչ չէր ասում և դարձեալ կամ առաջ էր ընկնում
հօրից, կամ յետ մնում նրանից:

—Ձեզ մի բան եմ ուղղում հարցնել, պարոն Շա-
հեան,—ասաց Մարութեանը, կատակով խօսելու եղա-
նակը թողնելով:—Ո՞ւր է այս ձեր պարոն Բաղէնեանը:

Շեան առաջ ընկաւ և շեշտակի նայեց Շահեանի
աչքերին անհամբեր հայեացքով:

Շահեանն իր կողմից նայեց նրան և զգաց, որ
յանկարծ փոխուեց իր ուրախ արամազրութիւնը:

—Բաղէնեանը,—արտասանեց նա, հազիւ զսպելով
իր մէջ յանկարծ բռնկած նախանձի կիրքը:—Բաղէ-
նեանը... Այս բոպէիս նրա մօտ էի:

—Հա-մ: Այս սրտեղ է, որ էլ չի երևում: Մն-
ցեալները, սրանից մօտ մի ամիս առաջ, ճաշին մեր
տանն էր: Սոստացայ մի գումար նուիրել գործի օգ-
տին. բայց այն օրուանից էլ չեղևաց. չգիտեմ ինչ է
պատճառը:

«Պատճառը» — մտածեց Շահեանը և դարձեալ նա-
յեց Նեայի դէմքին: Տէր Աստուած, ինչպիսի՞ գայրաց-
նող անհամբեր հետաքրքրութիւն էր արտայայտում
այդ չքնաղ դէմքը...

—Ինչ-որ նամակ էր ստացել,— ասաց նա, աշխա-
տելով կարելոյն չափ անտարբեր ձևանալ:—Գրում էին,
որ ընկերներից երկսին ինչ-որ դժբաղդութիւն է պա-
տահել և փող էին պահանջում նրանց համար: Երևի, այդ
փողը գանելու ետևից ընկնելով, ժամանակ չի ունեցել
ձեզ այցելելու:

—Ձարմանալի է: Ես ձեզ ասում եմ, որ նրան
փող էի խոստացել, ուրեմն ամենից առաջ, կարծում
եմ, ինձ մօտ պէտք է գար, եթէ այդպիսի կարիք ունէր:

Շահեանը յիշեց իր նամակին Բաղէնեանի գրած
պատասխանը, որի մէջ գրում էր, թէ Նեայից հեռու
մնալու համար վճուել է այդ օրուանից միանգամայն
կտրել իր յարաբերութիւնները Մարութեանների հետ,
և նրա համար հասկանալի դարձաւ, թէ ինչու Բաղէ-
նեանը փողի համար չէր դիմել Մարութեանին: Նա
զարմացաւ Բաղէնեանի այդ հաստատակամութեան
վրայ և զգաց, որ մի բոպէ առաջ իր մէջ դէպի նա
բռնկած նախանձի կիրքը չքացաւ:

—Սպասեցէք: Ե՞՞րբ է ստացել այդ նամակը, որի
մէջ գրում են ընկերների դժբաղդութեան մասին, և
փող են պահանջում,—հարցրեց Մարութեանը:

—Այսօր:

—Այսօր: Ուրեմն, կարծում եմ, գոնէ վաղը կը-
գայ մեզ մօտ:

—Ձեմ կարծում:

—Ինչո՞ւ:

—Որովհետև... փողն արդէն ձարել է (Շահեանն
ուղեց աւելացնել՝ «ես տուի»), բայց համեստութիւնից
լուց այդ մասին) և շուտով գնալու է:

—Հա-մ,—բացականչեց Մարութեանը և յանկարծ
կանգ առաւ:—Ա՛յ, այդ վատ բան ասացիք: Ես վախե-
նում եմ, թէ մի գուցէ գնայ առանց մեզ հանդիպե-
լու: Հը՞, ի՞նչ էք կարծում:

—Ձգիտեմ... շատ կարելի է,—ասաց Շահեանը
վարանելով և թէպէտ չէր նայում Նեային, բայց զգում
էր, որ նա աչքերով ուտում է իրեն: «Կասկած չկայ,
սիրում է» — մտածում էր նա մի տեսակ բութ յուսա-
հատութեամբ:

Մարութեանը յանկարծ մօտեցաւ մերձակայ խա-
նութի լուսաւորուած լուսամուտներին, հանեց ժամա-
ցոյցը և նայեց:

— Ժամը 8½ է: Ձի՞ լինիլ, որ այս բողբոջիս ինք-
ներս գնանք նրա մօտ: Հը՞, Եւա:

Եւան նայեց հօրը: Շահեանը տեսաւ, որ նրա աչ-
քերը վառուած են տարօրինակ վճռականութեամբ:

— Գնանք, — ասաց աղջիկը հաստատուն ձայնով:

— Շատ լաւ: Գնանք: Իսկ դուք, պարոն Շահեան,
կըզմք մեզ հետ:

— Ի դուք էք գնում, — ասաց Շահեանը. — նա այժմ
քնած կըլինի:

— Ի՞նչ էք ասում, այսպէս վա՞ղ:

— Այո, ես որ գնացի, արդէն պատրաստուում էր քը-
նելու: Ասաց, որ շատ յոգնած է:

— Է՛, — յուսահատօրէն թափահաբեց ձեռքը Մա-
րութեանը: — Ես դարմանում եմ, ճշմարիտ, ինչ՞նչ
էլ չեկաւ մեզ մօտ: Ախր դուք չգիտէք, պարոն Շա-
հեան, բանն ինչու՞ն է: Երկար ժամանակ է, որ մենք
նամակ չունինք մեր որդուց: Վերջին անգամ, որ
Բաղէնեանը մեր տանն էր ճաշին, ասաց, որ գնա-
լու է այն կողմերը: Հիմա մենք մտածել ենք, որ նրա
ձեռքով մի նամակ ուղարկենք մեր որդուն և ուզում
ենք խնդրել, որ եթէ, Աստուած մի արասցէ, որևէ բան
է պատահել նրան, տեղեկութիւն տայ մեզ: Իսկ դուք
ասում էք, թէ շուտով գնալու է և հազիւ թէ գայ մեզ
մօտ: Հիմա ի՞նչպէս անենք, որ տեսնենք նրան:

— Վաղն առաւօտ անցիր նրա մօտ, ի՞նչ կայ որ՞
— ասաց Եւան:

— Բանն այն է, թարսի պէս, որ հէնց վաղն ա-
ռաւօտ ես ժամանակ չունիմ: Ա՛խ, ի՞նչ լաւ կըլինէր՞

որ հիմա գնայինք: Սպասիր, գիտե՞ս ինչպէս կանենք:
Պարոն Շահեան, դուք խօ վաղը կըտեսնէ՞ք նրան:

— Չգիտեմ, ճշմարիտ...

— Չէ, անպատճառ տեսէք: Յատուկ խնդրում եմ,
պարոն Շահեան: Եւ ասացէք նրան, որ գնալուց առաջ
անպատճառ հանդիպի մեզ: Խոստանում էք:

Թէև Շահեանը խոստացաւ, որ այդպէս կանի,
բայց մտքումը վճռեց, որ այլևս երբէք չհանդիպի Բա-
ղէնեանին:

Ինչքան էլ որ նա հէնց սկզբից համոզուած էր,
և շատ ընակաւն էր համարում, որ Բաղէնեանի՛ իր խոստ-
ման հաւատարիմ մնալը, այսինքն՝ Եւայից ընդմիշտ
հեռանալը ոչ թէ չի թուլացնիլ Եւայի մէջ դէպի նա
ծագած սէրը, այլ ընդհակառակը, աւելի ոյժ կըտայ
այդ սիրոյն, — այնուամենայնիւ, այն ժամանակ նա
դադտնի, վախկոտ ուրախութեամբ պարուրում էր իրեն
այն յուսով, թէ կարող է պատահել, որ Եւան, եթէ ոչ
շուտով, գոնէ ժամանակի ընթացքում, բողբոջի մոտա-
նայ Բաղէնեանին, և այնուհետև ինքը, Շահեանը, եթէ
քաջութիւն ունենայ խնդրելու նրա ձեռքը, դուցէ նա
չմերժի: Բայց այժմ, տեսնելով Եւայի տենդային դը-
րութիւնը, միանգամից կորցրեց այդ յոյսը: Նա դգաց
առաջին անգամ, որ ինքը շատ կեղծ, նոյն իսկ ան-
պատուաբեր դրութեան մէջ է դրել իրեն Եւայի ու Բա-
ղէնեանի միջև: Եւ մինչդեռ մի կէս ժամ առաջ հաւա-
տացած էր, թէ հազար ուրբիւն Բաղէնեանին յանձնե-
լով՝ մաքուր սրտից բղխած զոհաբերութիւն է անում
մի շատ բարի գործի համար, այժմ իր սրտի խորքում
դադրանքով զգաց, որ այդ զոհաբերութիւնն իսկապէս
վարձատրութեան պէս մի բան է եղել այն բանի հա-
մար միայն, որ Բաղէնեանը Եւային գիշել է իրեն: Այդ
միտքն այնքան ծանր եկաւ նրան, որ նրան թուաց,

Թէ ինքը վերին աստիճանի անբարոյական մի քայլ է արել, որի համար ամենքը, առաւելապէս Նեան, գարշանքով պէտք է դէմքը շրջեն իրենից...

Շահեանն այլ ևս քաջութիւն չունեցաւ մնալու Մարութեանի և նրա աղջկայ մօտ: Նա օգուտ քաղեց առաջին յարմար դէպքից և կանգ առաւ, որ բաժանուի նրանցից:

— Ուրեմն դուք խոստանում էք, որ վաղն անպատճառ կըտեսնէք նրան և կասէք, որ գնալուց առաջ անպատճառ հանդիպի մեզ: Հա՛, — հարցրեց Նեան, նա յելով նրան այնպիսի յուսահատական-աղերսական հայեացքով, որ Շահեանի բարի սիրտը ճմլուեց անհուն խղճահարութեամբ:

Այս անգամ Շահեանը հաստատ խօսք տուեց, զգալով, որ անպատճառ պարտաւոր է հօր ու աղջկայ խնդիրքը յայանել Բաղէնեանին ոչ թէ նրա համար, որ այդ կարևոր էր նրանց, այլ նրա համար, որ այդ անհրաժեշտ էր իրեն, որովհետև զգում էր, որ Նեայի ու Բաղէնեանի միջև նոր սկսուած և իր պատճառով լը՛ղուած սրտազին յարաբերութիւնները նորոգելով միայն կարելի է սրբել այն գարշելի կեղտը, որ սպառնում էր առ միշտ ծանրանալ իր խղճի վրայ Բաղէնեանին տուած հազար ուրլու բուն շարժառիթի դիտակցութիւնից...

XVI

Հետեւալ օրը Շահեանը գնաց Բաղէնեանի մօտ:

Այն միջոցին, երբ ուղում էր բանալ ընկերոջ սենեակի դուռը, ներսից ինչ-որ տաք խօսակցութեան ձայներ լսեց: Կսում էր իրեն՝ Բաղէնեանի ձայնը և մի ինչ-որ կանացի ձայն. առաջինը խօսում էր բարկացած, երկրորդը՝ յանդիմանութեամբ և լացաղին:

Շահեանն ահանջ դրեց մի բոպէ միայն և հեռացաւ: Նա անցաւ հիւրանոցի միջանցքի ծայրը և շուռ եկաւ, որ յետ դառնայ, երբ նոյն բոպէին Բաղէնեանի սենեակից դուրս եկաւ մի յաղթանգամ կին: Շահեանն իսկոյն ճանաչեց նրան: Դա պանի Զդանեիչն էր: Շահեանը չկամեցաւ, որ նա տեսնի իրեն, և ծռուեց անկեան միջանցքը: Պատի ետեից ծածուկ նայելով, տեսաւ, թէ ինչպէս պանի Զդանեիչը, գլուխը հպարտօրէն բարձր բռնած, անցաւ գլխաւոր միջանցքով և իջաւ սանդուղքներով դէպի դուրս: Շահեանը սպասում էր, որ Բաղէնեանն էլ դուրս կըգայ սենեակից, բայց Բաղէնեանը չերևաց:

Այս դէպքը շատ օտարոտի թուաց Շահեանին: Նա ամենևին չէր սպասում, թէ Բաղէնեանի մօտ եղած կինը պանի Զդանեիչը կըլինի և նա այդ կնոջ հետ կըլինի այնպէս բարկացած խօսելիս: Բայց ինչ կապ կար նրանց միջև... Շահեանի մէջ նորից զարթեց Բաղէնեանի և լեհացի կնոջ փոխադարձ յարաբերութեան վերաբերեալ այն կասկածը, որ ծագել էր նրա մէջ դեռ ևս «Միխայլովօ» կայարանում, ուր առաջին անգամ հանդիպել էր նրանց իրար հետ աշնան սկզբին, երբ ինքը Բաթումից վերադառնում էր Թիֆլիս:

Նա չէր իմանում, այդ դէպքից յետոյ յարմար էր արդեօք, որ մանի Բաղէնեանի մօտ: Յամենայն դէպս երկար ժամանակ սպասեց, յետոյ դուրս եկաւ Թագստի տեղից և դիմեց դէպի ընկերոջ սենեակը:

Երբ նա մտաւ, Բաղէնեանը ջղային արագ քայլերով անցուղարձ էր անում սենեակում: Բարկութիւնից նրա դէմքը ձգձգում էր, աչքերը չար արտայայտութիւն էին ստացել:

Շահեանը վճռել էր ցոյց տալ, թէ ոչինչ չգիտէ և ոչինչ չի տեսնում. բայց Բաղէնեանի դրութիւնն այն

աստիճան արտասովոր երևաց նրան, որ չկարողացաւ չհարցնել:

—Ի՞նչ է պատահել, դու բարկացած ես երևում:

—Դատարկ բան է... Անախորժ լուր ստացայ, դրանից է,—ասաց Բաղէնեանը, աշխատելով իրեն տիրապետել:—Նատիր, խնդրեմ: Լաւ է, որ եկար: Այս բոլորէիս ինքս էի ուզում գալ քեզ մօտ մի շատ կարեւոր գործի համար:

—Ի՞նչ կայ,—հարցրեց Շահեանը, զարմացած նայելով նրա արտասովոր լուրջ դէմքին:

Բաղէնեանը պատասխանելու տեղ ծոցից մի նամակ հանեց և տուեց նրան, որ կարդայ:

Շահեանը կարդաց լուռ: Նամակը Մարութեանից էր, որը թախանձագին խնդրում էր Բաղէնեանին մեկնելուց առաջ հանդիպել իրենց, և յիշեցնում էր իր խոստացած նուիրաբերութիւնը: Ներքեւ Եւան աւելացնում էր՝ «Ես ևս աղաչում եմ: Զափազանց կը պարտաւորեցնէք»

—Ես էլ հէնց այս բանի համար եմ եկել,—ասաց Շահեանը, նամակը վերադարձնելով:

—Ի՞նչպէս թէ այս բանի համար,—զարմացաւ Բաղէնեանը:

—Երէկ գիշեր, որ քեզնից հեռացայ, հայր ու աղջիկ հանդիպեցին ինձ փողոցում. Մարութեանը խնդրեց քեզ ասելու, որ գնալուց առաջ անպատճառ հանդիպես իրենց, որովհետև ուզում է նամակ տալ քեզ, որ տանես իր որդուն: Եւան էլ շատ խնդրեց,—աւելացրեց Շահեանը միանգամայն անտարբեր եղանակով:

Բաղէնեանը ոչինչ չասաց: Նա յոնքերը կիտեց և սկսեց նորից անցուզարձ անել սենեակում մտախոհ մտայլ: Յետոյ յանկարծ կանգ առաւ Շահեանի առաջ

և շատ լուրջ հայեացքով նայեց ուղղակի նրա աչքերին:

—Լսիր, Լեոն: Ես որ ուզում էի գալ քեզ մօտ, այդ բանի համար էի ուզում գալ, որ խօսեմ քեզ հետ: Լսիր, ինչ եմ ասում և պատասխանիր ինձ անկեղծ կերպով: Դու ինձ իրաւունք տալիս ես, որ գնամ Մարութեանների մօտ:

Շահեանն ապշեց:

—Ի՞նչպէս թէ՛ իրաւունք...

—Ներողութիւն, այդ չէի ուզում ասել: Ուզում էի ասել, թէ անախորժ չի՞ լինիլ քեզ համար, որ զբնամ...

—Ի սէր Աստուծոյ, Սուբէն, այդ մասին աւելորդ է խօսելը,—ընդհատեց նրան Շահեանը փոքր ինչ նեղացած:—Եթէ Մարութեանների մօտ գնալը անախորժ լինէր ինձ համար, ես ինքս չէի գալ քեզ մօտ, որ նըրանց խնդիրքը յայտնեմ քեզ: Դու ազատ ես. ինչ ուզում ես և ինչպէս ուզում ես՝ արա: Ես ոչ իրաւունք և ոչ ցանկութիւն ունիմ խառնուելու: Կարող եմ քեզ հաւատացնել, որ ես վճռել եմ բոլորովին հեռու մնալ: Իմ մասին ամենևին մի մտածիր, խնդրեմ:

Բաղէնեանը մի բոլոր տխուր նայեց Շահեանի աչքերին:

—Բայց և այնպէս, դու նեղանում ես, Լեոն:

Շահեանն ուսերը վեր քաշեց և հանգիստ հեռացաւ նրանից:

—Այսօր կամ վաղը ես գնում եմ,—կարճ լուռութիւնից յետոյ, ասաց Բաղէնեանը,—և գուցէ այլևս երբէք չտեսնենք իրար: Ուզում եմ, որ ինչպէս մտերմական անկեղծութեամբ, եղբայրական սիրով մօտեցանք իրար, այնպէս էլ բաժանուենք իրարից: Դրան համար է, որ հարցնում եմ, թէ անախորժ չի՞ լինիլ

քեզ համար, որ գնամ Մարութեանները մօտ: Եթէ գիտենամ...

Շահեանն անհամբերութեամբ մի խիստ շարժում գործեց: Այս անգամ ընկերոջ ամեն մի խօսքը կեղծաւորութիւն և քսութիւն էր թուում նրան:

—Դու դարձեալ ստիպում ես ինձ կրկնելու,—ասաց նա հանդիստ ձայնով, բայց ամեն մի բառը շեշտելով,—որ՝ եթէ Մարութեանները մօտ գնալդ անսխորժ լինէր ինձ համար, ես ինքս իմ ոտով չէի գալ քեզ մօտ, որ նրանց խնդիրքը յայտնեմ քեզ... մանաւանդ որ առանձնապէս խնդրողը... Եւան էր:

—Ա՛խ, այդ բանն ես վերագրում եմ քո չարահանց աղնութեանը, և,—ներքի խնդրում եմ,—քո թոյլ կամքին, Լևոն,—բացականչեց Բաղէնեանը:—Հայր ու աղջիկ քեզ մի յանձնարարութիւն են արել, առանց հասկանալու, թէ որքան ծանր պէտք է լինի քեզ համար այդ յանձնարարութեան կատարումը, և դու քաջութիւն չես ունեցել մերժելու, և կատարել ես, բայց կատարել ես,—միթէ չեմ տեսնում,—սիրտդ սեղմելով... Լևոն, ինձ գրած նամակիդ մէջ խնդրում էիր, որ անկեղծ լինեմ քեզ հետ: Այժմ ես նոյնը պէտք է խնդրեմ քեզ: Աղաչում եմ, ոչինչ մի ծածկիր ինձնից, ինչպէս, տեսնում ես, ինքս ոչինչ չեմ ծածկում քեզնից: Եթէ առանց քաշուելու, անկեղծօրէն ասես ինձ, որ Մարութեանները մօտ գնալս սրտովդ չի լինիլ, հաւատացնում եմ քեզ, մեր եղբայրութիւնը վիշտ, Լևոն, հէնց այսօր, հէնց այս ընդէիս ես կը հեռանամ կը գնամ, ինչքան էլ որ ծանր լինի ինձ համար այն գիտակցութիւնը, թէ Մարութեանները շատ պժգոհ և զարմացած պիտի մնան իմ վարմունքից, որը, ի հարկէ, անհասկանալի կը մնայ նրանց համար: Տեսնում եմ, որ խօսքերը քեզ վրայ բռնութիւն գործ գնելու տարաւորութիւն

են թողնում: Բայց այս էլ ի նկատի ունեցիր, Լևոն, որ այս գործն ինձ համար աւելի մեծ նշանակութիւն ունի, քան թէ քեզ համար: Եթէ ես այսպէս, գրեթէ բռնանալով, թախանձում եմ քեզ, որ անկեղծ լինիս ինձ հետ, այդ անում եմ,—ինչո՞ւ ճիշտը չասեմ,—այդ անում եմ ոչ այնքան նրա համար, որ չեմ ուզում քեզ տհաճութիւն պատճառած լինել, որքան նրա համար, որ... Լսիր, Լևոն, ինչ եմ ասում: Դու, անշուշտ, ուշադրութեան առար այն մի քանի խօսքը, որ աւելացրել է Եւան հօր նամակի տակ: Այդ մի քանի խօսքն ինձ համար մի ամբողջ պատմութիւն է, մի ամբողջ տրագեդիա: Նամակը ստանալուցս յետոյ, գրեթէ մի ամիս, ես խուսափել եմ Մարութեաններից, որպէսզի չտեսնեմ Եւային քեզ յայտնի պատճառով: Բայց այժմ նա ուղղակի ինքն է հրաւիրում ինձ: Ի՞նչ անեմ: Գնամ: Ուզում եմ գնալ, սիրտս ձգտում է գնալ, բայց չպէտք է գնամ, որովհետեւ զգում եմ, որ այս այցը ճակատագրական նշանակութիւն պիտի ունենայ ինձ համար. զգում եմ, որ եթէ մի անգամ էլ տեսնեմ Եւային, կամքս սաստիկ պիտի թուլանայ, և այն ժամանակ ես կորած եմ, կորած այն գործի համար, որին ուխտել եմ ծառայել անձնական ամեն երջանկութիւն մոռացած... Ահա սրան համար եմ ուզում, որ գոնէ դու պատրուակ դառնաս, որպէսզի չտեսնեմ Եւային և հեռանամ, գնամ այստեղից: Փրկիր ինձ այս դաշմակցութիւնից, աղաչում եմ քեզ, Լևոն: Ուղղակի արգելիր ինձ Մարութեանների մօտ գնալ: Արա այս բանը եթէ ոչ նրա համար, որ դու ես սիրում ես Եւային, գէթ ի սէր այն մեծ գործի, որին ես ծառայում եմ... Լսում ես, Լևոն, ինչ եմ խնդրում քեզ:

Եւ Բաղէնեանը նայեց Շահեանին այնպիսի յու-

սահատական աղերսանքով, որ կարծես նրա պատասխանից էր կախուած իր փրկութիւնը:

Սակայն, Շահեանը կանգնած էր շատ սառն և անտարբեր և զարմանում էր, թէ ինչպէս նա չի նկատում, որ ինքը չի հաւատում նրա խօսքերին և նրա վարմունքը համարում է պարզապէս մի գերասանութիւն, որը ոչ մի նպատակ չունի, բացի միայն այն բանից, որ սիրաշահէ իր սիրտն իրենից ստացած հազար ուրբու փոխարէն: Շահեանն առանց այն էլ դարձում էր, երբ մտածում էր, որ այդ գումարը տուել էր Բաղէնեանին այն բանի համար, որ նա Եւային զիջել էր իրեն. իսկ այժմ աւելի ևս դարձեց, տեսնելով, որ Բաղէնեանն էլ ուրիշ նպատակով չէր ընդունել այդ փողը և այժմ սովետութիւններով աշխատում էր ծածկել այդ նպատակը:

—Դու ինքը էլ գիտես, որ... անմիտ բան ես խընդրում ինձնից,—ասաց նա, ուրիշ աւելի մեղմ բառ չը գտնելով «անմիտ» բառի տեղ:—Ի՞նչպէս կարող եմ արդեւել, որ Մարութեանները տուն չգնաս: Ուզում ես՝ դնա, ուզում ես՝ չէ: Իսկ ինձ, խնդրում եմ, ազատ պահիր այս բանից:

Սառն եղանակով արտասանուած այդ հատու խօսքերն, ըստ երևոյթին, անսպասելի էին Բաղէնեանի համար, որովհետեւ նա շատ զարմացաւ:

—Սպասիր, Լեոն: Այդ ի՞նչպէս ես խօսում: Չլինի՞ թէ որեւէ վիրաւորական բան ասացի: Հա՛:

—Վիրաւորական ոչինչ չես ասել ինձ, միայն թէ... ես չեմ հասկանում քեզ,—ասաց Շահեանը, աշխատելով խուսափել Բաղէնեանի սրաթափանց հայեացքից և զգալով, որ պատրաստ է ճշմարտութիւնը նետելու նրա երեսին:

—Այսինքն ի՞նչ չես հասկանում:

—Օրինակ... առաջ իրաւունք էիր խնդրում ինձնից, որ դնաս Մարութեանների մօտ, իսկ հիմա խընդրում ես, որ արդեւեմ... Ես չեմ հասկանում, թէ սրտեղից յանկարծ այդպիսի մի իշխանութիւն ձեռք բերի քեզ համար...

—Ինչ ասացիր... իշխանութիւն,—արագօրէն հարցրեց Բաղէնեանը, կարծես կայծակնահար եղած այն մտքից, որ յանկարծ ծագեց իր գլխում:—Ա՛, ուրեմն այն փողը, որ երէկ գիշեր...

Նա ձեռքը պինդ խփեց ճակատին, մատներով հուպ տուեց քունքերը և, կարծես ներքին մի սուր ցաւի խայթոցից, աչքերը փակեց: Մի բոպէ այդպէս մնալուց յետոյ, ձեռքը յանկարծ հեռացրեց ճակատից, շտապով յետ արեց սիւրտուկի կոճակները, ծոցի դըրպանից հանեց նախորդ գիշերը Շահեանի տուած ծրարը և հաստատուն ձեռքով դրեց նրա առաջ, սեղանի վրայ:

—Որպէսզի չկարծես, թէ այդպիսի մի իշխանութիւն տուել եմ քեզ այս հազար ուրբու փոխարէն, խնդրեմ յետ վերցրու, — ասաց նա Շահեանի համար սպանիչ հանդստութեամբ:

Շահեանը տեղնուտեղը ցամաքեց:

—Սուրէն,—շնչաց նա:

—Չէ, չէ, խնդրում եմ,—եռանդով ընդհատեց նրան Բաղէնեանը և ծրարը քաշեց նրա կողմը:—Ես կատակ անել չեմ սիրում:

—Ախր ես... այդպիսի բան չասացի...

—Ա՛խ, այդ միկնոյն է: Ինձ համար մի բառն էլ, մի ամենաթեթեւ ակնարկն էլ բաւական էր: Իմ մասին ամեն բան կարող ես կարծել. բայց, որ կարծել ես, թէ յիմար եմ, սխալուել ես: Այս փողը, որ տուիր ինձ երէկ գիշեր, վերադարձնում եմ քեզ ամբողջութեամբ:

Ուրիշ հնար չկայ, ուրիշ հնար չեմ տեսնում վարուելու քո կասկածը լսելուց յետոյ...

—Սուրէն, մի՞թէ չես նկատում, որ մորթում ես ինձ քո խօսքերով,—հառաչեց Շահեանը:

—Բայց դու աւելի առաջ մորթեցիր ինձ,—նկատեց Բաղէնեանը անողոք խստութեամբ:—Ինչպէ՞ս, —սկսեց տաքանալ նա:—Ուրեմն ես օգուտ եմ քաղել այն բանից, որ դու անտարբեր չես դէպի Եւան, իսկ Եւան անտարբեր չէ դէպի ինձ: Ուրեմն ես կամեցել եմ շահագործել ձեր երկուսիդ զգացումներն էլ: Ուրեմն, աւելի սարդ ասած, Եւային ես կամեցել եմ ծախել քեզ փողով... Գէթ մի բոլէ, մի վայրկեան մտածել ես, թէ ի՞նչ հրէշաւոր կասկած է այդ... Այս փողը պիտի ուղարկէի այսօր, և ի՞նչ լաւ է, որ դեռ չեմ ուղարկել, թէ չէ՞ խօ կըզփուէի... Եթէ դու այդպիսի մի հրէշաւոր կասկած տարել ես իմ մասին, ուրեմն ի՞նչ դարձացք, որ այն էլ կարծած լինիս, թէ ես քեզ խաբել եմ, թէ ընկերներին սև մատնութեան դո՞ս դնալը հնարել եմ, թէ այս փողը նրանց փրկութեան համար չէ, այլ շորթել եմ քեզնից իմ անձիս համար... Օ՛, ինչպէս հողիս չէր խաբում ինձ, ինչպէս չէր խաբում...:

Եւ Բաղէնեանը նստեց, ըստ երևոյթին, զօրեղապէս յուզուած և գլուխն առաւ ձեռքերի մէջ:

Շահեանը կանգնած էր դռնատու ու կարկամած և նայում էր Բաղէնեանին սարսափով:

—Սուրէն,—թոթովեց նա,—ինչո՞վ կարող եմ համոզել քեզ, որ սխալուում ես...

—Ո՛չ մի բանով,—աղաղակեց Բաղէնեանը և վեր թռաւ տեղից, աչքերը փայլեցնելով: Նա վերցրեց սեղանի վրայ դրուած մի բաժակ, ուժգին թափով զարկեց յատակին և փշրեց:—Միացրու այս կտորտանքը

խնդրեմ, ամբողջացրու այս բաժակը, եթէ կարող ես: Այսպէս փշրեցիր դու իմ սիրտը: Ես քեզ այնքան սիրում, այնպիսի ջերմ փափագով ուզում էի վերադարձնել քեզ քո խնդրած հոգու անդորրութիւնը, որ պատրաստ էի գոհելու իմ ամենալաւ, իմ ամենաքնքոյշ զգացումները. մինչդեռ ի՞նչ արիւր դու ինձ, ի՞նչ բացատրութիւն կամեցար տալ իմ այդ անկաշառ ձգտումին... Եւ այդ բոլորն այս չարաբաստիկ, այս ատելի փողի պատճառով: Յետ վերցրու, յետ վերցրու, խնդրում եմ, այս փողը, և թող այլևս ո՛չ մի խօսք չլինի մեր միջև Եւայի մասին: Ես այժմ գիտեմ, թէ ինչ կանեմ, և կապացուցանեմ քեզ, որ ես, այնուամենայնիւ, գիտեմ կատարել եմ ընկերական պարտքը...

Եւ, որովհետև Շահեանը մօտենալ անգամ չկամեցաւ սեղանի վրայ դրուած փողի ծրարին, Բաղէնեանը վերցրեց այն և զօրով ուղեց դնել նրա ձեռքը: Շահեանը ձեռքերը ետեւ տարաւ և յետույեա քաշուեց: Ծրարը ընկաւ յատակի վրայ:

—Վերցրու, թէ չէ՞ վառարանը կըզցեմ,—սպառնաց Բաղէնեանը:

—Գցիր, բայց չեմ վերցնիլ:

—Որպէսզի ինձ միանգամայն ստորացրած լինիս,—հարցրեց Բաղէնեանը չարագուշակ հանգստութեամբ, նայելով նրան յոնքերի տակից:

—Ոչ, որպէս զի արագուցանեմ, որ դու... անարդար ես,—եռանդով վրայ բերեց Շահեանը:

Բաղէնեանն այլևս ոչինչ չասաց, նոյն չարագուշակ հանգստութեամբ կուցաւ, վերցրեց փողի ծրարը և վճռական քայլերով դիմեց դէպի վառարանը, որի մէջ ճրթճրթում էր կըրակը:

Նոյն միջոցին Շահեանն առաւ գլխարկը և դուրս փախաւ սենեակից:

նալի վախկոտութեամբ ուղում էր չճանաչել այդ նոր զգացումը, կարծես այդ մի յանցանք լինէր, — այնուամենայնիւ, միւս կողմից, երջանիկ ինքնամոռացութեամբ, գողունի քաղցրութեամբ շոյում, վաշխալում էր իր հոգու խորքում այդ նոր զգացումը, կարծես անգին մի գիւտ լինէր այդ, որի կորուստն անտանելի վիշտ պիտի պատճառէր իրեն:

Եւ այդ վիշտը, աւելի՛ քան կարծում էր, զգաց նա, երբ Շահեանից անսպասելի կերպով տեղեկացաւ, որ Բաղէնեանը շուտով մեկնելու է: Գրեթէ մի ամիս էր, որ չէր տեսել Բաղէնեանին, և այդ բանը առանց այն էլ մեծ կարօտ էր յարուցել նրա մէջ. իսկ այժմ նրան թուաց, թէ այլ ևս երբէք տեսնելու չէ իր սիրած երիտասարդին:

Այդ գիշեր քնել չկարողացաւ և իսկապէս այդ օրուանից զգաց, թէ որ աստիճան գերել է Բաղէնեանն իր սիրտը: Հետևեալ առաւօտեան չկարողացաւ զսպել իրեն և հօր կողմից Բաղէնեանին զրուած հրաւիրատուութի տակ աւելացրեց այն մի քանի խօսքը, որ կարգաց Շահեանը Բաղէնեանի մօտ գնացած ժամանակ: Բայց որքան մեծ եղաւ նրա յուսահատութիւնը, երբ այդ օրը ոչ Բաղէնեանն եկաւ և ոչ որևէ պատասխան ստացուեց նրանից: Սակայն, ճաշին տուն եկած ժամանակ հայրը լուր բերեց, թէ փողոցում հանգիւյել է Բաղէնեանին: Բաղէնեանը շատ ներողութիւն է խնդրել, ասել է, որ մի շաբաթ դարձեալ Թիֆլիսումն է, որ չափազանց զբաղուած է և անպատճառ կայցելի, հէնց որ աղատ ժամանակ գտնի:

Այնուհետև անցաւ դարձեալ մի երկու օր Եւայի համար անտանելի սպասողական զրութեան մէջ:

Բաղէնեանն այցելեց չորրորդ օրը, կէսօրից առաջ: Մարութեան ամուսինները տանը չէին: Փոքրիկ Սուրէնը մանկապարտէզումն էր: Եւան մնացել էր մենակ և փակուած էր իր սենեակում: Այդ ժամին նա ամե-

նեին չէր սպասում Բաղէնեանին, այնպէս որ, երբ աղախինը մտաւ և յայտնեց հիւրի գալուստը, նա գունատուեց և սրտի յանկարծական ուժգին բարախումից քիչ մնաց ուշազնաց լինէր:

Անցաւ բաւական երկար ժամանակ, մինչև որ կարողացաւ տիրապետել իրեն: Նա վճռեց բոլորովին հանգիստ պահել իրեն և նախապէս զգաց, որ անկարող է: Մինչև այժմ նրա բոլոր ցանկութիւնն այն էր, որ պէթ մի անգամ էլ տեսնի Բաղէնեանին, խօսի նրա հետ. այժմ գիտէր, որ այնտեղ, հիւրասենեակում, սպասում է իրեն իր ցանկալի երիտասարդը. սակայն ոչ մի ժամանակ այնպիսի անվստահութիւն, այնպիսի վախկոտութիւն չէր զգացել, ինչպէս այժմ, երբ արդէն իր ցանկութիւնը կատարուած տեսնելու համար մնում էր, որ մտնի հիւրասենեակ: Համ ուղում էր մտնել, համ չէ: Չգում էր, որ թէ վախնում և թէ ամաչում է Բաղէնեանից: Թւում էր նրան, թէ Բաղէնեանն արդէն ամեն բան գիտէ կամ իրեն տեսնելուն պէս ամեն բան պիտի հասկանայ, և այդ կտակածը կաշկանդում էր նրան: Նա փափագեց, որ հայրը կամ մայրը տանը լինէին, որ ինքը մենակ չմնար Բաղէնեանի հետ: Նրան թւում էր, թէ այնտեղ, հիւրասենեակում, սպասողն իր ծանօթ Բաղէնեանը չէ, այն Բաղէնեանը, որի հետ խօսել, վիճաբանել, ուրիշ իսկ կատակներ է արել, այլ — միանգամայն անծանօթ մի մարդ, ահարկու մի իշխանաւոր, որի մի հատիկ խօսքից է կախուած իր բաղրը, իր ապագան, իր ամբողջ կեանքը:

Նա ձեռքերով կամաց շփեց գէմքը, մազերը շտակեց, կամաց, կարծես չկամենալով, վերկացաւ և դուրս գնաց, զգալով, որ սիրտը նորից սկսել է բարախել արաբօրէն:

XVIII

Հիւրասեակում Բաղէնեանը կանգնած էր լուսամուտի առաջ և մտազբաղ հայեացքով նայում էր դէպի դուրս: Վնասուած ձեռքը տրազիքական հանգստութեամբ հանդչում էր վզովը կախ արած սև շորի մէջ: Դռան բացուելու վրայ, կարծես, յանկարծ սթափուեց իր մըտախոհութիւնից և, արագ շուռ գալով, առաջ շտապեց դէպի Եւան:

Եւան կանգ առաւ և ձեռքը լուռ մեկնեց նրան:

Բաղէնեանը սեղմեց ձախ ձեռքով:

—Մէխ, ինչ անյարմար է այսպէս,—կամաց արտասանեց Եւան և թոյլ կերպով ժպտաց.—ես աջ, դուք ձախ...

Բաղէնեանը ոչինչ չասաց և գլուխը, յայտնի չէ ինչու, թեթեւ խոնարհեց: Լըջութիւնը չէր հեռանում նրա դէմքից:

Եւայի անձկալի հայեացքն անվստահօրէն թռաւ նրա կարճ խուզած սևաթոյր մազերի վրայով:

—Ներեցէք, գուցէ ձեզ երկար սպասեցնել տուի,—ասաց նա:—Բայց ես փոքր ինչ տկար եմ...

—Այդ ես տեսնում եմ,—կամաց արտասանեց Բաղէնեանը, տխուր-մտախոհ հայեացքով նայելով նրա դժգոյն և բաւական նիհարած դէմքին:—Եւ, ներեցէք, գուցէ ես անյարմար ժամանակ եմ եկել,—աւելացրեց նա:

—Ո՛չ, ո՛չ: Ընդհակառակը: Խնդրեմ նստեցէք: Այսօր բոլորովին մենակ եմ մնացել տանը: Լաւ է, որ եկել էք: Փոքր ինչ կըխօսենք,—իւր համար անսպասելի ազատութեամբ շարեց իրար ետևից Եւան և նստեց բազկաթոռի վրայ:

Բաղէնեանը նոյնպէս նստեց, բայց նրանից բաւական հեռու: Նրա բոլոր շարժումները մէջ տարօրինակ զգաստութիւն և լըջութիւն էր նկատուում:

—Քանի՛ օր է, մենք ձեզ սպասում էինք: Ինչո՞ւ չէիք գալիս,—հարցրեց Եւան:

—Անցեալ օր պատճառը յայտնեցի ձեր հօրը: Երկու ընկերներիս պատահած դժբաղդութիւնն ինձ միանգամայն խառնել էր: Բանն այն է, որ ես էլ վտանգից ազատ չէի... Բայց այժմ, փոքր Աստուծոյ, վըտանդն անցած կարելի է համարել:

Եւան ուզում էր հարցնել թէ այդ ինչ վտանգ էր, բայց զարմանքով տեսնում էր, որ այլ ևս չի տիրապետում իրեն այնպէս ազատ, ինչպէս պարահանդէսի գիշերը ժողովարանի սրահում Բաղէնեանի հետ խօսելիս: Նրան շփոթում էր Բաղէնեանի աչքերի մէջ նըկատուող տխուր մտախոհութիւնը և այն զգաստ-հանդարտ եղանակը, որով խօսում էր նա: Եւայի ուշադրութիւնից չէր վրիպել և այն հանգամանքը, որ Բաղէնեանը նստել էր բաւական հեռու:

—Դուք ուզում էիք նամակ տալ ինձ ձեր եղբորը տանելու,—ասաց Բաղէնեանը:—Այժմ եկել եմ դրա համար, որովհետև այս օրերս գնալու եմ:

—Գնալի՞ս էք,—մեքենայաբար հարցրեց Եւան:

—Ինձ հրամայուած է ճանապարհուել վաղը: Բայց եթէ վաղը չկարողացայ,—մի գործ կայ, որ դեռ չեմ վերջացրել,—միևս օրն անպատճառ կըճանապարհուեմ: Նամակը պատրաստ է:

—Նամակ... Նամակ...—արտասանեց Եւան, զգալով, որ մտքերը խառնուում են գլխում, որ ինքն այդ միջոցին ամենևին չի հետաքրքրուում նամակով, որ ինքըն ուրիշ բան ունի ասելու, որ այդ բանն անագին կարևորութիւն ունի իր համար: Նա գիտէր, թէ ինչ

բան էր այդ, բայց չզիտէր, թէ ինչպէս պիտի արտա-
յայտէր: Բազէնեանի տարօրինակ լըջութիւնն ու վճա-
կանութիւնը պարզապէս շիրթիկ էին նրան: Նրա սիր-
տը պատառուում էր, որ Բազէնեանն իր հեռանալու մա-
սին խօսում էր այնքան անսիրտ կերպով: Նրան թւում
էր, թէ Բազէնեանը, իր առաջ նստած, հետզհետէ հե-
ռանում, անմատչելի է դառնում իրեն և շրջապատում
է ինչ որ վեհ, ինչ որ խորհրդաւոր մշուշով, որի մէջ
յանկարծ պիտի չքանայ անհետ, իր տեղ թողնելով իր
սիրելի, իր անձկալի և անշօշափելի ուրուականը մի-
այն...

Եւան յուսահատական մի շարժում գործեց և ձեռ-
քերով սկսեց շփել ծնկները ջղածաբար:—Սպասեցէք,
—ասաց նա, աշխատելով բռնի տիրապետել իրեն:—Մի-
թէ դուք այլ ևս չէք հանդիպելու մեզ:

—Հազիւ թէ կարողանամ, օրիորդ:

—Ուրեմն... Ուրեմն այս մեր վերջին տեսակցու-
թիւնն է:

—Ես կարծում եմ:

Եւան այլևս չհասկացաւ, թէ ինչ է պատահում
իրեն: Նրա գլուխը կարծես պտտւում էր տենդով բըռ-
նուածի պէս: Մի բան ալեկոծում էր նրա ներսն ուժ-
գնօրէն և, կարծես, ուզում էր յանկարծ դուրս ժայթ-
քել: Սաստիկ անհանգիստ, վեր կացաւ, նստեց մի ու-
րիշ աթոռի վրայ, մէջքը լուսամուտի կողմն անելով, և
սկսեց աջ ձեռքով պինդ շփել ծնկան վրայ դրած ձախ
ձեռքի երեսը: Նրա դէմքն այժմ գանուում էր ետեւից
ներս թափանցող լոյսի հակառակ կողմը, կիսախաւարի
մէջ: Մաղերը սանրած էր դէպի վեր և հաւաքած գա-
զաթի վրայ, որից արտաքուստ աւելի հասակաւոր կնոջ
էր նմանում, քան նորատի մի աղջկայ: Հրաշալի ան-
բիծ սպիտակութեամբ փայլում էր նրա երկայն վիզը:

որ լիքը նստուածքով բարձրանում էր մոխրագոյն հա-
զուստի օձիքի միջից և այնտեղ, ուր մտնում էր մա-
զերի մէջ, թուխ թաւշի գոյն ունէր:

—Իսկ այնտեղից... Երբ էք վերադառնալու,—
հարցրեց նա, ահագին ջանք գործ դնելով, որ խօսքի
թելը չկորցնի:

Բազէնեանը ժպտաց:

—Դեռ ևս հարց է, օրիորդ, թէ այլևս կը վերա-
դառնամ արդեօք,—ասաց նա մեղամաղձօրէն:

—Ի՞նչպէս...

—Կրակի մէջ նետուողը կարող է ասել, թէ դուրս
կըզայ այնտեղից ողջ և անվնաս...

Եւան ցնցուեց, և նրա հայեացքը քարացաւ Բա-
զէնեանի տխրօրէն ժպտող աչքերի մէջ:

—Սպասեցէք... Ես ձեզ հասկանում եմ... Ու-
րեմն...

—Ուրեմն էլ ի՞նչ: Նա, ով իր անձը նուիրում է
այսպիսի մի գործի, չի կարող երաշխաւորել իր վա-
ղուայ կեանքի համար,—վրայ բերեց Բազէնեանը շատ
անսիրտ կերպով, յետոյ յանկարծ վեր կացաւ և ջղուտ
քայլերով սկսեց անցուդարձ անել փափուկ գորգի վրայ:
—Բայց մի բան ինձ սաստիկ զայրացնում է,—ասաց
նա իրենից դժգոհ մարդու եղանակով:—Վերջին օրերս
զարմանալի մեղամաղձութիւն է տիրել ինձ, հակառակ
կամքիս: Ես նախապաշարուեմներ չեմ ճանաչում և ա-
ռաւել ևս հեռու եմ միտախկանութիւնից: Բայց, չը-
զիտեմ ինչու, վերջին օրերս, կարծես, համ նախապա-
շարուած եմ դարձել, համ միտախկ: Աջ աչքս շարունակ
խաղում է. ասում են դա մահուան նշան է... Երէկ էլ
մի երազ տեսայ. ինչ-որ սև ու տձև ողբներ, ագուա-
ների նման, իջել էին մի մարդու գլխի վրայ և չզի-
տես՝ յօշոտում էին, թէ զմոսում... Իսկ նրանց զլխին,

վերևում, օդի մէջ սաւառնում էին, միշտ միևնոյն շքեղանակի մէջ պտտուելով, ուրիշ ոգիներ փոքրիկ ձիւնափայլ թևերով և երգում էին զարմանալի ներդաշնակ մի երգ, որից ես յիշում եմ այս խօսքերը միայն. «Արիւնը կարմիր, արիւնը կարմիր միշտ սրբանում է, երբ թափւում է»:

Բաղէնեանը նայեց Եւային և կամաց ծիծաղեց:

Եւան նայում էր Բաղէնեանին, և նրա հայեացքըն անմիտ սարսափ էր արտայայտում:

—Սրանք, ի հարկէ, գրգռուած երևակայութեան արդիւնք են, — շարունակեց Բաղէնեանը: — Բայց զարմանալին այս է, որ մարդ որքան աշխատում է չհաւատալ այսպիսի յիմար բաների, այնքան աւելի կաշկանդուում է դրանց ազդեցութեան տակ: Առաջ ես ամենևին չէի մտածում, թէ պիտի մեռնեմ. բայց այժմ ինչ որ նախազգուշացում, կարծես, շարունակ փոփոսում է ականջիս, որ իմ մահը շատ շուտ պիտի լինի... է՛հ, ի՞նչ անենք, — կարճ մտախոհ լուսթիւնից յետոյ աւելացրեց նա անփութօրէն և տխուր ժպիտով նայեց Եւային: — Ոչ հայր ունիմ, ոչ մայր, ոչ եղբայր, ոչ քոյր — ոչոք չունիմ, որ դարդ անի ինձ համար...

— Եւան զգաց, որ մի բան յանկարծ վեր նետուեց սրտից դէպի կոկորդը և սկսեց խեղդել: Անհուն ցանկութիւն զգաց վեր թռչելու տեղից, ուղղակի փարելու Բաղէնեանի վզին և աղաղակելու. «Անաստուած, մի՞թէ չես զգում, որ ես քո քոյրն եմ, աւելի՛ քան քոյրը... և չեմ թողնիլ, որ մեռնես...»: Բայց նա միայն մատնելով ցնցողաբար սեղմեց աթոռի ծայրերը, կարծես աշխատելով պահել իրեն, որ այդպիսի խելացնոր բան չանի:

— Վերջին ժամանակս յանկարծ ինձ շրջապատուած եմ տեսնում այնպիսի անակնկալ և ծանր հանգա-

մանքներով, որ մահը պարզապէս ցանկալի է դարձել ինձ համար, — նորից խօսեց Բաղէնեանը մեղամաղձօրէն, շարունակելով անցուդարձ անել սենեակում, Եւայի առաջ: — Բայց մարդը զարմանալի եսասիրական մի զգացում ունի. ուզում է իր հոտից թողնել գէթ մէկը, գէթ մի մերձաւոր, մի սրտակից, որին իր մահով վիշտ լինի պատճառած: Եթէ ես ունենայի այդպիսի մէկը, որ արտասուքի գէթ մի քանի կաթիլ թափէր գերեզմանիս վրայ...

Բաղէնեանը լռեց, անցաւ դէպի լուսամուտներից մէկը և ճակատը սեղմեց ապակուն:

Եւան զգում էր, որ եթէ նա դարձեալ այդպիսի մի քանի խօսք արտասանի, այլևս չի կարող զսպել իրեն և անպատճառ կանխի այն խելացնոր բանը, որը չանելու համար այնպէս պինդ պահում էր իրեն աթոռի վրայ, մատները մէջ ցնցողաբար սեղմելով աթոռի ծայրերը: Նա վախնում էր շարժուել տեղից և նայել հասկը, ուր կանգնած էր Բաղէնեանը: Նրան թւում էր, թէ այնտեղից, դարան մտած, կամաց-կամաց մօտենում է իրեն անարկու մի բան, որ յանկարծ վրայ պիտի ընկնի և պիտի խլի, փախցնի իրեն փոթորկի պէս ուժգնօրէն...

— Աշխարհիս երեսին երկու բան կայ հզօր և ամենակարող — սէրը և մահը, — հնչեց Եւայի ականջին Բաղէնեանի ձայնը հոտից այնքան հանգիստ և տխրագին, որ կարծես գերեզմանից էր հնչում: — Մի ամբողջ ամիս չէի զալիս ձեր տուն... և այսօր էլ չէի գալ, եթէ... դուք չստիպէիք... և եթէ չհամոզուէի վերջի վերջոյ, որ սիրոյ դէմ մաքառելը նոյնքան անկարելի է, որքան և մահի դէմ: Այժմ, որ եկել եմ, այլ ևս չեմ կարող զսպել ինձ և պիտի ասեմ, որ... սիրում եմ ձեզ...

Եւան մէկ վերկացաւ, բայց նորից նստեց, կար-

ծես ոյժ չունենալով ոտի վրայ կանգնած մնալու: Նրա ամբողջ մարմինը թրթռաց հրաշալի, խելագարեցնելու չափ հրաշալի մի ցնցումով: Ծունչն իրեն քաշելով, նա տեղնուտեղը մարեց. կարծես մի հրաշալի երազ էր այն, որ իր ամենափոքր շարժումից անդամ կարող էր չքանալ:

Բազէնեանը կամաց դարձաւ Եւայի կողմը, մի րոպէ ինչ-որ օտարոտի հայեացքով նայեց պերճ վզին, յետոյ մի քանի քայլ արաւ դէպի նա, բայց յանկարծ ճանապարհը ծակեց և անցաւ դռան կողմը:

—Ներեցէք, ես... ես գնում եմ,—ասաց նա:

Եւան վերթուաւ տեղից և ձեռքերը տարածեց դէպի նա:

—Կացէք...

Բազէնեանն արագ յետ դարձաւ:

Եւայի ձեռքերն ու զլուխն ընկան նրա ուսերի վրայ: Ահա, վերջապէս, այն անարկու բանը, որ եկաւ և յափշտակեց նրան փոթորկի ուժգնութեամբ... Յանկարծ նա ցնցուեց և դուրս խլուեց Բազէնեանի գրկից: Կարծես տենդի մէջ, առաւ Բազէնեանի ձեռքը և գէմքն այնքան մօտեցրեց նրա գէմքին, որ նա զգում էր Եւայի տաք շնչառութիւնը:

—Դու չես մեռնիլ,—շնչաց Եւան, խխտ արագ շնչելով:

Բազէնեանը փորձեց նորից գրկել նրան, բայց նա թոյլ չտուեց:

—Դու չես մեռնիլ... Ասա՛ չէ:

—Կըմեռնեմ երջանկութիւնից...

—Չեմ ուզում... Ասա՛ չէ:

—Չէ:

—Ինչ էլ կըտանես հետդ...

—Եւա...

—Ասա՛ այո՛:

—Այո:

Եւան շուռ եկաւ, մէջքով կպաւ Բազէնեանի կրծքին և վիզը ձգեց նրա ուսի վրայ: Անհուն երջանկութեան հրաշալի մի ժպիտ հալում էր նրա կիսաբաց շրթունքների վրայ և կիսախուսի աչքերի մէջ, որոնք նայում էին Բազէնեանի աչքերին:

Բազէնեանը ելեքտրականացել էր: Նա ինքն էլ չիմացաւ, թէ ինչպէս ետեից գրկեց Եւայի իրանն և, գըլուխը կամաց-կամաց առաջ տանելով, շրթունքները պինդ սեղմեց նրա ծնօտի տակ...

...Յանկարծ Եւան ձգաց և դուրս պրծաւ նրա գըրկից այնպիսի սաստկութեամբ, որ Բազէնեանը մի երկու քայլ յետ մղուեց: Նա կանգ առաւ դողալով և նայեց Բազէնեանի աչքերին չուած աչքերով: Եւ նկատեց այնտեղ ինչ-որ անծանօթ, ինչ-որ սարսափելի մի բան, որ կարծես խել էր նրանից այն ամենը, ինչ որ մարդկային է... Եւային թուաց, թէ իր աչքերի առաջ մի րոպէի մէջ հրաշք կատարուեց, անաւոր մի հրաշք, որով կրթուած մարդը յանկարծ իջել էր մինչև վայրենու սատիճանը, որով բանական արարածը դադան էր դարձել... Բնազդական սոսկումով նա յետ ու յետ դընաց անգիտակցաբար և քիչ մնաց, որ նորից ձգայ, որովհետև նրան թուաց, թէ այդ գաղանն ուղում է յարձակուել իր վրայ և, եթէ յարձակուի, այլևս փրկութիւն չկայ...

Նա շուռ եկաւ և խելագարի պէս դուրս վազեց սենեակից:

Բազէնեանն ուշքի եկաւ և վախեցած նայեց չորս կողմը. կարծես մէկը դարան լինէր մտած սենեակում և, յանկարծ դուրս պրծնելով, պիտի յարձակուէր իր վրայ: Յետոյ հանգստութեամբ ուղղեց փողկապը և դի-

մեց դէպի դուրս: «Շտապեցի... շատ շտապեցի...» մը-
տածում էր նա մեքենայաբար, նախասենեակում վե-
րարկուն և կրկնակօշիկները հագնելիս:

Դուրսը, փողոցում, հէնց դուռն մօտ հանդիպեց
Թեկլէն, որը տուն էր գալիս:

— Ա՛խ, դուք եկել էք, վերջապէս, — բացականչեց
նա ուրախացած:

— Եւ դնում եմ, տիկին, — վրայ բերեց Բագէնեա՛-
նը ժպտալով:

— Գնում էք... ի՞նչ էք ասում:

— Օրիորդը տկար է, չուզեցի անհանգստացնել և,
բացի գրանից, ժամը երկուսին անպատճառ պէտք է
լինիմ մի տեղ, իսկ այժմ (Բագէնեանը նայեց ժամա-
ցոյցին) երկուսից քառորդ պակաս է:

— Դէ, ներս եկէք, լաւ: Ամուսինս էլ շուտով կը՛-
գայ: Ճաշին կըմնաք մեղ մօտ:

— Հաւատացնում եմ, տիկին, չեմ կարող: Այժմ
չեմ կարող ոչ մի պայմանով: Կաշխատեմ գալ երկու՛-
յեան, իսկ եթէ երեկոյեան չկարողացայ գալ, կը գամ
վաղն անպատճառ: Մի քանի օր դարձեալ այստեղ եմ:

Թեկլէն թախանձեց, որ անպատճառ գայ, ասաց
որ իրենց որդուն տանելիք նամակն ահագին կարեո՛-
րութիւն ունի իրենց համար, և մեծ անհանգստու-
թեամբ սկսեց գանգատուել, որ երկար ժամանակ է՛նը՛-
րանից ոչ մի տեղեկութիւն չունին:

Բագէնեանը նորից խոստացաւ, որ անպատճառ
կըգայ և, բաժանուելով տիկին Մարութեանից, շտապով
հեռացաւ: «Շտապեցի... շատ շտապեցի» — շարունակ
կրկնում էր նա մտքումը Եւայի հետ ունեցած իր վա՛ր՛-
մունքի մասին:

XIX

Թեկլէն աղջկան գտաւ իր սենեակում չափազանց
տարօրինակ դրութեան մէջ: Եւան նստած էր աթոռի
վրայ և, կարծես, սառել էր նստած տեղը: Դէմքը սպի-
տակել էր քաթանի պէս: Չուս աչքերի մէջ դեռ ևս
նկատելի էին սարսափի հետքերը: Կուրծքը նկատելի
կերպով բարձրանում ու ցածրանում էր, կարծես վա-
զել էր երկար տեղ ու այժմ հազիւ էր շունչը յետ բե-
րում: Դուռն բացումը երկիւղի զօրեղ ցնցում պատճա-
ռեց նրան:

— Ե՛ւա, ի՞նչ է պատահել քեզ, — կանչեց մայրը
վախեցած:

Եւան իր չուս աչքերով նայեց մօրը, մի բոսկե
ոչինչ չկարողացաւ արտասանել, յետոյ շատ հանդիստ
ձայնով պատասխանեց:

— Մի վախենար, մայրիկ, ոչինչ չկայ. յանկարծ
վատ դառայ:

Նրա խաղաղ ձայնը բաւական հանգստացրեց մօ-
րը: Մայրը նկատեց սակայն, որ նրան առանց լուրջ
բժշկութեան թողնել անկարելի է, որ այդ բոլորը կառ-
քի կատաղած ձիերից վախեցած լինելու հետեանքն է
և, վերջիվերջոյ, ստիպեց աղջկան, որ պառկի: Եւան
անխօս հնազանդուեց մօրը և պառկեց: Նա ուզում էր,
որ մայրը շուտով հանգիստ թողնի իրեն, որպէս զի կա-
րողանայ կարգի գնել իր մտքերն ու զգացումները, ո-
րոնք մի կատարեալ քաօս էին կազմում նրա մէջ:

Բայց և այնպէս, մօր դուրս գնալուց յետոյ էլ,
Եւան երկար, շատ երկար ժամանակ չէր կարողանում
կատարելապէս ուշքը գլուխը ժողովել: Այնտեղ, հիւրա-
սենեակում կատարուած իրողութիւնն իր վերջաբանով

հիմն ի վեր ցնցել էր նրա հոգեկան աշխարհը: Այդ բոլորն այնքան անսպասելի էր նրա համար, նրա մտքից այնքան հեռու էր Բաղէնեանի հետ ունեցած խօսակցութեան վերջաբանը, որ նա կասկածում էր, թէ չլինի րոպեով երազի պէս մի բան էր միայն, այլ ոչ կատարուած իրողութիւն: Այդ կասկածն այնքան աւելի բնական էր թուում նրան, որքան երազ համարած իրողութիւնը, անսպասելի լինելով հանդերձ, կատարուել էր արագ, գրեթէ վայրկենաբար: Մինչև այժմ էլ նա, կարծես, զգում էր Բաղէնեանի ծանր, սարսափ ազդող տաք շնչառութիւնն իր ծնօտի տակ... Նա ձեռքը քսեց ծնօտի տակ և նոր զգաց, որ ցաւում է այդտեղ: Վեր կացաւ, նայեց հայելու մէջ և տեսաւ, որ ծնօտի տակ Բաղէնեանի շրթունքները կպած տեղը կարմրել է և նոյն իսկ ատամները հետքեր է կրում: Սակայն, Եւայի վրայ ամենից աւելի սարսափ էին բերել Բաղէնեանի աչքերը, առաջուայ այն գեղեցիկ, մտախոհ, թախծալի աչքերը... Եւային թուաց, որ երբ շները կատարում են, նրանց աչքերն էլ այդպէս են փոխուում...

Սիրոյ, մանաւանդ իր սիրոյ մասին Եւան չարիքի գուրս վեհ և անպայման մարդուր գաղափար ունէր, որ պէսզի կարողանար հաշտուել Բաղէնեանի աչքերի մէջ նկատած փոփոխութեան հետ, — մի փոփոխութիւն, որ ամեն անգամ մտապահեցնելիս բնազդական գող էր զգում մարմնի մէջ... Եթէ նա սիրել էր Բաղէնեանին, եթէ իր անարատ սիրտը նուիրել էր նրան, դրա պատճառն այն էր միայն, որ Բաղէնեանի մէջ մտից և տրիւնից կազմուած մարդ չէր տեսել, այլ գերբնական մի արարած, մի իդէալ, որի մէջ տեղ չպիտի ունենար ակտաբանական մարդը... Եւան նոր էր մտածում, որ այդ թերևս շատ անհեթեթ մի պահանջ էր իր կողմից՝ թերևս այդպիսի մարդ չկայ աշխարհիս երեսին, որով

հետև չի կարող լինել, որովհետև մարդը, ինչքան էլ որ այս կամ այն կերպ իդէալ ներկայանայ, էլինոյն մտից ու արիւնից կազմուած մարդն է, — բայց սիրոյ սրբագործող աշխարհում, որ նոյնքան անխմանալի է, որքան և աստուածային էութիւնը, մարդու մէջ, Եւայի կարծիքով, իսպառ պիտի ոչնչանար անասնականը և շնայինը, կամ գոնէ այդ անասնականն ու շնայինը պիտի ստանար աստուածային պատկերը կրող արարածին վայել ամենաբարձր, խելացի արտայայտումն: Իր միամիտ անմեղութեամբ Եւան հաւատում էր սիրոյ սրբագործող այդ զօրութեանը, և որքան մեծ էր այդ հաւատը, այնքան սարսափելի — հիասթափութիւնը: Նա տեսաւ, որ ժամանակակից քաղաքակիրթ մարդը սիրոյ, թերևս աւելի քան ուրիշ բանի, մէջնոյն է, ինչ որ նախատիպ մարդն իր ամենակոպիտ բնազդով... Եւան փշաքաղում էր, արիւնը սառում էր նրա երակների մէջ, երբ մտածում էր, թէ որքան զգուշիկ և սուկալի էր այդ նախատիպ մարդը: Նա աւելի շուտ կը համաձայնէր մեռնել, քան թոյլ տալ, որ այդ գաղափարացած մարդը վիրաւորէր ու անարգէր այն սրբութիւնը, որ կրում ու փայտալուծ էր իր սրտի մէջ սիրոյ անուշով...

Սակայն, դրանք ծանր տպաւորութեան առաջին ծանր բուլէններն էին, — բուլէններ, երբ նրա ուղեղը գործում էր զբոլուած ջղերի ազդեցութեան տակ, գործում էր ուժգնապէս լարուած մեքենայի նման և միշտ միևնոյն ուղղութեամբ: Այնուհետև, երբ նա կամաց-կամաց հանգստացաւ և սկսեց մտածել սառն ուղեղով, տեսաւ, որ իր վարմունքն իսկապէս շատ օտարոտի, շատ գարնամաւի էր: Բաղէնեանը իր սիրելին էր, իր անձկալին. ամբողջ օրերով միմիայն նրա մասին էր մտածում, միմիայն նրան էր ցանկանում. նոյն իսկ պատրաստ

էր թողնել ծնողներին, թողնել տունը, ամենքին և ամեն բան և գնալ նրա հետ՝ ուր որ կըտանէր,—և այդ բոլորից յետոյ յանկարծ...

Եւան զէմբը ծածկեց ձեռքերով. կարծես մէկը ներկայ լինէր, որ կարող էր տեսնել իր ամօթը...

XX

Բաղէնեանը, հակառակ թեկլէին արած իր խոստման, չեկաւ ոչ այդ օրն երկիրյեան և ոչ հետեւեալ օրը՝ Այնուհետեւ անցաւ դարձեալ երկու օր, և նա դարձեալ չերևաց: Այդ բանը շատ տարօրինակ էր թւում Մարութեան ամուսիններին: Ուրիշ պատճառ չգտնելով իրենց բարեկամի այդ վարմունքը բացատրող, նրանց մտում էր ընդունել, որ Բաղէնեանն իսկապէս ժամանակ չի գտնում իրենց այցելելու:

—Կամ, գուցէ, արդէն գնացել է,—հարցրեց Մարութեանն աղջկան:—Անցեալ օր որ եկաւ, ի՞նչ ասաց, երբ էր գնալու:

—Ասաց, որ եթէ հետեւեալ օրը չէ, երրորդ օրն անպատճառ պէտք է ճանապարհ ընկնէր,—պատասխանեց Եւան բոլորովին հանգիստ կերպով:

—Իսկ ինձ ասաց, թէ մի քանի օր դարձեալ մնալու է այստեղ,—ասաց թեկլէն:

—Սպասիր: Երրորդ օրն երէկ էր, ուրեմն արդէն գնացել է,—բացականչեց Մարութեանը:—Այս բանից եւ ոչինչ չեմ հասկանում, ճշմարիտ: Ուրիշ ոչինչ չլինի, գոնէ մեր խոստացած փողը պէտք է ընդունէր. դրա համար էլ չեկաւ: Ասենք, այդ կողմից եւ անքաղաքավարի եղայ. պէտք է փողն անմիջապէս ուղարկէի իրեն: Բայց ախր... Ձէ, անկարելի է. դեռ գնացած չի լինիլ: Պէտք է ինքս անձամբ գնամ նրա մօտ: Նամակն,

երկու օր է, մտում է զբալանուժ: Փողն էլ ինքս անձամբ կըտանեմ կըտամ:

—Ա՛խ, նամակը,—արտասանեց թեկլէն յուսահատօրէն:—Երանի գոնէ այդ նամակը հասնի Արմենակիս, և մի պատասխան ստանանք նրանից...

—Ես իսկոյն գնում եմ Բաղէնեանի մօտ,—ասաց Մարութեանը, վճռապէս վերկենալով տեղից:—Եւա, ուզում ես, դու էլ արի:

—Ոչ, ես չեմ գալ:

—Ձբօսնելով կըդնանք, ի՞նչ կայ որ:

—Ձէ, հայրիկ, չեմ կարող:

—Դէ, գնա, էլի—ասաց մայրն աղջկան:—Մի քիչ պարզ օդ կըծծես: Քանի՛ օր է, տանից դուրս չես գընացել:

—Ի՞նչ անենք որ:

—Ա՛յն անես, որ տես ինչ ես դարձել,—դայրացած վրայ բերեց թեկլէն:—Ձեմ հասկանում, այս վերջին օրերն ինչ է պատահել քեզ: Մէկ նայիր հայելում, տես ինչ ես դարձել: Եղբօրդ հոգսը բաւական չէ, մի հոգս էլ դու դարձիր գլխիս:

Եւան ոչինչ չպատասխանեց մօր այդ յանդիմանական խօսքերին:

Այն հանգամանքը, որ Բաղէնեանը, վերջին տեսակցութիւնից յետոյ, խոստացել էր գալ և չէր գալիս և, գուցէ, արդէն հեռացել էր թիֆլիսից, սաստիկ մըտատանջում էր Եւային: Նրա մէջ բոլորովին չքացել էր այն սարսափը, որ ազդել էր նրան Բաղէնեանի աչքերի մէջ նկատած փոփոխութիւնը. կարծես մի ծանր երազ լինէր այդ, որի ազդեցութիւնն անցել էր ժամանակի հետ: Այժմ Բաղէնեանը ներկայանում էր նրան դարձեալ առաջուայ նման իր անդիմադրելի գրաւչութեամբ. այժմ այդ երիտասարդն աւելի ևս անձկալի էր թերևս

այն պատճառով, որ Եւան յոյս չունէր, թէ երբեքէ
 այլևս պիտի տեսնի նրան: Եւ այդ բանում Եւան մեղք
 լիովին իր վրայ էր առնում. իր անփորձութեան մէջ
 լոկ ըողէի ազգեցութեան տակ զէն հրեց իրենից այն
 երիտասարդին, որին սիրում էր և որը նրան էր սի-
 բում. իր օտարոտի վարմունքով սիրած երիտասարդին
 կորցրեց ընդմիշտ իր համար, միևնոյն ժամանակ կոր-
 ցնելով իրեն նրա համար: Եւան երևակայում էր, թէ
 ինչքան զարմացած պիտի լինէր Բաղէնեանն իր վար-
 մունքից, որ այժմ իր համար էլ անհասկանալի էր մը-
 նում: Բաղէնեանն անշուշտ վիրաւորուեց և հէնց այդ
 պատճառով չեկաւ, որ նրան գէթ իր վերջին հրաժեշտը
 տայ:

Որքան շատ էր մտածում Եւան այս մասին, այն-
 քան աւելի անկեղծ զղմունքը կրճում էր նրա սիրտը:
 Այդ զղմունքն երբեմն այն աստիճանի էր հասնում, որ
 իրեն պատրաստ էր զգում ընկնելու Բաղէնեանի ոտ-
 ները և ներողութիւն խնդրելու նրանից, եթէ միայն
 Բաղէնեանին մի անգամ էլ տեսնելու լինէր:

Բայց սրտեղ էր Բաղէնեանը: Եւան զրեթէ հա-
 մոզուած էր, որ նա անպատճառ արդէն հեռացել էր:
 Եւ այժմ, երբ մերժում էր հօր հետ Բաղէնեանի մօտ
 գնալ, մերժում էր ոչ թէ այն պատճառով, որ վերջին
 անցքից յետոյ ամաչում էր Բաղէնեանի աչքին երևա-
 լուց, այլ նրա համար միայն, որ իր մէջ քաջութիւն
 չէր զգում անձամբ անձին համոզուելու, որ նա իսկա-
 պէս հեռացել է: Այդ արդէն խիստ մեծ հարուած կը լի-
 նէր նրա համար. զբանով խապառ պիտի վշրուէր յու-
 սոյ այն վերջին նշոյլը, որ դեռ ևս առկայծում էր այն-
 տեղ, սրտի խորքերում թագնուած: Սակայն, միևնոյնը
 չէր. խօ արդէն համոզուած էր, որ Բաղէնեանն այլևս
 թիֆլիսում չէ. սխալն արդէն զործուած էր և այլևս ոչ

մի կերպ չէր կարելի ուղղել. ուրեմն աւելի լաւ չէր,
 որ միանգամից վերջ դնէր իր անտանելի դրութեանը:
 Եւ Եւան յանկարծ յուսահատական մի քաջութիւն ըզ-
 պաց իր մէջ, այնպէս որ, երբ հայրը նորից առաջար-
 կեց, որ միասին գնան Բաղէնեանի մօտ, նա համա-
 ձայնեց:

«Միանգամից, միանգամից... ինչից եմ վախե-
 նում...» մտածում էր նա, երբ հօր հետ անցնում էր
 սառած ձիւնով ծածկուած փողոցներով:

Նոր երեկոյանում էր: Զմեռային կարճատև օրուայ
 անդօր արևը դժգոյն երկնքի վրայ արդէն բոլորովին
 թեքուել էր դէպի արևմուտք և անփայլ, թառամած
 ճառագայթներով ներկում էր բարձր շէնքերի կտուր-
 ներն ու տերևաթափ ծառերի կտտարները: Օդը շարժ-
 ւում էր անախորժ սառնութեամբ: Յուրաքանչէր էր
 մարդու ականջներն ու քիթը:

— Ուզում ես, սահնակ նստենք, Եւա,— հարցրեց
 հայրը:

— Ոչ, ոտով աւելի լաւ է,— ասաց Եւան, չնայե-
 լով, որ եղանակը սաստիկ անախորժ էր թւում նրան:
 Նրա ծնօտները թեթեւ դողդողում էին:

— Գրագ կը գամ, որ Բաղէնեանը դեռ այստեղ է,
 — բացականչեց Մարութեանը, երկար տեղ լուռ քայլե-
 լուց յետոյ: — Սուսնց ինձ տեսնելու, անկարելի է, որ
 գնար:

Եւան ոչինչ չսպասախանեց: Յիրաւի, եթէ Բա-
 ղէնեանն իսկապէս դեռ գնացած չլինէր և այդ ըողէին
 էլ տանը լինէր, ինչպէս պիտի հանդիպէր նրան, ինչ
 երեսով պիտի ներկայանար նրան: Եւան նոր մտածեց
 այդ մասին և զգաց, որ այդ հանդիպումը չափազանց
 ծանր պիտի լինէր իր համար: Մի ըողէ նա կանգ ա-
 ռաւ սաստիկ տատանման մէջ և ուղեց հօրն ասել, որ

ուղում է տուն դառնալ, բայց ոչինչ չասաց և հօր հետ շարունակեց ճանապարհը: «Աւելի լաւ,—մտածեց նա.—կընտանեմ, որ ես զղջացել եմ վարձուներէս համար, և այլ ևս չի նեղանալ ինձնից»:

Յիրաւի, երբ հայր ու աղջիկ հասան «Լոնդոն» հիւրանոց, և Մարութեանը դռնապանին հարցրեց, թէ Բաղէնեանն արդէն հեռացել է Թիֆլիսից, դռնապանը պատասխանեց, որ Բաղէնեանը դեռևս բնակուում է հիւրանոցում, բայց այդ բոլորէին տանը չէ:

—Չասացի՞, չասացի՞,—բացականչեց Մարութեանն ուրախացած, դառնալով աղջկան:—Գիտէի, ախր, որ առանց ինձ տեսնելու չէր գնալ: Բայց այս լաւ չէ, որ հիմա տանը չէ: Ի՞նչ անենք:

Այն միջոցին, երբ Մարութեանը փոփոխակի նայում էր մերթ դռնապանին, մերթ աղջկան, մտածելով, թէ ինչ անի, մի կառք զորդաւով մօտեցաւ և կանգ առաւ հիւրանոցի դռան առաջ:

Նւառ դռան ապակու միջից դուրս նայեց և դուրս:

Կառքի մէջ նստած էր Բաղէնեանը: Նա արագ լուջաւ կառքից և շտապ քայլերով դիմեց դէպի դուռը:

—Ահա ինքը,—բացականչեց դռնապանը և շտապեց դուռը բանալ նրա առաջ:

Բաղէնեանը մտաւ մուշտակի կոճակները բաց և մոխրագոյն մորթէ գլխարկը ճակատից փոքր ինչ յետ գցած: Դռները մօտ տեսնելով Մարութեանին ու նւառին, յանկարծ կանգ առաւ, ըստ երևոյթին, խիստ ապշած: Պարզ երևում էր, որ այդ հանդիպումը միանգամայն անսպասելի էր նրա համար:

—Ա՛, պարոն Բաղէնեան,—բացականչեց Մարութեանը խիստ ուրախացած:—Տեսնում էք, մենք եկել

ենք ձեզ մօտ, իսկ դուք տանը չէք: Ի՞նչ լաւ արիք, որ եկաք, թէ չէ՞ մտածում էի, թէ ինչպէս անենք, որ ձեզ դանենք:

—Մի՛թէ ես արժանի եմ այդ պատուին,—արտասանեց Բաղէնեանը փոքր ինչ խանձուած ձայնով և սեղմեց Մարութեանի ձեռքը վերին աստիճանի զսպած քաղաքավարութեամբ: Այնուհետև առանձին յարգանքով դարձաւ դէպի նւառ և, առանց նայելու նրան, խոնարհ գլուխ իջեցրեց՝ գլխարկը ձեռքին:

Նւառ անհամարձակութեամբ նայեց նրա վայր թողած աչքերին և մեքենայաբար ձեռքը մեկնեց նրան:

Բաղէնեանն արագ մի քայլ առաջ դրեց և նոյն զսպած քաղաքավարութեամբ սեղմեց նրա ձեռքն էլ: Այդ միջոցին նւառն ակամայ ուշադրութիւն դարձրեց այն բանի վրայ, որ Բաղէնեանն իր ձեռքը սեղմեց ֆասուած աջ ձեռքով, թէև սե շորը դեռ ևս կախած էր վզից: Այս անգամ Բաղէնեանն այնքան մօտ էր նւառին և դուրսն այն աստիճան խոնարհել էր ուղղակի նրա քթի տակ, որ նւառին թուաց, թէ ինչ-որ քնացախած հոտ առաւ նրա բերանից:

Մարութեանն սկզբում զարմացած էր մնացել նրա զսպած ընդունելութեան վրայ և հետաքրքրութեամբ դիտում էր նրան. յետոյ նրա ծանր շնչառութիւնից տեսաւ, որ նա արբած է և աշխատում է այդ բանը ծածկել:

—Եղբայր, այս ի՞նչ էք անում,—ասաց նա ժպտալով.—խոտանում էք, թէ կըզար և չէք գալիս: Կարծում էինք, թէ արդէն գնացել էք:

—Լիովին զգում եմ յանցանքս և հազար ներողութիւն եմ խնդրում,—ասաց Բաղէնեանը նոյն խանձուած ձայնով:—Պատճառ ունէի, ի հարկէ, մի շատ յարգելի պատճառ, որ խոտումս չկատարեցի... չկարողացայ կատարել... և չէի կարող կատարել...

—Եւ ի՞նչ էր այդ պատճառը:

—Այդ պատճառը,—արտասանեց Բաղէնեանը և առաջին անգամ, բայց մի վայրկեան միայն, նայեց Եւային, որը խեղճ հասկացաւ նրա միտքը և աչքերը վայր թողեց շփոթուած:—Պատճառը... Շատ ցաւով եմ, պարոն Մարութեան, որ պատճառը չպիտի կարողանամ յայտնել...

—Ուրեմն, ներողութիւն անտեղի հետաքրքրութեանս համար,—արագ վրայ բերեց Մարութեանը:—Ես, իհարկէ, այն մտքով չհարցրի պատճառը, որ ձեզ դադարեցնեմ իմանամ, բայց... Մենք շատ սպասեցինք ձեզ: Երկու օր է, որ նամակը փոռւմ է զրպանուած: Եւ եթէ գիտենայիք, թէ որքան երախտապարտ պիտի լինինք ձեզ, եթէ այդ նամակը հասցնէք մեր որդուն:

—Ես միշտ պատրաստ եմ, պարոն Մարութեան, իմ ծառայութիւնը մատուցանելու ձեզ: Անցեալ օր հէնց այդ նամակի համար էլ եկել էի ձեր տուն, բայց դուք, դժբաղդաբար, տանը չէիք: Ես երէկ պիտի ճանապարհուէի, բայց մի քանի անակնկալ հանգամանքներ պահեցին ինձ այստեղ: Ամենայն հաւանականութեամբ, կը մեկնեմ վաղը չէ, միւս օրը, և իմ պարտքս կը լինի ամենից առաջ տեղ հասցնել ձեր նամակը: Բայց ի՞նչ կնք կանգնել այստեղ: Խնդրում եմ, պատուեցե՛ք թափառաշրջիկիս ժամանակաւոր օթեանը ձեր ներկայութեամբ:

—Գնանք, Եւա,—ասաց Մարութեանը գիմելով դէպի վեր:

Եւան մի վայրկեան տատանուեց և հետեւեց հօրը:

Իսկ Բաղէնեանը ձեռաց հանեց կառքի վողը, տուեց դռնապանին, որ կառքը ճանապարհ ձգի, և վազեց նրանց ետեւից: Սանդուղքի առաջին աստիճանների վրայ հասաւ Եւային և սկսեց բարձրանալ նրա հետ կողք-

կողքի: Երկուսն էլ ոչ մի խօսք չարտասանեցին: Եւան դարձեալ զգաց նրա բերանից փչող բացախած հոտը՝ այդ հոտն այս անգամ այնքան անախորժ թուաց նրան, որ նա մի քանի վայրկեան ակամայ պահեց շնչառութիւնը:

Բաղէնեանը բաց արեց իր սենեակի դուռը և Մարութեանին ու Եւային ներս հրաւիրեց:

—Ուրեմն վաղը չէ, միւս օրն էք գնում,—ասաց Մարութեանը, կողք կողքի նստելով աղջկայ հետ:

—Այո: Վաղը չէ, միւս օրն անպատճառ,—արտասանեց Բաղէնեանը, ծանր շնչելով:

Նա հանեց մուշտակը և ձգեց աթոռի մէջքին: Մուշտակի ծոցի զրպանից դուրս պրծաւ մի ինչ-որ լրագիր նամակի ծրարի չափ ծալուած և, բացուելով, ընկաւ յատակի վրայ: Եւան նստած տեղից կարդաց վերնագիրը և տեսաւ, որ արտասահմանում հրատարակուող յեղափոխական թերթերից մէկն է:

—Դուք ստանձում էք այդ թերթը,—հարցրեց նա, յարմար առիթ գտնելով խօսելու, որովհետեւ զգում էր, որ իր ակամայ լուծիւնն արդէն չափից դուրս աչքի է ընկնում:

—Այո, օրիորդ: Ես էլ որ չստանամ, հապա էլ ո՞վ պիտի ստանայ,—ասաց Բաղէնեանը և թերթը վերցրեց յատակից:—Եթէ հետաքրքրւում էք, կարող եք վերցնել կարգալու: Վերջին համարն է, նոր ստացայ:

—Եթէ դուք արդէն կարդացել էք...

—Ոչ, դեռ ես ժամանակ չեմ ունեցել կարդալու: Բայց այդ միևնոյն է. ինձ համար այստեղ հազիւ թէ որեէ նորութիւն լինի, որովհետեւ բոլոր տեղեկութիւններն ես ստանում եմ, այսպէս ասած, առաջին ձեռքից և աւելի մանրամասնօրէն: Խնդրեմ վերցրէք:

Եւան առաւ թերթը, ծալեց և վերաբրկուի զըր պանը դրեց:

— Հնա, մոռացայ. այդ համարից երկու օրինալ ունէի, — ասաց Բաղէնեանը և սկսեց քրքրել զրպանները: — Ո՞րտեղ դրի... Ահա, դտայ:

Նա հանեց նոյնչափ ծալուած մի ուրիշ թերթ, ձգեց սեղանի վրայ և նստեց:

— Ուրեմն, առանց մեզ այցելելու էլ պիտի գնայիք, — դարձաւ առաջուայ խօսակցութեանը Մարութեանը:

— Մթթէ այդ կարելի էր, երբ խօսք էի տուել որ ձեր յանձնարարութիւնը պիտի կատարեմ ամենայն պատրաստակամութեամբ, — ասաց Բաղէնեանը: — Ձեզ մօտ պիտի գայի այս երեկոյ, բայց դուք կանխել էք և ինքներդ էք եկել ինձ մօտ, որով մեծ պատիւ էք արել ինձ:

— Մենք, դժբաղդարար, ոչոքի պատուել չգիտենք, բացի նեղութիւն տալուց, — վրայ բերեց Մարութեանը բարեսիրտ կատակով: — Ահա այն նամակը, որ պիտի յանձնէի ձեզ: Այս էլ, ահա, այն գումարը, որ խոստացել էի նուիրարեղել ձեր և մեր ամենիս սիրած գործին...

Եւ Մարութեանը նամակի ծրարի հետ սեղանի վրայ դրեց մի ուրիշ հաստ ծրար:

Չարմանալի ներդործութիւն ունեցաւ այդ հաստ ծրարը Բաղէնեանի վրայ: Մինչև այժմ նա իրեն պահում էր բաւական զգաստ և, եթէ ծանր շնչառութիւնն ու բերնից փչող գինու անտանելի հոտը չլինէր, դժուար կարելի էր խմանալ, թէ նա խմած է: Բայց այժմ, սեղանի վրայ տեսնելով փողի հաստ ծրարը, նրա աչքերը վառուեցին տարօրինակ կրակով, և այդ կրակը, կարծես, յանկարծ լուսաւորեց նրաներսը մի մութ աշխարհ...

Եւան նայեց նրա աչքերին և ակնհայտաբար

քաշեց հօրը: Նրան թուաց, թէ իր առաջ նորից տեսնում է այն Բաղէնեանին, որին տեսաւ իրենց վերջին տեսակցութեան վերջին րոպէին: Նա շրջեց դէմքը, որպէսզի չտեսնի Բաղէնեանի աչքերը: Այդ սևաթոյր ու կրակոտ աչքերը, որոնք զարմանալի ընդունակութիւն ունէին վայրկենաբար ամենածայրայեղ հակադիր զգացումներ արտայայտելու փոփոխակի, շատ օտարոտի տպաւորութիւն էին թողնում Եւայի վրայ. դրանք թէ զրաւում էին նրան վերին աստիճանի և թէ սարսափեցնում: Այդ աչքերը պարզապէս տանջում էին Եւային, մանաւանդ այն ժամանակ, երբ Բաղէնեանը նստում էր նրան լուռ ու անթարթ, հիպնոսահարողի պէս:

Փողի հաստ ծրարը տեսնելուց յետոյ, Բաղէնեանն այլևս չկարողացաւ զսպել իր մէջ գինու եռացող շոգու ոյժը, և այդ ոյժն այժմ, ազատ զգալով իրեն, սկսեց դուրս ժայթքել մի երկար շարք ճրճոտան ֆրազների մէջ հայրենիքի աղէտների մասին... Երբէք Բաղէնեանը չէր խօսել այնպէս ազատ, համարձակ և ոգևորուած, ինչպէս այժմ, թէ և նրա ձայնը հետզհետէ աւելի ու աւելի խանձուում էր, այնպէս որ երբեմն ինչ-որ անորոշ խռպոտ հնչիւններ էին լսում միայն: Նրա դէմքը կարմրել էր, աչքերը պլպլում էին անմիտ, անախօրժ փայլով և նրանց տակը ծածկել էին քրտնքի մանրիկ կաթիլներ: Այն հանգամանքից, որ իր երկար ճառախօսութեան ժամանակ Մարութեանն ու Եւան լուել էին ակամայ և լսում էին նրան, նա, ըստ երևոյթին, կարծում էր, թէ կատարելապէս տիրել է նրանց ուշադրութեանն ու զգացումներին, ուստի աւելի ևս ազատութիւն էր տալիս իր խօսքերին, թէ և այլևս հաշիւ չէր սալիս իրեն, թէ ինչ է ասում...

Այն ինչ հայր ու աղջիկ, ապուշ-ապուշ նայելով նրա այլանդակուած դէմքին, այդ ժամանակ ճնշուում

էին միևնոյն անախորժ զգացման տակ: Այդ այն ըզգացումն էր, որ պաշարում է լուրջ մարդկանց, երբ նրանք ստիպուած են լինում լսել արբած մարդու անկապ, յամառ շատախօսութիւնը, օդի մէջ շնչել նրա բերնից արտադրուող գինու անտանելի քացախած հոտը և, շարունակ լսելով, այն են մտածում միայն, թէ ինչպէս անեն, որ հեռանան նրանից, հեռանան այնպէս, որ նա չըհասկանայ (արբած մարդիկ խիստ կասկածոտ են լինում), թէ իրենք փախչում են նրանից:

Երբ Բաղէնեանը, կարծես յոգնելով, փոքր ինչ խաղաղեց, Մարութեանը շտապեց վեր կենալ: Նրա հետ վերկացաւ և Նւան, որին անհասկանալի և անգիմադրելի մի նոր զգացում թելադրում էր շուտով դուրս փախչել այդտեղից դէպի ազատ օդ:

—Շատ ցաւում եմ, պարոն Բաղէնեան, որ մենք երկար չպիտի կարողանանք մնալ ձեզ մօտ,—ասաց Մարութեանը և, որպէսզի նա չկարծի, թէ իրենք փախչում են նրանից, որովհետև նա արբած է, շտապեց աւելացնել.—Մենք այս բոլորն մի տեղ պիտի գնանք մի շատ հարկաւոր գործի համար... Բայց յատկապէս խնդրում ենք, որ մեկնելուց առաջ մի անգամ ևս հանդիպէք մեզ: Կըզմք:

—Կըզամ,—արտասանեց Բաղէնեանը բոլորովին յոգնած ձայնով և կանգնած տեղը երեւուեց: Նա ինքն արդէն զգում էր, որ այլ ևս չի կարող զբաղեցնել հիւրերին, ուստի, գոնէ քաղաքավարութեան համար, ամենևին փորձ էլ չարեց նրանց երկար պահելու իր մօտ: Նա հաւաքեց վերջին ոյժերը և այցելուներին ճանապարհ դրեց մինչև հիւրանոցի սանդուղքի գլուխը:

—Ուրեմն սպասէ՛ք,—վերջին անգամ հարցրեց Մարութեանը:

—Կըզամ, կըզամ,—արտասանեց Բաղէնեանը բո-

լորովին խանձուած ձայնով և սպասեց սանդուղքի գլխին, մինչև որ հայր ու աղջիկ իջան և չքացան աչքից: Այնուհետև անհաստատ քայլերով վերադարձաւ իր սենեակը, նստեց սեղանի մօտ, վերցրեց Մարութեանի թողած փողի ծրարը, միջից հանեց չորս հատ հարկւր ոտ: Ըլանոց թղթադրամ, նորից մէջը կոխեց և ծրարը դրեց ծոցի գրպանը դանդաղօրէն և ժպտալով: Յետոյ կամաց յետ ընկաւ աթոռի մէջքին, ձեռքերը դրեց սեղանի վրայ և սկսեց թրխկթրխկացնել մատներով:

Սպասաւորը ներս բերեց վառած լամպը, դրեց սեղանի վրայ և հարցրեց՝ հեշտանո դնի՞:

Բաղէնեանը գլխով բացասական շարժում արաւ: Յետոյ, երբ սպասաւորը դուրս էր գնում, կանչեց յանկարծ.

—Կնց:

—Սպասաւորը կանգ առաւ և յետ նայեց:

—Մօտ արի:

Սպասաւորը մօտեցաւ և կանգնեց նրա ետևը:

Բաղէնեանը, առանց դիւրքը փոխելու, երկու մատը կոխեց ժիլետի գրպանը, հանեց մի հատ արծաթ դրամ և տուեց նրան ուսի վրայից:

Սպասաւորը փողն առաւ և սպասում էր նրա պատուէրին, բայց տեսնելով, որ ոչինչ չի ասում, հարցրեց.

—Ի՞նչ կըհրամայէք բերեմ:

—Ի՞նչ պիտի բերես, յիմար,—ասաց Բաղէնեանը:

—Քեզ եմ բախշում:

Սպասաւորն սկզբում նայեց նրան զարմացած, չհասկանալով, թէ ինչ էր նշանակում այդ անառիթ վարձատրութիւնը, յետոյ շնորհակալութիւն յայտնեց, առանց քծնելու, և դուրս գնաց հանգիստ:

Բաղէնեանի աչքն ընկաւ սեղանի վրայ ընկած

յեղափոխական լրագրի վրայ: Լամպը մօտ քաշեց, կուրծքը յենեց սեղանի ծայրին և սկսեց թերթել լրագիրը: Նրա արբած աչքերի առաջ տողերն ու տառերը թւում էր, թէ շարժւում ու խաղում են լամպի լոյսի տակ, և նա կարդում էր անուշադիր ու յօրանջելով: Մի տեղ նրա աչքովն ընկաւ իր ազգանունն պէս ինչ որ մի բառ. լաւ նայեց և տեսաւ, որ այդ իսկապէս իր ազգանունն է: Նրա արբածութիւնը կարծես միանգամից անցաւ, և նա, դարմացած ու հետաքրքրուած, սկսեց կարդալ այն տեղերը, որոնց մէջ նկատեց իր ազգանունը: Կարգալիս նրա դէմքն արագապէս փոխւեց, իսկ երբ վերջացրեց, հէնց այնպէս էլ խոնարհուած մնաց կարդացած տողերի վրայ լայն բացած աչքերով: Յանկարծ յիշեց, որ լրագրի մի օրինակը տուել էր Եւային, և վեր թռաւ տեղից կարծիքից խայթուածի պէս: Աթոռը, որի վրայ նստած էր, յետ թռաւ և գլորւեց յատակի վրայ:

—Ա՛, այս ի՞նչ յիմարութիւն եմ արել,— արտասանեց նա, ձեռքն ուժգին խփելով ճակատին, և մնաց քարացած:

XXI

Երբ հայր ու աղջիկ դուրս եկան հիւրանոցից, արեն արդէն մայր էր մտել: Երկնքի անփայլ կապուտակը մթնում էր արագօրէն: Օդը, որ արև եղած ժամանակ շարժւում էր անախորժ սառնութեամբ, այժմ ուղղակի խանձում էր մարդու դէմքը: Սառած գետինը քարի կարծրութիւն էր ստացել:

Եւան վազում էր՝ հօր առաջն ընկած. կարծես փախչում էր մի բանից և, միևնոյն ժամանակ, ուզում էր ցոյց տալ, թէ ոչ մի բանից չի փախչում: Հայրը

հազիւ էր հասնում աղջկայ ետևից, թէև նա էլ չէր հասկանում ինչու, քայլերը սովորականից աւելի արագացրել էր:

—Կամաց դնա, Եւա, ի՞նչ ես վազում,— կանչեց Մարութեանը:

Եւան կանգ առաւ, մինչև որ հայրը հասաւ նրան: Նրանք չնայեցին իրար երեսին: Բայց նրանցից ամեն մէկը հասկացաւ, որ երկուսն էլ ճնշուած են Բաղէնեանի թողած անախորժ տպաւորութեան տակ: Նրանք շարունակեցին ճանապարհն այս անգամ կողք կողքի և հանդարտ քայլերով:

—Է՛, դա խմճւում էլ է, — խօսեց Մարութեանը, կարծես ինքն իրեն: — Չհաւանեցի... թէև խմեին, իհարկէ, սովորական բան է, — աւելացրեց նա, — կարճ մտախոհ լռութիւնից յետոյ. — մարդը ուրախ արամադրութեան մէջ մի քիչ խմել է. այդ բանը մեզնից ո՞վ չի անում. բայց չզիտեմ ինչո՞ւ, ինձ վրայ անախորժ տըպաւորութիւն թողեց: Ա.փոքր: Իլլիւզիաս կորաւ:

Եւան ցնցուեց և ակամայ նայեց հօր մտախոհ դէմքին: Նա տեսաւ, որ հայրը նոյն հիասթափութիւնն է զգում, ինչ որ ինքը, թէև, ի հարկէ, ոչ այնքան զօրեղ կերպով, ինչպէս ինքը:

Մարութեանն այլ ևս ոչինչ չխօսեց Բաղէնեանի մասին: Իսկ Եւան ամենևին ձայն չէր հանում: Նա զընում էր և չէր խմանում՝ ուր. մտածում էր և չէր իմանում՝ ինչ: Երբեմն վայրկենաբար նրա դեռ ևս թարմ յիշողութեան մէջ վերակենդանանում էին այն օրերը, երբ ինքը տանջող կարօտով սպասում էր Բաղէնեանին. յիշում էր իրենց սիրային առաջին և վերջին տեսակցութիւնը, այդ տեսակցութիւնից յետոյ իր դժուարացած սարսափը, դարձեալ իր յուսահատական դրութիւնը, Բաղէնեանին տեսնելու տեսչը... Յիշում էր այդ

բոլորը և տեսնում էր, որ բոլորովին հանգիստ, անկարեկից է. կարծես թէ այդ բոլորն հրէկ-մէկէլ օրը չէր, որ կատարուել էր, այլ շատ տարիներ առաջ. կարծես թէ այդ բոլորն ինքը չէր զգացողը, այլ մի ուրիշը, բոլորովին մի այլ աղջիկ, որին չէր ճանաչում և որի հետ ինքը ոչ մի առընչութիւն չուներ:

—Պարոն Մարութեան, Ե՛ւա,—յանկարծ լսեցին հայր ու աղջիկ իրենց ետեից կանացի մի ձայն:

Նրանք դարձան և տեսան օր. Սահակեանին, որ իր գէլը մարմնով բազի պէս օրօրուելով՝ շտապում էր հասնել նրանց: Չնայելով սառնամանիքին, նրա լիք այտերն այրում էին տաքացած: Նա հասաւ Մարութեաններին և անցաւ հօր ու աղջկայ մէջտեղը:

—Բարև ձեզ: Ի՞նչպէս էք,—ասաց նա իր աշխոյժ, կայտառ ձայնով և, առնելով Եւայի թևը, առաջ անցաւ նրա և Մարութեանի հետ:—Այսօր դարձեալ նամակ ստացայ Աշխէնից: Այս երկրորդ նամակն է, որ գրում է: Այսպէս շուտ-շուտ է յիշում ինձ: Բայց փառք Աստուծոյ, այս անգամ գոհ է և ուրախ: Միայն խիստ գանգատուում է, Եւա, որ դու վերջերս կամ ոչինչ չես գրում իրեն, կամ միայն չոր ուցամաք բարեններ ևս գրում: Լաւ չես անում: Մի մուսնաբ, որ կարօսը միայն քո նամակներից է առնում: Երեակայիբ, որ մինչև անգամ կասկածում է, թէ մի գուցէ հիւանդ ևս, որ ոչինչ չես գրում: Կըզտուեմ, ասում է, եթէ...

Օր. Սահակեանը յանկարծ լռեց և զարմացած նայեց նախ Եւայի, սպա Մարութեանի դէմքին:

—Ի՞նչ է պատահել,—հարցրեց նա անհանգստութեամբ:—Ի՞նչ որ... տխուր էք երևում:

Մարութեանը, զարմանք կեղծելով, նայեց օր. Սահակեանի փորձող աչքերին:

—Տխուր... Ինչի՞ց պիտի տխրէինք:

—Ես ի՞նչ գիտեմ: Չեզ դեռ հրբէք այդպէս չեմ տեսել... Ո՞րտեղից էք գալիս:

—Բաղէնեանի մօտից:

Օր. Սահակեանը յանկարծ կանգ առաւ, թողեց Եւայի թևը և բերանը բաց, աչքերը չռած՝ մնաց նայելիս Մարութեանի դէմքին:

Ակամայ կանգ առան և հայր ու աղջիկ և դրեթէ սարսափած միտամանակ նայեցին նրան, կանխազգալով, որ նա ինչ-որ բան պիտի ասի, կայծակի պէս շանթող անսպասելի մի բան, որը կուզէին և՛ խմանալ, և՛ չիմանալ:

—Բաղէնեանի մօտից, ասում էք... Ի՞նչ ունէիք նրա մօտ:

—Նամակ յանձնեցինք, որ տանի Արմինակին: Վաղը չէ՛ միւս օր նա գնում է այն կողմերը,—ասաց Մարութեանը:

Օր. Սահակեանը գլուխը յիտ ձգեց և խիստ բարձրաձայն ծիծաղեց: Շատ տարօրինակ էր նրա ծիծաղը:

Հայր ու աղջիկ ապշած նայում էին, թէ ինչպէս ծիծաղից զողզողում էր նրա կախ ընկած կզակը:

—Եւ միայն նամակ յանձնեցիք,—հարցրեց օր. Սահակեանը:

Մարութեանն այլևս քաջութիւն չուներ և ծածկելու:

—Փող էլ,—ասաց նա:

—Այսինքն ի՞նչ փող. Արմինակին տանելու, թէ...

—Ոչ, իբրև նուիրաբերութիւն...

—Սուրբ գործի օգտին,—լրացրեց օր. Սահակեանը, և նրա ծիծաղը սաստկացաւ: Նա ծիծաղում էր երկար, և նրա ամբողջ անազին մարմինն ուժգին ցընցում էր այդ տարօրինակ ծիծաղից: Բայց յանկարծ զսպեց իրեն, իր ուժեղ ձեռքով արագօրէն բռնեց Մա-

բութեանի թեկից և անհանգիստ մի շարժում արեց, որով ուզում էր հասկացնել, որ նա խոլոյն յետ դառնայ:

—Այս բոլորն զնացէք և յետ առէք նամակն էլ, փողն էլ, —ասաց նա շատ լուրջ և հաստատուն ձայնով:—Շտապեցէք, մի նայէք ինձ այդպէս զարմացած... Դէ, զնացէք շուտով ձեզ ասում եմ, —աղաղակեց ուղղակի հրամայողաբար, տեսնելով որ Մարութեանն ապուշ կտրուած միայն նայում է իր դէմքին:

Մարութեանը պարզապէս վերաւորուեց նրա այդ վարմունքից:

—Սպասեցէք, —ասաց նա և թեւը կամաց խլեց օր. Սահակեանի ձեռքից:—Ի՞նչ էք ասում, չեմ հասկանում:

—Ա՛յն եմ ասում, պարոն Մարութեան, որ դուք սրիկայի ձեռք էք ընկել, և նա փառաւորապէս խաբել է ձեզ, ինչպէս խաբել է ձեզ նման շատերին: Այժմ հասկացձք: Դէ, զնացէք շուտով, այս բոլորն զնացէք, թէ չէ՝ ձեր փողերը կորած են... Տէր Աստուած, ի՞նչ տեսակ մարդ էք: Մի՞թէ չէք հաւատում ինձ:

—Իհարկէ, չեմ հաւատում, —աղաղակեց Մարութեանը գրեթէ կոպտաբար:—Ի՞նչպէս թէ սրիկայ, ի՞նչ էք ասում: Նրա մասին բան գիտէք, այնպէս էք խօսում, թէ հէնց այնպէս, որովհետև... Նրա քիթը դուր չի եկել ձեզ:

—Ի հարկէ, բան գիտեմ, որ այսպէս եմ խօսում, թէ չէ՝ ես ի՞նչ դործ ունիմ նրա քիթի հետ:

—Ի՞նչ գիտէք:

—Ա՛յն գիտեմ, պարոն Մարութեան, որ նա Հայաստանի մասին այնքան է մտածում ու հոգում, որքան ես ու դուք—Չինաստանի մասին: Չեր այդ պարոն Բաղէնեանը, որին քիչ է մնում աստուածացնէք:

ոչ այլ ինչ է, եթէ ոչ մի կատարեալ խաբեբայ, որ, հանգամանքներից օգուտ քաղելով, գեղեցիկ զիմակի տակ, պարապում է նուիրական զգացումներ շահագործելով: Այդ պարոնի խկական անձնաւորութեան հետ ինձ ծանօթացրեց շատ յարգելի, շատ պատուական մի տիկին, որ հէնց ինքը զո՞հ է զնացել այդ ափերիստի ճարպիկ խաբեբայութեանը: Այդ տիկինը զրիմցի է: Նրա հետ ծանօթ եմ Ղրիմում եղած վարժուհութեանս ժամանակից և շատ լաւ ծանօթ եմ: Անձնական գործերի համար այս օրերս թիֆլիս է եկել և անցեալ օր մեր տանն էր: Հէնց այդ օր փողոցում հանդիպել էր Բաղէնեանին, և տեսնելիք, թէ ինչքան յուզուած էր... Եւ, խկապէս, կարելի՞ է միթէ խաղաղ հոգով տեսնել, թէ ինչպէս ամենասուրբ, ամենանուիրական զգացումներդ շահագործութեան առարկայ են դարձած մի մութ անձնաւորութեան ձեռքի, որին սկզբում հաւատում էիր կուրօրէն և համոզուած էիր, թէ նա քո ամենալաւ, ամենաբարձր բաղձանքների իրագործողն է... Հէնց դուք. այս բոլորն դուք միևնոյնը չէք զգում, ինչ-որ զգացել է այն պատուական կինը. դուք ես միևնոյն ծանր հիասթափութեան տակ չէք այս բոլորն...

Եւ օր. Սահակեանը, լռելով, փոխէփոխ նայեց Մարութեանի և Եւայի դէմքին: Մարութեանը վերին աստիճանի ապշած էր, ինչպէս մի մարդ, որը մտքի առաջ յանկարծ սարսափելի և անհաւատալի մի գաղտնիք է բացուում: Իսկ Եւան կանգնած էր անշարժ և, յոնքերը կիտած, անթարթ նայում էր գետնին: Վերին աստիճանի խիստ հանգստութիւն էր արտայայտում նրա ամբողջ արտաքինը: Նրա անշարժացած դէմքը դունատուել էր և աչքերի վայր թողած կոպերը դողդողում էին իրենց երկայն թերթերունքներով:

—Օ՛, խկապէս որ սարսափելի է, սարսափելի,—

հառաչեց Մարութեանը ծանր երազից արթնացողի պէս և առաջ անցաւ:

— Եւան և օր. Սահակեանը հետևեցին նրան:

— Ա՛, վերջապէս հասկացաք և հաւատացիք, — բացականչեց օր. Սահակեանը: — Ես զարմանում եմ, պարոն Մարութեան, որ դուք երբէք չէք հարցրել ինքներդ ձեզ, թէ՛ լաւ, եթէ մեր այս պարոն Բաղէնեանը, որ այսքան շատ է խօսում հայրենիքի թշուառութեան մասին, իսկապէս գործիչ է, հապա այս ի՞նչպէս է հագնւում սա, այս, ի՞նչպէս է ապրում սա: Հայրենիքի թշուառութեան համար մտածողն ու գործողն սի, առաջնակարգ հիւրանոցում ապրողն ու, վերջին մոզով հագնուողն ու, անդադար կառքով ու սահնակով զբօսնողն ու: Ախր, այս բաներն ինչ-որ չեն բռնում իրար: Հէնց առաջին օրը, հէնց առաջին րոպէին, որ տեսայ նրան ձեր տանը, մեծ թերահաւատութեամբ նայեցի նրա վրայ: Նրա հազուատից այնպիսի հոտ էր բուրում, որ ամենակոկետ կնոջից անգամ չեմ առել: Ախր սրանք ուշադրութեան արժանի բաներ են, պարոն Մարութեան, իսկ դուք, ինչպէս երևում է, ամենևին ուշադրութիւն չէք դարձրել:

— Է՛հ, սի էր հետևում այդ մանրամասնութիւններին, — նկատեց Մարութեանը դառնութեամբ: — Նա մեզ այնպէս կաշկանդել էր...

— Ասացէք՝ կաշառել էր:

— Ի՞նչպէս թէ կաշառել:

— Ձէ՛ որ փրկել էր ձեր Սուրէնի կեանքը:

— Դուք էլ բան ասացիք. նա ի՞նչ էր իմանում, թէ ով ենք մենք, որ մեր երեսայի կեանքը փրկելով կաշառէր մեզ:

— Որ այդպէս է, դուք չէք հասկանում այդ պարոնների հոգեբանութիւնը: Չեզ չկաշառէր, հասարա-

կութեանը խօ կըկաշառէր: Ձէ՛ որ Բաղէնեանի պէս մարդկանց ամենամեծ ջանքն այն է, որ հասարակութեան աչքերը որքան կարելի է պինդ կապեն, և Բաղէնեանը դրա համար աւելի լաւ առիթ չէր կարող գտնել, քան մի փոքրիկ երեսայի՝ կառքի տակ չար մեռնելուց ազատելը: Կարծում էք Բաղէնեանի համար քիչ բան է, որ լրագրութեան մէջ գրւում և հասարակութեան մէջ խօսւում է, թէ այս-ինչ պարոնն այս-ինչ անձնադո՞ւթեան օրինակն է ցոյց տուել: Եւ ի՞նչպէս նա մինչև այժմ էլ ձեռքը կապած է պահում... Ե՛ս մեռնեմ, թէ նրա ձեռքն իմ ձեռքից էլ առողջ չըլինի. բայց կապած է պահում, որովհետ չէ՞ որ նրա անօրինակ անձնադո՞ւթեան նշանն է այդ և, վերջապէս, դրանով նա, ախր, աւելի գրաւիչ է երևում... Է՛, պարոն Մարութեան, ինչպէս տեսնում եմ, դուք դեռ ևս շատ միամիտ մարդ էք: Դուք չգիտէք, թէ որոշ ժամանակներ լաւ մարդկանց հետ ինչպիսի վատ մարդիկ էլ են ստեղծում: Մեր այժմեան ժամանակը ստեղծել է ձեր որդուն — Արմենակին, բայց և ստեղծել է Բաղէնեանին: Գուցէ, ժամանակն ու հանգամանքները շատ ժլատ են ձեր որդու նմաններին ստեղծելում, բայց երևում է, որ շատ շուայլ են Բաղէնեաններ արտադրելում: Մի րոպէ թողէք տղամարդուն ոչ-վայել ձեր այդ պարզամտութիւնն ու դիւրահաւատութիւնը, իրերի վերայ նայեցէք առողջ, քննական հայեացքով, և կրտսերանէք, թէ ովքեր են Բաղէնեանները. կրտսնէք, որ այդ պարզիկները ոչ այլ ինչ են, եթէ ոչ պարզապէս մեր այժմեան կեանքի նշանաւոր երեւոյթների զազրալի վիժմունքը: Դրանք ծոյլ և անբարոյական արարածներ են, որոնք լաւ ապրել են ուզում: Ազնիւ գործը, չարքաշ աշխատանքն անմատչելի է դրանց: Դրանք փող աշխատելու դիւրին ասպարէզ են հոտտում, և արհաւիրում:

բաստ է մեր ներկայ ժամանակի հասարակական նուրբական զգացումների շահագործութեան ասպարէզը,—մի ասպարէզ, ուր ինչպէս ասում են, շունը տիրոջը չի ճանաչում: Խաւարի ծնունդ լինելով, խաւարի մէջ էլ գործում են դրանք: Զգացումներ և ձգտումներ կեղծելու բնատուր ճարպիկութիւնը դրանց ամենամեծ ղէնքն է: Այդ ղէնքով զինուած՝ թափառում են քաղաքից քաղաք, երկրից երկիր և ձեզ նման միամիտ հաւատացողները դրպանից փողեր են կորզում: Սուրբ գործի անունով հաւաքած այդ փողերը ցրում են անձնական զազրելի կրքերի, ապականութեան ճանապարհի վրայ: Հասարակական ամենանուիրական գործն այդպիսով պատուանդան են դարձրել ցոփութեան յաղթանակի համար: Սուրբ գործի այդ պարազիտները բաղդաւոր են նրանով, որ խառնաշփոթութիւնն ընդհանուր է և այդ խառնաշփոթութեան մէջ ոչ իսկական գործիչն է երևում, ոչ իսկական կորզիչը: Այդ պատճառով էլ յաղթանակում են խաւարի ծնունդները, իսկ մեծ գործը կործանւում է...

Մարութեանի և Եւայի մէջտեղ ծանր քայլելով, օր՝ Սահակեանը խօսում էր ազնիւ բարկութեամբ վառուած:

—Շատ ճիշտ է, շատ ճիշտ է,—մէջ ընդ մէջ արտասանում էր Մարութեանը դառն մտախոհութեամբ:

—Ցաւալին այն է, որ չարիքը ոչ կարող ես ծածկել, ոչ կարող ես հրապարակ հանել,—շարունակեց օր՝ Սահակեանը:—Ծածկես—Բաղէսեանի պէս մութ անձերի մնասակար գործունէութեանը պիտի ազատ ասպարէզ տաս. հրապարակ հանես—ամենքը յետ պիտի փախչեն գործից հրասթափուած և այլևս չպիտի հաւատան ոչոքի: Ո՞րն անես—մնացել ես տարակուսած: Իմ կարծիքով պէտք է չարիքը չծածկել: Իսկ այդ չարիքը չափից դուրս մեծ է և անկարելի է անուշադիր

թողնել: Պէտք է բանալ հասարակութան աչքերը, պէտք է հասկացնել նրան, որ չհաւատայ ամեն մի բաղդախնդրի...

—Հեշտ էք ասում: Համեցէք, խօսեցրէք Բաղէսեանին և կասկածեցէք, թէ նա բաղդախնդիր է: Նշանաւորն այս է, որ նա ոչ թէ միայն ուղղակի չի առաջարկել մեզ, որ նուիրաբերութիւն անենք, այլ և մի խօսք, մի ակնարկ անգամ չի արել այդ մասին: Նոյն իսկ այն ժամանակ, երբ ես ասել էի նրան, որ դայ ստանայ իմ խոստացած գումարը և նամակով էլ հրաւիրեցի, չեկաւ, և ես իմ ձեռքովս տարայ տուն, տուի ինքնաբերաբար:

—Ճարպիկութիւնն էլ հէնց այդ է, է: Կընշանակի՞ ցանցն այնպէս լարել է, որ ինքներդ էք գնացել մէջն ընկել:

—Հէնց այդ պատճառով էլ չեմ կարող զնալ և սուսած գումարս յետ պահանջել: Յետ տալով յետ կը տայ,—այդքան ազնուութիւն ու պատուասիրութիւն կունենայ, ես կարծում եմ,—բայց... Ի՞նչ փաստ կայ ձեռիս, որ ես կարող լինիմ համարձակ ասել նրան, թէ՛ պարնն, իմ սուսած փողը յետ եմ պահանջում նրա համար, որ ձեզ չեմ հաւատում այլևս, որովհետև դուք խաբերայ էք, աֆերիստ էք, սրիկայ էք...

—Փաստը—իմ ասած տիկինը: Ուզում էք, իմ անունս էլ տուէք: Ես նրանից չեմ վախենում:

—Ա՛յդ է, ձեր ասած տիկնոջ և ձեր անունը որ տուի—փաստ դառաւ, և Բաղէսեանը խոտ է կերել, ոչինչ չի գտնիլ ասելու:

—Ուզում էք, տիկնոջն երես առ երես կըկանդնեցնեմ նրա հետ: Ուզում էք: Ասացէք, ուզում էք:

—Է՛հ, թողէք, թէ Աստուած կըսիրէք,—արտասանեց Մարութեանը գրգռուած:—Կեղուն հեշտ է շարժ

ւում: Մէկէլ կը տեսնէք, այնպիսի օյին կը հանի ձեր տիկնոջ և իմ ու ձեր գլխին, որ մի բան էլ դեռ մենք պարտական կը մնանք նրան. ինքներդ էք ասում, թէ Բազէնեանները ճարպիկ են և միևնոյն ժամանակ այդպէս էք խօսում:

Նա յանկարծ կանգ առաւ և զսպած դայրոյթով նայեց օր. Սահակեանի դէմքին:

— Կուզէ՞ք ուղիղն ասեմ, օրիորդ,— նկատեց նա սրտանց:— Մեղաւորը դձուր էք: Այո, դձուր, որովհետև ձեզ վաղուց յայտնի է եղել, թէ ինչ մարդ է Բազէնեանը, և մեզ այժմ էք միայն յայտնում այդ, այն էլ պատահաբար:

Եւ Մարութեանը նորից առաջ անցաւ գրգռուած:

— Դուք ճշմարիտ էք ասում, պարոն Մարութեան,— կարճ լուռութիւնից յետոյ, ասաց օր. Սահակեանը Եւայի հետ քայլելով նրա հետից:— Ես կատարելապէս արժանի եմ ձեր յանդիմանութեանը և ցաւում եմ, որ անմիջապէս չեմ շտապել յայտնելու ձեզ, թէ ինչ մարդ է ձեր այդ Բազէնեան կոչուածը: Բայց այս էլ ի նկատի պիտի ունենաք, պարոն Մարութեան, որ ես երբէք չէի կարող կարծել, թէ դուք, Արմենակի պէս որդի ունենալով, կարող էիք ոգևորուել մի որևէ բազմալից Բազէնեանով:

Մարութեանը ոչինչ չասաց. օր. Սահակեանի վերջին նկատողութիւնն, ըստ երևոյթին, միանգամից զլնաթափ արեց նրան:

Կարճ ժամանակ երեքն էլ քայլում էին լուռ:

— Եւ դուք նամակ էք յանձնել նրան, որ ձեր որդիւն տանի,— նկատեց օր. Սահակեանը, գլուխը շարժելով դառնութեամբ:

Եւայի դէմքը, օր. Սահակեանի այդ խօսքերի վերայ, կարծես ներքին մի սուր կսկծից, ծամածուռեց:

բայց նրա ամբողջ արտաքինը առաջուայ պէս պահպանում էր իր խրոխտ հանգստութիւնը:

— Արմենակ Մարութեան և Բազէնեան... Ինչպիսի՞նք հեգնութիւն, — աւելացրեց օր. Սահակեանը:

Մարութեանը դայրագին պինդ թքեց մի կողմ և քայլերն արագացրեց:

— Այսպէս թէ այնպէս, վերջապէս, — ասաց օր. Սահակեանը:— Պարոն Մարութեան, ցտեսութիւն, ես այս կողմն եմ գնում: Հաւատացնում եմ ձեզ, լուր կանխէիք, որ ձեր փողերը մի կերպ յետ առնէիք, և աւելի լաւ կանէիք, որ այդ փողերն ուղարկէիք Աշխէնին իրենց աղքատ ուսումնարանի համար գործադրելու: Բայց այդ դուք գիտէք: Յտեսութիւն: Յտեսութիւն, Եւա: Այդ ի՞նչ է. մըսնում ես, — հարցրեց նա, զարմանալով Եւայի դէմքի տարօրինակ գունատութիւնից:

Եւան հազիւ նկատելի կերպով շփոթուեց նրա թափանցող հայեացքից:

— Այո, ցուրտ է, — կամաց արտասանեց նա և աւելացրեց. — Այս քանի օրս մի քիչ տկար եմ զգում ինձ:

— Որ այդպէս է, ինչո՞ւ էիր այս սառնամանիքին դուրս գալիս տնից: Յիշում ես, Եւա, որ ձեր տանը Բազէնեանի հետ վիճարանութեան բռնուելուցս յետոյ, երբ գնում էի, նախասնեակում հարցրիր ինձ, թէ ինչո՞ւ էի այնպէս յարձակում նրա վրայ, և մինչև անգամ ասացիր, թէ նրա մէջ մի գիծ կայ, որ զարմանալի կերպով յիշեցնում է քեզ եղբորդ: Այժմ գնատուն և լաւ մտածիր, թէ բնազդը խաբսում էր ինձ, որ այնպէս յարձակում էի նրա վրայ, և կա՞յ արդեօք որևէ նման գիծ եղբորդ և այդ խաբեբայի միջև... Է՛, մարդիկ, մարդիկ, ինչպէս հեշտ էք խաբուում: Բայց — այսպէս, թէ այնպէս, վերջապէս: Այս իմ սովորական երգն

է, որ կրկնում եմ միշտ, երբ տեսնում եմ, որ բանը բանից անցած է արդէն: Դէ՛հ, գնացէ՛ք, ցտեսութիւն:

XXII

Աղջկայ հետ որ տուն գնաց, Մարութեանը պատմեց կնոջը, թէ ով է եղել Բաղէնեանը և թէ ինչպիսի խաբեքայութեան զոհ են դարձել իրենք նրա ձեռքին: Այդ բանն այնքան անսպասելի էր Թեկլէի համար, այնքան ապշեց նա, որ երկար ժամանակ չէր կարողանում լու ըմբռնել, թէ ինչ է ասում ամուսինը: Դրան նպաստում էր այն հանգամանքը, որ ամուսինը, սաստիկ գրգռուած, պատմում էր կցկտուր բառերով, կարծես աշխատում էր շուտ վերջացնել այդ ծանր բացատրութիւնը: Կինն իր չհասկանալովն այնքան չարչարեց ամուսնուն, որ Մարութեանը, վերջապէս, դուրս եկաւ համբերութիւնից:

—Օհ, ի՛նչ բթամիտն ես եղել, —յանկարծ բռնկաց նա և, աւելի դայրացած այն բանից, որ այդպիսի կոպիտ բառ թոցրեց բերանից, հեռացաւ իր առանձնասենեակը:

Թեկլէն այս անգամ ձեռք առաւ աղջկան և նրան էլ բաւական կըշարչարէր, եթէ Եւան կատարեալ հանգստութեամբ, թէև համարօտ, բայց շատ պարզ կերպով չպատմէր նրան այն բոլորը, ինչ որ իմացել էր օր. Սահակեանից Բաղէնեանի մասին:

—Մի՛թէ այդ ճշմարիտ է, մի՛թէ այդ ճշմարիտ է, —կրկնում էր Թեկլէն ապշած: —Այնպէս խօսողը — խաբեքայ... Սուրէնիս ազատողը — խաբեքայ: Այդ անկարելի է, այդ անհաւատալի է: Ուրեմն մեր փողերը մի աւազակի ձեռք են ընկել, ուրեմն նամակն էլ իրողը

կնք յանձնել նրան: Տէր Աստուած, մի՛թէ այդ ճշմարիտ է, մի՛թէ այդ կարելի է:

«Մի՛թէ այդ ճշմարիտ է, մի՛թէ այդ կարելի է» — մտքումը կրկնում էր Եւան մօր բացականչութիւններն այդ գիշեր անկողնում պառկած: Նրա դէմքի վրայ հիւանդոտ, դառն մի ժպիտ էր խաղում շարունակ, և այդ ժպիտը, կարծես, ասում էր՝ —մի՛թէ այլևս տարակուսելու տեղիք կայ. ամեն բան պարզ է հայելու նման: Ղիմակը վերևից մինչև ներքև պատասուել է, և Բաղէնեանը կանգնած է իր այլանդակ հոգու ամբողջ մերկութեամբ: Եւ Բաղէնեանի այդ պատկերն այնքան աւելի զարշելի էր, որքան զբաւիչ էր գաղտնիքը բացուելուց առաջ: Զարմանալի հանգստութեամբ Եւան դիտում էր իր հոգու աչքերով այդ զարշելի պատկերը և զգում էր, որ իրեն այնքան տանջող սիրոյ նշոյն անգամ չի մնացել իր սրտի մէջ: Նրան թւում էր այժմ, թէ այդ սէրը ոչ այլ ինչ է եղել, եթէ ոչ անտանելի մի կեղտ, որ բարերար մի ձեռքով յանկարծ ջընջուել, անհետացել է, անհուն թեթևութիւն պատճառելով իրեն: Այլ ևս չեն կարող լինել անհանգիստ սպասումներ, անքուն գիշերներ, յարատև լարուած դրութիւն, սարսափ ու զղջում. վերջացաւ, անցաւ այդ բոլորն իբրև ծանր մի պատրանք: «Օ», որքան բաղդաւոր եմ, որքան շնորհակալ եմ օր. Սահակեանից, որ այսպէս թեթևացրեց հոգիս» — շնջում էր նա:

Վերջին օրերից յետոյ, այդ առաջին գիշերն էր, որ Եւան քնեց շատ հանգիստ, իսկ առաւօտեան այնքան առողջ ու զուարթ էր զգում իրեն, որ նրա հոգին, կարծես, ոչ մի ծանր յուզման չէր ենթարկուել: Նա բոլորովին անտարբեր մնաց մինչև անգամ այն ժամանակ, երբ, թէյ խմելու համար դուրս գնալով սեղանատուն, տեսաւ, որ հայրն ու մայրը շատ վատ տրամա-

Մտեր

դրութեան մէջ են: «Խեղճեր,—մտածեց նա անկարե-
կից կերպով,—ի՞նչ էք զգացել դուք՝ համեմատած իմ
զգացածներէ հետ»: Եւ, մինչև անգամ ժպտալով, նըս-
տեց իր սովորական տեղը, հօր մօտ:

Մարութեանը, չնայելով իր վատ տրամադրու-
թեան, հաւատարիմ էր մնացել իր ամենօրեայ սովոր-
ութեանը—թէյի ժամանակ լրագիր կարդալուն: Թեկ-
լէն նորից սկսեց երկար ու բարակ բացականչութիւն-
ները Բազէնեանի մասին: Ամուսինը յամառօրէն լռում
էր, աչքը լրագրին տնկած, բայց վերջը, համբերութիւ-
նից դուրս գալով, լրագիրը յանկարծ մի կողմ շարժեց
և այնպէս պինդ գոռաց կնոջ վրայ, որ Թեկլէի բերնից
դուրս թռչող բացականչութիւններից մէկը կիսատ մը-
նաց, իսկ փոքրիկ Սուրէնը, որ, մօր կողքին նստած,
հանգիստ վայելում էր իր հացը մեղր ու կարագով:
վախից վեր թռաւ տեղից:

—Դարդդ այն փողի համար է, որ տուի նրան,—
բացականչեց Մարութեանը:—Ջրհաննամը. թող այդ
փողը մի վարձատրութիւն լինի նրան, որ մեր երեխա-
յի կեանքը փրկեց վտանգից:

—Հայրիկ, ի՞նչ հարկաւոր է, որ այդպէս գրգռու-
ում ես,—ասաց Եւան հանդարտ, հաշտեցնող եղանակ-
ով:—Աւելի լաւ չէ՞, որ այդ մասին ամենևին չխօսեք:

—Այո՛, այլ ես ո՛չ մի խօսք այդ աւազակի մաս-
ին: Վաղը նա գալու է, եթէ միայն արդէն չի ծեղկ-
ախտեղից, և ես շան պէս դուրս կանեմ նրան
տնից:

—Ինչո՞ւ այդպէս խիտտ, հայրիկ. աւելի լաւ չէ՞,
քաղաքավարի կերպով հասկացնես նրան, որ այլ ես չեմ
կարող տեղ ունենալ մեր տանը: Այդպէս աւելի ազդե-
կը լինի:

—Ո՛չ, շան պէս, շան պէս,—կրկնեց Մարութեանը:

նը:—Ոչինչ ինձ այնքան չի դայրացնում, որքան նրա
անամօթ լրբութիւնը, որ մեզնից առաւ Արմենակին զը-
րած նամակը՝ իբր թէ նրան տանելու, մինչդեռ այդ
նամակը պէտք է պատուէր և դէն շարտէր, ինչպէս ար-
դէն արել է, ի հարկէ:

—Ահա սյդ է, որ ինձ այսպէս այրում է, և ոչ
թէ քո նրան տուած փողը,—նկատեց Թեկլէն ամուս-
նուց սաստիկ նեղացած:

—Տեսնո՞ւմ էք, դուք դարձեալ սկսեցիք,—ասաց
Եւան նոյն հանդարտ, նոյն հաշտեցնող եղանակով:—
Ի՞նչ մեծ ցաւ է այդ նամակը. ուրիշը կը դրենք, ի՞նչ
կայ որ:

—Հարիւրը կը դրես, բայց տանո՞ղն ով է,—բար-
կացած կանչեց մայրն աղջկայ վրայ:

—Միւսնոյն է, Բազէնեանն էլ խօ չպէտք է տա-
նէր:

—Բաս ինչո՞ւ էր առնում, որ չպէտք է տանէր,
այն անաստուածը, այն անխիղճը...

—Թի՛սւ,—թքեց Մարութեանը դայրապին և նո-
րից ձեռքն առաւ լրագիրը:

Եւան տեսաւ, որ իր միջամտութիւնը, հանդս-
տացնելու փոխարէն, աւելի ես գրգռում է հօրն ու
մօրը, ուստի աւելի լաւ համարեց լռել:

—Դուք ամենևին ուշադրութեան չէք առնում իմ
դրութիւնը,—շարունակեց Թեկլէն լացակումած ձայնով,
և նրա աչքերը լցուեցին առատ արցունքով:—Քանի
ժամանակ է նամակ չունինք, իսկ այնտեղ այնպիսի
բաներ են կատարւում... Գիշերները քուն չունիմ...
Աստուած գիտէ, թէ ինչեր եմ մտածում... Իսկ դուք
ամենքդ էլ դեռ ինձ վրայ էք յարձակւում:

—Եւ Թեկլէն թաշկինակը պինդ սեղմեց աչքերին,
հաղիւ կարողանալով զսպել հեկեկանքը:

Եւան իր մեծ-մեծ աչքերով նայեց մօրն անհուն կարեկցութեամբ և ուզում էր քաջալերական խօսքեր ասել, բայց տեսաւ, որ սաստիկ զգացուել է մօր սըր-տածմլիկ խօսքերից և ինչ-որ մի բան, հակառակ իր կամքին, եկել դէմ է առել բկին:

Մարութեանը դարձեալ լուում էր յամառօրէն. լրագիրը ոչ թէ կարգում, այլ ուղղակի ճմուռւմ էր ձեռքին, բայց ցոյց էր տալիս, թէ կարգում է:

Եւան արմունկներով յենուեց սեղանին և դէմքն առաւ ձեռքերի մէջ: Բազէնեանի հմայքից ազատուելուց յետոյ, այս առաջին անգամն էր, որ նա սկսեց լրջօրէն մտածել իր հեռացած եղբօր վիճակի մասին, մօր խօսքերի ազդեցութեան տակ: Յիրաւի, ինչ է պատահել Արմինակին. ինչո՞ւ այսքան ժամանակ ոչ մի տեղեկութիւն չի տալիս իր մասին. ժամանակ չունի՞ արդեօք նամակ գրելու, թէ հիւանդ է: Եւ, առհասարակ, ինչ է կատարուում արդեօք այնտեղ:

Եւան յանկարծ յիշեց Բազէնեանից առած յեղափոխական թերթը: Եւ յիշելուն պէս վերկացաւ, անցաւ իր սենեակը և վերարկուի զրպանից հանեց թերթը: Չեռքը թերթին կպչելուն պէս նրան թուաց, թէ քթին դիպաւ ճիշտ միևնոյն անտանելի քացախած հոտը, որ փչում էր Բազէնեանի բերանից երէկ երեկոյ հիւրանոցում նրան այցելած ժամանակ: Այդ հոտի հետ միասին Եւայի մէջ մի ակնթարթում վերարտադրուեց Բազէնեանի պատկերն իր բարոյական բոլոր ազդեցութեամբ, այնպէս, ինչպէս ներկայացրել էր նրան օր. Սահակեանը: Եւ Եւան, որ մինչև այժմ այնքան հանդիստ էր, յանկարծ զրգոուեց այնպիսի մի անզուսպ դարձանքով, որ քիչ մնաց թերթն ուղղակի շարտի վառարանի մէջ ձրթձրթացող կրակը: Սակայն, զսպից իրեն, և հիւանդօտ, դառն ժպիտը նորից ծամածուեց նրա գե-

ղեցիկ դէմքը: «Ինչո՞ւ,—մտածեց նա:—Մեղաւոր է այս խեղճ լրագիրը, որ նա իր բազմաթիւ դէնքերից մէկն է շինել՝ միամիտներին խաբելու համար»: Առաջուայ հանդարտութեամբ վերադարձաւ ծնողների մօտ, նըստեց լուսամուտի առաջ և սկսեց թերթել լրագիրը:

Նախ կարգաց մանր լուրերը, ուր մի առ մի յիշատակում էին զանազան տեղերից ստացուած նուէրները, յայտնում էին տեւորի ենթարկուած մի քանի մասնիչների անուններ, հաղորդում էին հալածանքի և բռնութեան նորանոր դէպքեր: Այդ լուրերի շարքում Եւան սկզբում զարմացած, յետոյ անհուն գոհունակութեամբ կարգաց մի լուր, ուր մերկացում էր Բազէնեանի իսկական անձնաւորութիւնը: Կուսակցութեան օրգանը, բացէ ի բաց մերժելով Բազէնեանի մասնակցութիւնն այն գործին, որի անունով փողեր էր հաւաքում, հասարակութեանը զուշացնում էր այդ «խաչագողից» և «սուրբ գործի պարագլխից»: 'Քիչ մնաց, որ Եւան՝ վեր թռչէր ուրախութիւնից և այդ յայտարարութիւնը բարձրաձայն կարդար ծնողների առաջ, բայց խելացի համարեց առժամանակ պահել այդ բանը, մինչև որ հայրն ու մայրը բոլորովին կը հանգստանային: Նա անցաւ առաջնորդող յօդուածին, որի մէջ խմբագրութիւնը խիստ յարձակումներ էր գործում ազատ-կծու լեզուի ամենազօրաւոր արտայայտութիւններով:

Այնուհետև Եւան աչքի անցկացրեց մի քանի ուրիշ յօդուածներ և թղթակցութիւնները: Թղթակցութիւնների մէջ նրա առանձին ուշադրութիւնը գրաւեց մի նամակ, որ, ինչպէս երևում էր, վերջին դէպքերի ընդհանուր մի տեսութիւն էր պարզ ու հատու լեզուով գրուած: Եւան աղահօրէն սկսեց կարդալ այդ նամակը: Ընթերցման միջոցին նրա սիրտը յանկարծ սկսեց ա-

բազօրէն բարախել և դէմքը մի ակնթարթում մեռելի դոյն ստացաւ...

Մէկ էլ—հայրն ու մայրը բացին սարսափելի մի ճիչ, այնքան սարսափելի, որ թեկէի ձեռքից վայր ընկաւ թէյի բաժակը և շրխկալով փշրուեց յատակի վրայ: Հայրն ու մայրն խփոյն վեր թռան տեղից և վազեցին դէպի աղջիկը:

Եւան քարացի էր աթոռի վրայ և անմիտ չսած աչքերով նայում էր ձեռքին բռնած լրագրի տողերին, կարծես այդ տողերը զարհուրելի օձեր լինէին, որոնք շարժում էին իրենց լպրծուն մարմնի ահաբեկող-ձկուն գալարումներով, և նա չէր կարողանում աչքերը հետսցնել զրանցից:

—Ի՞նչ պատահեց, Եւա, ի՞նչ պատահեց,—կանչեցին Մարութեանն ու թեկէն սաստիկ վախեցած:

—Տեսէք, տեսէք... Արմենակը...—խելագարի նըման արտասանեց Եւան, մատը դնելով կարդացած վերջին տողերի վրայ: Նրա ձեռքը սաստիկ դողում էր: Մարութեանը լրագիրը խլեց նրա ձեռքից:

—Ի՞նչ կայ այստեղ... Ի՞նչ կարդացիր... Արմենակն, ասում ես... Այս ի՞նչ թերթ է... Հն... Ո՞րտեղ է... Ո՞րտեղ կարդացիր Արմենակի մասին...

Եւան վերկացաւ տեղից:

—Տեսէք, տեսէք,—կրկնեց նա:—Արմենակը... Ա՛յ այստեղ... Չէ, այստեղ չէ... Ա՛յ... Չէ, սպասեցէք, այդ էլ չէ... Ո՞րտեղ է... Ա՛յ... Ո՞ւֆ, չէ:—Նա աչքերը պինդ տրորեց ձեռքերով և դողացող մատը նորից սկսեց շարժել լրագրի տողերի վրայ:—Ա՛յ, այ,—սարսափելի շեշտով արտասանեց նա, վերջապէս գտնելով կարդացած վերջին տողերը:

Մարութեանն ազան աչքերով սկսեց լսել այդ տողերը: Սկզբում կարդում էր ցածր, բայց յետոյ նրա

ձայնն սկսեց հետզհետէ բարձրանալ և վերջն արդէն կարծես խելագարի ճիչեր էին դուրս թռչում նրա բերանից:

Լրագիրը դուրս պրծաւ Մարութեանի ձեռքից, և բարակ, խշխշուն թերթիկները, բաժան-բաժան եղած, թրթռալով օդի մէջ, թեթե ցրիւ եկան յատակի վրայ: Նրա ծնկները, սաստիկ դողդողալով, թուլացան, և նա, ձեռքով յենուելով լուսամուտի տախտակին, կամաց, կարծես խիստ յոգնած, նստեց աթոռի վրայ, զգալով, որ աչքերը մթնում են:

Նրան ուշքի բերեց ինչ-որ փափուկ և ահագին մարմնի ուժգին մի հարուած, որ յանկարծ զիպաւ նրա ծնկներին և վայր ընկաւ: Նա բաց արեց աչքերը և, կարծես կրակի մէջ, տեսաւ կնոջը իր ոտների առաջ, յատակի վրայ տարածուած...

Լրագրի մէջ յիշատակում էր Արմենակ Մարութեանի հարաշար մահը թրքական ահարկու բանախ մէջ...

ԵՐՐՈՐԴ ՄԱՍ

I

Շահեանը ճաշը նոր վերջացրել և, ըստ սովորականին, պառկել էր, որ քնի, մէկ էլ վերմակի տակից լսեց, որ դուռը բացուեց զգուշօրէն:

— Լևոն, — լսեց նա մօր ձայնը:

Այդ ձայնը տարօրինակ շշնջիւնով և խիստ խորհրդաւոր հնչեց նրա ականջին: Վերմակը արագ յետ քաշեց դէմքից և հարցական հայեացքով լուռ նայեց մօր աչքերին:

— Ինչ-որ կին է եկել, քեզ է ուզում տեսնել:

— Կի՞ն... Ի՞նչ կին, — զարմացաւ Շահեանը:

— Չգիտեմ:

Շահեանը դէն շարտեց վերմակը և նստեց: Ինչքան էլ որ նա հետաքրքրութեամբ հարցուփորձ արեց, այնուամենայնիւ մօր պատասխաններից չկարողացաւ խմանալ, թէ ով կարող էր լինել իրեն տեսնել կամեցող կինը: Շահեանի մայրն ինքն անձամբ չէր տեսել այդ կնոջը, այլ ասում էր այն, ինչ որ ասել էր իրեն նրան ներս հրաւիրող ծառան: Շահեանի հետաքրքրութիւնը խիստ լարուեց մանաւանդ այն ժամանակ, երբ խմացաւ, որ այցելու կինը չափազանց կարեւոր դործունի իր հետ և անպատճառ ուզում է տեսնել իրեն: Այդպիսի անձանօթ մի հիւրի այցելութիւնն այնպիսի

եղակի երևոյթ էր նրա փակ կեանքի մէջ, որ մինչև անգամ իր ծուլութեանը յատուկ դժգոհութիւն չզգաց նա, երբ տեսաւ, որ ստիպուած է խանդարել իր սովորական հանգիստը:

Իսկոյն վերկացաւ, կարելոյն չափ շտապով լուացուեց, հագնուեց, մազերը սանրեց, շտկուեց, թաշկինակով սրբեց ակնոցի ապակիները, դրեց աչքերին և սրտի թեթև գոգոցով դիմեց դէպի հիւրասենեակ, որ ծառան ներս էր հրաւիրել ալցելու կնոջը:

Հիւրասենեակում սպասող այցելուն պանի Զգանեիչն էր: Նախասենեակում նա չէր հանել իր երկայն ու լայն վերարկուն, որի սպիտակ մորթուց կարուած օձիքի երկայն ու դանդուր մազերն օձապտոյտ իջնում էին ուսերից: Գլխին փաթաթած էր նուրբ գործուածքի մետաքսեայ սև շալ, որի տակ նրա խիստ հարուստ մազերը, ծոծրակի վրայ հաւաքուած, սար էին կազմել: Շահեանին սպասելով յետ ու առաջ էր քայլում հիւրասենեակի երկարութեամբ փոռած գորգի վրայ, և նրա երկայն վերարկուի փոքր ինչ ցեխոտ փեշերն ևտևից քարշ էին դալիս գետնին:

Այն հանգամանքը, որ այցելուն պանի Զգանեիչն էր, այնքան անակնկալ էր Շահեանի համար, որ հիւրասենեակը մտնելուն պէս ապշած կանգ առաւ ակամայ, մոռանալով հիւրասիրութեան ամենատարրական պայմաններն անգամ:

— Տեսնում եմ, որ չէիք սպասում, թէ ես կարող եմ լինել, — խօսեց պանի Զգանեիչն, արագ մօտենալով և մեկնելով նրան իր ձեռքը: Որի վրայ ձեռնոց չունէր: — Ներեցէք խնդրում եմ. տեսնում եմ, որ ձեզ խիստ անժամանակ եմ անհանգստացրել:

Շահեանը խիստ շփոթուած, բայց պինդ սեղմեց

նրա տաք ձեռքը և արագ շարժումներով, անկապ բաներով խնդրեց, որ նստի:

Պանի Զգանեիչը նստեց Շահեանի առաջարկած բազկաթոռի վրայ, նախապէս վերցնելով վերարկուն ու գլխի ծածկոցը: Շահեանը ծառայութիւն մատուցանելու նախապատրաստ մարդու արագութեամբ առաւ նրա ձեռքից վերարկուն, որը զարմանալի թեթև թըլաց, տարաւ դրեց աթոռներից մէկի վրայ և նոյն արագութեամբ մի աթոռ առնելով՝ մօտ բերեց, բայց չնստեց: Նոր դպաց, որ հիւրասենեակում բաւական ցուրտ էր, որովհետև երկար ժամանակից ի վեր վառարան չէր վառուել այդտեղ, ուստի պանի Զգանեիչին հրաւիրեց իր առանձնասենեակը, որտեղ վառարանն ամեն օր վառում էր: Բաւական կոկիկ կահաւորուած և զարդարուած տաք առանձնասենեակում պանի Զգանեիչին բազմեցրեց մութաքաներով և ասեղնազործ թաւշեայ բարձիկներով զարդարուած փոքրիկ բազմոցի վրայ, խկ ինքը դարձեալ մի աթոռ առաւ, մօտ բերեց, բայց դարձեալ չնստեց: Այժմ նա այնքան տիրապետում էր իրեն, որ կարողացաւ, թէև անշնորհ կերպով, իր «անչափ ուրախութիւնը» յայտնել պանի Զգանեիչի անսպասելի այցելութեան համար:

— Անսպասելի ոչ թէ միայն ձեզ, այլ և ինձ համար, պարոն Շահեան, — վրայ բերեց պանի Զգանեիչը և նայեց նրա ակնոցներին խիստ տխուր ժպիտով: — Այս իմ առաջին այցելութիւնն է, որ երևի և վերջինը կըլինի:

— Դուք գնում էք:

Պանի Զգանեիչը ծանր թառանջ արձակեց:

— Այո, պարոն Շահեան, ես հեռանում եմ, — ծանր, հանդիսաւոր ձայնով արտասանեց նա, իր հանգիստ դառնութեամբ լի աչքերը չհեռացնելով Շահեանի ակ-

ԵՐՐՈՐԴ ՄԱՍ

I

Շահեանը ճաշը նոր վերջացրել և, ըստ սովորականին, պառկել էր, որ քնի, մէկ էլ վերմակի տակից լսեց, որ դուռը բացուեց զգուշօրէն:

— Լևոն, — լսեց նա մօր ձայնը:

Այդ ձայնը տարօրինակ շշնջիւնով և խիստ խորհրդաւոր հնչեց նրա աղանջին: Վերմակը արագ յետ քաշեց դէմքից և հարցական հայեացքով լուռ նայեց մօր աչքերին:

— Ինչ-որ կին է եկել, քեզ է ուզում տեսնել:

— Կի՞ն... Ի՞նչ կին, — զարմացաւ Շահեանը:

— Չգիտեմ:

Շահեանը դէն շարտեց վերմակը և նստեց: Ինչքան էլ որ նա հետաքրքրութեամբ հարցուփորձ արեց, այնուամենայնիւ մօր պատասխաններից չկարողացաւ իմանալ, թէ ով կարող էր լինել իրեն տեսնել կամեցող կինը: Շահեանի մայրն ինքն անձամբ չէր տեսել այդ կնոջը, այլ ասում էր այն, ինչ որ ասել էր իրեն նրան ներս հրաւիրող ծառան: Շահեանի հետաքրքրութիւնը խիստ լարուեց մանաւանդ այն ժամանակ, երբ իմացաւ, որ այցելու կինը չափազանց կարևոր դործունի էր հետ և անպատճառ ուզում է տեսնել իրեն: Այդպիսի անձանօթ մի հիւրի այցելութիւնն այնպիսի

նոցից:—Հեռանում եմ ամեն կերպ ստորացած, ամեն կերպ անարգուած, ամեն կերպ... խայտառակուած:

Նրա լայն բացած աչքերի կոպերը և լիքը կզակը դողդողացին: Նա շրթունքները պինդ սեղմեց իրաբ ախ մարդու նման, որի սիրտը յանկարծ լցուում է: Այնուհետև, առանց շտապելու, հանեց թաշկինակը և սկսեց ծայրով սրբել արտասուակալած աչքերը:

Շահեանը չափազանց հետաքրքրուեց: Նա նոր էր տեսնում, որ պանի Զդանևիչի մէջ մեծ փոփոխութիւն էր կատարուել: Արտաքինով այդ կինը նոյնն էր, — նոյն հսկայ, «սարսափելի» գեղեցիկ և վեհանձն կինը: — Բայց նրա խորհրդաւոր խօսքերը, նրա ճնշուած ձայնը, յուսահատական հայեացքը, վերջապէս այդ արտասուութիւնը... Ի՞նչ էին նշանակում դրանք... Շահեանը կամաց նստեց աթոռի վրայ և դրեթէ շշնջալով, կարծես վախենալով, հարցրեց.

— Պանի Զդանևիչ, ի՞նչ է պատահել:

Պանի Զդանևիչը թաշկինակը հեռացրեց աչքերից:

— Մի՞թէ, յիրաւի, դուք ոչինչ չգիտէք, — հարցրեց նա արագախօսութեամբ: — Մի՞թէ գոնէ չէք կասկածել...

— Ի՞նչ:

Պանի Զդանևիչը կարճ ժամանակ դարմացած նայեց Շահեանի աչքերին: Մի տեսակ մանկական վախի կոտ ապշութիւն արտայայտող այդ անալի աչքերն այնքան բարի, այնքան միամիտ էին և այնպիսի վստահութիւն ներշնչող, որ պանի Զդանևիչը նստած տեսնում ակամայ մի շարժում դործեց, որով կարծես ուզում էր մօտենալ նրան և առնել նրա ձեռքը:

— Լսեցէք, պարոն Շահեան, — շշնջաց նա նոյն արագախօսութեամբ, և նրա ձայնը դողում էր կոկորդիլի մէջ: — Թէև իսկապէս ոչ դուք էք ճանաչում ինձ, ոչ ես ձեզ, բայց և այնպէս ինձ թւում է, թէ սիրտս չի խառն

րել ինձ, որ եկել եմ ձեզ մօտ, իբրև եղբորս մօտ, որի առաջ կարող եմ թափել սրտիս բոլոր դառնութիւնը... Այո, դուք չգիտէք, թէ ով եմ ես, և, եթէ իմանաք, պիտի ապշէք, թէ ինչպէս ես այժմ խօսում եմ ձեզ մօտ այսպիսի յուսահատութեամբ, այսպէս լաց եմ լինում ձեր առաջ...

Եւ պանի Զդանևիչն այս անգամ հեկեկաց, թաշկինակը պինդ սեղմելով աչքերին:

Շահեանը փշաքաղուեց և չափազանց անյարմար դրութեան մէջ զգաց իրեն: Մինչև այժմ պանի Զդանևիչի վրայ նայում էր այն աստիճան պատկառանքով, այդ կնոջ արտաքինն այն աստիճան ճնշում էր նրան իր սքանչելի վեհութեամբ, իր ախպական գեղեցիկութեամբ, որ այժմ այդ հպարտ կնոջ հեծկլտանքը կատարեալ մի դիտմանն էր առաջացնում նրա զգացումների և ապաւորութիւնների միջև: Առաջուայ վեհանձն, իշխող, ընկճող պանի Զդանևիչն ընկել էր իր բարձրութիւնից այն աստիճան, որ այժմ դարձել էր պարզապէս ողորմելի, կարեկցութիւն շարժող հասարակ մի կին: Շահեանը յիշեց, որ պանի Զդանևիչին այդպիսի դրութեան մէջ, թէև բոսկէաբար և հեռուից, տեսել էր մէկ էլ «Լոնդոն» հիւրանոցի միջանցքում, երբ նա լացակումած դուրս եկաւ Բաղէնեանի սենեակից: Այդ միջոցութիւնը Շահեանի մտքի մէջ կայծակի արագութեամբ վերարտադրեց պանի Զդանևիչի և Բաղէնեանի միջև եղած խորհրդաւոր յարաբերութիւնները այն պարագաները, որոնց ինքն անձամբ ականատես էր եղել նախ «Միխայլովօ» կայարանում, յետոյ «Լոնդոն» հիւրանոցում, հիւանդ Բաղէնեանին այցելած ժամանակ: Եւ նա, որ մինչև այժմ լոկ ենթադրութիւններով էր դոհացում տալիս իր ակամայ հետաքրքրութեանն այդ յարաբերութիւնների իսկական ընաւորութեան մասին,

այժմ մի անգամից, թէև ոչ բոլորովին, կարծես զլիկ ընկաւ, թէ ի՞նչ էին նշանակում պանի Զդանևիչի կրթկտուր խօսքերը, նրա յուսահատական հեկեկանքը...

Մինչդեռ Շահեանն, այդ յայտնագործութիւնից ապշած, խօսք չէր գտնում ասելու, պանի Զդանևիչը, թաշկիմակն աչքերին սեղմած, շարունակում էր զսպած կերպով հեծկլտալ, որից նրա հսկայական մարմինը ցնցւում էր ամբողջապէս:

Յանկարծ վերին աստիճանի անկեղծ և յարգահան-կարեկցական մի զգացում շարժեց Շահեանի սիրտն այն աստիճան, որ նա մոռացաւ իր բնածին ամօթխած անվստահութիւնը և, մեքենայաբար վերկենալով, մօտեցաւ պանի Զդանևիչին:

—Պանի Զդանևիչ,— շշնջաց նա:— Հանգստացէ՛ք խնդրում եմ:

—Պանի Զդանևիչը յանկարծ դադարեց հեծկլտալուց, արագ վեր կացաւ տեղից և յուսահատական աղերսանքով առաւ նրա ձեռքը:

—Պարոն Շահեան, սիրելի բարեկամս,— արտասանեց նա, արտասուքը կուլ տալով:— Աններելի անմտութիւնս է, թէ ճակատագիրս,— ձգել է ինձ այս օտար, այս անծանօթ քաղաքը, ուր բացի ձեզնից, ոչ մի բարեկամ չեմ ճանաչում, չունիմ: Եւ անհաս ես կեկեմ ձեզ մօտ, իբրև մի մարդու մօտ, որը, հաւատացած եմ, կըհասկանայ ինձ, կըմտնէ դրութիւնս, չի դատապարտիլ ինձ և... չի խնայիլ իր օգնութիւնը: Ինձ չափազանց հեռու կըտանի, եթէ պատմեմ ձեզ, թէ ի՞նչն է ստիպել ինձ, որ եկել եմ ձեր դուռը: Բաւական է ասեմ, որ ձեր ընկերոջ՝ Բաղէնեանի շնորհիւ ես այժմ գրկուած եմ միանգամայն ոչ թէ միայն իմ զիրքից, իմ անուանից, իմ պատուից, այլ և իմ ամբողջ կարողութիւնից... Նա բերեց ինձ այստեղ, ձգեց մի-

նակ ու անօգնական և... փախաւ: Փախաւ ամենաանարդ կերպով, փախաւ թաքուն, գողի նման... Եւ, անհաստիպուած եկել եմ ձեզ մօտ... Ուզում եմ վերադառնալ... միջոց չունիմ, որովհետև կողոպտուած եմ... Եթէ դուք... Ես պատրաստ եմ մուրհակ... տոկոս տալ...

Շահեանը կամաց ազատեց իր ձեռքը նրա ցնցողաբար սեղմող ձեռքի միջից:

—Ո՞րքան կըկամենայիք,— հարցրեց նա հանդիստ, լուրջ ձայնով:

—Այսպէս... մի երկու հարիւր... աւելի չէ: Ես պատրաստ եմ...

Շահեանը ձեռքի շարժումով հասկացրեց նրան, որ հարկաւոր չէ այդ մասին խօսել, արագ մօտեցաւ գրասեղանին, դուրս քարշեց գզրոցներից մէկը և միջից հանեց մի կոյտ թղթադրամ: Այդ իր կալուածների ամսական վարձագրի մի մասն էր, որ Ստեփանը, կալուածների կառավարիչը, հաւաքել և մի քանի օր առաջ յանձնել էր նրան: Նա համարեց քսան հատ տասն ուրլանոց, սակայն առանց հաշիւ տալու իրեն՝ ճիշտ քսան հատ համարեց, թէ աւելի կամ պակաս, որովհետև խիստ յուզուած էր, և դրեց պանի Զդանևիչի առաջ:

Պանի Զդանևիչը, սաստիկ զգացուած, արտասուքըն աչքերին, մօտեցաւ նրան, բայց նա յետ քաշուեց և արագախօսութեամբ նկատեց.

—Եթէ շնորհակալութիւն պիտի յայտնէք, ևս դուրս կըգնամ:

Պանի Զդանևիչը ձեռքերն աղերսազին մեկնեց դէպի նա:

—Ոչ, ես ոչինչ չեմ ասիլ. միայն թոյլ տուէք սեղմեմ ձեր բարի ձեռքը:

Շահեանը պարզեց ձեռքը:

Պանի Զդանևիչը առաւ այդ ձեռքն իր տաք ձեռ-

քերի մէջ և լուռ հիացմունքով, անհուն երախտազի սութեամբ սեղմեց իր փափուկ կրծքին:

II

Շահեանը մինչև փողոցի դուռը ճանապարհ ձգեց պանի Ձղանեիչին: Այստեղ նա վերին աստիճանի յաղանքով բաժանուեց պանի Ձղանեիչից և չհեռացաւ դռնից, մինչև որ պանի Ձղանեիչը, վերադառնալի երկայն փեշը սառած ձիւնի վրայ քարշ տալով ետևից, ծոռեց փողոցի անկիւնը և չքացաւ: Նա դուռը փակեց և վաղեց վերև:

Սանդուղքի գլխին, նախասենեակում, նրա դէմն ելաւ մայրը:

— Ո՛վ էր, — հարցրեց Թամարը հետաքրքրութեամբ՝

Շահեանը յանկարծ, բոլորովին հակառակ ի՛ր բնաւորութեան, կատակ անելու տրամադրութիւն զգաց:

— Ի՛մ սիրուհին, մայրիկ, — բացականչեց նա: — Եւ զիտե՞ս ինչու էր եկել: Եկել էր փող ինդրելու: Ես էլ տուի:

— Ես էլ հաւատացի, — հանգիստ նկատեց մայրը՝

— Այդ աւելի լաւ, որ չես հաւատում, — նկատեց Շահեանը ծիծաղելով: — Բայց տես՞ր նրան:

— Տեսայ:

— Հաւանեցի՛ր: Սիրուն էր, չէ՞: Ես տղեղ սիրուհիներ չեմ պահել:

Մայրն այս անգամ պարզապէս ապշած նայեց որդու անսովոր ուրախութիւնից փայլող աչքերին:

— Լե՞ն, այդ ինչէ՛ր ևս ասում...

— Ի՞նչ է, ամենքը սիրուհի են պահում, ևս էլ ո՞ր պահեմ, ամօթ բան է:

— Ի՛նչ, գնա, քո գլուխը չունեմ, — քրթմնջաց բարի պառաւը: — Ներս գնա, ներս, մրսեցիր: Այս ցրտին զըլխարաց էլ գնում ևս մինչև դուռը ճանապարհ դնելու... Նրա աչքն էլ կարեմ:

— Օ՛, մայրիկ, զգուշացիր. ևս թոյլ չեմ տալ, որ նրա հասցէին այդպիսի խօսքեր ասես:

— Յիմար - յիմար մի խօսիր, ներս գնա ասում եմ, — հրամայեց նրան մայրը բարկացած:

Շահեանը բարձրաձայն ծիծաղեց և անցաւ իր ննջարանը: Բայց այնքան ուրախ էր, սրտի մէջ այնպիսի մի թեթևութիւն, երակների մէջ այնպիսի մի զրդիւն էր զգում, որ այլևս պառկել քնել չէր կարող: Մի բան, անհասկանալի մի զօրութիւն մագնիսի պէս ձգում քարշում էր նրան դէպի առանձնասենեակը — այնտեղ, ուր մի քանի բոպէ առաջ պանի Ձղանեիչի հետ էր: Եւ անցաւ. դէպի այդ սենեակը: Մտնելուն պէս նրա քթովը դիպաւ պանի Ձղանեիչի հագուստին սրբակուած հոտաւէտ օձանելիքի սուր բուրմունքը, որ դեռ ևս կանգնած էր այնտեղ: Նա կանգ առաւ ակամայ և առանձին ախորժակով ծծեց սենեակի՝ անուշահոտութեամբ յագեցած օդը: Գեղեցիկ կնոջ մարմնի ներկայութիւնը նա զգաց միայն այժմ, երբ այդ կինն այլևս այնտեղ չէր: Շահեանի համար այդպէս էր եղել միշտ, այդպէս էր և այժմ. կինը մօտիկից, կինն իրականութեան մէջ, շօշափելի կինը նրա վրայ այն տաւորութիւնը չէր գործում, ինչ որ կինը հեռուից, կինը երեւակայութեան մէջ, անշօշափելի կինը: Կնոջ մտացածին պատկերն աւելի զօրեղ ազդեցութիւն ունէր նրա վրայ, քան թէ իրական կինը: Իրականութեան մէջ կոյսի պէս ամօթխած լինելով, երևակայութեան մէջ համարձակ էր ցինիկի և էրոտիկի պէս...

Շահեանը նստեց բազմոցի վրայ, այնտեղ, ուր

նստած էր պանի Զդանեիչը, և հաւաքեց իր վաւաշոտ երեւակայութեան բոլոր ոյժն աւելի որոշ կերպով մտապատկերելու համար այդ հրաշալի կնոջ խոշոր, տիպական դէմքը, նրա հարուստ մազերը, հագուստի մէջ ամուր սեղմուած լիք իրանը: Նա առանձին հեշտանքով կանգ առաւ մանաւանդ այն մտապատկերի վրայ, երբ պանի Զդանեիչն առաւ նրա ձեռքն իր երկու ձեռքերի մէջ և սեղմեց իր կրծքին: Ինչքան փափուկ, ինչքան տաք էին այդ ձեռքերը, այդ փափուկ կուրծքը... Եւ Շահեանը յանկարծ ցանկացաւ գծի պէս համբուրել այդ ձեռքերը, դէմքը թաղել այդ կրծքի մէջ և հալուել, ինչպէս հալուում է ձիւնը արևի տաք ճառագայթների տակ:

Կարծես մոռական մի գաւազանի զօրութեամբ չքացել էր Շահեանի սովորական քնածութիւնը. երիտասարդական արիւնն սկսել էր եռալ նրա երակների մէջ անսովոր տաքութեամբ: Օրն անցկացրեց տենդային տանջող դրութեան մէջ, մթադնած ուղեղով, խառնաշփոթ անմաքուր զգացումներով: Արիւնը գլուխն էր ընկել և կատաղի ալիքներով զարկւում էր քունքերին: Նրա մէջ շարժուել էր արուն, ախտաբանական արարածը, որից աւելի զօրաւոր ոչինչ չկայ աշխարհիս երեսին, բացի մահից: Գիշերը նրա քունը նման էր պարզապէս մի մղձաւանջի, որի մէջ չէր իմանում՝ քնած է, թէ արթուն. զգում էր միայն, որ սարսափելի տանջւում է:

Առաւօտեան վերկացաւ սաստիկ թուլացած մարմնով և շատ վատ տրամադրութեան մէջ: Անլուայ երեսով, խալածը հագին նստած էր լուսամտաւոր առաջ, մռայլ կարմրատակած աչքերով նայում էր դուրս և մտածում էր պանի Զդանեիչի մասին, երբ ծառան մտաւ և մի նամակ յանձնեց նրան: Նա պատուեց ծրան-

րը, հանեց նամակը, և նրա քթին նորից դիպաւ նոյն անուշահոտ օծանելիքի սուր բուրմուռը: Նամակի մէջ խոշոր, փութկոտ, համարձակ գրերով գրուած էր հետեւալը.

«Ազնիւ բարեկամս արդեօք կըհաձի՞ այսօր, երեկոյեան ժամը 7-ին, կամ երբ ինքը ցանկայ, շնորհ բերել ինձ մօտ («Կաւկազ» հիւրանոց, № 18): Եթէ պ. Շահեանը չի մերժիլ այս խնդիրքը, անչափ գոհ-կըլինի նրանից իր երախտապարտ և իրեն սպասող

«Պանի Զդանեիչը»:

Շահեանը կարգաց այդ նամակը, և նրա սիրտը դող ընկաւ: Այն անհամեստ միտքը, որ տանջում, խելացնորութիւն էր պատճառում նրան ամբողջ գիշերը, այժմ մեխի պէս ցցուեց նրա գլխում, և նա սարսափեց: Դա անփորձութեան սարսափն էր իրականութեան առաջ:

Պանի Զդանեիչի վրայ, երեկուայ այցելութիւնից յետոյ, նա արդէն որոշ գաղափար էր կազմել. — այդ կինը Բագէնեանի սիրուհին է եղել. դա նշանակում է, որ նա ծախու կին է, թէև, շատ կարելի է, ոչ սովորական ծախու կանանցից: Յամենայն դէպս, պանի Զդանեիչը խստապահանջ բարոյականութեան տէր կին չէր, Շահեանի կարծիքով: Արդ՝ ի՞նչ միտք ունէր այդ կինը, որ, իր երեկուայ այցից յետոյ, այժմ հրաւիրում էր նրան իր մօտ: Իր խնդրած օգնութիւնը ստացաւ, ուրիշ ի՞նչ էր կամենում: Արդեօք նորից փող խնդրել, թէ՞ վարձահատոյց լինել...

Շահեանը չէր կարծում, թէ պանի Զդանեիչը դարձեալ փող խնդրելու համար լինէր իրեն հրաւիրելիս. այդպիսի դէպքում դարձեալ ինքը կըգար (և ճրտեղից գիտէր նա իր տան հասցէն): Մնում էր երկրորդ կն-

Թաղբուծիւնը, այն է՝ պանի Զդանեիչն իրեն հրաւիրում էր վարձահատոյց լինելու համար այն բանով, ինչով որ վարձահատոյց են լինում առհասարակ ծախուկանայք... Ահա, այդ միտքն էր, որ սարսափեցրեց Շահանին: Այն, ինչ որ նրա վաւաշտ երեակայութեան համար խաղ ու պար էր, այժմ մերկ իրականութեան առաջ փախուստ էր տալիս վախկոտ մկան պէս:

Երբէք նա, իբրև աղամարդ, իրեն այնպէս թոյլ երկչու ու ողորմելի չէր զգացել մի կնոջ վերաբերմամբ, ինչպէս այժմ: Իր կատարեալ անփորձութեան, իր կուսութեան սարսափը չէր միայն, որ ստիպում էր նրան փախչելու պանի Զդանեիչից, այլ և այն ամօթի զգացումը, որ ինքն անկարող պիտի լինի այդ կնոջ հետ վարուել աղատ, համարձակ, տղամարդի պէս, ինչպէս վարուում է մինչև անգամ վերջին գիմնադիտար:

Ամբողջ օրը խիստ տարօրինակ անհանգստութեան մէջ էր Շահեանը: Նա, որ երբէք սովորութիւն չուներ սենեակի մէջ քայլելու, այժմ արագ յետ ու առաջ էր շրջում և մտածում՝ գնա՛ր, թէ չգնար պանի Զդանեիչի մօտ:

Քսան անգամ կարգաց նամակը, քսան անգամ նստեց, որ պատասխան գրի, թէ՛ «դժբաղդաբար, գործերի պատճառով» չի կարող գնալ, — ձեռքն առաջ չէր գնում. ամեն անգամ նրա առաջ պատկերանում էր պանի Զդանեիչը իր յաղթական հասակով, իր փարթամ իրանով, իր ամբողջ էութեան անգիմադրելի հմայքով: Իսկ նամակից բուրող այդ դրդուիչ անուշահոտութիւնը, խելագարեցնելու չափ հեշտանք էր պատճառում նրան... Նրան թւում էր, թէ արհեստական հոտ չէ այդ, այլ հէնց ցանկալի կնոջ մարմնի բուրմունքը...

«Օ՛հ, կըգնամ, կըգնամ, մեռնեմ էլ — կըգնամ... վե՛

զակոթիս տալով կըտանեմ ինձ», բացականչեց նա ինքըն իրեն, շարունակելով արագ քայլել սենեակում:

Ճաշին մայրը զարմանքով տեսաւ, որ որդին գինին սովորականից աւելի է խմում և մերթ մտախոհութեան մէջ է ընկնում, մերթ խիստ ուրախանում: Նրանց ճաշը սովորաբար անցնում էր սուս ու փուս, բայց Շահեանն այս անգամ լեզու էր կտրուել: Այս անգամ մօրը պատմեց, թէ ով էր երեկուայ այցելու կինը և ինչու էր եկել, բայց չսասց, թէ այդ երեկոյ հրաւիրուած է նրա մօտ: Ճաշից որ վերկացաւ, ուղղակի արբած էր և գինու ազդեցութեան տակ հաստատ վճռել էր, որ անպատճառ պիտի գնայ պանի Զդանեիչի մօտ: Եւ արբել էր հէնց այն նպատակով, որ գնայ:

Այդ օրը, ճաշից յետոյ, քնելու մասին մտածել անգամ չէր կարող — այն աստիճան գերել էր նրան ժամը 7-ին պանի Զդանեիչի մօտ լինելու միտքը: Եւ նա սրտատրոփ սպասում էր, թէ երբ պէտք է օրը մթնի:

Սակայն, ձմեռուայ կարճատև օրը շատ շուտ մըթնեց: Ժամը 6-ին, պանի Զդանեիչի նշանակած ժամանակից մի ժամ առաջ, Շահեանը հագնուեց առանձին խնամքով և, մօրն ասելով թէ գնում է թատրոն, դիմեց դէպի «Կաւկազ» հիւրանոց: Սկզբում քայլում էր կայտառ, համարձակ, բայց յետոյ, քանի մօտենում էր հիւրանոցին, այնքան նրա քայլերը դանդաղում էին: Ձմեռուայ ցուրտ օդը կամաց-կամաց սառեցնում էր նրա արհեստական կերպով տաքացած արիւնը: Սկզբում չէր զգում, բայց յետոյ տեսաւ, որ ատամները զարկում են իրար: Երթունքները պինդ հուպ տուեց, որ զսպի ամբողջ մարմնի մէջ զգացած տարօրինակ դուրը, բայց և այնպէս բերանի մերթ այս, մերթ այն կապը ջղաձգարար վերև էր թռչում, իր հետ վերև ձգելով նաև վզի մկանունքները: Եւ այդ բոլորը հեղհեղեղ

սաստկանում էր, քանի մօտենում էր հիւրանոցին: Նա պարզ հաշիւ չէր կարողանում տալ իրեն, թէ ինչից էր այդ տարօրինակ դողը—ցրտից արդեօք, թէ՛ այն բանից, ինչ որ սպասում էր գտնել պանի Չղանեիչի մօտ: Դեռ «Կաւկազ» հիւրանոցին չմօտեցած՝ կանգ առաւ պայծառ լուսաւորուած խանութներից մէկի առաջ, ժամացոյցը հանեց և նայեց, ժամը 6-ից անցած էր 25 րոպէ: «Դեռ վաղ է, — մտածեց. — մի քիչ ման կըզամ այստեղ, մինչև որ 7-ը լրանայ»: Ու յետ դարձաւ:

Գինու ազդեցութիւնը դեռ ևս բոլորովին չէր անցել նրա գլխից, բայց ցուրտ, թարմ օդը հետզհետէ աւելի զգաստացնում էր նրան: Եւ որքան զգաստանում էր, այնքան աւելի ու աւելի զգում էր, որ խիստ բաղդաւոր պիտի լինէր, եթէ ստացած չլինէր պանի Չղանեիչի նամակը: Ի՞նչ էր ուզում այդ կինն իրենից: Ինչո՞ւ եկաւ և վրդովեց իր հանգիստը, որ հազիւ հազ ձեռք էր բերել վերստին, Եւայի և Բազէնեանի հետ ունեցած միջադէպից յետոյ: Ինչո՞ւ առիթ տուեց, որ նրա մէջ այժմ նորից շարժուել է իր կեանքն այնքան դառնացնող անձնաքննութեան թոյնը: Ահա, նա նորից լցուել է ատելութեամբ դէպի ինքը,—ինչո՞ւ համար...

Սակայն, ի հարկէ, Շահեանը շատ լաւ հասկանում էր, որ պանի Չղանեիչն այդ բոլորի մէջ ամենիւրեքն յանցանք չունէր. այդ կնոջ յանցանքն այն էր միայն, որ գեղեցիկ էր, եկել էր Շահեանից օգնութիւն խնդրելու և միւս օրը հրաւէրի մի նամակ էր գրել: Ճշմարիտ է, այդ նամակը պարզ չէր. բայց միթէ հէնց նրա համար, որ այդ նամակը պարզ չէր, պանի Չղանեիչի հրաւէրին նա անպատճառ այն բացատրութիւնը պիտի տար, որ այնքան ցանկալի էր նրա վա-

ւաշոտ ևրեակայութեան համար և որը, միևնոյն ժամանակ, այնքան սարսափեցնում էր նրա վախկոտ կամքը: Պանի Չղանեիչը կարող էր Բազէնեանի սիրուհին լինել, բայց այդ չէր նշանակում, թէ նա անպատճառ և ծախու կին պիտի լինի:

Շահեանն այս անգամ քստմնեց ինքն իրենից. քստմնեց այն վատ, անմաքուր մտքերից, որոնք այնքան յուզում, այնքան պղտորում էին իր զգացումները: Շատ լաւ ճանաչում էր իրեն. գիտէր, որ կնոջ վերաբերմամբ որքան որ գործնականապէս անարատ է ինքը կոյսի նման, այնքան տեսականապէս ապականուած և այլասերուած է զգացումներով. բայց չէր կարծում, թէ այդ ապականումն ու այլասերումն իր մէջ այն աստիճան զարգացած կարող է լինել, որ հասարակ մի նամակի մէջ, այդ նամակից բուրոջ անուշահոտութեան մէջ անգամ ուրիշ բան չի կարող տեսնել, քան եթէ միայն կնոջ տաք գրկախառնութիւն, կնոջ մարմնի իւրայատուկ բուրմունք... Այդ սոսկալի է. այդ նշանակում է բարոյական կատարեալ անկումն և աւելի դարշիլի ու կորստաբեր անկումն, քան օր ու դիշեր անառականօցնելու անցկացնող մարդու անկումը...

Եւ Շահեանը կատարեալ յուսահատութեամբ նորից կանգ առաւ Գալալինսկի պրոսպեկտի պայծառ լուսաւորուած խանութներից մէկի առաջ:

Երեկոն շատ ցուրտ էր. ձիւնի հատ-հատ փաթիլներ, փողոցի լուսաւորութեան մէջ սպիտակին տալով, դանդաղօրէն ցած էին թափուում սառած, պլպլող գետնի վրայ. լայն մայթը կամաց-կամաց ծածկուում էր սպիտակ սաւանով: Անցուդարձը շատ քիչ էր. Շահեանի առաջով շտապ քայլերով անցնում էին կէնտուկունտ մարդիկ, վերաբկունների օձիքը բաձրացրած և

ձեռքները գրպանները մէջ կոխած: Բաւական լաւ հագնուած մի կին վարդագոյն ալյուրով, տափակ քթով յանկարծ կանգ առաւ նրա առաջ և նայեց նրան տարօրինակ պլպլող աչքերով:

—Ներեցէք, պարոն. ժամը քանի՞սն է,—հարցրեց նա:

Այդ անակնկալից շփոթուած, Շահեանը մեքենայաբար հանեց ժամացոյցը և նայեց. ժամը 7-ից պակաս էր մի քառորդ:

—Օհ, ինչ վաղ է դեռ,—բացականչեց կինը, մի րոպէ աննպատակ կերպով նայեց այս ու այն կողմը, յետոյ նորից փայլեցնելով իր տարօրինակ պլպլող աչքերը Շահեանի վրայ, անցաւ և կանգնեց Շահեանից մի երկու քայլ հեռու:

Շահեանը շտապեց հեռանալ և, վախենալով որ կինը կարող է հետամուտ լինել իրեն, քայլերն արագացրեց: Բաւական երկար տեղ անցնելուց յետոյ յետ նայեց և, ոչ մի կին չտեսնելով, հանդստացաւ: «Կաւկազ» հիւրանոցի առաջ կանգ առաւ և նայեց քաղաքային տան ժամացոյցին. սլաքները ցոյց էին տալիս 7-ից 10 րոպէ պակաս: Ուրեմն դեռ ևս ժամանակ կար մտածելու—գնա՞ր պանի Զդանեիչի մօտ, թէ ոչ: Եւ յետ դարձաւ: Դառնալիս հանդիպեց ժամը հարցնող կնոջը մի սպայի հետ: Կինն անցաւ ուղղակի Շահեանի կողքով առանց ուշադրութիւն դարձնելու նրա վրայ. անցաւ բարձրաձայն և ուրախ խօսելով սպայի հետ, որը նայում էր նրան արուի աչքերով և ձեռքով որդրում բեխի մի ծայրը:

Շահեանը մի քանի անդամ անցաւ ու դարձաւ և այդ բոլոր ժամանակ իբրթէ մտածում էր՝ գնա՞ր պանի Զդանեիչի մօտ, թէ ոչ, բայց իսկապէս այլևս ոչինչ չէր մտածում, այլ միայն դիտում էր իր օտարոտի

վարմունքը, մտքումը ծիծաղում էր իր վրայ, ծաղրում էր իր անհամարձակութիւնը, սրտանց հայեցում էր իրեն, կարծես ինքը չէր իր այդ դիտողութեան, այդ ծիծաղի, ծաղրի և հայեցանքի առարկան, այլ մի ուրիշը, որին արհամարհում և ատում էր հոգու բոլոր կարողութեամբ:

Երբ քաղաքային տան ժամացոյցը խփեց եօթը և մի կէս ժամ էլ անցաւ, Շահեանը յանկարծ թքեց ինքն իր հասցէին և վճռեց տուն դառնալ: «Այսպէս է լինում միշտ, երբ մարդ ինքն իր վզակոթին տալով է ուղում իրեն որևէ տեղ տանել»—մտածեց նա:

III

Բայց հազիւ նա մի քանի քայլ էր արել, որ գնայ նստի հրապարակում կանգնած կառքերից մէկը, երբ յանկարծ կանգ առաւ գրեթէ սարսափած:

Նրա առաջ կանգնած էր ինքը պանի Զդանեիչն իր պարթև հասակով, մազածածկ վերարկուի մէջ կուրուած:

—Բարև ձեզ, պարոն Շահեան, բացականչեց պանի Զդանեիչն ուրախացած և ամուր սեղմեց նրա ձեռքը:—Ստացա՞ք նամակս:

—Ստացայ:

—Յետո՞յ: Զէք ուղում գալ ինձ մօտ:

Շահեանը հազիւ կարողացաւ տիրապետել իրեն:

—Ինչպէս չէ... չէնց դրա համար էլ դուրս եմ ելել... Բայց... այստեղ մի փոքրիկ դործ ունէի... ասացի մէկ գնամ վերջացնեմ, յետոյ...

—Այդ լաւ է: Ուրեմն դուք դեռ չէք մտել ինձ մօտ: Ես մեկնելու եմ վաղն առաւօտեան, դրա համար դուրս եկայ մի քանի բաներ գնելու և դռնապանին

պատուիրել էի, որ եթէ գաք, խնդրէ, որ սպասէք ինձ. սենեակիս դուռն էլ, յամենայն դէպս, բաց էի թողել: Բայց, իսկապէս, չէի կարծում, թէ կըգաք, որովհետև նամակիս չէիք պատասխանել: Ես այժմ ինչ որ հարկաւոր էր, առել պրծել եմ և տուն եմ գնում: Ուրեմն ձեր գործը վերջացնելուց յետոյ կըգաք, սպասեմ, հմ:

— Այո, ես իսկոյն...

Եւ Շահեանը, ցոյց տալու համար, որ իբրթէ իսկապէս գործ ունի, արագ քայլերով հեռացաւ: Եւ գնաց, գնաց և, երբ բաւական հեռացաւ, քայլերը դանդաղեցրեց և ծիծաղեց ինքն իր վարմունքի վրայ: Անցաւ Գվարցյովայա փողոցը, ամբողջ Գալափինսկի պրոսպեկտը և յետ դարձաւ: Ինչպէս գնալիս, այնպէս և դառնալիս, կանգ էր առնում այս ու այն խանութի պատուհանների առաջ, անուշադրութեամբ դիտում էր ներսը դարսւած իրերը, որոնք, սակայն, պարզ չէին երևում քրտնած ապակիների միջից, և այդ բանն անում էր միմիայն նրան համար, որ կարելոյն չափ ուշանայ և իր ուշանալովն ապացուցանի պանի Ջզաննիչին, թէ ինքն իսկապէս գործի համար է եղել գնացած:

Կէս ժամ անցնելուց յետոյ, վերջապէս վճռեց, որ այժմ կարելի է գնալ: Չգնալ այլևս չէր կարող, որովհետև խօսք էր տուել: Բայց կեղծիքը պէտք էր շարունակել. ամեն բանով այժմ ցոյց պիտի տար պանի Ջզաննիչին, որ ինքը, հակառակ իր ցանկութեան, փոքր ինչ ուշացել է. դրա համար խիստ արագացրեց քայլերը, չնայելով որ ամեն մի քայլափոխին ոտները սահում էին ձիւնի վրայ. նոյնպիսի արագութեամբ բարձրացաւ հիւրանոցի սանդուղքով և միջանցքում պատահած առաջին սպասաւորին դիտմամբ բարձրաձայն հարցրեց № 18 սենեակը, թէ և առանց հարցնելու էր կարող էր գտնել:

Նոյն բողբոջն նրանից մի քանի քայլ հեռու մի դուռ արագօրէն բացուեց, և շեմքում երևաց պանի Ջզաննիչը ժպտադէմ:

— Համեցէք, այս է իմ սենեակը:

Շահեանը գործից վերադարձող մարդու բռնի կեղծ աշխոյժով թափ տուեց վերաբերելի կրծքին և ուսերին նստած ձիւնը, ներս մտաւ և դռան մօտ սկսեց հանել կրկնակօշիկներն ու վերաբերուէ:

— Ներեցէք, գուցէ փոքր ինչ աւելի սպասեցնել տուի ձեզ, — ասաց նա:

— Բան չկայ, գիշերն երկար է: Բացի դրանից, վերջին ժամանակներս ես տանջում եմ անքնութիւնից: Համեցէք այստեղ:

Շահեանն անշնորհք երեխայի պէս հետևեց պանի Ջզաննիչին և թաղուեց նրա առաջարկած զահաւորակի վրայ: Գահաւորակն այնքան ցածր էր, որ նրան թուաց, թէ գետնին նստեց:

— Դուք մըսել էք: Մի բաժակ թէյ չէք մերժել, չէ:

Շահեանը, պատասխանելու տեղ, ժպտաց:

— Ձեզ էի սպասում, որ միասին խմենք, և վաւարանն էլ պատուիրեցի, որ նորից վառեն, — ասաց պանի Ջզաննիչն և արագ քայլերով ինչ-որ բանի համար անցաւ սենեակի անկեանը դրուած պատուարի ետևը:

«Մահճակալն անշուշտ այնտեղ է դրուած» — մտածեց Շահեանը և հայեացքն ամօթխածութեամբ ուղղեց դէպի պատի վառարանը, որի օդանցքները վառում էին մի շարք հրափայլ աչքերի պէս: Ձէր խմանում, սենեակն էր շատ տաք, թէ այդ բողբոջն իր զգացած վախկոտութիւնն էր, որ յանկարծ վառեց նրա ճակատն ու սկանչները. բայց ձեռքերը սառն ու թաց էին շան

դնչի պէս և ամբողջ մարմինը մերթ տաքանում էր, մերթ հովանում: Նրան թուաց, թէ այդ բոլորը նրանից է, որ շատ ցածր է նստած, այնքան ցածր, որ ծակները գրեթէ հաւասարւում են կրծքին, ուստի վերկացաւ դահաւորակից և նստեց աթոռի վրայ:

— Երեակայում եմ, թէ ինչքան զորմացած պիտի լինէիք երէկ, որ եկայ ձեզ մօտ, — լսեց նա պանի Զդանեիչի ձայնը պատուարի ետևից:

— Ի դէպ. սրտեղից գիտէիք իմ տան հասցէն:

— Ձեր տան հասցէն... Այդ յետոյ կը պատմեմ:

Պանի Զդանեիչը դուրս եկաւ պատուարի ետևից մաքուր մի անձեռոցիկ ձեռքին, մօտեցաւ թէյի սեղանին և սկսեց թէյի պատրաստութիւն տեսնել:

— Այս գիշեր ես ձեզ ամեն բան կը պատմեմ, ամեն բան... Յիշում էք, մենք ծանօթացանք Բաղէնեանի մօտ, երբ նա պառկած էր հիւանդ: Այն ժամանակ արդէն զգացի, հոգիս վկայեց, վաղ թէ ուշ կարօտ կըլլին իմ ձեր օգնութեանը և վստահ կերպով կարող եմ գիմել ձեզ, որովհետև առաջին իսկ հայեացքից տեսայ, որ չափազանց բարի էք և...

— Այդ թողնենք, պանի Զդանեիչ:

— Այս կը թողնենք, ի հարկէ, որովհետև չեմ ուզում կարծէք, թէ իւզում եմ ձեր գլուխը:

— Երբոր այդպէս է, պանի Զդանեիչ, խնդրում եմ էլի այդ մասին խօսեցէք, — վրայ բերեց Շահեանը ծիծաղելով:

Պանի Զդանեիչը, թէյի բաժակները սրբելով, նայեց նրան և նոյնպէս ծիծաղեց:

— Ոչ, այդ մասին այլևս չեմ խօսիլ, պարոն Շահեան, բայց պիտի խօսեմ այն մասին, թէ ինչու համար եմ այս ցուրտ գիշերին նեղութիւն տուել ձեզ ինձ

մօտ գալու: Պէտք է ասեմ ձեզ, որ ես չափազանց ինքնասէր եմ, և չեմ ուզում, որ դուք ինձ ճանաչէք միայն իբրև ձեր պարտապանի: Ես ուզում եմ... Չգիտեմ թէ ձեր և Բաղէնեանի միջև ինչպիսի բարեկամութիւն է եղել, և նա որևէ բան պատմել է ձեզ իմ մասին, բայց ինձ թւում է, ես զգում եմ, որ դուք... (պանի Զդանեիչի դէմքը հոգեկան մի սուր ցաւից ծամածռուեց և նա մեծ դժուարութեամբ աւարտեց ասելիքը) նպաստաւոր գաղափար չունիք իմ մասին... Ա՜հ, — հառաչեց նա անզօր դայրոյթով և բաժակը շարիկացնելով վայր դրեց բաժակակալի վրայ: — Ի՞նչ կարծում էք, թէ էժան է նստել ինձ ձեզ մօտ գալու, ձեզնից օգնութիւն խնդրելու: Իժողքի տանջանքներ եմ կրել ես, մինչև որ վստահացել եմ ձեր դուրս գանգակը քաշելու: Ո՛ւր եմ գնում, — ասում էի ինքս ինձ: — Ի՞նչ պիտի ասեմ: Ի՞նչպէս պիտի յայտնեմ իմ վիճակը: Ի՞նչ պիտի մտածի նա իմ մասին: Ի՞նչ աչքով պիտի նայի ինձ վրայ, երբ ինքս իմ բերանով խոստովանուեմ, որ Բաղէնեանի սիրուհին եմ եղել, որ նա ձգել է ինձ, փախել... Եւ եթէ չհաւատայ խօսքերիս ու քաղաքավարի ճանապարհ դնի ինձ դատարկածիւն... Ինչքան էլ համոզուած լինէի, որ դուք ջնասումէն էք, ինչքան էլ զգացումս թելադրէր ինձ, որ լիովին կարող եմ վստահիլ ձեր բարութեան վրայ, այնուամենայնիւ այսպիսի անսովոր վիճակի մէջ չէի կարող ազատ լինել կասկածներից և յոռետեսութիւնից: Փառք Աստուծու, կասկածներս ու յոռետեսութիւնս սխալ դուրս եկան ձեր վերաբերմամբ. դուք շատ բարի դատուեցաք դէպի ինձ, որի համար չափազանց շնորհակալ եմ ձեզնից. բայց... ձեր այդ բարութիւնն ինձ հոգեկան աւելի մեծ տանջանք պատճառեց, քան այն, եթէ դուռն ուղղակի յետ դնէիք երեսիս: Երբէք ինձ այնքան նուազ-

տացած չէի զգացել, ինչպէս այն ժամանակ, երբ դուքս եկայ ձեր տնից: Ես—մի օտար կին ձեզ համար, դուք —մի օտար մարդ ինձ համար. իսկպէս ոչ ես եմ ճանաչում ձեզ, ոչ դուք ինձ: Եւ յանկարծ մտնում եմ ձեզ մօտ, լաց եմ լինում ձեր առաջ, փող եմ խնդրում ձեզնից... Դուք չէք մերժում, որովհետեւ բարի էք, ջինտըմէն էք: Բայց միթէ այդ գեղեցիկ յատկութիւնները կարող են արգելք լինել մարդու, որ նա իր հոգու խորքում չկասկածէ այն անծանօթի մասին, որը դիմում է իր օգնութեանը և որի ասածներին ստիպուած է հաւատալ բարեկրթութիւնից դրդուած: Դուք ինձ օգնեցիք իսկոյն, առանց խօսելու, առանց նոյն իսկ կամենալու հետամուտ լինել իմ ասածների ճշմարտութեանը, և չկամեցաք անգամ, որ շնորհակալութիւն յայտնեմ. բայց և այնպէս ինչո՞վ կարող էի հանդատուցնել ինձ, փարատել կասկածս, որ ձեր սրտի խորքում ընկած կին, խաբեբայ, նոյն իսկ Բաղէնեանի գաղտնի դաշնակիցը չէք համարում ինձ...

—Պանի Զդանեիչ,—այլևս չկարողանալով համբերել, բացականչեց Շահեանը սաստիկ զգացուած և վերկացաւ տեղից:—Այդ ի՞նչ էք ասում: Միթէ ինձ կանչել էք նրան համար, որ վերաւորէք:

Պանի Զդանեիչը, խիստ յուզուած, արագօրէն մօտեցաւ նրան և առաւ նրա ձեռքը:

—Ա՛խ, ազնիւ բարեկամս, ներեցէք ինձ: Ես ձեզ վերաւորելու ամենևին միտք չունիմ: Ես միայն իմ դրութիւնս եմ պատմում: Պատմում եմ բարոյական այն տանջանքները, որ կրել եմ այն ցած մարդու պատճառով: Ինձ համար ահագին թեթևութիւն է, որ կասկածներս ձեր մասին սխալ են եղել: Ես ուզում եմ, որ դուք, եթէ չէք ճանաչում ինձ, ճանաչէք, և լաւ ճանաչէք, պարոն Շահեան: Այդ ուզում եմ ոչ թէ ձեր,

այլ ինձ համար, իմ հանգստութեանս համար: Ա՛հ... Լսեցէք, պարոն Շահեան, իմ թանկագին բարեկամ... Ասացի, որ վաղն առաւօտ հեռանում եմ. զոհեցէք ինձ այս երեկոն և թոյլ տուէք անկեղծօրէն պատմեմ ձեզ այն բոլորը, ինչ որ պատահել է. թոյլ տուէք սրտիս վրայ ծանրացած դառնութիւնը թափեմ ձեր առաջ և այնպէս հեռանամ: Ես ձեզ դատաւոր չեմ կարգում,—նչ.—իմ դատաւորն ես ինքս եմ, և ամենախիստ դատաւորը.—ես միայն ուզում եմ ձեր առաջ, իբրև խոստովանահօրս առաջ, իբրև հարազատ եղբօրս առաջ, իմ խոստովանանքս անել, որովհետև, չգիտեմ ինչու, ինձ թւում է, թէ այդպիսով միանգամայն հանգստացած պիտի լինիմ: Այդ բանն ուզում էի անել երէկ, բայց երէկ այնքան ճնշուած էի զգում ինձ, այնքան ամաչում էի ձեզնից... Իսկ այժմ աւելի ազատ եմ զգում ինձ և այնքան սիրեցի ձեզ, որ ամեն բան պիտի պատմեմ: Ոչինչ չեմ թագցնիլ ձեզնից. ամեն բան կը պատմեմ այնպէս, ինչպէս որ պատահել է, և դուք կը տեսնէք, թէ որպիսի խորամանկ, խաբեբայ և անաստուած արարածի հետ եմ ես գործ ունեցել: Խնդրում եմ, ազաչում եմ նստեցէք:

Շահեանը նստեց: Բոլոր ժամանակ, երբ այդպէս յուզուած խօսում էր պանի Զդանեիչը, նա խիստ ճշնշուած դրութեան մէջ էր զգում իրեն այդ կնոջ հսկայական հասակի առաջ, որի մէջ հրաշալի ներդաշնակութիւն էին կազմում Ֆիդիբազան ոյժն ու կանացի գեղեցկութիւնը: Եւ այդ ճնշուած դրութեան մէջ Շահեանն այնքան շփոթուել էր, որ հազիւ թէ լսում էր պանի Զդանեիչի ասածները, այլ միայն, անդամադրելի մի զօրութիւնից ստիպուած, նայում և դիտում էր նրա զարմանալի արտայայտիչ աչքերը, յուզումից դող-

դողացող լիք կզակը և կզակի վրայ մի խալ ցանցառ մազերով, որ նոր էր նկատում:

Պանի Զդանևիչը նորից արագ քայլերով մօտեցաւ թէյի սեղանին, երկու բաժակ թէյ ածեց և շաքարի, կտրտած կիտրոնի ու մի աման պաքսիմատի հետ միասին բերեց դրեց կլորիկ սեղանի վրայ, որի առաջ նստած էր Շահեանը և սուս ու փուս, շփոթմունքից դեռ ևս լաւ ուշքի չեկած, հետևում էր նրա ջղային շարժումներին:

—Ասացէք խնդրեմ, պարոն Շահեան, —հարցրեց պանի Զդանևիչը, մի աթոռ առնելով և նստելով Շահեանի դիմացը, —վաղո՞ւց է, որ ընկեր էք նրա հետ:

—Բաղէնեանի՞ հետ,

—Այո:

—Վաղուց է... Բայց ի՞նչպէս թէ ընկեր: Ես նրա հետ երբէք ընկեր չեմ եղել և նոյն իսկ չգիտեմ, թէ որտեղացի է և ում զաւակն է: Մենք միայն փոքր հասակում դասակիցներ ենք եղել: Տաս-տասներկու տարի կայ, որ նա կորած էր, այնպէս որ մինչև անգամ բոլորովին մոռացել էի նրան: Այս աշունքին միայն նա լոյս ընկաւ, և նորոգուեց մեր հին, աշակերտական ծանօթութիւնը:

—Այդպէս: Իսկ նա որեւէ բան պատմել է ձեզ իմ մասին:

—Ձեր մասի՞ն, —հարցրեց Շահեանը, աշխատելով յիշել, թէ ինչ է պատմել Բաղէնեանը պանի Զդանևիչի մասին: —Պատմել է:

—Ի՞նչ:

Եւ պանի Զդանևիչը հետաքրքրութեամբ նայեց Շահեանի ակնոցին, որի ապակիները շողշողում էին լամպի լոյսի տակ:

—Նա առհասարակ... ձեր մասին... պէտք է խոս-

տովանած, —շատ բան չի պատմել, —յապաղելով և, ըստ երևոյթին, ամեն մի խօսքը կշռադատելով, պատասխանեց Շահեանը: —Առաջին անգամ ձեզ նրա հետ տեսայ «Միխայլովօ» կայարանում անցած ամառուայ վերջերին, երբ Բաթումից Թիֆլիս էի վերադառնում:

—Ա՛խ, այն դժււք էիք, որ վագոնի առաջ խօսում էիք նրա հետ:

—Ես էի:

—Յետո՞յ:

—Նա ինձ ասաց, որ ձեզ հետ ծանօթացել է ճանապարհին, որ դուք իբր թէ գնում էք... չգիտեմ ուր... հն, կարծեմ, ասաց Կարս, ուր ձեր ամուսինը իբր թէ ծառայում է:

Պանի Զդանևիչը ծիծաղեց ակամայ, բայց իսկոյն էլ զսպեց իրեն և, ձեռքերը դնելով սեղանի վրայ, աւելի մեծ հետաքրքրութեամբ նայեց Շահեանի ակնոցներին:

—Յետո՞յ, —հարցրեց նա:

—Ձեր մասին այս է միայն պատմել ինձ:

—Ա՞յդ միայն և ուրիշ ոչ ի՞նչ:

—Ինչ վերաբերում է ձեր անձնաւորութեանը, —աւելացրեց Շահեանը նայելով իր թէյի բաժակին, որովհետև պանի Զդանևիչը յամառ հետաքրքրութեամբ շարունակում էր նայել նրա ակնոցին, — ձեր անձնաւորութեան մասին պատմել է, որ դուք... շատ պատուական կին էք... որ դուք... Առհասարակ, —անկեղծ եմ ասում, պանի Զդանևիչ, ձեր մասին նա միշտ յարգանքով է խօսել և ոչ մի աննպաստ խօսք չի ասել ինձ ձեր մասին:

—Ա՛խ, երևի դուք կարծում էք, թէ նրա համար եմ ձեզ հարցուփորձ անում, որ իմանամ, թէ նա լաւ կամ վատ է խօսել ձեզ մօտ իմ մասին, —բացականչեց

Մաներ

պանի Զգանեիչը ժպտալով:—Ո՛հ, աղնիւ բարեկամս, ես ուզում եմ միայն իմանալ, թէ՛ եթէ նա ձեզ որեւէ բան պատմել է իմ մասին, որքան ճիշտ է պատմել ձեզ մօտ էլ սուտ է խօսել, ինչպէս միշտ սուտ էր խօսում ինձ մօտ: Բայց ինչեիցէ, այս թողնենք: Ես մի ուրիշ բան եմ ուզում հարցնել ձեզ: Ասացէք խնդրեմ, ի՞նչ գաղափար ունիք դուք նրա մասին:

—Ես... ինչպէս տեսմ... Ճիշտն ասած, նրան ճանաչել չկարողացայ: Այն աստիճան ճարպիկ լեզու ունի և վարում էր այնպիսի վարպետութեամբ, որ իր մասին կողմած ամեն մի աննպաստ գաղափարս խօսոյն ջրում էր: Մի բանի պատճառով ես սկսել էի նրան ասել, բայց նա այնպիսի ֆոկուս սարքեց, որ նորից սկսեցի սիրել: Բայց և այնպէս, ես արդէն գլխի էի ընկել, որ շատ ճարպիկ աֆերիստներից մէկն է: Ինձնից բաւական դումարներ կորզեց, և այժմ ձեզ նից եմ իմանում, որ ծլկել է այստեղից:

—Հա՛, հա՛, հա՛... ձեզ էլ է կողոպտել, — ծիծաղեց պանի Զգանեիչը դառնութեամբ:

— Հապա՛:

Պանի Զգանեիչը ծանր թառանչ քաշեց և կարճ ժամանակ դառն մտախոհութեան մէջ ընկաւ: Յետոյ ջղային մի ցնցումով սթափուեց և նայեց Շահեանին շատ լուրջ հայեացքով:

—Բայց գիտէ՞ք, որ նա տաղանդ էր, մեծ տաղանդ... —

—Միամիտներին խաբելու մէջ, անշուշտ, — նկատեց Շահեանը:

—Իր ցանցերը լարում էր այնպիսի ճարպիկութեամբ, — շարունակեց պանի Զգանեիչը, — որ դո՞նք ինքն իր ոտով էր դնում մէջն ընկնելու և նոյն իսկ մեծ հաճոյք էր զգում, որ նրա ցանցի մէջ է, իսկ յի-

տոյ, երբ ուզում էր դուրս գալ, չէր կարողանում... Բայց լսեցէք պատմութիւնս և կըտեսնէք, թէ՛ որքան ճիշտ եմ ասում:

IV

Ինչպէս անուես ցոյց է տալիս, ես լեհացի եմ, առևտրական լեհերից: Սերում եմ լեհական մի հին տոհմից, որը երկու քաջ զինուոր է տուել մեր Կոսցիւկոյին, 1794 թուի ապստամբութեան ժամանակ: Հօրս չեմ յիշում. որովհետև չորս տարեկան եմ եղել, որ վախճանուել է: Մայրս սրանից տասն տարի առաջ մեռաւ: Շատ խելօք կին էր և չափազանց սիրում էր ինձ, թէև շատ էլ երես չէր տալիս: Նա ինքն էր կառավարում մեր պապական բաւական մեծ և արդիւնուէտ կալուածները, որոնք յետոյ, իբրև օժիտ, անցան ամուսնու ձեռքը: Ծնողներին միակ զաւակն էի ես: Կրթութեանս ու դաստիարակութեանս վրայ ոչինչ չի խնայուած, բայց ես բաւական էքսցենտրիկ ընտելութիւն ունէի և ընկալ առաջին պատահած մարդու գիրկը: Ամուսինս իսկապէս վատ մարդ չէր, բայց շուտով տեսայ, որ իմ ամուսնութիւնը նրա հետ մի խոշոր սխալ էր իմ կողմից: Մի պակասութիւն ունէր, որ ամենից աւելի զիւր չէր գալիս ինձ. այդ նրա անյաղ շահասիրութիւնն էր և իր ոյժերից վեր խոշոր ձեռնարկութիւնների մէջ մտնելու ձգտումը, որին և զոհ գնաց թէ մեր կալուածների մեծ մասը և թէ ինքը: Բասներկու տարեկան էի, որ այրիացայ: Շատերն էին խնդրում ձեռքս, բայց ես նորից ամուսնանալու մասին մտածել անգամ չէի ուզում: Միակ այն հանգամանքը, որ ամուսնու շնորհիւ գրեթէ աղքատացել էի, մի տեսակ հակակրանք էր զարթեցրել իմ մէջ դէպի տղա-

մարդիկ առհասարակ: Բացի դրանից, շատ երևոյթներ դիտելով, այն համոզման էի եկել, որ տղամարդիկ կնոջ վրայ նայում են կամ շահախնդրակամ, կամ անսանական տեսակետից. տղամարդիկ ամուսնանում են կամ հարստանալու, կամ գեղեցիկ կին ունենալու համար. ուրիշ տեսակէտ չկայ: Իսկ ես նոր էի զգում, որ կարօտ եմ սիրոյ, այնպիսի բուռն, անկեղծ սիրոյ, որ ինքն է միայն իր նպատակը: Այդպիսի բան չէի տեսնում ձեռքս խնդրողների մէջ. ամեն տեղ մեծ ուշադրութիւն էին դարձնում ինձ, քծնում էին առաջ, սիրոյ երգումներ էին անում, նոյն իսկ սպառնում էին անձնասպանութիւն գործելու, բայց սիրտս շարժելու տեղ՝ արհամարհանքս էին շարժում:

—Ձեր թէյը սառեց, պարոն Ծահեան, — նկատեց պանի Ձղանկիչը, պատմութիւնն ընդհատելով:

Ծահեանը վերցրեց իր թէյի բաժակը:

Իսկ պանի Ձղանկիչն իր բաժակից մի քանի կում արեց և շարունակեց.

—Այս միջոցներին էր, որ ծանօթացայ Բազենեանի հետ: Ծանօթացայ ահա թէ ինչպէս: Մի օր անցնում էի փողոցով (այս բոլորը պատահեց վարշաւում): Յանկարծ այնպիսի մի ուժգին քամի բարձրացաւ, որ ուղղակի քշում էր մարդու: Նախ քան ձեռքս կըտանէի, որ գլխարկս բռնեմ, մէկ էլ տեսնեմ՝ գլխարկս արդէն գլորում է գետնին աչք կուրացնող փոշու հետ խառնուած: Դիմացից եկող մի երիտասարդ իսկոյն վազեց, բռնեց, բերեց տուէց ինձ և նախ քան բերանս բաց կանէի, որ շնորհակալութիւն յայտնեմ, անցաւ գնաց:

Այդ երիտասարդը Բազենեանն էր:

Մի քանի օր յետոյ նրան տեսայ թատրոնում, խաղամիջոցի ժամանակ, Փոյէում: Նայեց ինձ և, չգի-

տեմ, ճանաչեց, թէ ոչ, բայց անցաւ գնաց: Դարձին, երբ ուղղակի պիտի անցնէր մօտովս, կանգ առայ ակամայ և ժպտալով նայեցի նրան: Նա նոյնպէս կանգ առաւ:

—Ինձ չէ՞ք ճանաչում, — հարցրի:

—Եթէ չեմ սխալւում, — ասաց, — ես պատիւ եմ ունեցել անցած օր ձեր գլխարկն ազատելու քամու ձիրաններից:

Շատ դիւր եկաւ ինձ առանց որևէ շփոթմունքի և վերին աստիճանի նուրբ կոմիկութեամբ արտասանուած այդ պատասխանը:

Եւ ձեռքս մեկնեցի նրան:

—Այն ժամանակ դուք ինձ միջոց չտուիք շնորհակալութիւն յայտնելու, ուրեմն այժմ ընդունեցէք շնորհակալութիւնս:

—Որ այդպէս է, — ասաց, ես շատ ցաւում եմ, որ ձեր գլխարկն ազատելիս ոտս չկտրեցի:

—Ինչո՞ւ, — հարցնում եմ զարմացած:

—Որպէսզի իսկապէս արժանի լինէի ձեր շնորհակալութեանը:

Ուրիշ այսպիսի կէս-քաղաքավարական, կէս-հեղնական մի քանի պատասխաններից յետոյ նա ինձ գըրաւեց միանգամայն, և ես հրաւիրեցի նրան օթեակս: Արտաքինով շատ գեղեցիկ էր, հագնուած էր մեծ ճաշակով, վարմունքի մէջ գոեհակահանութեան նշան անգամ չկար: Ուստի երկիւղ չունէի նրա հետ միասին նստելու: Ասենք, այդ կողմից ես միշտ հեռու եմ եղել որոշ նախապաշարունակներից: Թէև ծագումով արիստոկրատ, բայց հայեացքներովս գեմոկրատ եմ եղել միշտ: Այս էլ ասեմ, որ նրան օթեակս հրաւիրեցի գլխաւորապէս մի հուսար սպայի ջգրու, որը սաստիկ ձանձրացրել էր ինձ և որին այդ երեկոյ պարզապէս արգելել էի օթեակս մտնելու: Ինձ հետ էր ձեռունի, բայց

իրեն միշտ երիտասարդ՝ ձևացնող, մօրեղբայրս—ինքնահաւան և խելքից մի քիչ սլակաս մի արխատոկրատ, որի համար ով պան չէր—մօրդ չէր: Բազէնեանի արտաքինը հաւանեց, բայց երբ ծանօթացաւ նրա հայեացքների հետ, ականջիս փսիսաց, որ ոչ մի պայմանով գործ չունենամ այդ երիտասարդի հետ: Բանն այն է, որ, երբ մօրեղբայրս սկսել էր արխատոկրատիայի գովքն անել,—այդ նրա հիւանդութիւնն էր,— Բազէնեանը շատ հանգիստ կերպով և շատ բանաւոր պատճառաբանութիւններով նկատեց, որ արխատոկրատիզմը մի անախրոնիզմ է մեր ժամանակում, որ արխատոկրատիան նոյն դերն է կատարել և կատարում մարդկային կեանքի մէջ: Ինչ որ պարադիտները կենդանական աշխարհում: Յետոյ, երբ ես նրան յայտնեցի, որ մօրեղբայրս անխառն արեան տէր արխատոկրատ է, բացականչեց.

—Ինչո՞ւ այդ վստի չէիք ասում. ես խօսակալի խիստ լեզուով կը խօսէի նրա հետ:

—Բայց դուք մոռանում էք, որ ես էլ արխատոկրատ եմ թէ հօրս և թէ մօրս կողմից,—նկատեցի ես ծիծաղելով:

—Ափսոս, որ ես այդ չգիտէի այն ժամանակ, երբ աղատեցի ձեր գլխարկը, թէ չէ...

—Թէ չէ...

—Շատ պարզ է. չէի ազատիլ ձեր գլխարկը,—ասաց նա կոմիքական հանդստութեամբ:

Մի բան, որ չափազանց դիւր էր գալիս ինձ, այդ այն էր, որ նա խօսում էր անբռնազբօսիկ կերպով: Խօսում էր պարզ, համարձակ, առանց շփոթուելու, շատ անգամ կատակով, երբեմն կծու հեզնութեամբ, եթէ գլխաւորը ծաղրելի էր, և ամենևին չէր քաշուում ոչ հասարակից, ոչ դիւրբից, ոչ տիտղոսից, ոչ մի բանից:

Երկրորդ անգամ նրան հանդիպեցի մի հայի վա-

ճառատան մէջ, ուր պատահմամբ մտել էի մի քանի մանր-մուշր բաներ գնելու: Նա կանգնած էր վաճառատան տիրոջ մօտ և ինչ-որ լուրջ խօսակցութեան մէջ էր: Ինձ նկատեց ոչ-խելոյն և նկատելուն պէս արագ մօտեցաւ և բարեկց իրրև հին ծանօթ:

—Մի՞թէ չէք խորշում հայի խանութ մտնելուց, —ասաց իրեն յատուկ հումորով:

—Մի՞թէ կարծում էք, որ պիտի խորշեմ,—այլ աստախանեցի ծիծաղելով:

—Որ այդպէս է,—արաց,— ուրախութեամբ ողջունում եմ մի օտարուհու, որ իրեն հետ է պահում հայերիս, ուզում եմ ասել հայ վաճառականներին շատ էլ նպաստաւոր գոյներով չներկայացնող մի ընդհանուր նախապաշարումից:

—Երևում է, որ ազգային հպարտութիւն ունիք, —նկատեցի ես:— Այդ, իհարկէ, գովելի է: Բայց ի դուր էք կարծում, թէ մենք՝ լեհացիներս էլ կարող ենք ուրիշների նման աննպաստ գաղափար ունենալ հայի վրայ. բաւական է յիշենք, թէ հնումս ինչ ծառայութիւն են մատուցել հայերը Լեհաստանում:

—Եւ, երևի, այդ ծառայութիւնները վարձատրելու համար էր, որ ձեր երկրում խլեցիք նրանց կրօնը, —վրայ բերեց նա:

—Այդ բանում մեզ ազդեցէք ձեր Նիկոլին:

—Նիկոլը մերը չէր, Նիկոլը ձերն էր:

Գնեցի, ինչ որ ուզում էի, և պատրաստուում էի, որ հեռանամ, մէկ էլ տեսնեմ գնածս իրերն առաւ կրօն ան տակը:

—Ի՞նչ էք ուզում անել,—հարցրի:

—Ուզում եմ ծառայութիւն մատուցանել ձեզ: Ես պէտք է մոռանամ, որ հայ եմ և գտնուում եմ Լեհաստանում:

—Յետոյ չէ՞ք վախենում, որ ի վարձատրութիւն ձեր ծառայութեան՝ խլեմ ձեր կրօնը:

—Խլեցէք թէկուզ ինձ ամբողջովին,—ասաց նա, վաճառատան դուռը բանալով առաջս:

Այսպէս խօսելով և կատակ անելով հասանք մինչև մեր տան դուռը: Այստեղ գնածս իրերը յանձնեց ինձ և բաժանուեց: Շատ խնդրեցի, որ տուն մտնի չմտաւ:

Հետևեալ օրը դարձեալ գնացի այն հայի վաճառատունը, թէև ամենևին կարիք չունէի որևէ բան գրնելու: Երբխայ չէի, ի հարկէ. շատ լաւ հասկանում էի թէ ինչն է գրգում ինձ այնտեղ մտնելու: Բայց այս անգամ չտեսայ այնտեղ Բաղէնեանին:

Այնուհետև գրեթէ ամեն օր մտնում էի այն հայի վաճառատունը և միշտ էլ... յուսահատուած ասեմ, չէ՛րարկացած էի դուրս գալիս այնտեղից: Խիստ վիրաւորական էր թուում ինձ այն բանը, թէ ինչ՞ու էս ուղում էի տեսնել Բաղէնեանին, խօսել նրա հետ, խի նա չէր երևում: Ես բարկանում, զայրանում էի ինձ վրայ միայն, որ անփորձ աղջկայ նման կորցրել էի խելքս, մինչդեռ ամեն բանից երևում էր, որ նա չէ՛ր էլ մտածում իմ մասին: Այլապէս, եթէ էս նոյնպիսի մի զգացում լինէի ներշնչած նրան, որպիսին նա էր ներշնչել ինձ, չէ՞ որ չէր կարող ինձ տեսնել չցանկանալ, ինչպէս էս էի ցանկանում նրան տեսնել, մանաւանդ որ ինքս էի խնդրել, որ չմոռանայ ինձ:

Ըստ երևոյթին, այս այսպէս էլ պէտք է վերջանար, բայց բաղձն երևի ուրիշ կերպ էր անօրինել:

V

Պանի Զղանևիչն արագ խմեց իր սառած թէյը՝

վերցնելով Շահեանի արդէն դատարկած բաժակը, վերկացաւ երկրորդ բաժակը լցնելու: Այդ մի քանի րոպէի գործ էր: Այնուհետև նորից նստեց իր տեղը և շարունակեց.

—Մի երեկոյ ինձ մօտ հաւաքուած էին չորս երիտասարդ, երեքը—մեր շեխախտիչներից, չորրորդն— իմ ասած հուսար սպան, չորսն էլ մէկը միւսից աւելի դատարկագուլիս, կանանց շուրջը քծնող, ձիերի անունով երգող, կանաչ սեղանի սիրահար և վերին աստիճանի մեծամիտ: Երբեմն ձանձրանում, երբեմն զայրանում, բայց շատ յաճախ զուարճանում էի այդ յիմարների վրայ: Սեղանի շուրջը բոլորած՝ թուղթ էինք խաղում: Բայց աւելի շատ զբաղուած էինք մի ինչ-որ շատ յիմար խօսակցութեամբ: Այդ միջոցին մտաւ աղախինս և մի այցիտոմս տուաւ ինձ: Նայեցի—Բաղէնեանի այցետոմսն էր: Իսկոյն հրամայեցի, որ ներս հրաւիրի, և, թղթերը խառնելով, վերկացայ սեղանի մօտից:

—Վերկացէք, պարոններ,—ասացի.—ամենքդ էլ ոտի վրայ պէտք է ընդունէք նրան:

—Ո՞վ է: Մինիստր է եկողը,—հարցրեց մէկը:

Ներս մտաւ Բաղէնեանը: Տեսնելով, որ ինձ մօտ հիւրեր կան, սկզբում կանգած մնաց դռան մօտ և մի թուռցիկ հայեացք ձգեց ամենքի վրայ. յետոյ արագ մօտեցաւ ինձ և բարևեց: Ես կշտամբեցի նրան, որ ինձ մոռացել էր, և ներկայացրի հիւրերին: Մօտեցաւ իւրաքանչիւրին և յարգանքով սեղմեց նրանց ձեռքը: Այդ միջոցին ակամայ դիտում էի հիւրերին և տեսնում էի, որ նրանք մի քիչ զարմացած, մի քիչ հետաքրքրուած, բայց ամենքն էլ նախանձով դիտում էին Բաղէնեանի արտաքինը: Իսկ էս, այդ բանը դիտելով, երբէք այնպիսի ինքնագոհ հաճոյք չէի զգացել, ինչպէս այդ րո-

պէին: Բայց նախանձն ամենից աւելի վառել էր հուսարին:

—Այս այն պարոնը չէ,—դարձաւ նա ինձ կիսաձայն, թթուած դէմքով և բեխի սուր ծայրը ուրբելով:

—Ո՞ր պարոնը:

—Ա՛յն, որին դուք թատրոնում...

—Նա է, նա է,—վրայ բերի ես, ջգրացնելով նըրան, և բռնելով Բաղէնեանի ձեռքից, տարայ նստեցրի կողքիս:

Հուսարս բեխն այնպէս ձիգ տուեց, որ քիչ մնաց պոկի, և դարձաւ ընկերներին.

—Պարոններ, կարծում եմ, մենք կարող ենք շարունակել մեր խաղը:

—Բայց, իսէր Աստուծոյ,—բացականչեցի ես,—այդ սեղանը հեռացրէք մեր մօտից:

—Մեր մօտից,—ստորագծեց հուսարը և բռնեց սեղանի մի ծայրից:—Օղնեցէք, պարոններ, սեղանը հեռացնենք նրանց մօտից: Կամ,—յանկարծ դարձաւ նա ինձ,—գուցէ, կընթամայէիք, որ մենք հեռանանք միւս սենեակը, որպէսզի չխանդարենք ձեզ:

—Ոչ, ոչ, խնդրեմ. մենք չենք քաշուիլ ձեր ներկայութիւնից,—նկատեցի ես ծիծաղելով:

Սեղանը հեռացրին, և հուսարս, երևի ցոյց տալու համար, որ մեզ արհամարհում է, նստեց մէջքը մեր կողմն արած: Բայց և այնպէս, նա չկարողացաւ դիմանալ և աթոռի վրայ յանկարծ դարձաւ Բաղէնեանի կողմը:

—Ներեցէք, պարոն,—ասաց նա,—դուք, կարծեմ, ասացիք, որ ձեր ազգը Բաղաղեանց է: Ես եղել եմ Կովկասում, Թիֆլիսում, և, եթէ չեմ սխալուում, այստեղ բազազ անունը տալիս են ճոթավաճառներին: Դուք ճոթավաճառ էք:

Բաղէնեանն սկզբում այնպիսի արագ և խիստ ուսուր մի հայեացք ձգեց նրա վրայ, որ, ճիշտն ասած, ես վախեցայ. բայց յետոյ ժպտաց և խիստ կոմիքական հանդստութեամբ պատասխանեց.

—Այո, ձերդ գերազանցութիւն, ես դժբաղդութիւն ունիմ ճոթավաճառ լինելու, որովհետև ազգանունս Բաղաղեանց է: Ուրիշ ի՞նչ կընթամայէիք իմանալ:

—Ուրիշ ոչինչ: Հա, մէկ էլ այս էի ուզում իմանալ. դուք Թիֆլիսից էք եկել:

—Ոչ, ձերդ գերազանցութիւն. Թիֆլիսի մօտ մի դիւղ կայ—այստեղից եմ եկել:

—Վարշաւ եկել էք ինչո՞ւ համար. կօշիկներ գընելու:

—Ոչ, ձերդ գերազանցութիւն. դուք ասացիք, որ ես ճոթավաճառ եմ:

—Դէ, այդ միևնոյն է:

—Ոչ, ձերդ գերազանցութիւն. ես կարծում եմ, ճոթավաճառը այստեղ որ գայ, ճոթ կըզնի, բայց ոչ կօշիկ:

—Դէ, ձեր արհեստից արդէն ես ոչինչ չեմ հասկանում,—ասաց հուսարը և մէջքը նորից մեր կողմն արեց:—Այսքանս միայն իմացել եմ, որ ձեր Կովկասի վաճառականները մաշեննիկ են:

—Մեծ մաշեննիկ, ձերդ գերազանցութիւն,—վրայ բերեց Բաղէնեանը նոյն հեղնական խոնարհ տոնով:

—Գալիս են խաբում այստեղի միամիտ գործարանատէրերին, ապառիկ ասլրանք տանում և յետոյ մնանկանում, փողերը տակոյն անում:

—Չերդ գերազանցութիւն, թոյլ տուէք նկատեմ. հապա ասացիք, որ բան չէք հասկանում մեր արհեստից:

—Ես իմ լսածն եմ ասում:

—Հա:

—Ի՞նչ է, սխալու՞մ եմ:

—Ի՞նչպէս կարող է սխալուել ձերդ գերազանցութիւնը: Ձեր բերանով ինքը ճշմարտութիւնն է խօսում:

Այս բոլոր խօսակցութիւնն այն աստիճան զուարճալի էր, որ կատարեալ հաճոյք էր պատճառում ինձ, մանաւանդ այն տոնը, նուրբ, հեզնող, խայթող տոնը: որով խօսում էր Բաղէնեանը: Եւ ես անդադար ծիծաղում էի: Ինձ հետ զուարճանում էին և միւս երեք հիւրերս, որոնք մի քիչ աւելի խելք ունէին, քան թէ հուսարը, և որոնք յետոյ շատ բարեկամացան Բաղէնեանի հետ և իրենք էին ծաղրում հուսարին, իւրացնելով Բաղէնեանի հեզնական տոնը:

Մի ուրիշ անգամ դէպքն այնպէս բերեց, որ հուսարն ու Բաղէնեանը դարձեալ հանդիպեցին իմ տանը: Այս անգամ ինձ մօտ էին և ուրիշ բարեկամներ ու ծանօթներ, ի միջի այլոց, և մօրեղբայրս: Հուսարը խիստ զրգուած էր, որ իմ ուշադրութեան գլխաւոր առարկան Բաղէնեանն էր, և, ինչպէս նկատում էի, առիթ էր որոնում մի սկանդալ սարքելու: Բայց ես կարևորութիւն չէի տալիս այդ բանին և միայն զուարճանում էի հուսարի անզօր կատաղութեան վրայ: Սակայն, սկանդալը պատահեց: Մօրեղբորս ու Բաղէնեանի միջև վիճաբանութիւն էր ծագել սոցիալական խընդիրների մասին: Ամենքս շրջապատել էինք նրանց և լսում հետաքրքրութեամբ: Հուսարը քաշուած էր մի կողմ և լսում էր բխիւր կատաղի կերպով ոլորելով և յամառօրէն նայելով իր կօշիկների ծայրերին: Բաղէնեանը պաշտպանում էր իր գաղափարներն: այնպիսի եռանդով և պերճախօսութեամբ, որ մօրեղբայրս, վերջիվերջոյ, չկարողացաւ դիմանալ և զրեթէ սարսափա-

հար բացականչեց. «դուք պարզապէս անիշխանական էք, պարոն. անպատճառ ումք էլ կունենաք ձեր զըրպանում»: Հուսարը մօրեղբորս այդ խօսքերի վրայ յանկարծ բարձրացրեց գլուխը և ծիծաղեց շատ բարձրաձայն և շատ անբնական կերպով:

—Հայ և ու՞մք,—բացականչեց նա:—Իե՞ռևս Պուշկինն է ասել խօ՛ «ты рабъ, ты трусь, ты армяшка»...

Նա դիտմամբ «армянинъ» բառն «армяшка»-ի փոխեց, որ աւելի կծած լինի Բաղէնեանին:

Ես նայեցի Բաղէնեանին և սարսափեցի—այն աստիճան յանկարծ գոյնը նետեց: Չգիտեմ, ինչ էր ուզում անել, բայց յիշում եմ, որ ձեռքն ամուր բռնեցի: Նա նայեց ինձ, սարսափով և աղերսանքով լի աչքերիս, էլ չխօսեց, յետոյ շատ շուտով վերկացաւ և գնաց:

Հետևեալ օրն ինձ լուր տուին, որ Բաղէնեանը ռեստորանում, մարդկանց ներկայութեամբ, ապտակ է տուել հուսարին: Լուր տուողը մօրեղբայրս էր, որը, չնայելով իր ծերութեան և արիստոկրատիզմին, սկանդալների սիրահար էր: «Այս բանն, իհարկէ, առանց մենամարտի չի վերջանալ»—աւելացրեց նա: Սակայն, հետևեալ օրը նոյն մօրեղբայրս հաղորդեց ինձ.

—Քո այդ Բաղէնեանին սկսում եմ կամաց-կամաց սիրել, չնայելով իր անտանելի անիշխանական հայեացքներին: Գիտե՞ս ինչ է պատասխանել հուսարի ուղարկած մարտավկաներին. «Ես իմ մենամարտը վերջացած եմ համարում,—ասել է.—նա ինձ «армяшка» անուամբ անուամարտի տուել, ուրիշ ի՞նչ է ուզում»: Ես նրան ապտակ տուել, ուրիշ ի՞նչ է ուզում»: Արևելցու պարզ ու սիրելի լողիկա: «Բայց որպէսզի չկարծի, պարոններ, թէ ես «трусь» և «рабъ» եմ,—աւելացրել է նա,—ես նրա սուրը կըհանեմ պատեանից և կըկտորեմ ձեր և իր իսկ աչքի առաջ»:

Բայց և այնպէս, ինչպէս երկու օր յետոյ իմա-

ցայ, Բաղէնեանը զիջել էր հուսարի սպառնալիքներին, թէ ուղղակի փողոցում կը լռնի կըսողանի նրան, եթէ վերջնականապէս հրաժարուի մենամարտից: Մօրեղբայրս չէր զիմացել դէպի սկանդաւններն ունեցած իր հիւանդութեանը և, բոլորովին մոռանալով իր արիստոկրատիզմը, համաձայնել էր Բաղէնեանի մարտավիպան լինելու: Կատարելապէս հիացած Բաղէնեանի սառնասրտութեան վրայ, պատմեց ինձ, թէ ինչպիսի հեղնական ժպիտով ատրճանակն արձակել էր օդում և թէ ինչպէս, այդ բանից կատաղած, հուսարը լարել էր բոլոր ուժերը, որ չվրիպի, բայց հէնց այդ պատճառով էլ վրիպել էր գնդակն արձակելիս:

Այս դէպքը վճռական նշանակութիւն ունեցաւ դէպի Բաղէնեանը տածած զգացմանս համար: Քանի որ խօսք ու զրոյց կար մենամարտի մասին, ես սարսափելի անհանգիստ դրութեան մէջ էի, իսկ երբ մօրեղբայրս յայտնեց, որ Բաղէնեանը ողջ ու անվնաս է մնացել, լաց եղայ ուրախութիւնից: Իր գեղեցկութեամբ, յանդգնութեան աստիճանի հասցրած իր խիզախ, աներկիւղ բնաւորութեամբ նա ինձ համար դարձել էր արդէն այնպիսի մի արարած, որի վերաբերմամբ այլևս չէի կարող ստիպել ինձ անտարբեր մնալու և չմտածելու այն մասին, թէ ես արդեօք զիբւր եմ գալիս նրան, — կնոջ սիրահարուած լինելու ամենահաստատ նշանը:

Բայց նա ինձ ուրիշ բանով էլ էր գերել. — իր խօսքի ուժով: Արդէն գլխէի, որ ջերմ հայրենասէր է իբրթէ և ինչ որ դադանի առաքելութիւն ունի իբրթէ: Սկզբում խոյս էր տալիս այդ մասին խօսելուց, ինչ որ խիստ խորհրդաւոր կերպարանք էր առնում, բայց յետոյ կամաց-կամաց, կարծես թէ, մոռանում էր իրեն՝ մոռանում էր, թէ որտեղ է, ում հետ է խօսում: Իր պատմած վայրերը, անձերը, անցքերը, կարծես թէ,

ուղղակի տեսնում էր իր աչքի առաջ, և այդ բոլորի մասին խօսում էր վարակիչ ոգևորութեամբ, ներքին լափող կրակով, լսողի աչքերից արտասուք քամող պատկերաւորութեամբ, դառն կսկիծով, բայց երբէք — յուսահատութեամբ, — մի բան, որին ոչ ոք չէր անգամ չէի տեսնում նրա մէջ, — ընդհակառակը, ամենավառ յոյսեր էին, որ այդպէս կրակում էին նրան: Երբ խօսում էր այդպէս, ինձ թւում էր, թէ նստած եմ նաւակի մէջ և կատաղի մի հեղեղ քշում տանում է ինձ ուր որ շմեկնող արագութեամբ: Սովորաբար, երբ ոգևորում էր, նրստած չէր մնում. ամբողջ մարմինը ցնցւում էր, շարժւում, աչքերը դարմանալի կերպով վառւում, մեծանում, այրւում էին, և խօսքերը բերանից դուրս էին թռչում կարճ պարբերութիւններով, արագ առողանութեամբ, ուժեղ, միշտ պատկերաւոր արտայայտութեամբ և առանց ընդհատումների, սուր, կտրուկ, հեղեղի նման: Շատ անգամ ինձ թւում էր, թէ նստած եմ թատրոնում, թէ առաջս կանգնած է մի հոնճարեղ տրագիկ իր ամենապատեհիկ դերում, մի դերասան, որ իր հանճարեղ խաղով, իր խօսքի ուժով ընդունակ է մոռացնել տալու հանգիստականներին իրենց տեղը, իրենց ներկան, իրենց դոյութիւնը և իր հետ քշելու տանելու նրանց այն աշխարհն, ուր այդ միջոցին սպրում է ինքը...

Պէտք է ասեմ, որ յաճախ չէր այցելում ինձ: Այցելած ժամանակ էլ թէև շատ աղատ էր պահում իրեն, բայց երբէք յարգանքի սահմանից չէր անցնում: Շատ անգամ ուղղակի տանջանքով զգում էի, որ եթէ մի սասը տարով ջահէլ լինէի, նրա յարաբերութիւնը դէպի ինձ բոլորովին ուրիշ բնոյթ կունենար, այսինքն այն բնոյթը, որ ես էի ցանկանում... Խոստովանւում եմ, մինչև այդ ժամանակ երբէք չէի մտածել, որ ջա-

հէլ չեմ, և միայն նրա յարաբերութիւնից զգացի, որ տարիքս արդէն ճնշում է ինձ, այնքան ճնշում, որ, մանաւանդ նրա ներկայութեան ժամանակ, պարզապէս ամաշուում էի հասակիցս. ես տանջուում էի այն գիտակցութիւնից, որ նա ինձ վրայ նայում է իբրև տարիքն անցած կնոջ վրայ, մի կնոջ, որը, բացի յարգանքից, ուրիշ զգացում չի կարող ներշնչել: Մինչդեռ շուրջս քծնող ուրիշ երիտասարդները հետ վարում էի իր յաղթանակող գեղեցկութեան վրայ վստահ կնոջ նման, վարում էի ազատ, արհամարհանքով, շատ անգամ իբրև բռնակալ, — նրա ներկայութեամբ, ընդհակառակը, մի տեսակ կուշ էի դալիս, շփոթւում, և ինձ միշտ թւում էր, թէ դէմքիս վրայ կնճիռներ կան, և նա տեսնում է այդ կնճիռները... Կեանքիս մէջ զբանք միակ բոլորն ենին, որոնք հոգեկան անասելի տանջանք էին պատճառում ինձ:

Մի անգամ բուրբուլին անակնկալ կերպով նա եկաւ ինձ մօտ, սասց, թէ հետեւալ օրը հեռանում է և եկել է հրաժեշտ տալու: Մի բոլոր ինձ թուաց, թէ ինքս ինձ կորցնում եմ, թէ պատրաստ եմ գծի պէս փարեւու նրա վզին, ստրկի պէս թաւալզոր գալու նրա ոտների տակ, մի խօսքով — յուսահատական այնպիսի մի բան անելու, որ նա չգնայ, որ նա մնայ, իմը լինի... Այնուհետեւ, երբ կարեւիւր ջանք դործ դնելով զսպեցի ինձ և նայեցի նրա աչքերին, — յարգանքով լի աչքերին, — զգացի, թէ ասում եմ նրան, այնքան ատում, որքան ոչոքի չէի ատել դեռ: Այդ միջոցին կրկին անգամ և վերջնականապէս համոզուեցի, որ միմիայն յարգանքի զգացում է տածում դէպի ինձ, որ նրան մի միայն այդ զգացումն է թելադրել վերջին անգամ գալու ինձ մօտ, որ նա ամենայն հանգստութեամբ կարող էր, առանց ինձ վերջին անգամ տեսնելու էլ, հեռանալ

զնալ, առանց մտածելու, թէ ես գոյութիւն ունիմ աշխարհիս երեսին... Ոչ մի ժամանակ այնպէս չէր վերաւորուել հպարտութիւնս, ինչպէս այդ բոլորին: Այդ պատճառով, երբ վերջին անգամ առաւ ձեռքս և համբուրեց, սառն էի վերին աստիճանի, կարծես արեանս շրջանառութիւնը յանկարծ կանգ էր առել երակներին մէջ:

Այդ բանն աննկատելի չմնաց նրանից. գլուխն արագ բարձրացրեց, իր թափանցող հայեացքով նայեց աչքերիս և հարցրեց անհանգստութեամբ.

— Ի՞նչ է պատահել ձեզ. ձեր երեսին գոյն չկայ:

Քիչ մնաց սիրտս փուլ դար: Բայց անձնասիրութեան յամառութեամբ վճռեցի չընկճուել այդ կախարդի բոլորական քնքշանքի տակ և կրկնապատիկ սառնութեամբ պատասխանեցի, թէ այդ օրը վատ եմ զգում ինձ: Շատ լաւ զգացի, որ չհաւատաց, բայց և այնպէս ոչինչ չասաց, դռան մօտ խորին յարգանքով գլուխ իջեցրեց և դուրս գնաց:

Դռան ետեւը կանգնած, ուշի ուշով ականջ էի դնում, թէ ինչպէս նախասենեակում հագնում էր վերարկուն, թէ ինչպէս սանդուղքով իջաւ ներքեւ, թէ ինչպէս դուռը բացուեց և ապա փակուեց: Այնուհետեւ ոչ մի ձայն, ոչ մի շշուկ: Երբ ուշքի եկայ, տեսայ, որ, ճակատս դռանը սեղմած, ցնցւում եմ բոլոր շղերովս և անդուսպ հեկեկանքի նման ինչ-որ վայրենի ձայնի դուրս են թռչում բերանիցս: Վերին աստիճանի կատարի մի յուսահատութիւն էր տիրել ինձ: Զգում էի, որ եթէ Բաղէնեանը վերադառնար և կանգնէր առաջս, պատրաստ էի և՛ խեղդել նրան, և՛ փարել նրա ոտներին: Շուտով չհանգստացայ, բայց յետոյ կամաց-կամաց այնպիսի մի ամայութիւն զգացի շուրջս, որ կարծես թէ ամբողջ աշխարհը յանկարծ քարացել, մթնել

է և այդ սոսկալի ամայութեան մէջ ես եմ միայն կենդանի մնացել...

—Պարոն Շահեան, մի բաժակ էլ,—խնդրեց պանի Չղանեկը, նոր տեսնելով, որ նրա բաժակը դատարկ դրուած է նրա առջ:

—Ձէ, շատ շնորհակալ եմ: Ձեր պատմութիւնն այնքան հետաքրքրական է, որ...

—Կարելի է և երրորդ բաժակը չխմել,—վրայ բերեց պանի Չղանեկը ժպտալով և ջրի պէս խմեց իր սառած թէյը:

VI

Նոյն օրուայ գիշերը,—ժամը, կարծեմ, տասնեմէկն էր,—դէմքս ծածկեցի հաստ վուալով և դուրս եկայ,—շարունակեց պանի Չղանեկը:—Գիտէի որ հիւրանոցումն էր իջած: Գնում էի, բայց չէի իմանում ինչու Այնպէս էի զգում, թէ սաստիկ տենդի մէջ եմ: Հիւրանոցի դռնապանից իմացայ, որ տանը չէ, դեռ չի վերադարձել: Չյուսահատուեցի: Գրեթէ մի ժամ կանգնած էի հիւրանոցի դռանը, ամայացած փողոցում,—խիստ քամի էր,—և չէի վախենում ամենևին: Կարծես ժամանակաւոր խելագարութիւն էր եկել վրաս: Սպասում էի: Երբեմն-երբեմն մարդիկ էին անցնում առաջովս, և տեսնում էի, որ օտարոտի հայեացքներ են ձգում վրաս: Մէկը նոյն իսկ մօտեցաւ ինձ և ինչ-որ ասաց: Կարծեմ, ապտակ տուի, և նա՛ սուս ու փուս հեռացաւ: Քայլերի ձայներ լսելիս, հեռու մթութեան մէջ մարդկային ստուեր տեսնելիս զոգում էի ամբողջապէս: միշտ թուում էր ինձ, թէ նա է: Տէր իմ Աստուած, այն ի՞նչ բոպէսներ էին...

Վերջապէս, դեռ շատ հեռուից, փողոցի լապտերի

լուսաւորութեան տակ, ճանաչեցի նրան ու վազեցի դէպի նա:

Սկզբում կանոյ առաւ շփոթուած և, երևի խիստ զարմացած և չճանաչելով ինձ, նայեց վուալիս:

Արդէն բոլորովին կորցրել էի ինձ: Այդ բոպէին չկար ինձ համար ոչ ամօթ, ոչ պատկառանք, ոչ արժանապատուութեան զգացման նշոյլ անգամ, այն խրատազոյն արժանապատուութեան, որը ստիպեց ինձ այնքան սառնութեամբ ընդունել նրա հրաժեշտը և որի համար այնպէս սոսկալի կերպով պատժուեցի: Վճռել էի ուղղակի բռնի կերպով նետուել նրա գիրկը, եթէ զգուսնքով անգամ դէն հրելու էլ լինէր ինձ: Վերին աստիճանի յուսահատուած էի, վճիռս էլ նոյնքան յուսահատական էր:

Շատ լաւ յիշում եմ, ոչինչ չկարողացայ արտասանել, այլ միայն, որքան ոյժ ունէի, ամուր բռնեցի ձեռքից և գրեթէ քարշ տուի ետևիցս:

Նա, վերջապէս, ճանաչեց ինձ:

—Պանի Չղանեկ, — շնչաց նա, չգիտեմ խիստ զարմացած, թէ խիստ վախեցած:

—Ե՛կ,—արտասանեցի ես տատմներս սեղմած և բոլոր ուժովս քարշ էի սալիս նրան:

Մտանք հիւրանոց: Ես վազում էի առաջ և ամբողջ մարմնովս զոգում: Երբ մտանք նրա սենեակը, և նա ճրագը վառեց, ես վուալս, կարծեմ, պատուեցի ուղղակի և դէն շարտեցի:

—Տեսնում ես,—ասացի,—դու այնպիսի դրութեան մէջ ես դրել ինձ, որ ուղղակի իմ ոտովս եմ եկել քեզ մօտ:

Ճիշտը ձեզ ասեմ, այդ միջոցին արդէն այնքան կորցրել էի ինձ, որ այլ ևս ոչ մի ընդունակութիւն չունէի դիտելու, թէ իմ յանկարծակի երևումը, իմ

խօսքերը, իմ դրութիւնն ինչ տպաւորութիւն են գործում նրա վրայ: Պէտք է որ չափազանց դարմացած լինէր: Յետոյ միայն անհուն բերկրութեամբ տեսայ, որ նա չոքած է ոտներին առաջ, քնքշանքով համբուրում է ձեռքերս և... լալիս է:

Այլևս ոչինչ չէի տեսնում, բացի առաջս խոնարհուած այն գեղեցիկ գլխից հրաշալի սևաթոյր մազերով ծածկուած. այլևս ոչինչ չէի զգում, բացի անհուն մի երանութիւնից, որի ժամանակ մեռնէի էլ, ամենաերջանիկը կը լինէի...

Ա՛խ, կախարդ էր նա, աւելի քան կախարդ...

Այդ գիշեր ամեն բան խոստովանուեց: Ասաց, որ ինքն իբրթէ տանջուում է եղել ինձ սիրելուց, բայց զսպելիս է եղել իրեն, որովհետև ինքը կնոջ սիրոյ համար չէ ծնուած, այլ—իր թշուառ հայրենիքի համար: Առաջս չոքած, ձեռքերս բռնած, ներքևից նայում էր աչքերիս և վերին աստիճանի վառուած, կարծես բնական արած խօսքերով նկարագրում էր իր հայրենիքի անտէրութիւնը, այնտեղ տիրող սարսափները, ի՞նչ հայրենակիցների անտանելի վիճակը: Նրա ձայնը մարդկային ձայն չէր, այլ հրաշալի մի միզիկ, որ հնչում էր ականջիս, ամբողջ էութիւնս տակն ու վրայ անելով: Մէջ ընդ մէջ մերթ ջերմ համբոյրներ էր դրող մում ձևքերիս, մերթ յուսահատական պոքրասնքով կրկին նայում աչքերիս և աղաչում ու պաղատում, որ արգելք չլինեմ իր սրբազան ուխտը կատարելու:

—Դուք էլ ունիք մի թշուառ հայրենիք,—ասում էր նա,—բայց ոչ այնքան թշուառ, որքան իմը: Աղաչում եմ, թոյլ տուէք զնամ իմ պարտքը կատարելու...

Տէր Աստուած, ինչքան գեղեցիկ, ինչքան հրաշալի էր նա այդ միջոցին. որքան ազդու, որքան գերող նրա հայեացքը, ձայնը, ինքն ամբողջապէս...

Ակամայ խոնարհուեցի և ձեռքերովս առայ նրա դէմքը:

—Անմիտ, անմիտ,—չնշացի ուղղակի շրթունքների մօտ,—միթէ ես կարող եմ որևէ բանում արգելք լինել քեզ: Ես ուզում եմ նուիրուել քեզ, որպէսզի քեզ հետ միասին նուիրուած լինիմ և քո հայրենիքին: Ուզում ես—ան ինձ և տար՝ ուր ուզում ես. չես ուզում—սպանիր ինձ և ապա թէ զնա՝ ուր ուզում ես...

Զգիտեմ՝ հողեզմայութիւնից, շնորհակալութիւնից, թէ՛ նրանից, որ այլ ևս ոյժ չէր զգում դիմադրելու, նրա աչքերը նորից լցուեցին արտասուքով: Եւ նա անձնատուր եղաւ ինձ, անանց որևէ առարկութեան, լուռ ու հնազանդ և ողջագուրանքի առարկայ եղող երեխայի քծնող քնքշութեամբ...

Պանի Զդանեկչը, կարծես ինքնամոռացութեան մէջ, վերկացաւ դէպի լուսամուտը և յետ քաշեց լուսամուտի ասուեզործ վարագոյրը: Ձեռքով նա սրբեց քրտնած ապակին և երկար ժամանակ լուռ ու մտախօհ նայում էր դէպի դուրս, որտեղ, գիշերային խաւարի մէջ, հրապարակի վրայ երևում էին խանութների և կառքերի անհամար ճրագներ:

Շահեանը, արձանի նման, լուռ ու անշարժ, նայում էր նրա ետևից: Նրա կարճատես աչքերի առաջ, ակնոցի պլպլան ապակիների միջից, լուսամուտի վարագոյրի արանքում երևում էր պանի Զդանեկչի բարձր, ամուր, լի մէջքը հազուատի մէջ պինդ սեղմուած: Սկզբում նա անյարմար դրութեան մէջ էր զգում իրեն, որ պանի Զդանեկչն այնպիսի անկեղծութեամբ իր անձնական գաղտնի պատմութիւնն էր անում. բայց յետոյ շատ շուտով ընտելացաւ այդ կնոջ ազատ, մտերմական վարմունքին և լսում էր նրան ամենայն հետաքրքրութեամբ, միանգամայն պատկերացնելով իր

առաջ նրա պատմութեան բոլոր մանրամասնութիւնները:

Պանի Զդանեիչը խորը հառաչեց, դանդաղ քայլերով վերադարձաւ և նստեց առաջուայ տեղը: Այժմ նրա դէմքը խիստ տխուր էր: Շահեանին մինչև անգամ թուաց, թէ նրա աչքերը թաց են: «Մի՞թէ դեռևս սիրում է» — մտածեց զարմացած:

— Երկու ամսից յետոյ ես արդէն ծախել-ծախսած լիւ էի շարժական և անշարժ կայքերիս մեծ մասը և նրա հետ գնացի արտասահման, — առաջ տարաւ իր պատմութիւնը պանի Զդանեիչը յոգնած ձայնով: — Նա զիջել էր իմ թախանձանքին, որ մի կարճ ժամանակ նուիրուի իմ սիրոյն: Շրջեցինք եւրոպական գրեթէ բոլոր նշանաւոր վայրերը, գնացինք և Ամերիկա:

Ի դէպ: Միացեալ Նահանգներում ի մօտոյ ծանօթացայ լին հայրենասիրական մի ընկերութեան հետ, որի մասին շատ բան էի լսել: Զգիտեմ, ձեզ յայտնի է թէ ոչ, — լեհական վերջին անաջող ապստամբութիւնից յետոյ իմ հայրենակիցներից շատերը փախան ուկրաինոսի այն կողմը և այնտեղ կազմեցին հայրենասիրական զօրեղ մի գաղութ, որ մինչև օրս էլ գոյութիւն ունի և որի նպատակն է ազատ հասարակապետութեան ազատ հողի վրայ նախապատրաստուել ապագայի համար: Այդ տարագիրները սպասում են միայն քաղաքական աջող զիպուածներին, որոնցից օգտուել չեն յապաղել: Այս բոլորիս ամբողջ հիւսիսային և հարաւային Ամերիկայում երկու միլիոնից աւելի լեհացի կայ և այնտեղ նրանք կատարելապէս պահպանում են իրենց ինքնուրոյնութիւնը, ունին իրենց ազգային դպրոցները, մայրենի լեզուով հրատարակուող բազմաթիւ լրագրներ, ունին իրենց կապտեօլները, որոնց միարանութիւնները ոչ այնքան կրօնական նպատակ

տակ ունին, որքան քաղաքական-հայրենասիրական, այնպէս որ միարաններից շատերը լեհ զինուորի հագուստ ու զէնք են կրում:

Բայց այս ի միջի այլոց:

Պէտք է խոստովանուեմ, որ Բաղէնեանը սկզբում չափազանց նուիրուած էր ինձ. առանց ինձ ոչ մի տեղ չէր գնում, առանց իմ կարծիքս իմանալու ոչինչ չէր անում. այնպիսի մի քնքշանք ու հոգացողութիւն էր ցոյց տալիս, որ երբեմն նոյն իսկ վիրաւորական էր թւում ինձ: Մի անգամ հիւանդացայ. ամբողջ մի շաբաթ տանից դուրս չգնաց և շարունակ նստած էր մօտըս, մի չաւ հիւանդապահի պաշտօն կատարելով: Օ՛, նա շատ խորամանկ էր և մեծ հոգեբան: Յետոյ, շատ յետոյ իմացայ, որ նրա ամեն մի քայլը չափուած ու ձևուած էր. անկաշառ զգացումից դրդուած ոչինչ չէր անում և ինչ որ անում էր, միշտ յետին նպատակ ունէր: Շատ լաւ գիտէր, թէ որքան սիրում էի իրեն: Ինքն ինձ հպատակուելով ուզում էր ինձ ստրկացնել իրեն: Ամեն կերպ ինձ պարտաւորեցնելով ուզում էր, որ ինքն ազատ մնայ որևէ պարտաւորութիւնից: Այո, վերջը տեսայ, որ չէր սխալուել: Կամաց-կամաց այն աստիճան ստրկացրել էր ինձ, այնպիսի անլիզու մի արարած էր դարձրել, որ երբ, ամիսներ անցնելուց յետոյ, տեսայ, որ հետզհետէ սառչում է դէպի ինձ, չէի համարձակուում բերան բանալ յանդիմանելու համար: Պարզապէս տեսնում էի, որ արդէն ձանձրացել է ինձից և ինձ հետ շարունակում է ապրել ձարահատուած միայն: Ես տանջում էի, նրա սառնութիւնը մահ էր ինձ համար, բայց տեսնում էի, որ իրաւունք չուէի ինձ համար, ինչպէս տեսնում էի, որ իրաւունք չուէի բողոքելու և չէի կարողանում ձայն հանել: Զարմանալիս այն էր, որ որքան սառչում էր նա ինձից, մանալիս այն էր, որ որքան սառչում էր նա ինձից, այնքան սէրս աւելի բորբոքում էր: Բանի որ ոչ մի

կասկած չունէի նրա փոխադարձ սիրոյ և անձնուիրութեան վրայ, ինձ մինչև անգամ թւում էր, թէ իսկապէս սիրահարուած չեմ նրա վրայ. բայց այժմ, երբ ոչ թէ կասկածում, այլ ամենապարզ կերպով տեսնում էի, որ սոսկալի մի վիճարդէն սկսել է բաժանել նրան ինձնից, զգում էի, թէ որքան զօրեղ ու խորն է այն զգացումը, որ կապում է ինձ նրա հետ: Սարսափով տեսնում էի, որ վերջիվերջոյ պիտի ձգի ինձ ու հեռանայ: Եւ այդ բանն ինձ աւելի ևս ստիպում էր լուռ մնալ: Յոյց էի տալիս, թէ չեմ տեսնում իր սառնութիւնը, թէև նա ամենեկին չէր էլ փորձում գէթ արտաքուստ ծածկել իր մէջ կատարուող փոփոխութիւնն իմ վերաբերմամբ: Իմ այդ կամաւոր կուրուցիւնն, ըստ երևոյթին, դայրացնում էր նրան. ինչպէս նկատում էի, ուզում էր, որ տրտնջայի, յանդիմանէի, կուռէի հետը, որպէսզի առիթ ունենար աւելի հեշտ պրծնելու ինձնից: Դրա համար երբեմն ուղղակի կոպտաբար էր վարւում ինձ հետ, երբեմն էլ ամբողջ օրերով մենակ էր թողնում ինձ և վերադառնում էր ուշ գիշերին: Բայց և այնպէս, ես էլի լուռ էի, ցոյց էի տալիս, թէ ոչինչ չեմ տեսնում և աղի արցունքներ էր, որ թափում էի մենակ ժամանակ:

Ի հարկէ, չէր կարող այսպէս երկար շարունակել, մանաւանդ որ նա, լուրթիւնիցս խրախուսուած, սկսել էր այլևս բանի տեղ չդնել ինձ: Դանակը ոսկորին էր հասել, և մի անգամ, այլևս չկարողանալով դիմանալ, սկսեցի յանդիմանել: Նա սաստիկ բորբոքուեց և ասաց, որ ես միանգամայն կործանում եմ իրեն, որ ես կապել եմ իր ձեռքերն ու ոտները, որ ես ստիպել եմ իրեն դաւաճանել իր ընկերներին, զրթել իր սըրբազան ուխտը և այլն, և այլն: Բանը վերջացաւ նրանով, որ յանցաւորն ես եղայ և գլխովին պարտա-

կան մնացի նրան: Տէր Աստուած, ինչքան միամիտ էի, ինչպէս սիրում ու հաւատում էի նրան...

Մի անգամ շատ զգուշօրէն խօսք բաց արի այն մասին, թէ ինչու մեր կապը չենք կնքում օրինաւոր ամուսնութեամբ: Նա ծիծաղեց և նկատեց.

— Մի՞թէ դու որևէ նշանակութիւն ես տալիս այդ յիմար ձեւականութեանը:

— Բայց ես շուտով մայր պէտք է լինիմ, — յայտնեցի ես:

Այս բանն, ըստ երևոյթին, այնքան անակնկալ էր նրա համար, որ նա վեր թռաւ տեղից գրեթէ սարսափած.

— Ծի՞շտ, — բացականչեց նա, յետոյ ինչ-որ մտախոհութեան մէջ ընկաւ և ասաց շատ հանգիստ. — Հնա, երբոր այդպէս է... պէտք է օրինական անուն տալ մեր զաւակին:

Ես խիստ ուրախ էի, որ գոնէ օրինաւոր ամուսնութեամբ և զաւակի միջոցով կարող կըլինէի նրան առմիշտ կապել ինձ հետ, բայց շուտով այդ բանումն էլ հիասթափուեցի: Ամուսնութիւնը նա միշտ յետաձգում էր զանազան պատրուակներով, իսկ զաւակս ծնուեց մեռած... Ես սոսկում եմ հիմա, որ մտածում եմ, թէ ինչ պիտի անէի այժմ, եթէ զաւակս մեռած չծնուէր և ապրէր...

Գարնանը վերադարձանք Վարշաւ: Այստեղ մօրեղբօրս մեռած գտայ: Ամուրի էր և անդաւակ, միակ ժառանգն ես էի, ուստի մեծ յոյս ունէի, որ իր բաւական մեծ կարողութիւնն ինձ կըլինի թողած, բայց կտակի մէջ մի կոպէկ անգամ չգտայ իմ օգտին, որովհետև նրա արիստոկրատիզմը սաստիկ վիրաւորուել էր, որ իր քրոջ աղջիկը ստորին դասակարգի պատկանող միտրեէ կնոջ պէս փախել էր աւաջին պատահած արկածախնդիր մի մարդու, այն էլ ոչ-կաթովիկի և

հասկացրեց, թէ փող չունի,—կարծես թէ ինքն էր պահում ինձ, և ոչ թէ ես—իրեն: Իսկոյն հեռագրեցի հաւատարմատարիս, որ ծախի վերջին կալուածքս (այդ կալուածքը պահում էի սև օրուայ համար) և փողն ուղարկի այնտեղ, որտեղից նամակ կամ հեռագիր կուղարկեմ իրեն: Ճանապարհ ընկանք դէպի Անդրկովկաս: Պէտք է ասեմ, որ հէնց սկզբից պատուիրել էր ինձ, որ ոչ մի տեղ ցոյց չտամ, թէ որևէ մերձաւոր կապ կայ մեր միջև, այլ ես էլ, ինքն էլ պէտք է ցոյց տայինք միայն, թէ մենք լոկ ուղեկիցներ ենք՝ ճանապարհին ծանօթացած, և ուր իջնում էինք, ես առանձին էի ապրում, նա առանձին, ինչպէս այստեղ-Թիֆլիսում: Այսպիսով շրջեցինք այս կողմերի գաւառական հայաբնակ քաղաքները և վերջն եկանք Թիֆլիս: Այստեղ ինձ թողեց և գնաց Բագու: Բագուից վերադարձաւ շատ վատ տրամադրութեան մէջ: Երևի, սպասած հունձը չէր ունեցել: Թիֆլիսում մանաւանդ խստիւ պատուիրեց, որ բոլորովին հեռու մնամ իրենից և, եթէ կարելի է, ամենևին տեսակցութիւն չունենամ իր հետ: Ստրկի պէս կատարում էի նրա պատուէրները: Դուք նկատեցիք, թէ սկզբում ինչքան դայրացաւ, որ ես յանկարծ մտայ իր սենեակը «Լոնդոն» հիւրանոցում, իր հիւանդ պռակած ժամանակ: Այն սատիճան սաստել էր ինձ, որ մինչև անգամ եթէ հաստատ զիտենայի էլ, թէ այդ միջոցին նրա մօտ մարդ չի լինիլ, էլի չէի համարձակուիլ գնալ նրա մօտ. բայց լրագրի մէջ որ կարդացի այն լուրը, ինքս ինձ մոռացայ և գլխապատառ վազեցի, որ տեսնեմ, թէ ճիշտ է, որ նրա կեանքին վտանդ է սպառնում: Մակայն, չգիտեմ, իրեն պատահած դժբաղդութիւնն էր պատճառը, թէ՞ այն, որ այդ օրերը հաւատարմատարիցս ստացած վերջին փողերս իրեն էի տուել,—նա զարմանալի կերպով

քնքշացել էր դէպի ինձ: Այդ բաւական էր, որ ես կատարելապէս մոռանայի նրա ինձ պատճառած այնքան տանջանքները և նորից առաջուայ բուռն սիրով անձնատուր լինէի նրան:

Բայց այդ քնքշանքն էլ երկար չտևեց. շատ շուտով տեսայ, որ նորից սառել է դէպի ինձ, և մի քանի անգամ էլ, մանաւանդ վերջին օրերում, նկատեցի, որ իմ ներկայութիւնն իր մօտ պարզապէս անտանելի է նրա համար: Նորից կծկուել, նորից ձայն չէի հանում. ուզում էի տանջանքս մէջս խեղդելով և խոնարհ լուծեամբ ընկճել նրան, շարժել նրա գութը,—ոչինչ չէր օգնում. նա մոայլուում էր աւելի ու աւելի, վարւում էր ինձ հետ թէև զսպած, բայց արդէն խիստ աչքի ընկնող կոպտութեամբ. նրա դէմքի վրայ պարզապէս ջղային ատելութեան նշաններ էի տեսնում: Ինչքան էլ որ հիւանդ սիրոյ այս ատելի, այս գարշելի զգացումը մեռցրած լինէր իմ մէջ ըմբոստութեան ոգին և բարոյապէս փալաս լինէր դարձրած ինձ, այնուամենայնիւ ֆիզիքապէս արդէն անկարելի էր կրիլ այս յարատե տանջանքները, այս վիրաւորանքները, այս նուաստացումը և ոչ մի անգամ բողոք չբարձրացնել: Եւ ես գնացի բողոքելու: Գնացի նրա մօտ: Այդ անցեալ շաբաթ էր: Բանը վերջացաւ նրանով, որ ես, — դարձեալ ես, — սև օրս ողբալով դուրս եկայ նրա սենեակից...

Այլ ես աւելորդ է, որ երկարացնեմ: Դուք գիտէք, որ նա փախել է: Եւ փախաւ ամենաանարգ կերպով, փախաւ իրրև գող: Եւ իսկապէս որ գող էր. ամենաճարպիկ կերպով գողացաւ իմ ամենանուիրական զգացումները, իմ անունը, իմ պատիւը, գողացաւ և իմ ամբողջ, — այն, ամբողջ, — կարողութիւնը: Նա քամեց, ճգմեց ինձ կիտրոնի պէս և երբ տեսաւ, որ ձգելու այլ ևս հիւթ չունիմ, ձգեց ու փախաւ:

Բայց,—պո՞նի Զգանեիչը յանկարծ վեր կացաւ տեղից,—ո՛չ, ո՛չ, ո՛չ, նա մեղաւոր չէ ամենևին: Մեղաւորը ես եմ միայն և ամենևին իրաւունք չունիմ նրան դատապարտելու, ո՛չ, չունիմ, քանի որ նա, գոնէ արտաքուստ, հէնց սկզբից կամենում էր հեռու մնալ ինձնից, և ես էի, որ զօրով փաթաթուեցի նրա վզին, ինչպէս այդ բանը նա երեսովս տուեց մեր վերջին անսակցութեան ժամանակ: Օ՛, այս գիտակցութիւնը... սա ուղղակի խելագարացնում է ինձ: Ես, որ այնքան անձնասէր էի, այնքան հպարտ և, առանց այլևայլութեան, մերժում էի ձեռքս խնդրողներին, որոնց մէջ կային անպայման ազնիւ և պատուաւոր մարդիկ,— ի՞նչպէս թոյլ տուի ինձ այս աստիճան կուրանալ և ընկնել անձանօթ, մի անյայտ, մի բաղդախնդիր երկրիտասարդի գիրկը, որը կործանեց իմ անունս էլ, իմ պատիւս էլ, իմ կարողութիւնս էլ և շինեց ինձ պարզապէս մի մուրացիկ: Նա իր արհեստն էր բանեցնում, իսկ ես ինչ էի մտածում, այս անագին կինս: Եթէ անփորձ մի աղջիկ լինէի, տղամարդկանց չճանաչող ու միամիտ, էլի հասկանալի կը լինէր մոլորութիւնս և արդարանալի. բայց ս՛յս հասակում... տղամարդկանց այնպէս լսել ուսումնասիրած լինելուց յետոյ... Օ՛, սարսափելի է, սարսափելի...

Շահեանը վեր կացաւ. մի ուժգին բան ներսից դրդում էր նրան խօսել, քաջալերել:

—Մի յուսահատուէք, պանի Զգանեիչ, —ասաց նա անհամարձակօրէն:—Թ՛քեցէք և մոռացէք նրան:

—Ա՛խ, դուք կարծում էք, թէ ես դարձեալ նրան համար եմ մտածում,—բացականչեց պանի Զգանեիչը, և նրա աչքերը վառուեցին անհուն ատելութեան կրակով:—Բաւական չեղա՞ւ, որքան այս դարշելի կիրքը կուրացրեց ինձ... Ո՛չ, պարոն Շահեան, դուք սխալուում

էք. ես այժմ այնպէս ատում եմ նրան, ինչպէս դեռ ոչոքի չեմ ատել: Յուսահատութեանս պատճառը, այն, այն չէ, որ ես դարձեալ սիրում եմ նրան,—այդ խօսքն արտասանելուց անգամ դարշում եմ այժմ,—այլ ան, որ ինքս իմ աչքում կորցրել եմ իմ յարգը: Իմ տեղս պիտի լինիք, որ հասկանաք, թէ ինչ է նշանակում, երբ մարդ դադարում է ինքն իրեն յարգելուց: Հասկացող մարդու համար դրանից աւելի մեծ տանջանք չի կարող լինել: Բացի դրանից, չէ՞ որ ես այժմ աղքատացած եմ, բոլորովին աղքատացած: Ի՞նչ պիտի անեմ, ո՞ր պիտի գնամ, ինչո՞վ պիտի ապրեմ... Այսպիսի դրութեան մէջ խելագարուել միայն կարելի է...

Շահեանը, առանց որևէ յետին մտքի, ինքնաբերաբար և ամենայն անկեղծութեամբ, ուզում էր ասել, որ ինքը միշտ պատրաստ է նրան օգնելու, բայց յանկարծ մտածեց, թէ մի գուցէ պանի Զգանեիչն իր խօսքերը վատ մտքով բացատրի, և ոչինչ չասաց, ուրիշ բան էլ չգտաւ ասելու:

Ես այժմ մի բան եմ մտածել,—շարունակեց պանի Զգանեիչը:—Այսպիսի խայտառակութեամբ և ամօթով վարչաւ վերադառնալ, հարկաւ, չեմ կարող: Ուզում եմ գնալ Ամերիկա իմ ասած լեհ հայրենասիրական գաղութի հետ միանալու: Եթէ որևէ բանով պէտքական եղայ այնտեղ, խօ—լաւ, իսկ եթէ ոչ, աշխարհն մե՛ծ, ման կը գամ և կաշխատեմ որևէ վարձկան պաշտօն ճարել: Փառք Աստուծու, հերոսական մի քանի լեզու գիտեմ և շատ էլ ագէտ չեմ:

Շահեանը նայեց նրան անկեղծ ափսոսանքով և նորից ուզում էր իր օգնութիւնն առաջարկել, բայց էլի չհամարձակուեց. այժմ վախենում էր, որ դրանով կարող է վիրաւորել պանի Զգանեիչի հպարտութիւնը:

Պանի Զգանեիչը չթողեց, որ Շահեանը շուտ դը-

նայ, և մինչև անգամ մի թեթև ընթրիք պատուիրեց սպասաւորին:

—Վաղը գնում եմ և չեմ ուղում, որ մեր բարեկամութիւնն անցողակի լինի,—ասաց նա:—Ուր էլ որ լինիմ, միշտ պիտի յիշեմ ձեզ երախտագիտութեամբ, որովհետև... Հն, մոռացայ ձեզ ասեմ. նրա փախստի օրն, ախր, մի նամակ ստացայ նրանից: Այդ նամակը պահեցի, որ կարգամ ձեզ մօտ: Տեսէք ինչ է գրում:

Պանի Զդանևիչն արագ մօտեցաւ գրասեղանին, գրորոցը դուրս քաշեց, հանեց մի նամակ, գնաց նստեց Շահեանի կողքին և, նամակը բռնելով ափսոսաբար, որ Շահեանն էլ կարողանայ կարգալ, կարգաց.

«Իմ քաղցրիկ էլիգա.

«Այս բոպէիս ափսոսաբար մի հսկայական յիմարութիւն գործեցի անզգուշաբար, որից ստիպուած եմ անմիջապէս հեռանալ: Կուզէի անձամբ տեսնել քեզ, բայց ժամանակը չի ներում. գնացքը մեկնելու է մի ժամից, հազիւ թէ վրայ հասնեմ: Այս բոպէիս ինքս էլ չգիտեմ, թէ ուր եմ գնում, բայց պիտի գնամ, անպատճառ պիտի գնամ: Ճանապարհից կըհեռագրեմ քեզ, թէ որտեղ կարող ես ինձ գտնել:

«Նամակս գրում եմ, որպէսզի չկարծես, թէ լիախել եմ քեզնից: Վերջին ժամանակս դու այդ բառը շատ էիր կրկնում, որով շատ էիր զայրացնում ինձ: Վկայ է Աստուած, որ ես քեզ սիրել եմ, սիրում եմ և պիտի սիրեմ, քանի շունչս բերնումս է: Վերջին սրկան պիտի լինիմ, եթէ գէթ մի բոպէ մոռանամ այն անսխալարիներէ զոհարեութիւնը, որ դու արել ես ինձ համար: Եթէ որևէ տհաճութիւն եմ պատճառել քեզ:

այդ պիտի վերագրես միայն իմ դժբաղդ կըքոտ բնաւորութեանը, որից ինքս էլ գոհ չեմ:

«Յոսեփիւն, կեանքիս քաղցրիկ ընկերուհի:

«Յմահ քո Սուրէն:

«Յ. Գ.—Փողի կարիք որ զգաս, դիմիր Լևոն Շահեանին, որի հետ ծանօթացար ինձ մօտ, երբ ես պառկած էի հիւանդ: Նա շատ ազնիւ, շատ պատուական երիտասարդ է, և կարող ես վստահիլ նրան առանց քաշուելու: Յամենայն դէպս յայտնում եմ քեզ նրա հասցէն»:

—Հետևում է ձեր հասցէն—միակ բանն ամբողջ նամակի մէջ, որ կարևորութիւն ունեցաւ ինձ համար, մնացածը՝ գրող,—ասաց պանի Զդանևիչը և հանգիստ ու կամաց ճղեց նամակը վերևից մինչև ներքև:—Եւ այս խորամանկ-թշուառականը կարծել է, թէ այնքան բաներից յետոյ պիտի հաւատամ իր այս ստութեան և կեղծաւորութեան շեղծօվոն,—աւելացրեց նա, նամակը ճմռելով փիւ մէջ և հանգիստ գարշանքով շարտելով վառարանի կողմը:—Ինչո՞ւ չի գրում, թէ այն ինչ հսկայական յիմարութիւն է, որ գործել է և որից ստիպուած է եղել այնպէս շուտափոյթ հեռանալ և իբրև ժամանակ չի գտել ինձ էլ իր հետ առնելու: Այսօր ճիշտ տասն օր է, որ գնացել է, և ուր է այն հեռագիրը, որով ճանապարհից պիտի յայտնէր ինձ, թէ որտեղ կարող եմ գտնել իրեն: Աստուծուն վկայ է բերում, թէ սիրել է ինձ, սիրում է և... Է՛հ, բաւական է, բաւական: Նորից արիւնս տակնուվրայ է լինում...

Պանի Զդանևիչը սաստիկ գրգռուած վեր կացաւ, յատակից վերցրեց նամակը, վառարանի դուռը բաց արեց և ներս շարտեց: Նա այլևս ոչ մի խօսքով չյիշեց

Մահը

Բաղէնեանին, ասելով, որ ուզում է իսպառ մոռանալ նրան և, վերջին յուսահատական ոյժերը հաւաքած, մի նոր, խելացի, առողջ կեանք սկսել հիւանդ սիրուց յետոյ: Նա նորից յիշեց Ամերիկայում իր տեսած լեհական գաղութը և մեծ ոգևորութեամբ սկսեց խօսել այդ գաղութի նպատակների մասին: Նրա տրամադրութիւնը հետզհետէ այն աստիճան բացուեց, որ ընթրիքի ժամանակ մինչև անգամ ուրախ էր:

Շահեանը նոյնպէս բացուել էր. պանի Չդանեիչի ցոյց տուած մտերմութիւնը չափազանց գրաւել էր նրան, և նա չէր իմանում ինչպէս անի, որ ցոյց տայ թէ ինքը գնահատում է այդ մտերմութիւնը և ամենայնիւ պատրաստ է թիթեացնելու նրա վիճակը: Երբ ընթրիքից յետոյ, պատրաստուեց գնալու, այլևս չկարողացաւ դիմանալ և ուղղակի ասաց.

—Պանի Չդանեիչ, եթէ, ուր էլ որ լինիք, օգնութեան կարիք դաքը, կարող էք, առանց այլևայլութեան, դարձեալ ինձ դիմել:

Պանի Չդանեիչն առաւ նրա ձեռքը և Չերմազին սեղմեց:

—Ոչ, ազնիւ, սիրելի բարեկամս,—ասաց նա քրնջօրէն.—ես անչափ դո՛հ եմ ձեր ինձ արդէն արած օգնութիւնից և յոյս ունիմ, որ այլևս կարիք չեմ զգալ ձեզ նեղացնելու: Բայց մի բան միայն կը խնդրէի ձեզ նից—այն, որ դուք շատ էլ դժգոհ չմնաք, եթէ ձեզ հասանելիքը շուտ չկարողանամ վերադարձնել:

Շահեանը նայեց նրան յանդիմանութեամբ:

—Հաւատացնում եմ, պանի Չդանեիչ, ես սաստիկ վիրաւորւում եմ, երբ դուք խօսում էք այդ մասին:

—Հապա ի՛նչպէս անեմ:

—Ինչպէս ուզում էք արէք, միայն թէ այդ մա-

սին ինձ ոչինչ մի ասէք,—ասաց Շահեանը և սկսեց հագնել կրկնակօշիկները: Յանկարծ նա ծիծաղեց:

—Ինչի՞ վրայ էք ծիծաղում,—հարցրեց պանի Չդանեիչը հետաքրքրուած:

—Կրկնակօշիկներիս վրայ: Սրանք իրենց մի մաշալու պատմութիւնն ունին, որ յանկարծ յիշեցի:

Եւ Շահեանը համառօտակի պատմեց Բաղէնեանի հետ ունեցած իր վերջին տեսակցութիւնը, իր նրան տուած հաղար ոււրլու միջադէպը, թէ ինչպէս Բաղէնեանը կամեցաւ այդ դումարը յետ տալ իրեն և երբ ինքը հրաժարուեց յետ ընդունել, նա վերցրեց ծրարը և մօտեցաւ վառարանին, որ կրակը նետի, իսկ ինքն այդ միջոցին առաւ գլխարկը և դուրս փախաւ, կըրկնակօշիկները մոռանալով հագնել: Շահեանն այս բանը պատմում էր այժմ իբրև մի կուրիօզ և անդադար ծիծաղում էր:

—Յետո՛յ, յետ ստացաք ձեր կրկնակօշիկները,—հարցրեց պանի Չդանեիչը ժպտալով:

—Նոյն օրն իսկ ուղարկել էր հիւրանոցի ծառայի ձեռքով:

—Իսկ փողը կրանկն էր նետել, թէ... դրպանը:

—Այդ արդէն մի հանելուկ է, որ դուք ինձնից աւելի լաւ կարող էք լուծել,—ասաց Շահեանը, շարունակելով ծիծաղել և, բարի գիշեր մաղթելով, դուրս գնաց:

—Պարոն Շահեան,— յանկարծ կանչեց պանի Չդանեիչը, դուրս գնալով նրա ետևից:

Շահեանը կանգ առաւ միջանցքում և արագ շուռ եկաւ:

—Վաղը կըգտնէք ինձ ճանապարհ դնելու:

—Ի հարկէ, անպատճառ,—բացականչեց Շահեանն

անսովոր եռանդով և, նորից շուտ գալով, վազեց դէպի սանդուղքները:

VIII

Շահեանք վերադարձաւ տուն խիստ ուրախ տրամադրուած: Յիշում էր, այդպիսի ուրախ տրամադրութեան մէջ մէկ էլ եղել էր Եւայի հետ ծանօթանալու առաջին գիշերը, երբ երկաթուղու կայարանից կառքով ճանապարհ էր դրել նրան մինչև նրանց տան դուռը: Այժմ նա զարմանում էր, թէ որքան հասարակ բան էր եղել պանի Ձգանեիչի մօտ գնալը, որից այնքան սարսափում էր այդ օրը:

Գիշերը բաւական ուշ էր, և Շահեանն անմիջապէս պառկեց, որ քնի, բայց էլի, ըստ հին սովորութեան, ցնորքները թոյլ չտուին, որ քունը շուտ մօտենայ աչքերին, չնայելով որ նախորդ գիշերը վատ էր քնել և ամբողջ օրն անց էր կացրել անսովոր յուզման մէջ:

Նա մտածում էր պանի Ձգանեիչի մասին:

Այժմ այլևս անասնական ցանկութիւնը չէր, որ զբաղեցնում էր նրա հիւանդոտ երեւակայութիւնը պանի Ձգանեիչի վերաբերմամբ, այլ մտածում էր այն մասին, որ ինքը մի մեծ բարեք էր մատուցել այդ դժբաղդ կնոջը, հանելով նրան իր անել գրութիւնից: Եւ նրան առանձին ինքնագոհութիւն էր պատճառում նրա անձնասիրութիւնը փայփայող այն հանգամանքը, որ պանի Ձգանեիչի պէս մի կին իր վրայ նայում էր անկեղծ երախտագիտութեամբ, իրեն անուանում էր իբ «ազնիւ», «սիրելի» բարեկամը, իր «եղբայրը» և այնքան մտերմութիւն էր ցոյց տալիս, որ մինչև անգամ պատմում էր իր անձնական ամենանուիրական գաղտ-

նիքը, բաց էր անում նրա առաջ իր վիրաւոր սիրտը և այդ բանի մէջ էր որոնում իր սիրտի անքը:

Չոր ուղեղով նա շատ ցած էր համարում Բազենեանի վարմունքը, բայց զգացումով բոլորովին անտարբեր էր. ընդհակառակը, սրտի խորքում, կարծես ինքն իրենից ծածուկ, մինչև անգամ նախանձում էր Բազենեանին, որ կարողացել էր այնպէս գերել պանի Ձգանեիչի պէս մի կնոջ: Ա՛խ, ինչ լաւ կըլինէր, եթէ ինքն էլ ունենար այդպիսի գէթ չնչին մի շնորհք: Այն ժամանակ ոչ թէ Բազենեանի պէս անխիղճ կերպով կըվարուէր այդպիսի հրաշալի մի կնոջ հետ, այլ կաստուածացնէր նրան, մինչև վերջին շունչը կըպաշտէր նրան, ուրախութեամբ կըմեռնէր նրա համար:

Եւ Շահեանի սիրտը նորից համակուեց յուսահատական թախիծով: Թերևս երբէք նրա կուսական սիրտն այնպէս ջերմ կերպով չէր փափագել սիրել ու սիրուել, ինչպէս այժմ: Իր անապատ-կեանքի մէջ հանդիպեց մի հրաշալի Եւա, որին, ըստ երևոյթին, սիրեց հէնց առաջին անգամից, բայց յուսախարութիւնը շուտով էլ մեղցրեց սիրոյ առաջին սաղմերը: Այժմ բաղդը նրան դէմ յանդիման էր բերել մի պանի Ձգանեիչ, որը կանգնած էր իր կանացի զբաւոյնութեան գագաթնակէտին, հսկայի պէս գեղեցիկ ու հոյակապ: Շահեանը մտքումը համեմատութիւն էր անում Եւայի ու պանի Ձգանեիչի միջև և տեսնում էր, որ Եւայի կուսական անմեղ, անարատ գեղեցկութիւնը կամաց-կամաց աղօտանում, ցնդում է օդի մէջ, իբրև անմարմին մի բան, իբրև հրաշալի մի երազ, պանի Ձգանեիչի հուժկու և մեղսալից փարթամ գեղեցկութեան առաջ: Եւ նա մտածում ու չէր կարողանում որոշել, թէ որի՞ն արդեօք առաւելութիւն կըտար—Եւայի՞ն, թէ՞ պանի Ձգանեիչին, եթէ միաժամանակ երկուսն էլ ցանկութիւն յայտնէին իրենց

լինելու: Նա կըփափազէր ունենալ երկուսին էլ, — Եւա-
յին՝ պաշտելու իբրև սրբութիւն, պանի Զդանեիչին՝
տիրապետելու իբրև ցանկալի կնոջ: Սակայն, Շահեա-
նը զգում էր, որ պատրաստ է իր իդէալական սէրն
էլ, իր կիրքն էլ հաւասար չափով կեդրոնացնելու մի-
միայն պանի Զդանեիչի վրայ, բայց և, միևնոյն ժա-
մանակ, զգում էր, որ ինքը, իբրև սիրահար և իբրև
ամուսին, շատ չնչին արարած կըլինէր այդ հոյակապ
կնոջ առաջ: Նրան թւում էր, թէ պանի Զդանեիչի պէս
մի կին հթէ իրեն այնպիսի ուշադրութեան առարկայ
էր դարձրել, պատճառն այն էր միայն, որ կարիքն էր
ստիպել, այլապէս երբեկոց մտքովը կ'անցկացնէր ար-
դեօք, թէ աշխարհիս երեսին Շահեան էլ գոյութիւն
ունի:

Եւ Շահեանը նորից եկաւ կանգ առաւ այն մտքի
վրայ, որ ինքը ջրի տարած մէկն է, անշնորհք, ողոր-
մելի մի արարած, որը կարծես թէ ապրում է նրան հա-
մար միայն, որ ամեն մի դէպքի առթիւ շարունակ մը-
տածի իր ոչնչութեան մասին և աւելի ու աւելի տան-
ջուր այդ գիտակցութիւնից:

Շահեանը նորից ուժգին մի կատաղութիւն զգաց
ինքն իր դէմ: — Ո՛չ, պէտք է կամ ապրել այնպէս, ինչ-
պէս ուրիշները, ինչպէս ամենքն են ապրում, կամ
պէտք է չապրել ամենևին... Այլապէս գիմանալ չի կա-
րելի այդ յարատև տանջանքներին, ամեն մի առիթից
ծագող այդ տաժանելի ինքնաքննութեան: Այս աշխար-
հում ապրելու և հոգեկան այդ սոսկալի տանջանքներից
ազատ լինելու համար հարկաւոր է լինել Բաղէնեանի
պէս համարձակ, յանդուգն, անխիղճ, խաբեբայ, նոյն
խսկ անբարոյական, այո՛—անբարոյական: Այդ էլ մի
շնորհք է, որ բնութիւնը տուել է գրեթէ ամենքին, ո՞-
րով և ամենքն ապրում են անհոգ ու երջանիկ. Շա-

հեանն է միայն, որ զրկուած է մնացել այդ շնորհքից
և այդ պատճառով այնքան որբ ու օտար է զգում իրեն
կեանքի խնճոյքի մէջ: Ուրիմն էլ ինչպէս է ապրում:
Ի՞նչ բան է կեանքը: Կեանքը կինն է, ցանկալի կինը:
Պէ՛ր աշխարհից կի՛ն ասուած արարածը, և ասկետ-
ներն անգամ չեն կամենալ ապրել: Սխալում են մո-
րալիստները, որոնք անհատական երջանկութեան հիմքը
համարում են ալտրուիզմը: Այդ շատ միակողմանի վար-
դապետութիւն է, որովհետև քաղցածի փորը չի կշտա-
նալ, երբ նա ուրիշի համար հաց բրթի: Կինը, ցան-
կալի կինը—ահա միակ բանալին, որ բաց է անում ոչ
թէ ցնորական, այլ իրական երջանկութեան դուռը:

Կնոջ գաղափարը Շահեանի համար միշտ մութ ու
անորոշ էր եղել, բայց երեկուանից դէս այդ գաղափա-
րը միանգամից պարզ ու որոշ ձևեր էր ստացել և մար-
մնացել էր պանի Զդանեիչի մէջ: Կին և պանի Զդա-
նեիչ այժմ հոմանիշ էին նրա համար, և կին ասուած
արարածը նա ուրիշ կերպ չէր կարողանում երևակայել,
քան պանի Զդանեիչի պէս խելագարիցնելու չափ ցան-
կալի:

Շահեանի հիւանդոտ երևակայութիւնը նորից
զրգուեց: Ի՛նչպի պանի Զդանեիչը փոքր ինչ առաջ
տածած ասպետական զգացումը նորից տեղի տուեց
զուտ ախտական զգացման, և պանի Զդանեիչը նրա
զրգուած երևակայութեան առաջ նորից կանգնած էր
արուի մէջ անզուսպ անասնականը շարժող իբրև էգ
միայն իր իգական բոլոր անդիմադրելի հրապուրան-
քով...

Յանկարծ նա վեր թռաւ և նստեց անկողնում
կայծակնահար այն մտքից, որ պանի Զդանեիչն առա-
ւօտեան պիտի մեկնէր: Առաւօտեան... այդպէս շուտ...
Իսկ ինքը... Ի՞նչ պիտի անի ինքն այնուհետև իր մէջ

վառուող և իր ամբողջ էութիւնը լափող այդ զգացումով... Կարող է դիմանալ... չի գժուել արդեօք... Ձի գժուել արդեօք այն մարդը, որ երկար ժամանակ ծառաւից պատակուելով թափառում է անսպասի մէջ և, յանկարծ մի աղբիւր գտնելով, վրայ է ընկնում, որ ծարաւը յագեցնի, բայց ջուրը յանկարծ յետ է քաշուում և երկրի ծոցը մտնում, առանց մի կաթիլ թողնելու... Ո՛չ, ո՛չ, անկարելի է: Պէտք է մի բան անել... պէտք է այնպէս անել, որ պանի Զդանեիչը չգնայ մնայ, մնայ անպատճառ և...

Շահեանք խոնարհուեց ծնկների վրայ և տաքացած գլուխն առաւ ձեռքերի մէջ: Երկար ժամանակ նստած էր այդպէս, մտածելով, թէ ինչ պիտի անել և ինչ կարող է անել: Քունքերին սեղմած ափերի վրայ զգում էր գլխի երակների զարկն այնքան ծանր ու հատու, որ կարծես գլխի մէջ թագնուած մի բան տնջում էր տանջանքով:

Յանկարծ նստեց ուղիղ և չռած աչքերով նայեց օդի մէջ, իբրև մի մարդ, որի միտքը յանկարծ պարզուում է մի նշանաւոր գիւտից: Կարճ ժամանակ այդպէս մնալուց յետոյ, կամաց իջաւ մահճակալից, ոտները մեքենայաբար կոխեց մահճակալի առաջ դրուած մաշիկների մէջ, նոյն չռած աչքերով, լուսնոտի պէս, մօտեցաւ զբասեղանին, նստեց, առաւ մի թուղթ, առաւ զրիչը և կանգ առաւ: Յետոյ կամաց ու զգուշօրէն՝ կարծես վախենալով, որ այն, ինչ որ մտածել էր, կարող էր մոռանալ, սկսեց գրել:

«Շատ յարգելի պանի Զդանեիչ.

«Մի չափազանց յանդուգն առաջարկութիւն եմ ուզում անել Ձեզ.—կըկամենայի՞ք արդեօք իմ կինս լի-

նել, կինս—Աստուծոյ և մարդկանց առաջ: Եթէ այո—պատասխանեցէ՛ք, եթէ ոչ—նոյնպէս: Երկու դէպքումն էլ Ձեր պատասխանը, որին պիտի սպասեմ սրտատրոփ, կընդունեմ ամենայն շնորհակալութեամբ: Յամենայն դէպս, աղաչում եմ, առանց պատասխանի մի թողնէ՛ք:

«Մշտապատրաստ Ձեր խոնարհ ծառայ
Լևոն Շահեան»

«Յ. Գ.—Առաջարկութիւնս նամակով եմ անում, Ձեզ և ինձ ազատ պահելու համար այս մասին անձամբ խօսելու անխուսափելի ծանր դրութիւնից»:

Յամենայն դէպս ներքէն աւելացրեց իր հասցէն, այնուհետև ամբողջ նամակը խնամքով արտագրեց ուրիշ թղթի վրայ, փակեց ծրարի մէջ և կրկին ընկղմուեց խոր մտածմունքների մէջ: Այժմ դժուար լուծելու մի ուրիշ հարց կար. ի՞նչպէս պիտի յանձնէր այդ նամակը պանի Զդանեիչին—անձամբ արդեօք, թէ ծառայի միջոցով: Վերջինս անյարմար էր և, բացի դրանից, այդ դէպքում ստիպուած կըլինէր առաւօտեան չգնալ պանի Զդանեիչի մօտ, մինչդեռ այս անգամ ուզում էր տեսնել նրան՝ դիտելու համար ոչ թէ առաջուայ պանի Զդանեիչին, այլ իր սպագայ կնոջը, և այդ բանն այնպիսի անդիմադրելի հետաքրքրութիւն զարթեցրեց նրա մէջ, որ վճռեց անպատճառ գնալ և իր ձեռքով յանձնել նամակը: Յանձնել—բայց կրք, սրտեղ, հիւրանուցում, երկաթուղու կայարանում, թէ՛ ամենավերջին բուպէին, վազոնում, հրաժեշտ տալու միջոցին: Վերջինը, ի հարկէ, աւելի յարմար էր, որովհետև առաջին երկու դէպքում նա ուղղակի գետինը կըմտնէր ամօթից, տեսնելով, թէ ինչպէս պանի Զդանեիչն իր աչքի առաջ բաց է անում նամակը, կարդում և...

«Այդպէս, ուրեմն, նամակս կը յանձնեմ ամենա-
վերջին բողոքին, երբորդ զանգը խփած ժամանակ, այն-
պէս որ այնուհետև ստուերս անգամ չի տեսնիլ»—վրձ-
ոնց Շահեանը և խիստ ուրախացած ու թեթևացած գը-
նաց պառկեց: Քայց յանկարծ նորից վերկացաւ, ծրա-
րը պատռեց և նամակի տակն աւելացրեց հետեւեալը.

«Եթէ Ձեր պատասխանը դրական լինի, հարկաւ
կը վերադառնաք առաջին իսկ կայարանից և կարող
էք իջնել ուղղակի իմ տանը, ուր կը գտնէք ամեն յար-
մարութիւն և անհուն երջանկութեամբ բարախող մի
սիրտ...»:

Վերջին խօսքերը, որոնք գրուեցին ինքնաբերա-
բար, այնքան դիւր եկան Շահեանին և այնպիսի վառ
յուսով լցրին նրա սիրտը, որ այնուհետև, երբ նորից
պառկեց, շարունակ կրկնում էր մտքումը, մինչև որ
քունը կամաց-կամաց յաղթեց նրան:

Առաւօտեան, երբ աչքերը բաց արեց, կարծեց
թէ այդ օրն էլ իր սովորական պարագայ օրերից մէկն
է, որ կարող է դառնալ միւս կողքի վրայ և նորից
քնել մի-երկու ժամ էլ. բայց յանկարծ միտն եկաւ,
որ այդ առաւօտ պիտի գնայ ճանապարհ ձգելու պանի
Զդանեիչին, և օձից խայթուածի պէս վեր թռաւ ան-
կողմից:

Առաջին բանը, որ արաւ, այդ այն էր, որ վրայ
ընկաւ նամակին և կարդաց: Կարդաց և սարսափեց:
Թէև նամակի բառերը գիշերն անկողնի մէջ շատ կըրկ-
նելուց անգիր գիտէր, բայց այժմ նոյն այդ բառերը
թղթի անցկացրած և ցերեկուայ լոյսի տակ բոլորովին
նորութիւն հանդիսացան նրա համար: Գիշերը նա մի-
այն ցնորում էր և այդ ցնորքների արտայայտութիւնն
էր, որ անց էր կացրել թղթի. գիշերն անցել էր և ի՞նչ
հետ յօդս էր ցնդեցրել նրա ցնորքները, բայց այդ

ցնորքների արտայայտութիւնը մնացել էր թղթի վրայ:
Նւ այդ թուղթը պիտի յանձնէր պանի Զդանեիչին, և
պանի Զդանեիչը պիտի կարդար այդ թուղթը... Ի՞նչ
անենք, թէ ինքը ներկայ չի լինիլ կարդալիս, բայց
իս Գիտէ, երևակայում է, թէ ինչպիսի ապշութեամբ
պիտի կարդայ պանի Զդանեիչն իր յանդուգն առա-
ջարկութիւնը, և եթէ նրա պատասխանը մերժողական
լինի կամ թէ ճիշտ որ առաջին իսկ կայարանից վե-
րադառնայ և ուղղակի դայ իր տուն... Շահեանը չէր
իմանում, թէ որն աւելի սարսափելի կը լինէր իր հա-
մար—Պանի Զդանեիչից մերժողական պատասխան
ստանալը, թէ նրան իր տան մէջ ընդունելը: Առաջին
դէպքում մահացու հարուած պիտի ստանար իր անձ-
նասիրութիւնը, իսկ երկրորդ դէպքում... Սակայն,
այստեղ Շահեանը հրաժարւում էր երևակայել անգամ,
թէ ինչ կը պատահէր իրեն. երբ պանի Զդանեիչն ուղ-
ղակի երկաթուղու կայարանից դար իր տուն և ասէր.
«Ահա, ես վերադարձայ և համաձայն եմ ձեր կիներ լի-
նելու»:

«Ո՛չ, ո՛չ, ո՛չ, անպատճառ խելադարուած եմ եղել
դիշերը, որ այսպիսի նամակ եմ գրել»—ասաց ինքն
իրեն Շահեանը և նամակը շտապով շարտեց վառարա-
նի մէջ ճրթճրթացող կրակը:

IX.

Երբ Շահեանը մտաւ պանի Զդանեիչի մօտ, վեր-
ջինս իր հաշիւներն էր տեսնում հիւրանոցի սպասա-
ւորի հետ: Սենեակի դռան մօտ դրուած էին երկու
մեծ ճամպրուկ: Ինքը պանի Զդանեիչը ճանապարհոր-
դական փոքր ինչ հնացած, բայց կոկ և ճաշակով կա-
րուած հագուստի մէջ էր, ուսին սակ-վօյաժ ձգած:

Շահեանին ընդունեց շատ սիրալիր և մտերմօրէն, յետոյ ներողութիւն խնդրեց և նորից դարձաւ սպասաւորի ներկայացրած հաշիւներին:

Շահեանը նստեց հեռու և սպասում էր մի տեսակ բուժ հանգստութեամբ: Նա նմանում էր կեանքի հետ իր հաշիւները վերջացրած սառն ու անտարբեր մարդու: Այն կրակը, որ այնպիսի կատաղութեամբ վառուել էր նրա մէջ պանի Զդանեիչի վերաբերմամբ, կարծես հանգել էր այժմ, և նրան թուում էր, թէ այդ հանգած կրակն այժմ այնտեղ, հոգու խորքում, ծուխ է արձակում այնքան թանձր ու ծանր և այնքան հեղձուցիչ, ինչպէս վառուած փայտը վրան ջուր թափելուց յետոյ:

Պանի Զդանեիչը շուտով արձակեց սպասաւորին և, երբ սպասաւորը դուրս գնաց, արագ դարձաւ Շահեանին:

—Երևակայեցէք,—բացականչեց նա մի տեսակ անհոգ ծիծաղով:—Եթէ դուք չլինէիք, բոլոր ունեցած չունեցածս պէտք է թողնէի այստեղ: Բայց հիմա, փառք Աստուծոյ, բոլոր իրեղէններս փրկուած են:

Նա շտապով հաւաքեց այս ու այնտեղ թափթփած մի քանի մանր-մունր բաներ և սկսեց տեղաւորել ճամպուրակներէից մէկի մէջ, նոյն անհոգութեամբ զանգատուելով հիւրանոցում տիրող անկարգ կարգերից, անաստուած թանկ գներից և զանազան յարմարութիւնների բացակայութիւնից: Իր անհոգ շտապօտութեան միջոցին յանկարծ խօսքը կիսատ թողեց բերանում, բնագղմամբ յետ նայեց Շահեանի կողմը, մի ըրպէ ուշադրութեամբ դիտեց նրա քարացած դէմքը, յետոյ կամաց բաց թողեց ձեռքին բռնած մի ինչ-որ իր և մօտեցաւ նրան:

—Ի՞նչ է պատահել ձեզ, պարոն Շահեան,—հարցրեց նա մտահոգութեամբ:

Շահեանը թեթև կերպով ցնցուեց: Մինչև այդ ըրպէ կարծես քնած էր և այդ ըրպէին միայն սթափուեց:

—Ի՞նչ... ոչինչ,—արտասանեց նա, մեքենայաբար վեր կենալով տեղից և զարմանալով, թէ ի՞նչ էր նկատել իր մէջ պանի Զդանեիչը:

—Հապա ինչո՞ւ այդպէս գունատ էք:

—Գունատ... մի՞թէ:

—Նայեցէք հայելուն: Դուք անպատճառ հիւանդ էք:

Շահեանը, շփոթուած, հեռուից մեքենայաբար նայեց պատի վրայ կախուած հայելուն և չտեսաւ իր դէմքը:

—Այս, երևի, նրանից է, որ գիշերը սովորականից ուշ քնեցի և այս առաւօտ վաղ վերկացայ, որ հասնեմ ձեզ,—ասաց նա և աշխատեց ժպտալ:

Պանի Զդանեիչը լուրջ դէմքով և թերահաւատութեամբ շարժեց գլուխը, իր փորձող աչքերը չհեռացնելով Շահեանի ակնոցից:

—Մեզն ուզում էք ինձ վրայ ձգել, բայց ափսոս, որ չեմ կարողանում համոզուել, թէ մեղաւորն իսկապէս ես եմ: Յամենայն դէպս, թոյլ տուէք ձեզ նկատեմ, պարոն Շահեան, դուք շատ զարմանալի երիտասարդ էք երևում. այնքան սառն էք և անտարբեր, որ կարծես թէ աշխարհս գոյութիւն չունի ձեզ համար:

Շահեանը շատ օտարոտի կերպով ծիծաղեց: Նրա ծիծաղի մէջ լսում էին վիրաւորուած անձնասիրութեան շեշտեր:

—Երանի չէ՞ր լինիլ, որ այդպէս լինէք, — ասաց նա կամաց և յետոյ աւելացրեց իրեն ոչ յատուկ զայ-

բացկոտուժեամբ.—Աշխարհս ոչ թէ միայն գոյութիւն ունի ինձ համար, այլ և նրա գոյութիւնն այնքան ճշնշում է ինձ, որ կեանքիս գնով կըցանկայի նրանից ազատուել:

Պանի Զդանեիչն ապուշ կտրուեց:

—Այդ դժւք էք ասում, պարոն Շահեան...

—Այո, ես եմ ասում:

—Այդպէս երիտասարդ հասակում...

—Այսպէս երիտասարդ հասակում:

—Եւ առանց կատակի:

—Առանց կատակի:

Շահեանն իր պատասխանները տալիս էր խորին և համարձակ: Այդ բանում նրան քաջալերում էր պանի Զդանեիչի մտերմական-հովանաւորող վերաբերմունքը: Նա տեսաւ, որ խիստ հեռաքրքրել է պանի Զդանեիչին, ուստի փքւում էր և չէր վախենում իր մտքերն ուղղակի յայտնելուց: Արագ քայլերով անցուգարձ էր անում սենեակի երկարութեամբ, որի ժամանակ թեթև կերպով ճրճուում էին նրա կօշիկները, և թէև չէր նայում պանի Զդանեիչին, բայց զգում էր, որ նա, զարմացած, աչքերով հետևում էր իրեն: Այդ բանը խիստ հաճելի էր Շահեանի համար, և այդ միջոցին նա զգում էր, որ բարձրացել է ինքն իր աչքում:

—Լսեցէք, պարոն Շահեան,—խօսեց պանի Զդանեիչը կարճ լուսթիւնից յետոյ: — Դուք, ի հարկէ, չափազանցնում էք, որովհետև, ինչպէս տեսնում եմ, դեռևս շատ անփորձ էք: Երևի միտքէ անախորժ դէպք է պատահել ձեզ, որ այդպէս...

—Այո, մի խիստ անախորժ դէպք, պանի Զդանեիչ, — վրայ բերեց Շահեանը խիստ ու կտրուկ և ազանջ դրեց կօշիկներն ճրճոցին:

Ի՞նչ դէպք:

—Ա՛յն, որ ես ծնուել եմ:

Շահեանն խակապէս շատ լուրջ կերպով ասաց այդ խօսքերը, բայց յետոյ, ինքն էլ չհասկացաւ ինչու, նայեց պանի Զդանեիչին: Նրանց աչքերը հանդիպեցին իրար, և երկուսն էլ միաժամանակ ծիծաղեցին:

—Եւ դուք ասում էք, թէ կատակ չէք անում, — նկատեց պանի Զդանեիչը:

—Ոչ, իզուր էք կարծում, թէ՛ որ ծիծաղեցի, կատակ եմ անում: Ամենալուրջ կերպով կրկնում եմ, որ միակ և ամենամեծ անախորժ դէպքը, որ պատահել է ինձ, այդ այն է, որ ես ծնուել եմ:

—Բայց չէ՞ որ այդ վաղուցուայ դէպք է, — բացականչեց պանի Զդանեիչը, շարունակելով ծիծաղել:

—Այո, բայց, դժբաղդաբար, այնպիսի մի դէպք, որի ծանրութիւնը մարդ յետոյ է զգում:

—Դուք փիլիսոփայ էք եղել, պարոն Շահեան:

—Այդ աւելի վատ: Ես կըկամենայի անասուն լինել:

—Ա՛յն, դուք կրկնակի փիլիսոփայ էք եղել, — բացականչեց պանի Զդանեիչն այս անգամ արդէն բարձրաձայն ծիծաղելով: Դուք յոռետես էք, այդ իմացայ, անշուշտ և աթէխտ էք: Չէ՞:

Շահեանը յոնքերը կիտեց և կանգ առաւ:

—Դուք ինձ ծաղրում էք, պանի Զդանեիչ, — նկատեց նա վերաւորուած:

—Ի հարկէ, ծաղրում եմ, հասաւ ի՞նչ էիք կարծում, — վրայ բերեց պանի Զդանեիչը լուրջ, մտերմական յանդիմանութեամբ: — Բանի՞ տարեկան էք:

Շահեանը չպատասխանեց: Նա նայում էր պանի Զդանեիչի փեշերին:

—Հալիւ թէ քսան-քսանհինգ տարեկան լինիք, չէ՞: Եւ այդ հասակում թոյլ էք տալիս ձեզ այդպիսի

պառաւական հայեանքը ունենալու կեանքի վրայ: Եւ ձեր այդ երիտասարդական հասակը, ձեր արիւնը, ձեր ամբողջ էութիւնը չի՞ բողբոլում այդ փտած հայեացքի դէմ: Կարելի բան է միթէ այդ: Ձեր հասակում մարդը մարմնացած մի ցանկութիւն պիտի լինի ապրելու, ապրելու և միմիայն ապրելու. կեանքին նուիրած օրհներգները պիտի յօրինի նա, պիտի վայելի ազահօրէն կեանքի բոլոր բարիքները, շատ անգամ զօրով խլելով նրանից այդ բարիքները, և, յամենայն դէպս, կատաղի կռիւ պիտի մղի մահուան գաղափարի դէմ: Իսկ դուք...

— Իսկ ես դատարկ և աննպատակ բան եմ համարում այդ բոլորը:

— Ա՛խ, դուք նպատակ էք ուզում:

— Անպայման:

— Բայց այդ բոլորի նպատակը հէնց այն է, ինչ որ ասացի: Ուրիշ ի՞նչ էք ուզում:

— Դուք ինձ չէք հասկանում, պանի Զդանելի:

— Ես ձեզ շատ լաւ հասկանում եմ, պարոն Շահեան: Դուք հետևում էք բոլոր յոռետեսներին յատուկ մի ընդհանուր պակասութեան, չէք տեսնում ձեր քթի տակ գտնուած գանձը և ձգտում էք տեսնել անծանօթ մի գանձ, որը գտնուում է ձեր տեսողութիւնից դուրս և միանգամայն անմատչելի է ձեզ:

«Այս ի՞նչ է, այլարանութիւն» — մտածեց Շահեանը, լաւ չհասկանալով պանի Զդանելի խօսքերի իմաստը, և կամաց, վախեցած նայեց նրա մեղմօրէն և փոքր ինչ ծաղրաբար ժպտող աչքերին:

Պանի Զդանելի մօտեցաւ նրան և այս անգամ սկսեց խօսել այնպէս, ինչպէս հասակաւորը խօսում է երեխայի հետ:

— Ես ուզում եմ մի քանի խրատ տալ ձեզ, պարոն Շահեան: Ամենից առաջ պիտի ասեմ ձեզ, որ դուք

ձեր այդ յոռետեսութեամբ ինձ վրայ այնպիսի տպաւորութիւն էք թողնում, ինչպիսի տպաւորութիւն որ կը թողնի ծխախոտ ծխող երեխան: Ես ներողութիւն չեմ խնդրում ձեզնից իմ այս համեմատութեան համար, որովհետև այնքան համակրեցի և սիրեցի ձեզ, իմ ազնիւ բարեկամ, որ անկեղծօրէն կը փափագէի ձեզ ազատուած տեսնել այդ սարսափելի հիւանդութիւնից: Իսկ յոռետեսութիւնն իսկապէս որ սարսափելի հիւանդութիւն է, որից ամեն կերպ պիտի աշխատէք ազատուելու: Եւ այդ բանը դժուար չէ. հարկաւոր է միայն կեանք մտնել, կեանքը ճաշակել և... դէն շարտել այն դրքերը, որ կարդում էք: Այո՛, այո՛, իմ սիրելի բարեկամ, ես տեսնում եմ, որ դուք շատ անփորձ էք, կեանքը չէք ճանաչում, նրա համը չէք առել ամենևին և խօսում էք միմիայն գրքերից: Բայց եթէ կեանքի գիրքըն էլ կարդայիք, կը տեսնէիք, որ նրա էջերը ձեր կարծածի չափ սև չեն: Ի նկատի ունեցէք, որ այս բանն ես ասում եմ կեանքի մէջ այնքան դառնութիւններ ճաշակելուց յետոյ: Կեանքը, ինչ էլ որ լինի նա, միշտ սիրելի է, յամենայն դէպս — աւելի սիրելի ու ցանկալի, քան մահը, ձիշտ այն բնական օրէնքի զօրութեամբ, որով մարդուս համար աւելի սիրելի ու ցանկալի է իր աշխարհագրական հայրենիքը, քան օտար, անծանօթ մի երկիր: Մեռնել միշտ կարելի է, պարոն Շահեան, ով ցանկանում է այդ, բայց նորից ապրել, աւանդ, այդ միայն Ղազարոսին էր վիճակուած: Մտածեցէք, ինչքան ուզում էք՝ մտածեցէք և խորը գնացէք կեանքի վերջնական նպատակը գտնելու, մարդու գոյութեան հանելուկը լուծելու համար — ի՞նչ դուրս կը գայ դրանից: Ոչինչ: Մտածելով չէք կարող փոխել աշխարհիս օրէնքները: Այդ օրէնքներն եղել են, կան և կը մնան նոյնը, անկախ այն բանից, թէ ինչ մեկնութիւն էք տալիս

Մտեք

դուք նրանց: Մտածելով աւելի ևս կենթարկէք ձեզ նրանց ճնշմանը, աւելի ևս կըտանջուէք անորոշութեան մէջ և մի ծայր, որին վերջիվերջոյ կըհասնէք, այդ այն կըլինի, որ կըվճռէք անձնասպանութիւն գործել: Բայց ինչո՞ւ համար, հարցնում եմ ձեզ, ի՞նչ նպատակով: Դուք կեանքի նպատակն էք վնասում, բայց ինչո՞ւ մահուան նպատակի մասին ևս ոչինչ չէք մտածում:

Պանի Զդանեիչը լռեց և նայում էր Շահեանի դէմքին առաջուայ նման հանդարտ, փոքր ինչ ծաղրաբար ժպտող աչքերով, բայց համակրանքով:

Շահեանը սուս էր կացել: Նա զգում էր, թէ այժմ նոյն դրութեան մէջ է, ինչ որ Աշխէնի և Եւայի հետ միևնոյն նիւթի մասին ունեցած խօսակցութեան ժամանակ: Սակայն, այդ երկու յարանման դրութեան միջև էական մի տարբերութիւն կար: Աշխէնի և Եւայի հետ ունեցած խօսակցութեան ժամանակ նա պարզապէս զգում էր, որ ինքն ակամայ երևան է հանել իր մտաւոր ու բարոյական կատարեալ դատարկութիւնը և ծաղրի ու հիասթափութեան առարկայ է դարձել —մի բան, որ մահ էր իր համար: Մինչդեռ այժմ այդ պիտի բան ամենևին չէր զգում: Ճիշտ է, տեսնում էր, որ պանի Զդանեիչն էլ ծաղրում, նոյն իսկ երեխայ է անուանում իրեն, բայց այդ ծաղրը սիրելի և հաճելի էր նրա համար և զրանով իրեն աւելի մօտեցած էր զգում պանի Զդանեիչին: Նա զգում էր, որ ինքն ամենևին յուստես չէ, և զայրանում էր, թէ ինչո՞ւ կեղծում էր, ինչո՞ւ համարձակութիւն չունէր սիրտը բանալու պանի Զդանեիչի առաջ, որն իր մտերմական հովանաւորող վարմունքով այնքան վստահութիւն էր ներշնչում նրան: Եւ առաջին անգամ խիստ ակոսասցի՞ որ շտապեց նամակն այրել:

Այժմ նա կանգնած էր պանի Զդանեիչի առաջ պարզապէս յուսահատուած այն բանից, որ ինքը, չնայելով իր ներքին ուժեղ դրդման, վախկոտութեամբ յետ էր նահանջում ճշմարտութիւնն ասելուց: Իսկ այդ ճշմարտութիւնն այն էր, որ նա ցանկանում էր ապրել, ցանկանում էր ընկնել այդ սիրելի, այդ պաշտելի կնոջ առաջ, գրկել նրա ոտներն և աղաղակել. «Աւելորդ եմ խրատներդ. քեզից աւելի լաւ եմ հասկանում, թէ որքան սիրելի բան է կեանքը: Բայց կեանքը, իմ կեանքը դու ինքդ ես: Կնոջ, մի՞ գնա: Կնոջ, իմս եղիր և կըտեսնես, թէ ինչպիսի օրհներգներ կընուիրեմ կեանքին, ինչպէս կաստուածացնեմ, կըպաշտեմ քեզ և քեզ հետ—կեանքը...»:

—Ի՞նչպէս է, ընդունում էք խրատներս, թէ ոչ, —հարցրեց պանի Զդանեիչը ժպտալով:

—Այդ խրատները ևս ինքս էլ շատ լաւ եմ հասկանում, բայց... հասկանալը բաւական չէ,—ասաց Շահեանը, աշխատելով չկորցնել իր խօսակցութեան նախկին եղանակը:—Կեանքը սիրելու համար, հարկաւոր է նրան սիրել...

—Տիրեցէք, ո՞վ է ձեզ արգելում:

—Ո՞վ է արգելում... Ես ինքս:

—Դուք ինքնե՞րդ:

—Ես կամք չունիմ... ևս փալաս եմ,—արտասանեց Շահեանը, և նրա ձայնը դողաց: Նա նստեց և քիչ էր մնում լաց լինի:

Պանի Զդանեիչը նայեց նրան լրջօրէն և դարմացած: Յետոյ յանկարծ ուսից հանեց սակ-վոյածը և ձգեց մի կողմ:

—Ես այլևս չեմ գնում, մնում եմ,—ասաց նա:

Շահեանը վեր թռաւ տեղից, և արտասուքը, որ խեղդում էր նրան, ցամաքեց կոկորդի մէջ:

—Մինչև որ չիմանամ ինչ է ձեր վիշտը և չը հանգստացնեմ ձեզ, չեմ հեռանալ այստեղից,— աւելաւ ցրեց պանի Զդանեիչը:

Շահեանը կարկամել էր և չէր իմանում ինչ ասի: Ապուշի պէս նայում էր պանի Զդանեիչին իր պլպլան ակնոցի միջից, և նրան թւում էր, թէ խելքը կորցնում է: Նա սառում ու տաքանում էր այն կասկածից, թէ մի գուցէ մատնել է իրեն, և պանի Զդանեիչն արդէն հասկացել է, թէ ինչ է պատահում իրեն:

Պանի Զդանեիչն առաւ նրա ձեռքը և յամառ ու փորձող հայեացքով նայում էր նրա աչքերին:

—Լսում էք, պարոն Շահեան, ես մնում եմ, չեմ գնում: Ձեր դրութիւնը, ձեր խօսքերն ինձ շատ տարօրինակ են թւում, իսկ ես այնքան համակրում եմ ձեզ, որ չեմ կարող հանգիստ սրտով հեռանալ, մինչև որ չիմանամ, թէ ինչ է պատահում ձեզ: Ես տեսնում եմ, որ դուք մի վիշտ ունիք, որ դուք ուզում եք ինչ-որ ասել, բայց չէք վստահանում: Ասացէք, մի վախե՛նաք. ինձնից աւելի լաւ բարեկամ և խորհրդատու չէք կարող ձարել: Ասացէք, ասացէք համարձակ:

—Ես... ես ոչինչ չունիմ ասելու,— շնչաց Շահեանն այնպիսի ողորմելի ձայնով, որ կարծես թէ իրեն մեղադրում էին ինչ-որ մահացու մի յանցանքի համար, սրից ուզում էր հրաժարուել: Եւ նա, առանց զգալու, բնադղական վախկոտութեամբ ձեռքը կամաց դուրս քաշեց պանի Զդանեիչի ձեռքից ու յետույեալ քաշուեց, կարծես այդ կինը սպառնում էր ճիւղել նրան իր հսկայական հասակի տակ, ոչնչացնել նրան իր հետաքրքիր աչքերով:

Պանի Զդանեիչը հէնց այնպէս էլ սառած մնաց իր տեղում: Մի րոպէ կատարելապէս ապշած նայում էր Շահեանի ձակնդեղի պէս կարմրատակած դէմքին:

յետոյ ուսերը վեր քաշեց, վերցրեց սակ-վոյաժը, ձգեց ուսին և մօտեցաւ ճամպրուկներին:

—Ձեմ հասկանում, ոչինչ չեմ հասկանում,— ասաց, կարծես ինքն իրեն, և զբաղուեց մնացած իրերը ճամպրուկի մէջ տեղաւորելով:

Շահեանը զգաստացաւ և նոր զգաց, թէ որպիսի թանկագին րոպէ բաց թողեց ձեռքից: Ուզում էր սխալն ուղղել, բայց ուշ էր արդէն: Տեղն ի տեղն արձանացած, այժմ քաթանի պէս գունատուել էր: Այդպէս է լինում, երբ ձեռքիդ բռնած չափազանց նուրբ ու թանկագին մի անօթ յանկարծ ընկնում կոտրւում է և կոտրածը ոչ կարելի է ամբողջացնել, ոչ նոյն իսկ կոծկել: Շահեանը զգաց, որ եթէ ինքը մի որևէ բանով զբաւել էր պանի Զդանեիչին, այդ մի բանն էլ կորաւ, չքացաւ անդարձ, և այժմ ինքը պարզապէս ապուշի սպաւորութիւն է թողնում այդ կնոջ վրայ: Եթէ աւելի մեծ խայտառակութեան երկիւղը չունենար, ուղղակի կառնէր գլխարկը և դուրս կըփախչէր, որպէսզի չտեսնէր պանի Զդանեիչի հիասթափուած, ապշած դէմքը...

Նրանք կայարան հասան այն ժամանակ, երբ երկրորդ զանգն արդէն տուել էին: Պանի Զդանեիչը սպասում էր, որ Շահեանը կօգնի իրեն շուտով վազնսերից մէկում տեղաւորուելու, բայց տեսնելով, որ նա փայտի պէս կանգնած է մնացել մի տեղում, ինքը վազեց տոմսակ գնելու և յետոյ իր ճամպրուկները շաւկած բռնակրին առաջ դցեց դէպի երկաթուղու կառախումբը: Շահեանը մեքենայաբար հետեց նրան և պլատֆորմի վրայ խոնուող բազմութեան մէջ քիչ մնաց, որ աչքից կորցնէր նրան: Պանի Զդանեիչը հազիւ ժամանակ ունեցաւ նրա ձեռքը սեղմելու.

—Մնաք բարեաւ, պարոն Շահեան,— ասաց նա:

—Ես ոչ ձեզ կը մոռանամ, ոչ իմ պարտքը: Իսկ դուք չմոռանաք, որ ինձ համար հանելուկ մնացիք,—աւելաւորեց նա ժպտալով և կրկին անգամ պինդ սեղմեց նրա ձեռքը:—Մնաք բարեաւ:

Նա հաւաքեց իր երկայն վերարկուի փեշերը և բարձրացաւ վագոնն այն ժամանակ, երբ գնացքն արդէն սկսել էր շարժուել տեղից:

Շահեանն այլևս չտեսաւ նրան:

X

Ննջարանի առաստաղից կախուած դնդաձև լապտերն իր միապաղաղ կարմիր ապակու միջից մեղմ, անշարժ լոյս էր տարածել սենեակում: Խուլ լուռիան մէջ թւում էր, թէ այդ լոյսը, սաստիկ տխրած, նիրհում է: Լուսամուտների ասուեգործ վարագույրների ծակոտիներից երևում էր, թէ ինչպէս ձմեռային օրուայ սառած ու անփայլ վերջալոյսը, արագօրէն խաւարելով հանդչում էր դաժան հանդստութեամբ և թանձր մառախուղը գորշ ամպի նման ծանրութեամբ նստում էր երկրի վրայ:

Մահճակալի վրայ պառկած էր Թեկէն այնքան անշարժ, որ թւում էր, թէ մեռած է: Լապտերի կարմիր լոյսի մէջ նրա խոշոր դէմքն իր լի կզակով, կարծես, պատած էր կարմիր շղարշով, որի մէջ բնականից աւելի սևին էին տալիս նրա փակ աչքերի չափից դուրս լայն փոռած թերթերունքները, ինչպէս խաւարած կիսալուսիններ: Դէմքն այնպէս սառն էր և անշարժ, որ գլուխը կարծես կերտած լինէր մի կարծր քարից և այդ քարն իր ամբողջ ծանրութեամբ թաղուել էր փափուկ բարձի մէջ:

Ննջարանի խորքում նստած էր Մարութեանը և

վշտահար խոնարհուել էր ծնկների վրայ: Մօր մահճակալի մօտ նստած էր Եւան և անթարթ աչքերով նայում էր հիւանդի դէմքին: Լապտերի կարմիր լոյսի տակ նրա դէմքը սրուել պլպլում էր, աչքերն անբնական կերպով մեծացել, սառել էին: Շուրջը տիրող քարացած լուռիւնը, լապտերի միապաղաղ աղօտ-կարմիր լոյսը մահուան տպաւորութիւն էին թողնում: Եւ մահուան այդ կաշկանդող տպաւորութեան տակ Եւայի անշարժ հայեացքը յառած էր մօր դէմքի վրայ, մինչև որ նրան թւում էր, թէ կարմիր լոյսի թափանցիկ շղարշով պատած այդ դէմքը կամաց-կամաց շարժւում, երկարում ու լայնանում է, փակ աչքերի լայն փոռած թերթերունքները բարձրանում են ծանրութեամբ, բերանը սկսում է բացուել և ահա, որտեղ որ է, պիտի լսուի այն սարսափելի ճիչը, որ արձակեց մայրն այդ առաւօտ որդու մահուան դոյժը լսելով: Եւան ցնցւում էր, անթարթ նայելուց շաղուող հայեացքը հեռացնում էր մօր դէմքից, գլուխը յետ էր ձգում աթոռի մէջքի վրայ և աչքերը փակում: Լապտերի լոյսը վերևից ուղղակի ընկնում էր նրա դէմքին, և այդ դէմքն այնքան անշարժ, այնքան անղբայ էր երևում:

Անշարժ շրջապատի կաշկանդող տպաւորութեան տակ Եւային թւում էր, թէ ամբողջ ննջարանը լիքն է ուրուականներով, որոնք իրար են անցնում հանդիսաւոր լուռութեամբ, և ինքն իր փակ աչքերով տեսնում է նրանց ու չի վախենում: Թողնելով, որ ուրուականներն իրենց յիմար պարը բռնեն, նա անձնատուր էր լինում անորոշ մտածմունքների և անմեղ զարմանքով հարցընում էր ինքն իրեն. «Այս ի՞նչ է կատարւում շուրջս»: Ծայրայեղ վիշտը բթացրել էր նրա զգացումները, այնպէս՝ որ նա կարծում էր, թէ ինքը վիշտ չի զգում ամենևին, այլ միայն ինչ-որ վերին աստիճանի օտարու-

տի մի բան կաշկանդել է իր ամբողջ էութիւնը, և ինքը ոչ մի կերպ չի կարողանում դուրս գալ այդ կաշկանդուած դրութիւնից: Նրան թւում էր, թէ յանկարծ ընկել է բոլորովին նոր ու անծանօթ մի աշխարհ, ուր ամեն ինչ մութն էր ու լուռ, ինչպէս գերեզմանի մէջ: Այդ սոսկալի մթութեան ու լուռութեան մէջ մի լոյս կար միայն, արեան նման կարմիր մի լոյս, որի մէջ հանդիսաւոր պար էին բռնել ինչ-որ անձև ու անամբմին ուրուականներ... Նա աչքերը բաց էր անում, նայում էր առաստաղից կախուած լապտերին և կրկին անգամ հարցնում էր ինքն իրեն անմեղ զարմանքով. «Այս ի՞նչ է կատարում շուրջս»:

Նրա ուղեղի մէջ ամուր կերպով, ինչպէս ոստը փայտի մէջ, ցցուած էր մի գիտակցութիւն միայն — եղբայրն այլևս չկար, նա այլևս չէր վերադառնալու, նրան այլևս չէր տեսնելու, երբէք, երբէք... Մնացածը ինչ որ մտածում ու զգում էր, — խառնուում էր իրար՝ կուտակում ու ցրում, առանց որևէ հետք թողնելու: Երկար ժամեր մօր մահճակալի մօտ նստած, չէր հասկանում, թէ ինչ դեր է կատարում ինքը, ինչու մայրը շարունակ պառկած է անշարժ, ինչու հայրն այնպէս խոնարհուել է ծնկների վրայ, ինչու ամբողջ տան մէջ տիրում է այդ զարհուրելի լուռութիւնը: Երբեմն, երբ դուրս էր գալիս այդ կաշկանդուած դրութիւնից, նայում էր շուրջը և մտքումը դարձեալ կրկնում էր. «Այս ի՞նչ է կատարում շուրջս»: Նրան թւում էր, թէ խելագարում է: Բայց այդ միտքն ամենևին չէր սարսափեցնում նրան: Եղբոր մահից յետոյ մահն անգամ սարսափելի չէր նրա համար՝ այն մահը, որից այնքան վախենում էր առաջ: Եղբայրը չկայ այլ ևս — վերջացաւ. այլ ևս երբէք չպիտի տեսնի նրան, երբէք: Իսկ նրանից յետոյ թէկու՛

ամբողջ աշխարհը կործանուի և ինքն էլ հետը միասին: Աշխէնը, — ահա թէ ում համար պէտք է ցաւել... Սակայն, Աշխէնի համար միևնոյնը չէ — Արմենակն ապրում է, թէ ոչ. չէ որ նրանք երկուսն էլ վաղուց արդէն թաղել են իրենց իրար համար... Մի՞թէ:

«Ո՛չ, ո՛չ, ո՛չ» — շնչաց Եւան մտքումը և խոնարհուեց ծնկների վրայ:

Նրա առաջ պատկերացաւ հօրեղբոր աղջիկն այն դրութեան մէջ, երբ նա, իր վղին փարած, ծանր հեկեկանքով իր դժբաղդ սիրոյ պատմութիւնն էր անում: Եւան այն ժամանակ վերին աստիճանի հիասթափուած էր, ուստի սառն և անկարեկից: Բայց այժմ միանգամից զգաց Աշխէնի բոլոր տանջանքն ու յուսահատութիւնը: Եւ հոգով-մտքով թուաւ այնտեղ, ուր հեռացել էր Աշխէնը մեղմելու համար իր տանջանքներն անձնուրաց գործունէութեան մէջ: Ա՛խ, ինչպէս կըցանկար, որ այդ բոպէին իսկապէս այնտեղ լինէր, ինչպիսի կարօտով ու տանջանքով կըծքին կըսեղմէր իր սիրելի Աշխէնին, որպէսզի մխիթարէր նրան, որպէսզի մխիթարուէր ինքը... Բայց արդեօք գիտէ՞ Աշխէնը, որ իր սիրած երիտասարդն այլ ևս չկայ... Եւ, եթէ չգիտէ ու նոր իմանայ, ի՞նչ կանի...

«Տէր Աստուած, Տէր Աստուած, այս ի՞նչ է պատահում ինձ» — շնչաց Եւան անտանելի տանջանքով, խոնարհուած ծնկների վրայ և մատներով սեղմելով իր ուսերը ցնցողաբար: Նոր էր զգում իր վիշտը, նոր էր տեսնում, թէ ի՞նչ սոսկալի թշուառութիւն էր պատահել իրենց ընտանիքի մէջ...

Եւան նստեց ուղիղ և նայեց չորս կողմը:

Լապտերի մեղմ լոյսն իր կարմրութեամբ, կարծեա, գոլորշիանում էր: Խուլ լուռութեան մէջ ահանջները թշուառ էին: Թեկլէի՛ բարձի մէջ ծանր քարի նման

Թաղուած գլուխն իր դէմքի մեռելային անշարժութեամբ զարհուրելի տպաւորութիւն էր գործում: Մարութեանն, առաջուայ նման անշարժ, խոնարհուած էր ծնկներն վրայ. նրա ճաղատ ծոծրակը, կարմիր լուսով լուսաւորուած, վշտահար ցնցուած էր կարծես: Թուած էր, թէ միշտ ուրախ, միշտ զուարճախօս այդ մարդը՝ որ այժմ այդպէս խղճալի կերպով կուշ էր եկել, լաց է լինում անձայն, և անմխիթար արտասուքները ողողում են նրա ծնկները: Անհուն խղճահարութեամբ ու վշտով նայում էր Եւան նրա կախուած գլխին, որ կարծես հարիւր տարեկան ծերունու գլուխ լինէր, և խելագարեցնելու չափ տանջում էր նրան այն միտքը, որ ինքը ո՛չ մի, ո՛չ մի բանով չպիտի կարողանայ մխիթարել այդ թշուառ հօրը:

«Օ՛ֆ, Տէր Աստուած,— շնջաց նա, անտանելի վշտից աչքերը փակելով,— Լո՛ւն կըլինի, որ այս բոլորն երազ լինի միայն, այն սարսափելի երազներից մէկը, որից մարդ զարթնում է սրտի անհուն թեթևութեամբ և ուրախանում, որ իր բոլոր տեսածն ու զգացածը լո՛կ երազ է եղել...»

XI

Թեկլէն առաջին օրն անցկացրեց խորին անզգայութեան մէջ: Նա ուշքի եկաւ հետեւի օրը և նմանում էր լետարգիական քնից արթնացողի: Այնուհետև սկսուեցին որդեկորոյս մօր ծանր վշտի ծանր օրերը: Նա լալիս էր մերթ մեղմօրէն, առանց արտասուքի, երկար, աղէկտուր բառերով, մերթ ողբում էր կատարի ջղայնութեամբ, որի միջոցին խելագարի պէս փետում էր մագերը, ճանկոտում էր երեսը, կոծում էր ծնկները ինչ-որ վայրենի ճիչերով, որից յետոյ

հանգստանում էր յանկարծ, գլուխը կախում էր կըրծքին և մղկտում էր լուռ, առանց բառեր արտասանելու, և աչքերից թափւում էին արտասուքներն առուի պէս: Երբ կսկծի ուժգին թափն անցաւ, նա այլ ևս չէր ողբում, նրա աչքերն այլևս թաց չէին լինում. նա ման էր գալիս ուրուականի պէս, նայում էր շարունակ լայն բացած աչքերով, կարծես զարմացած ինչ-որ խիստ զարմանալի մի բանի վրայ, և շատ քիչ էր խօսում. երբեմն էլ ամբողջ ժամերով նստած էր մնում մի տեղում անշարժ ու լուռ և չէր իմանում ինչ է մտածում: Շատ յաճախ որդու լուսանկարը դնում էր առաջը, նայում էր նայում, յետոյ գլուխը դնում էր վրան և նրան թուած էր թէ հանդիստ ու քաղցր մի քուն է մտնում: Մի-երկու անգամ ուշագնաց եղաւ այդ դրութեան մէջ, և հազիւ կարողացան նրան ուշքի բերել:

Մարութեանն այլ ևս այն Մարութեանը չէր թուում էր, թէ առմիշտ կորցրել էր իր աշխոյժը, դարձել էր լուսկեաց և ջղային և զրգուում էր ամեն մի չնչին բանից: Նա միշտ խոյս էր տալիս թէ կնոջից, թէ աղջկանից և տանն եղած ժամանակ մեծ մասամբ փակուած էր մնում առանձնասենեակում:

Եւան նոյնպէս բոլորովին փոխուել էր: Եղբօր չարաչար մահը և Բաղէնեանի վերաբերմամբ ունեցած ծանր հիասթափութիւնը, փոխանակ ընկճելու, ինչ-որ վեհութիւն էին տուել նրա հոգուն: Այդ վեհութիւնն արտայայտում էր նրա ամբողջ արտաքինի մէջ. հասկով կարծես աւելի ևս բարձրացել էր, ման էր գասկով կարծես շտապելու, հաստատուն քայլերով, նայում էր վերաւորուած մարդու հպարտ հայեացքով, խօսում էր վճռական ձայնով և թուած էր, թէ հօր ու մօր վշտի վրայ նայում էր առանց որևէ կարեկցութեան: Սա-կայն, շատ գիշերներ, երբ պառկում էր քնելու, քունը

մօտ չէր գալիս նրա աչքերին. դէմքը թաղում էր բարձի մէջ և հեկեկում էր երեխայի պէս: Նրա ամբիժ հողին խիստ վրդովուած էր: Ամենևին չէր ուզում հաշտուել այն մտքի հետ, թէ իր եղբայրն այլևս չկայ, այլևս երբէք չպիտի տեսնի նրան: Միևս կողմից նրան կատաղի վրդովմունք էր պատճառում այն հանգամանքը, որ մի ինչ-որ անձանօթ, բաղդախնդիր երիտասարդ կարողացաւ ամենաանարգ կերպով խաբել իրեն և գողանալ իր անարատ սիրտը: Շատ ժամանակ չէր անցել, դեռ երէկ էր, որ նա լի էր կենսունակութեամբ, վառվռուն զգացումներով, ոսկեվառ յոյսերով. իսկ այժմ յանկարծ ամեն ինչ քարացել էր նրա մէջ և իր ծանրութեան տակ անտանելի կերպով ճնշում էր նրա հողին: Իր շուրջն ու ներսը տեսնում էր զարհուրելի դատարկութիւն ու խաւար, ինչպէս մի մարդ, որ կուրանում է յանկարծ: Մարդկանց և աշխարհի վրայ ինչպիսի՞սի՞ պայծառ հայեացք ունէր և յանկարծ ինչ էր տեսնում: Իրենց տունը մանաւանդ նրան ներկայանում էր իբրև մի դրախտ, ուր թշուառութիւնը չպիտի համարձակուէր ներս մտնել: Մինչդեռ—ահա իր սիրասուն եղբայրն այլևս չկայ, ահա մայրը գրեթէ խելագարուած, ահա հայրը, այդ՝ երիտասարդական աշխոյժով լի, այդ բարի ու կենսութեամբ հայրը վշտից ծերացած և դաժանացած: Ահա և ինքը: Ո՛ւր են, սէր չքացան իր անհանգիստ պայծառ հոգու անզուսպ ձգտումները, որոնք թև էին տալիս թուշելու դէպի բարին, դէպի ճշմարտար, դէպի սիրոյ և անձնագոհութեան գերագոյն մի իդէալ, որը ներկայանում էր նրան միշտ արևի կենսատու շողերով լուսադարձուած... մեռելութիւն, ամեն տեղ մեռելութիւն, սոսկալի՞ մեռելութիւն... Նրա համար օրը լուսանում և մթնում էր իբրև ընտելեան մեքենական մի գործողութիւն, առանց հարցնելու մարդ-

արարածին, թէ կամենում է նա արդեօք, որ այդ գործողութիւնը կատարուի: Մայրայեղ յուսահատութեան մէջ կեանքը նրան ներկայանում էր իբրև բոլորովին աննպատակ մի բան, այնպէս որ, լաւ որ մտածում էր, ապշած էր մնում, թէ ուրեմն էլ ինչի՞ համար էին այդ անտանելի տանջանքները, որ այժմ կրում էր ինքը, ինչպէս և այն երջանիկ օրերը, որոնք անցան գնացին...

Նրա մէջ զարթել էր խորագննին միտքը—բոլոր տանջուողների մխիթարութեան այդ միակ աղբիւրը: Մի բան, որ նա սաստիկ փափագում էր, այդ այն էր, որ լինէր մէկը, որի առաջ կարողանար թափել իր բոլոր զգացածներն ու մտածածները: Մի անգամ այդ բանը փորձեց անել հօր մօտ. բայց հայրն այնպէս բարկացաւ նրա վրայ, որ նա իսկոյն լռեց: Մի ուրիշ անգամ օր. Սահակեանի մօտ արեց նոյն փորձը և նոյն անաշողութեանը հանդիպեց. օր. Սահակեանը պարզապէս ծաղրեց նրան: «Եղբայրս որ մեռաւ,—ասաց նա,—կարծում էի, թէ ես էլ հետը կը մեռնեմ վշտից, կամ, եթէ չմեռնեմ էլ, անպատճառ կը գժուեմ. բայց, ինչպէս տեսնում ես, ոչ մեռայ, ոչ էլ գժուեցի, և տես դեռ ինչքան էլ չաղացել եմ նրա մահից յետոյ»:

XII

Մի օր աղախինը Եւային յանձնեց մի նամակ, որ պոստից հէնց նոր էր ստացուել: Եւան իսկոյն ճանաչեց Աշխէնի դիրը: Սաստիկ ճնշող մի զգացումով բաց արեց նամակը և կարդաց.

«Եւա ջան.

«Ուռա... տօներին քեզ մօտ եմ: Գժուում եմ, որ մտածում եմ, թէ ինչպիսի երջանիկ ժամանակ պիտի

անցկացնեմ քեզ մօտ ամբողջ երկու շաբաթ: Կարծես տասն տարի է, որ չեմ տեսել քեզ: Ինչքան խնդրեցի, որ լուսանկարդ ուղարկես,—չուղարկեցիր, ծուլացար: Շատ բարի. երևի առիթ կունենամ փոխարէնը հատուցանելու: Սենեակա արդեօք պահպանել էս նոյնութեամբ: Մի վայրկեան անգամ չպիտի թողնեմ, որ հեռանաս ինձնից: Գիշերներն էլ պէտք է միասին քնենք, իրար զրկած: Այլապէս թուում է, թէ չեմ կարող բոլոր կարօտս հանել երկու շաբաթուայ ընթացքում: Հայրիկն ինչպէս է, մայրիկը, Սուրէնը, վերջապէս՝ դժու ինչպէս ես, դու, իմ ծւլւան ծիծեռնակ: Ախ, ինչ սիրուն համեմատութիւն. գրչիցս թռաւ ինքնաբերաբար: Յիրաւի, որ յիշում եմ անհանգիստ սիրելի շատախօսութիւնդ, իսկոյն աչքիս առաջ պատկերանում է ծիծեռնակը գարնանային հրաշալի առաւօտեան ծւլւալիս: Բայց դու էլ, ամենքդ էլ անաստուած մարդիկ էք. ինչո՞ւ վերջին ժամանակա շուտ-շուտ նամակ չէք գրում: Գրածներդ էլ ինչ է: Նո՞ր էք սովորել այդպէս չոր-չոր բաներ գրելը: Աւելի լաւ է ոչինչ չգրէք կամ ուղղակի գրեցէք, էլի, ուամիկ մարդկանց պէս. ճնախ և առաջ կը հարցանեմ ձեր առողջութիւնը. եթէ մեղանից հարցանէք, փառք Աստուծոյ մենք էլ ողջ և առողջ ենք և կըցանկանք ձեր առողջութիւնը: Ու պրծաւ: Իմացիր, որ առանձնապէս բարկացած եմ քեզ վրայ, Եւա: Ի՞նչ յիմարութիւններ էիր գրել վերջին նամակիդ մէջ: Ինչ-որ փիլիսոփայ ես դարձել: Ասենք, առաջ էլ փիլիսոփայ էիր, բայց այժմ փիլիսոփայութիւնդ այնքան խուրը տկեմէն» է, ինչպէս կասի թիֆլիսցին, որ գլուխս բան չի մտնում: Օրինակ. ինչ է նշանակում «թշուառ է նա, ով միշտ ուրախ և երջանիկ է»: Սրանք քո իսկական խօսքերն են, որ ես բառացի արտագրում եմ քո վերջին նամա-

կից: Աստուած է վկայ, այնպէս պիտի կոռւեմ քեզ հետ այդ խօսքերի համար, որ... Սպասիր մէկ դամ: Այդ խօսքերի վրայ ինչե՞ր, ինչե՞ր չեմ մտածել, բոլորը— յիմարութիւններ, իհարկէ... Ախ, քոյրիկ ջան, Աստուած ոչ անի, որ դու երբևիցէ թշուառ լինիս: Կը մեռնեմ, որ քեզ թշուառ տեսնեմ: Բայց այդ անկարելի է. ծիծեռս միթէ կարող է բու դառնալ... ՌԷՖ, քիչ է մնում, որ նորից յիմար մտքեր ծագեն գլխումս այս ցնծագին տրամադրութեանս միջոցին, երբ ուրիշ ոչ մի բանի մասին չեմ ուզում մտածել, բացի միայն այն բանի մասին, որ շուտով պիտի գամ, պիտի տեսնեմ քեզ, պիտի գրկեմ քեզ, պիտի համբուրեմ սիրունիկ աչքերդ... «ՌԷՖ»: Գիտե՞ս, այդ բացականչութիւնը որ գրեցի, ո՞վ պատկերացաւ իսկոյն առաջս.—դու: Ծիշտ է, լուսանկարդ չուղարկեցիր, բայց ես աւելի զօրեղ միջոց ունիմ քեզ տեսնելու, քան մեռած թուղթը կարող է ցոյց տալ. ամեն անգամ, որ ուզում եմ քեզ պատկերացնել, դէմքս քեզ պէս թթուեցնում եմ զայրացկոտութեամբ, գլուխս ցնցում, ձեռքս խփում ծնկանս և ինքս ինձ արտասանում սրտանց «ՌԷՖ»: Այդ բաւական է լինում, որ քեզ ոտով-գլխով տեսնեմ աչքիս առաջ: Հեշտ միջոց է չէ: Դրանով եմ ապրել այս մեռելութեան մէջ այսքան ժամանակ: Զարմանալի է. այդտեղ եղած ժամանակս այնքան չէի սիրում քեզ, ինչքան հիմա, այստեղ: Բայց այս էլ ճիշտ է, որ դու կախարդ ես: Կախարդ որ չլինէիր, քեզ տեսնելու կարօտն այսպէս չէր սպանիլ ինձ: Ախ, երբ պէտք է անցնի այս երկու շաբաթը: Ահա թէ երբ է հարկաւոր, որ մարդիկ թեք ունենանային: «Այսօր թեմական տեսուչն եկաւ մեր գիւղը (տեսնում ես, ես արդէն «մեր» եմ ասում), այցելեց մեր ուսումնարանը, ներկայ եղաւ դասերիս և շատ գոհ մնաց. այնքան գովեց, այնքան գովեց, որ... պատրաստ եմ

տասն անգամ, հարիւր անգամ համըռնելու քեզ: Ինքս ինձ վրայ զարմացած եմ մնացել. Թո՛ւ այսքան փոխուած... Առաջ, որ կատարելապէս անտարբեր էի, թէկուզ արժանիքներիս համար մի ամբողջ թագաւորութիւն էլ տային ինձ,—այժմ ամենաչնչին գովասանքից անգամ ուրախանում եմ երեսխայի պէս: Ինչո՞վ կըբացատրես այս հանելուկն, իմ սիրուն փիլիսոփայ:

«Գիտե՛ս երբ եմ գրում այս տողերը,—գիշերուայ ժամը տասին: Այդ արդէն շատ ուշ է այստեղ: Դուրսն երեք վերջով ձիւն է նստած, շները խուլ ոռնում են: Առաջ, սեղանիս գլխին, պատի վրայ, մեխից կախուած ձկնկում է ծոցիս ժամացոյցը, բուխարումը փայտեր են ճրթճրթում,—միակ ձայները, որ լսում եմ գիշերային այս լուսեան մէջ: Այս երեկոյ (շաբաթ) Մինսկ սեանի քոյրը սենեակումս երկու մոմ վառեց և խունկ ծխեց: Մոմերը վաղուց են հանգել, իսկ խունկի ծուխն ու հոտը դեռ ևս չեն անցել: Սիրում եմ մեղրամոմի դժգոյն լոյսն ու խունկի հոտը, թէև դրանք մեռելի և մահուան գաղափարն են յիշեցնում ինձ միշտ: Ականջումդ մի բան ասեմ, ոչոքի չասես,—առաջ ես սկեսւտիկ և աթէիստ էի: Դու այդ չգիտէիր: Իսկ այժմ... դարձեալ զարմանալի փոփոխութիւն.—մինչդեռ շուրջս այս տգէտ ու գոհիկ ամբոխի մարդկանց բերանից հայհոյանքներ եմ լսում նոյն իսկ Աստուծու հասցէին, ես լի հաւատով ու ակնկալութեամբ պաշտում եմ այն խաչը, որի վրայ չարչարեցին, մահացրին Նրան: Երբեմն, կէս գիշերին, մենակութեանս մէջ, այս խուլ անկիւնում, ուր կեանքը ներկայանում է իր ամենամռայլ գոյներով,—հոգիս լցում է անտանելի թախճութեամբ և այդ թախիժը կարողանում եմ փարատել միայն լուռ արտասուելով և աղօթելով: Ո՞ւմ համար եմ աղօթում, ո՞ւմ համար կարող եմ աղօթել,—այդ դու գիտես...»

Աղօթքի բոլոր գորութիւնը, բոլոր քաղցրութիւնը զգացի այն ժամանակ միայն, երբ գործնական կեանքի մէջ համոզուեցի, թէ, յիրաւի, ինչ սքանչելի բան է անձնուրացութիւնն ուրիշի բարօրութեան օգտին: Մարդիկ անմիտ են, Եւա ջան. նրանք ուզում են երջանիկ լինել, բայց չգիտեն, թէ ո՞րն է երջանկութեան ուղիղ ճանապարհը: Երջանկութիւնը նրանք որոնում են անձնական բարօրութեան, եսասիրութեան մէջ, մինչդեռ այդտեղից է, որ բղխում է բոլոր թշուառութիւնների աղբիւրը: Մարմինը, մարմինը և միմիայն մարմինը,—անձ մեր դարի կուլտը: Մինչդեռ ինչ է դա, այդ մարմինը,—մի բուն հող, որ այսօր-էգուց պիտի միախառնուի մայր հողի հետ: Այն ինչ հողին, այդ միակ բանը մարդու մէջ, որ անմահ է և որը միայն ոյժ ունի անմահացնելու մարդու անունը,—ինչո՞ւ մոռանաք այդ հողին: Գանձի գրոշ արժէ մարմնական թէկուզ ամենամեծ վայելքը հողեկան այն սքանչացման դէմ, որ զգում ես դու, երբ տեսնում ես, որ ուրիշի օգտին լաւ բան ես գործել, թէկուզ այդ ուրիշը լինի մի անասուն, այ՛ս,—պարզապէս մի անասուն: Փորձիր. դուրսը, փողոցի մէջ ցրտից կոնկրետացող, քաղցած մի շուն ներս կանչել սենեակդ, տաքացնել, կերակրել և կրտսնես, թէ որքան թեթեւանում է հողիդ, որքան նրբանում են զգացումներդ, որքան ուզում ես սիրել և բարիք գործել...

«Յտեսութիւն, իմ աննման Եւա, ցտեսութիւն: Շուտով կըտեսնեմ քեզ գրկիս մէջ, կարօտակէզ սրտիս սեղմած: Ա՛խ, թե՛ք, թե՛ք... Բարեկիր հայրիկին, մայրիկին՝ Սուրէնին պաշիր իմ կողմից: Իսկ ես պաշպո՛րում եմ սիրուն աշիկներդ:

«Քո Աշխէն»:

«Յ. Գ.—Հէնց որ դուրս գամ, առաջին իսկ կայարանից կը հեռագրեմ: Արմենակից ի՞նչ տեղեկութիւնս Ինչո՞ւ ոչինչ չէք գրում»:

XIII

Մարութեանը հէնց նոր վերադարձել էր ճաշի երբ աղջկայ սենեակից լսեց զսպուած հեկեկանքի ձայներ: Նա ջղային գայրոյթով դէն շարտեց գլխարկը և անցաւ աղջկայ սենեակը:

—Է՞լ ինչ է պատահել,—հարցրեց սաստող, բայց վախեցած ձայնով:

Եւան, նամակը ձեռքին, վեր թռաւ տեղից:

—Չեմ կարող, հայրիկ, չեմ կարող,—աղաղակեց յուսահատօրէն:—Սպանիւր ինձ կամ տո՛ւր ինձ իմ եղբայրը... Ի՞նչ պատասխանեմ ես սրան, ի՞նչ ասեմ...

Մարութեանն արագ մօտեցաւ նրան և առաւ նրա ձեռքի նամակը: Մինչդեռ շտապով աչքի էր անցկացնում եղբոր աղջկայ նամակը, Եւան շարունակում էր հեկեկալ յուսահատական տանջանքով: Ընթերցումը վերջացնելուց յետոյ, Մարութեանը նամակը վերադարձրեց աղջկան:

—Լաւ, էլ ինչո՞ւ ես այդպէս լաց լինում,—ասաց այս անգամ մեղմօրէն:

—Ա՛խ, հայրիկ, եթէ իմանաս, թէ ինչ սարսափելի հարուած պիտի լինի նրա համար, երբ գայ և իմանայ, որ Արմենակն այլևս չկայ... Դու չգիտես, դու ոչինչ չգիտես, հայրիկ... Մենք ենք, որ դիմանում ենք՝ բայց նա... Մի՞թէ չես երևակայում, թէ թէկուզ հէնց իմ այս սե հագուստը միայն ի՞նչ հարուած պիտի տայ նրան... Նա լաւ աղջիկ է, հայրիկ. առանց իր գրեթէ էլ գիտեմ, որ սաստիկ սիրում է ինձ, սիրում է ամեն-

քիս, իսկ Արմենակին... Հիմա մտածիր. Արմենակի մահը, մեր վիշտը... այդ ակնք մահ կը լինի նրա համար, նա չի կարող դիմանալ, չի կարող... ես գիտեմ, գիտեմ... Ո՛չ, ո՛չ, հայրիկ ջան, չեմ ուզում, չեմ կարող... Թող չգայ, թող ոչինչ չիմանայ...

—Դու դարձեալ սկսեցիր քո յիմարութիւնները,—նկատեց հայրը զայրացած:—Միևնոյն է, վաղ թէ ուշ, պիտի իմանար, թէ ինչ գժբաղդութիւն է պատահել մեզ, բայց դու չթողիր, որ մինչև անգամ յայտարարութիւն տայինք լրագրներին հոգեհանգստի մասին. չթողիր, որ ակնարկութիւններով, բաներով քիչ-քիչ նախապատրաստէինք նրան: Հիմա լաւ է, որ բոլորովին ոչինչ չի իմանում, և հարուածը յանկարծական պիտի լինի:

Եւան վերին աստիճանի յուսահատութեամբ ձեռքերը կտարատեց:

—Դու ճիշտ ես ասում, հայրիկ: Բայց ինչո՞ւ էիր լսում ինձ: Հիմա ի՞նչ անենք: Ես չեմ կարող նրան երկաթուղու կայարանում դիմաւորել, չեմ կարող, հայրիկ, Աստուած է վկայ, չեմ կարող...

—Լաւ, մի գնա կայարան. քեզ ո՞վ է ասում, որ գնաս: Տէր Աստուած, այս աղջիկը գժուել է... Լաւ, էլ ինչո՞ւ ես այդքան յուսահատում: Հարուածը մեզ համար, կարծեմ, աւելի սաստիկ էր և անակնկալ, բայց տեսնում ես, որ մենք չմեռանք, ուրեմն նա էլ չի մեռնիլ, անհոգ կաց:

—Օ՛, կը միռնի՛, հայրիկ, կը մեռնի՛,—աղաղակեց Եւան, և հեկեկանքը նորից խեղդեց նրան:

—Ասում եմ՝ գժուել ես և ճիշտ որ գժուել ես,—սաստիկ զայրացած բացականչեց հայրը, դուրս գնաց և դուռը պինդ շրխկացրեց իր կտեից: Սակայն նորից

ներս մտաւ իսկոյն և արագ քայլերով մօտեցաւ ար-
ջկան:

—Իսէր Աստուծոյ, Եւա, պահպանիր քեզ,—ասաց
լուրջ աղերսանքով:—Լսե՛մ ես ինչ եմ ասում: Վիշտն
առանց այն էլ սպանել է ինձ և, եթէ դու էլ հիւան-
դանաս, էլ չգիտեմ, թէ ինչ կըստատահի ինձ...

Եւան պինդ փաթաթուեց հօր վզովը:

—Հայրիկ ջան, սովորեցրու, ասա, ինչո՞վ կարող
եմ այս սարսափելի վիշտը դուրս կորզել սրտիցս, ին-
չո՞վ կարող եմ հանգստանալ:

—Զսպիր քեզ, որդիս, միշտ զսպիր և մտածիր,
որ հայր ունիս, մայր ունիս, եղբայր ունիս, վերջապէս
հօրեղբօր աղջիկ ունիս, որոնք բոլորն էլ քեզմով են
ապրում: Մտածիր և այն մասին, որ եղբայրդ անօգուտ
չմեռաւ: Թող նրա յիշատակը ոգևորի քեզ, և ոչ թէ
յուսահատեցնի: Բոլոր քոյրերը պէտք է երանի տան
քեզ, որ այնպիսի մի պատուական եղբայր ես ունեցել:
Մինչդեռ հարիւրաւոր երիտասարդներ մեր ժամանա-
կում, անձնատուր եղած անձնական վայելքների, շատ
անգամ մեռնում են անառակ, ցոփ կեանքի մէջ խայ-
տառակ մահով, քո եղբայրը, բոլոր անձնականը մոռա-
ցած, գործեց և մեռաւ իբրև հերոս իր հայրենակիցնե-
րի համար...

Մարութեանն երկար ժամանակ այսպէս մխիթա-
րում էր աղջկան: Եւան այժմ նստած էր հօր առաջ
բաւական հանգստացած, բայց և այնպէս արտասուքի
կաթիլները դեռ ևս գլորւում էին նրա աչքերից:

Նոյն օրն երեկոյեան, երբ Եւան նստած էր իր
սենեակում և զբաղուած էր ընթերցանութեամբ, դու-
րը բացուեց և ներս մտաւ օր. Սահակեանը:

—Եւա ջան, կկել եմ քեզ ուրախացնելու. այսօր
նամակ ստացայ Աշխէնից, տօներին գալիս է:

—Լաւ ուրախութիւն է,—հանդիստ դառնութեամբ
նկատեց Եւան, առանց զուլսը բարձրացնելու զրքի
վրայից:

Օր. Սահակեանը սկզբում զարմացաւ. յետոյ խիստ
կոտրուեց:

—Իրաւ, այժմ նա ատելի պիտի լինի քեզ համար.
Նա որ չլինէր, եղբայրդ այժմ այստեղ էր և կենդանի...

—Ո՛ւճ,—բացականչեց Եւան յանկարծական զայ-
րացկոտութեամբ և առջևը դրած գիրքը շարտեց յա-
տակի վրայ այնպիսի կատաղի ուժով, որ անագին
թրխկոց բարձրացաւ:—Ինչէր ես ասում, չեմ հասկա-
նում...

Նրա աչքերը ցուեցին անդուսպ բարկութեան ար-
տասուքներով:

—Դեռ լաւ իմացիր, թէ ինչ եմ ասում, յետոյ
յանդիմանիր, եթէ արժանի եմ,—աւելացրեց նա, դէմ-
քը վիրաւորուած կերպով շրջելով օր. Սահակեանից:

Օր. Սահակեանը տեղնուտեղը սառած մնաց:

—Լաւ, էլ ինչո՞ւ ես բարկանում այդպէս,—նկա-
տեց մեղմօրէն:

—Որովհետեւ վիրաւորում ես:

—Ի՞նչ ասացի, որ վիրաւորուեցիր:

—Ա՛յն ասացիր, որ... Լաւ հասկացիր. ես այն-
քան յիմար չեմ, որ եղբօրս հեռանալու պատճառը հա-
մարեմ Աշխէնին: Դրանով ես վիրաւորած կըլինէի եղ-
բօրս զգացումները, ստորացրած կըլինէի նրա համո-
զումները: Եղբայրս այն երիտասարդներից չէր, որոնք
իրենց վեհ գործի են նուիրում և զոհ գնում այն ժա-
մանակ միայն, երբ տեսնում են, որ իրենց անձնական
կեանքի մէջ դժբաղդ են: Այդպիսի ճարահատուած
անձնագոհութիւններն ինձ համար ոչ մի նշանակու-
թիւն չունին: Անձնագոհութիւնը պէտք է լինի ինքնա-

բերաբար, առանց որևէ կողմնակի դրդիչ պատճառի: Ինչպէս կարող եմ ես գնահատել մի զոհուած կեանք, երբ այդ կեանքն իր տիրոջ համար արդէն ոչ մի արժէք չի ունեցել: Աշխէնը լինէր, չլինէր—եղբայրս դարձեալ կը գնար այնտեղ, ուր գնաց և զոհուեց: Ես այդպէս եմ համոզուած: Եթէ այդպէս համոզուած էլ չլինիմ, դու ինքդ պէտք է աշխատես ինձ այդպէս համոզել, եթէ գէթ փոքր ինչ յարգում ես եղբօրս յիշատակը և չես ուզում, որ սիրտս կտրեմ նրանից: Մինչդեռ դու հակառակն ես անում: Մի անգամ ինքն Աշխէնն ինձ նոյնն ասաց, ինչ որ այս բոսիքին դու ասացիր, և ես նրա վրայ էլ բարկացայ: Առհասարակ ես խիստ նեղանում եմ, երբ ինձ վերագրում են մի բան, որ մտքովս անգամ չի անցել:

Օր. Սահակեանն անցաւ նրա ետեւը և, խոնարհուելով նրա ուսի վրայ, ժպտալով նայեց նրա դէմքին:

—Եւա, թո՛ղ կըտաս համբուրեմ:

Եւան վիրաւորուած հանգստութեամբ լռում էր:

Ի դուր սպասելով նրա պատասխանին, օր. Սահակեանը երկու ձեռքով բարձրացրեց նրա գլուխը և համբուրեց շրթունքներին:

—Գիտե՞ս ինչ կայ, Եւա ջան, —ասաց նա, արագօրէն մի աթոռ առնելով և նստելով նրա մօտ:—Մինչև այժմ ում հետ էլ որ խօսել եմ, ամենքն էլ, ծանօթ-անծանօթ, վիրաւորուել են ինձնից: Բայց, Աստուած է վկայ, ես երբէք ոչոքի վիրաւորելու միտք չեմ ունեցել. ես միայն, իմ կարծիքով, ճշմարտութիւնն եմ ասել, և ինձնից վիրաւորողներին ոչոք չի կարողացել ինձ համոզել, որ սխալուել եմ: Բայց այս անգամ, քո վերաբերմամբ, պէտք է անկեղծ խոստովանուեմ, մեղաւոր եմ, որովհետև համոզուեցի, որ ճշմարտութիւնը չեմ ասել: Ուստի պէտք է ներես ինձ:

նկատի ունեցիր, որ այս առաջին անգամն է, որ ինձնից վիրաւորողից ներողութիւն եմ խնդրում: Այդ նշանակում է, որ ես լիովին համոզուած եմ, որ սխալուել եմ: Եւ շատ ուրախ եմ, որ սխալուել եմ, որովհետև գիտե՞ս, թէ ինչպիսի հարուած պիտի լինէր քո ատելութիւնն Աշխէնի համար, որը բառիս բուն նշանակութեամբ պաշտում է քեզ: Ուզում ես, ցոյց տամ նրա նամակը. տես ինչպիսի կարօտով է քեզ յիշում, ինչպիսի ուրախութիւն է յայտնում, որ շուտով պիտի տեսնի քեզ:

—Գիտեմ. նոյնն ինձ է գրում, —ասաց Եւան խուսովածի պէս:

Օր. Սահակեանը կուացաւ, յատակից վերցրեց գիրքը և դրեց նրա առաջ:

—Ուզում ես ուղիղն ասեմ, Եւա: Ես իսկապէս եկայ քեզ մօտ այն նպատակով, որ իմանամ, թէ ինչպէս ես արամադրուած այժմ դէպի Աշխէնը, և գիտմամբ այդ նպատակով էլ ասացի այն, ինչից որ վիրաւորուեցիր և գիրքը գլխովս տուիր: Ես կասկածում էի և եթէ տեսնէի, որ եղբօրդ մահն այս կամ այն կերպ կապում ես իսկապէս Աշխէնի հետ, պէտք է ամեն հնար գործ դնէի հակառակը համոզելու քեզ: Եւ փառք Աստուծոյ, որ ինքդ ասացիր այն, ինչ որ ես պէտք է ասէի այդպիսի դէպքում: Այժմ ես հանգիստ եմ և միանգամայն շնորհակալ, որ ինձ աղատեցիր մի մեծ դժուարութիւնից: Ինչևիցէ, այս վերջացաւ: Այժմ մի բան եմ ուզում խնդրել քեզ: Աշխէնը գրում է, որ իր բառն օրը կը հեռագրի ձեզ. հեռագիրը որ ստանաք, բառն օրը կը հեռագրի ձեզ. հեռագիրը որ ստանաք, կը յայտնես ինձ, որ ես էլ գամ կայարան նրան գիմաւորելու:

—Ես չեմ գնալ կայարան:

—Ինչո՞ւ:

—Չեմ կարող:

—Իսկ հայրդ: Գիտեմ, որ մայրդ չի կարող, հիւանդ է:

—Հօրս էլ չեմ թողնիլ, որ գնայ:

Օր. Սահակեանը կարճ ժամանակ սիրով նայեց Եւայի հանդիստ և հաստատ վճռականութիւն արտայայտող դէմքին:

—Հասկանում եմ քեզ, Եւա ջան,—ասաց նա:—Բայց ի դուր ես կարծում, թէ նա այնքան թուլասիրտ կըզտնուի, որ չի կարող դիմանալ հարուածին: Ծիշտ է, նա բոլորովին չի իմանում, թէ ինչ է պատահել բայց որքան նրա սիրտն ընդունակ է սիրելու, այնքան և ամուր է հոգին: Բացի դրանից, չէ՞ որ միևնոյն հարուածը պէտք է ստանայ այստեղ, տանը. խօ չէ՞ք կարող նրանից թագցնել...

—Ո՛չ, ո՛չ, ո՛չ,—արտասանեց Եւան անտանիկ տանջանքով և գլուխը դրեց սեղանի վրայ: Նա գալիս է ուրախ և երջանիկ, կարծելով, թէ պիտի գտնի իր թողած նախկին կենսութիւն տունը, մինչդեռ...

Եւ Եւան լռեց լացակումած:

Օր. Սահակեանը նայեց նրան խորին կարեկցութեամբ. ուզում էր շոյել նրա փափուկ մազերը, որոնք մի գիսակի մէջ հիւսուած, փայլում էին ճրագի լոյսի տակ. ուզում էր մխիթարական խօսքեր ասել, բայց զգաց, որ դրանով միայն իւր կարող էր թափել կրակի վրայ:

—Յամենայն դէպս, հեռագիրը որ ստանաք, իմաց տուր ինձ,—ասաց նա:—Իսկապէս որ շատ լաւ կըլինի՝ ոչ դու գաս, ոչ հայրդ, որովհետեւ ո՞վ գիտէ ինչ կըպատահի, որ ձեզ այդպէս տեսնի: Աւելի լաւ է, մենակ ես գնամ. մինչև տուն հասնելը կընախապատրաստեմ նըրան, որպէսզի հարուածը յանկարծական չլինի:

Եւան գլուխը բարձրացրեց արագ. նրա աչքերը լիքն էին արտասուքով:

—Խնդրում եմ, Վարօ ջան, այդպէս արա,—բացականչեց նա:—Դու ինձ ազատած կըլինիս մի անտանիկի դժուարութիւնից:

XIV

Մի շաբաթ յետոյ գիշերը ստացուեց Աշխէնի հեռագիրը, որով յայտնում էր, թէ առաւօտուայ գնացքով Թիֆլիսում կըլինի: Եւան հեռագիրն անմիջապէս ուղարկեց օր. Սահակեանին:

Առաւօտեան օր. Սահակեանը գնաց երկաթուղու կայարան: Նա շատ անհանդիստ դրութեան մէջ էր, և այդ անհանգստութիւնն աւելանում էր ըսպէս առ ըսպէս, քանի մօտենում էր գնացքի ժամանման ըսպէս: Դեռ ևս չէր որոշել, թէ ինչպէս պիտի նախապատրաստէր Աշխէնին սարսափելի հարուածին դիմանալու համար: Երեակայում էր, թէ ինչպիսի ուրախութեամբ, ինչպիսի կարօտով Աշխէնը պիտի ընկնէր իր գիրկը, ինչպիսի անհամբերութեամբ պիտի շտապեցնէր իրեն շուտով տուն հասնելու, Եւային, իւրայիններին տեսնելու համար: Եւ ինքը մի քանի կցկտուր խօսքերով միանգամայն պիտի ջախջախէր նրա ուրախութիւնը և նրա սիրած, անձկալի երիտասարդի չարաչար մահուան սարսափելի գոյժը պիտի տար նրան: Օր. Սահակեանը սարսափում էր երեակայել, թէ ինչ կըպատահէր Աշխէնին, և զգում էր, որ կորցնում է իր քաջութիւնը:

Հեռուից խուլ կերպով լսուեց շոգեմեքենայի սուլոցը: Օր. Սահակեանը կանգ առաւ պլատֆորմի ծայրին և աչքը տնկեց այն կողմը, որտեղից որ պիտի երևար գնացքը: Մի-երկու ըսպէից երկու բլրի խոր մի-

ջանցքում, պայծառ սպիտակին տուող ձիւնի ֆոնի վը-
րայ, երևաց շոգեմեքենայի հուժկու սև կուրծքը և ա-
պա վագոնների երկայն շղթան: Պլատֆորմին մօտենա-
լիս շոգեմեքենան դանդաղեցրեց ընթացքը և յամբըն-
թաց առաջ սողաց դէպի պլատֆորմի միւս ծայրը: Վա-
գոնները մէկը միւսի ետևից միակերպ խուլ գրգռոցով
անցնում էին օր. Սահակեանի առաջով: Օր. Սահակեանը
նայում էր ամեն մի լուսամուտի: Բոլոր լուսամուտները
փակ էին: Բայց անա լուսամուտներից մէկի ապակին
ցած ընկաւ յանկարծ, և երևաց Աշխէնի գլուխը:

—Վարօ ջան, ողջո՞յն, ողջո՞յն,—աղաղակեց Աշխէ-
նը ձեռքը շարժելով դէպի նա:

Օր. Սահակեանն առաջ վազեց: Գնացքը դեռ ևս
կանգ չէր առել, որ նա թռաւ վագոնի սանդուղքի ա-
տիճանը, շտապով բարձրացաւ վերև և ներս մտաւ:

Աշխէնը կախուեց նրա վզից և սկսեց համբուրել
նրան երկարատև և ամուր:

—Վերջապէս դարձեալ տեսայ քեզ... Ինչքան կա-
րօտել էի, Տէր Աստուած, ինչքան կարօտել, — ասում
էր նա:—Երևակայիր. գալիս էի ու մտածում. յանկարծ
որ գնացքը շուտ գայ ու տակոյն անի, ի՞նչ կըլինի...
էլ խօ չեմ տեսնիլ իմ Վարօյին, իմ...

Յանկարծ Աշխէնը թողեց ընկերուհուն և նայեց
չորս կողմը:

—Եւան ո՞ւր է,—հարցրեց նա:—Երևի նա, հայ-
րիկը, մայրիկը դուրսն են: Հո՛:

Աշխէնը վրայ ընկաւ լուսամուտին և տենդային
անհամբեր հայեացքով սկսեց որոնել իւրայիններին
պլատֆորմի վրայ խոնուող հասարակութեան մէջ:

—Ո՞ւր են... չկան... չեն երևում... Երևի դահլիճ-
նումն են: Հո՛, — դարձաւ նա օր. Սահակեանին դարմա-
ցած:

—Նրանք չեն եկել:

—Ձեռն եկե՛լ... ինչո՞ւ:

—Որովհետև... Եւան մի քիչ տկար է... Ես ինքս
խորհուրդ չտուի, որ այս սառնամանիքին դուրս գայ
տնից, թէ չէ ինքը շատ էր ուզում գալ... Հայրն ու
մայրն էլ չկամեցան նրան մենակ թողնել... Դէ՛հ, ո-
րո՞նք են քո իրեղէնները, վերցնենք գնանք:

Աշխէնը բռնեց օր. Սահակեանի ձեռքից և շատ
լուրջ հայեացքով նայեց նրա շփոթուած աչքերին:

—Սպասիր, ի՞նչ տեսակ ես խօսում,—ասաց նա
թերահաւատութեամբ և սաստիկ վախեցած:—Ի՞նչպէս
թէ տկար... Պառկած է:

—Ձէ: Յարբուխ ունի և հագում է:

—Ճի՛շտ ես ասում,—շատ լուրջ կերպով հարցրեց
Աշխէնը իր փորձող հայեացքը չհեռացնելով ընկերուհու
աչքերից:

—Չարմանալի է, ի՞նչ ունիմ խարելու,—բացա-
կանչեց օր. Սահակեանն ինքն իր դէմ դայրացած, որ
այդքան շփոթուած է սուտ խօսելուց և Աշխէնի սուր
հայեացքից:

Աշխէնը նոյն փորձող սառն հայեացքով մի բույժ
դարձեալ նայեց նրա աչքերին, յետոյ շուտ եկաւ և
սկսեց հաւաքել իրեղէնները:

—Չարմանալի է, շատ զարմանալի,—ասում էր
նա, կարծես ինքն իրեն:

—Սպասիր, այդքանը չես կարող տանել մի բան
ինձ տուր:

Աշխէնն իր բարձր տուեց ընկերուհուն, մնացածն
ինքն առաւ և առաջ ընկաւ:

Օր. Սահակեանը հետևեց նրան: Նա ամենեին չէր
զարմանում Աշխէնին յանկարծ տիրած սառնութեան
իրայ. մինչև իսկ, կարծես, ուրախ էր, որ Աշխէնն ար-

դէն նախադրում էր, որ իրենց տանն ինչ-որ դժբաղ-
դութիւն է պատահել:

Աշխէնը վազում էր. կարծես, մոռացել էր, որ օր.
Սահակեանն իր հետ էր: Կայարանի հրապարակում
շտապով բարձրացաւ մի կառք: Օր. Սահակեանը նստեց
նրա կողքին: Կառքն առաջ շարժուեց:

—Ուրի՞շ, ի՞նչ կայ, ի՞նչ չկայ ձեր գիւղում: Մի-
նասեանն ի՞նչպէս է,—հարցրեց օր. Սահակեանը բռնի
աշխոյժով և ուզում էր նոյն եղանակով էլ շարունակ-
կել, բայց լռեց, տեսնելով Աշխէնի զարմանալի լուրջ
սառն հայեացքը, որ նա յառել էր իր աչքերին:

—Ես զարմանում եմ քեզ վրայ, Վարօ,—ասաց
Աշխէնը:—Մի՞թէ յիրաւի դու ինձ երեսայի տեղ ես
դնում և կարծում ես, թէ կարելի է ինձ խաբել: Ասած
ճշմարիտը, ասան միանգամից—ի՞նչ է պատահել մեր
տանը:

Աշխէնի յամառ հայեացքից, նրա հրամայողական
ձայնից օր. Սահակեանն այն աստիճան շփոթուեց, որ
դէմքն անզիտակցաբար շրջեց նրանից: Այնուհետև
զգաց, որ Աշխէնի մատնեքը սաստիկ սեղմում են իր
թևը, և երբ դարձաւ ու նայեց ընկերուհու դէմքին,
վախից քարացաւ.—Աշխէնի դէմքը մեռելի գոյն էր
ստացել, աչքերը չուած էին անսովոր սարսափով:

—Մեռե՞լ է,—ազդադակեց Աշխէնը խելագարի պէս:

—Ո՞վ... ի՞նչ ես ասում:

—Եւան:

—Գի՞ժ ես, ինչ ես, ինչե՞ր ես դուրս տալիս:

—Ասան, թէ չէ՞ այս բոպէիս ինձ կառքի տակ

ձգեցի:

Եւ Աշխէնը մինչև անգամ փորձեց, որ վերկենայ
բայց օր. Սահակեանը վրայ ընկաւ նրան և պինդ պա-
հեց իր տեղը:

—Յիմանք, խելագանք,—բացականչեց նա.—Տեղդ
հանգիստ նստիր, թէ չէ... Ինչե՞ր ես անում, ի՞նչ յի-
մար բաներ ես մտածում: Ո՞րտեղից խելքիդ փչեց, թէ
մեռել է: Մեռել է, չէ, փտել է:

—Ա՛խ, անաստուած, ինչո՞ւ ես սպանում ինձ,—
արտասանեց Աշխէնը սրտաճմլիկ ձայնով, և նրա աչ-
քերը լցուեցին արտասուքով:

—Աշխէն ջան, խնդրում եմ, հանգիստ մնա. Եւան
ողջ և առողջ է, Աստուած է վկայ, երդում եմ արևովդ,
ողջ և առողջ է:

—Չէ, չեմ հաւատում, Վարօ ջան. մեր տանը մի
բան պատահել է, և դու ծածկում ես ինձնից:

—Հնա, պատահել է, հիմա՞,—բացականչեց օր. Սա-
հակեանն ինքն իր անվստահութեան վրայ զայրացած:
Աշխէնը նոր սարսափով վրայ ընկաւ նրա ձեռ-
քերին:

—Պատահե՞լ է... ի՞նչ... ո՞ւմ... Ասան, աղաչում եմ,
ասա:

Օր. Սահակեանը կամեցաւ մի անգամից վերջ
տալ այդ անտանելի դրուժեանը:

—Պատահել է, բայց... ոչ Եւային, ինչպէս դու
ես կարծում:

—Հապա՞... հայրիկի՞ն... մայրիկի՞ն... Սուրէնի՞ն...
Հնա:

—Չէ, չէ...

—Հապա՞, հապա՞:

—Դէ, էլ ո՞վ մնաց... ինքդ հասկացիր, էլի...

—Արմենակի՞ն,—ճշաց Աշխէնն այնպիսի սարսա-
փելի ձայնով, որ կառապանը յետ նայեց:

—Այո,—կարճ պատասխանեց օր. Սահակեանը,
վախենալով նայել նրա աչքերին:

Աշխէնը յանկարծ սաստիկ թուլութիւն զգաց ամ-

բողջ մարմնի մէջ. ուզում էր էլի, ըստ երևոյթին, ինչ-որ հարցնել, բայց ձայնը չհալատակեց նրան: Ինչ-որ սև բան, մշուշի պէս, եկաւ ծածկեց նրա աչքերի առաջը: Նա կամաց յետ ընկաւ կառքի խորքը, և նրա աչքերի կոպերը ծածկուեցին:

Օր. Սահակեանը սաստիկ վախեցած վրայ ընկաւ նրա սառոյց կտրած ձեռքերին:

— Աշխէն...

Աշխէնն աչքերը բաց արեց, և նրա անմիտ հայեացքն ընկաւ ընկերուհու վախից չռած աչքերին:

— Սիրտդ խօ չի՞ նեղանում:

Աշխէնը գլուխը շարժեց:

— Ձէ,— շշնջաց նա հազիւ լսելի ձայնով և հէնց այնպէս էլ սառած մնաց:

Այնուհետև մինչև տուն հասնելը երկու ընկերուհիներին ոչ մէկը գրեթէ ոչ մի խօսք չարտասանեց: Օր. Սահակեանը, Աշխէնի սառած ձեռքն իր ձեռքի մէջ առած, երբեմն-երբեմն անհանգիստ հայեացք էր ձգում նրա կտաւի գոյն ստացած դէմքին, իսկ Աշխէնը, յետ ընկած կառքի խորքը, անմիտ հայեացքով անթարթ նայում էր կառքապանի մէջքին և, ըստ երևոյթին, ամենևին չէր իմանում, թէ որտեղ է ինքը և ուր է գնում:

Կառքը, վերջապէս, կանգ առաւ Մարութեանները տան առաջ: Օր. Սահակեանը շտապով իջաւ և սեղմեց դռան դանգակի կոճակը:

— Աշխէն, իջիր, հասանք,— կանչեց նա:

Աշխէնը, ըստ երևոյթին բոլորովին հանգիստ, կամաց վերկացաւ և իջաւ կառքից: Օր. Սահակեանը բռնեց նրա ձեռքից և տարաւ դէպի դուռը, որ հէնց նոր բաց արեց ծառան:

Աշխէնը չտեսաւ իրենց հին ծառայի բարկը, մը-

տաւ և հանդարտ քայլերով սկսեց բարձրանալ սանդուղքով, ձեռքով վանդակապատից բռնած: Հազիւ մինչև սանդուղքի գլուխը հասած, այլ ևս չկարողացաւ առաջ գնալ և, ուժասպառ հիւանդի պէս, նստեց վերջին աստիճանի վրայ:

Օր. Սահակեանը բոլոր իրեղէնները տուեց ծառային, շտապով վճարեց կառքապանին և հասաւ ընկերուհուն:

— Ինչո՞ւ ևս նստել, վերկաց,— ասաց նա և ուղեց օգնել, որ Աշխէնը վերկենայ:

— Սպասիր, մի քիչ հանգստանամ. ծնկներս դողում են,— ասաց Աշխէնը կամաց:— Չարմանալի է. ամբողջ մարմինս, կարծես, փալաս է դարձել,— աւելացրեց նա և գլուխը դրեց ծնկանը յենած ձեռքի վրայ:

Այդ բոպէին սենեակներից մէկի դուռը բացուեց և նախասենեակը դուրս վաղեց Եւան:

— Քոյրիկ ջան,— աղաղակեց նա:

Աշխէնը ցնցուեց, արագ բարձրացաւ և կամաց ընկաւ նրա գիրկը:

Մինչդեռ նրա գլուխը խաղաղ հանգչում էր հօրեղբոր անշկայ ուսի վրայ, Եւան, իր գրկի մէջ պինդ սեղմելով նրա նիհար իրանը, յուսահատական հեկեկանքով համբուրում էր նրա հանգած աչքերը, նրա սառն շրթունքները: Այդ հեկեկանքի և համբոյրների մէջ միացած էին կարօտը, վիշտը և մխիթարելու անհուն ցանկութիւն:

— Միթէ ևս քեզ այսպէս պիտի ընդունէի, քոյրիկ ջան,— ասում էր նա: Միթէ ուրախութեան արտասուքների տեղ վշտի և յուսահատութեան արցունքներ պիտի թափէի, իմ սիրելի, իմ անգին քոյրիկ...

Օր. Սահակեանը տեսաւ, որ բանը հեռու կարող է գնալ և ուզում էր բաժանել նրանց, բայց այդ մի-

Ղոցին Աշխէնը կարծես յանկարծ ուշքի եկաւ ինչ-որ խոր թմրութիւնից, կամաց ազատուեց Եւայի գրկից, նրա գլուխն առաւ իր ձեռքերի մէջ և անձկալի վշտով համբուրեց նրա շրթունքները: Բայց նրա աչքերն առաջուայ պէս ցամաք էին. առաջուայ պէս լուռ էր նա. նրա բերանից վշտի ոչ մի խօսք, ոչ մի հառաչանք դուրս չէր եկել դեռ:

Արագ քայլերով դուրս եկաւ Մարութեանը:

Աշխէնը մէկ ուղեց առաջ գնալ դէպի նա, բայց կանգ առաւ քարացած, յանցաւորի պէս:

Մարութեանը մօտեցաւ նրան, գրկեց և համբուրեց նրա մազերը:

— Բարով ես եկիլ, դաւակս,—ասաց նա, և նրա ձայնը սաստիկ դողաց: Նա կուլ տուեց թուքը և հարցրեց.— Առճղ ես:

Աշխէնը, բոլորովին կարկամած, միայն գլխով արաւ:

— Պէտք է ներես, որ մեզնից ոչոք չկարողացաւ դալ քեզ դիմաւորելու,—ասաց Մարութեանն այս անգամ աւելի հանդիստ:— Օրիորդ Սահակեանն, երևի, ասած կըլինի քեզ պատճառը... Բան չկայ, դաւակս: Փառք տանք Աստծուն, արհամարհանքով նայենք անպէտքների վրայ և մխիթարուենք նրանով, որ մեր կորուստն ապարդիւն կորուստ չէ: Սա մի զոհ էր, որ տուինք հայրենիքի սեղանի վրայ... Դէ, ներս եկէք, այստեղ ցուրտ է:

Ասիական փոքրիկ թախտի վրայ կուչ էր եկած թեկլէն: Այն աստիճան փոխուել էր նա, որ Աշխէնն առաջին նուազ չճանաչեց նրան: Վերին աստիճանի խղճալի տպաւորութիւն էր գործում նա իր ցամաքած աչքերով և սառած դէմքով. նրա վշտի բոլոր հիւթը կարծես քամուել ցամաքել էր:

Աշխէնը չոքեց նրա առաջ, առաւ նրա ձեռքը և լուռ համբուրեց:

Թեկլէն գրկեց նրա գլուխը, շրթունքները կըպցրեց նրա ճակատին, այնուհետև, ցամաք աչքերով նայելով նրա աչքերին, սկսեց խաղաղ կերպով սգալ իր որդու մահը:

— Դու գնացիր և եկար, Աշխէն ջան, բայց դիտեմս, որ նա, իմ Արմենակս, էլ չի գալ, էլ չեմ տեսնիլ նրան... Անօրէնները կախեցին նրան, խեղդեցին, որդի ջան... Աւելի լաւ չէր լինիլ, որ իմ որդին իմ ձեռքերի վրայ մեռնէր... Գոնէ կըգիտենայի, թէ որտեղ է նրա գերեզմանը և ամեն անգամ կըբնայի կողբայի իմ վիշտը... Իսկ այժմ ռւր գնամ ես, ռւր փընտրեմ նրա գերեզմանը...

Մարութեանը չկարողացաւ դիմանալ կնոջ այդ սրտաճմլիկ խօսքերին և բարձրաձայն հազալով դուրս գնաց շտապով:

Եւան թաշկինակը պինդ սեղմել էր աչքերին, և հեկեկանքը պատառում էր նրա սիրտը:

Օր. Սահակեանը նոյնպէս լալիս էր:

Աշխէնն էր միայն, որ, կարծես անտարբեր ու հանդիստ, լսում էր դժբաղդ մօր ծանր վշտի խաղաղ արտայայտութիւնները, նրա առաջ չոքած: Նրան թւում էր, թէ այդ ողբն իր համար է, թէ ինքն է այդ ողբի առարկան: Եւ նա բոլորովին սառն էր ու անզգայ, ինչպէս մեռելը իր մահը ողբացողի առաջ...

XV

Աշխէնը քաշուեց իր նախկին սենեակը, որ Եւան առանձին խնամքով պատրաստել էր առաջուայ նման: Օր. Սահակեանն ու Եւան, խիստ անհանգստացած նրա

տարօրինակ գրութիւնից, չէին կամենում մենակ թողնել նրան, բայց նա ասաց, որ ուզում է մի քիչ հանդստանալ, որովհետեւ յոգնած է և գիշերը չի քնել:

Եւ Աշխէնը մենակ մնաց: Նա պանկեց մահճակալի վրայ, ձեռքերը դրեց գլխի տակ և քարացած անքերը յառեց առաստաղին: Նրա դժգոյն դէմքը դեռ ևս պահպանում էր առաջուայ խաղաղ արտայայտութիւնը: Անակնակաւ հարուածը, կարծես, բոլորովին բթացրել էր նրա զգացումները: Ամեն ինչ նրա աչքում անշարժացել, սեպցել էր, ինչպէս ստակալի հրդեհից յետոյ ծաղկափթիթ մի անտառ: Արմենակն այլ ևս չկար. այդ միւնտոյն էր, թէ հանգել էր այն փարձսը, որ լուսաւորում էր իր դժուարին ճանապարհը: Այժմ նձմրց պիտի ստանար այն լոյսն ու յոյսը, որոնցով առաջնորդւում էր մինչև այժմ: Փորձութեան այն տաժանելի ժամին նա աւելի, քան երբևիցէ, զգում էր, որ իր նոր սկսած գործունէութեան մէջ միակ խթանն ու քաջալերողն եղել է այն երիտասարդը, որին նուիրել էր իր կուսական սիրան անդրանիկ սիրոյ բոլոր զօրութեամբ: Շատ անգամ, երբ գիւղական մուայ կեանքի մէջ սովոր փափկակեցութեան ձգտումը պաշարել էր նրան և նա յուսահատուած սկսել էր ողբալ իր անձնական դժբաղդութիւնը, վերջիվերջոյ մխիթարուել և քաջալերուել է միմիայն գիտակցութեամբ, թէ որքան պիտի ուրախանայ Արմենակը, երբ իմանայ, թէ իր սիրած աղջիկը գործունէութեան ինչ ասպարէզ է ընտրել: Եւ նրան նոր ոյժ, նոր եռանդ էր տալիս այն յոյսը, թէ կըգայ ժամանակ, երբ երկարամեայ գործունէութիւնից յոգնած-վաստակած երկու սիրող սրտերը դարձեալ կը հանդիպեն իրար միւնտոյն յարկի տակ, ուր երկուսն էլ սնուել ու սիրել են իրար, և պայծառ զգացումներով, կայտան հոգով կըպատմեն իրար:

Թէ իրենցից իւրաքանչիւրն ինչ է արել: Նրանք կընային իրար առաջուանից աւելի մեծ անձկութեամբ, նրանց փոխադարձ սէրն աւելի ևս հաստատուն կլինի, սակայն ոչ այնպէս աչք կուրացնելու չափ պայծառ և այրելու չափ տաք, ինչպէս ամառային արևի ճառագայթները, այլ անդորր ու քնքոյշ, ինչպէս գարնանային լուսնի լոյսը: Երիտասարդական անդրանիկ սիրոյ կամովին ճշուած զգացումն այլևս խուլ բողոք չի բարձրացնիլ առաջուայ պէս, այլ Աստու սեղանի առաջ ողջակէզ գառան նման խոնարհ իր վիճակին՝ կասի. «ախ, այսպէս աւելի լաւ է»: Եւ երբ կըգայ հրաժեշտի ժամը և կըկոչի նրանց նորից ի գործ, նրանք նոյն պայծառ զգացումներով, նոյն կայտառ հոգով և նոր ոյժ, նոր եռանդ ստացած՝ կըբաժանուեն իրարից, շարունակելու համար իրենց բարի գործը թշուառների օգտին... Ախ, ցնորքներ, քաղցրիկ ցնորքներ... Ռը էք, Ռը թուք այդպէս յանկարծ, այդպէս անակնակալ... Նրա առաջ կանգնած է այժմ իրականութիւնը, դաժան, անողոր իրականութիւնը. եկաւ և իր անաւոր շնչով յօգս ցնդեցրեց հրաշալի երազները, որոնցից դուրս խաւարի և մահուան թագաւորութիւնն է... Էլ ինչո՞վ մը խիթարուի, ինչո՞վ յուսայ, ինչո՞վ նոր եռանդ, նոր ոյժ ստանայ... Աղբիւրը ցամաքեց, ծաղիկը պիտի թողնի անջուր, պասլակած...

Դուռը զգուշօրէն բացուեց, և ներս մտաւ Եւան:

Աշխէնը, անձնատուր եղած իր մտքերին, նայեց զրան այնպիսի հայեացքով, որից երևում էր, որ չի տեսնում նրան, յետոյ մեքենայաբար վերկացաւ և նշատեց:

Եւան չորեք նրա առաջ և առաւ նրա ձեռքերը: Երկար ժամանակ արտասուալից աչքերով, անհուն սի-

րով ու կարեկցութեամբ լուռ նայում էր Աշխէնի գուռնատ, անզգայացած դէմքին:

—Այնպէս հասկանում եմ քո վիշտը, քոյրիկս, — վերջապէս ասաց նա գրեթէ շնջալով, կարծես վախենալով խանգարել ընդհանր հանդիսաւորութիւնը: — Ես էլ, երբ անակնկալ կերպով իմացայ եղբորս մահը, քեզպէս անզգայ էի դարձել, չէի իմանում ինչ է պատահում ինձ և արտասուքի ոչ մի կաթիլ չէի կարողանում թափել: Բայց յետոյ, բայց այժմ և այսուհետև ես միշտ լաց եմ եղել, լալիս եմ և պիտի լամ, քանի որ եղբորս յիշատակը կենդանի կըմնայ սրտումս: Ասում են, որ ժամանակն ամենակարող է, որ նա բուժում է բոլոր վշտերը: Եթէ այդ ճշմարիտ է, եթէ, յիրաւի, ժամանակն այնպէս պիտի անի, որ ես այլ ևս այսպէս չպիտի տանջուեմ եղբորս մահուան համար և պիտի մոռանամ նրան, — ես այդ չէի կամենալ, երբէք, երբէք, որ ընկնեմ այդ կընշանակէր, թէ եղբայրս միևնոյնն է եղել ինձ համար, ինչ որ մի անշունչ առարկայ, մի խաղալիկ, որը ձեռքիցս ընկել կ'դարձուէր է, և ես սկզբում ամիսսացել եմ, յետոյ մոռացել: Ո՛չ, այդ սարսափելի է, այդ անկարելի է, չեմ ուզում: Եթէ հնարաւոր լինէր, որ յաւիտեան ասլէրէի, — սիրով կըկրէի սրտիս մէջ այս անտանելի վիշտը, որպէսզի դրանով լիովին արտայայտած լինէի այն զգացումները, որ ես տածել եմ դէպի եղբայրս: Եղբորս մահից յետոյ ես այլևս ոչ մի ուրախութիւն չեմ ուզում. այդ սրբապղծութիւն կըլինէր, այդ անարգանք կըլինէր նրա յիշատակին: Իմ ուրախութիւնն իմ այս վիշտն է, որ հպարտութեամբ կրում եմ սրտիս մէջ և կըփայտայեմ միշտ, քանի կենդանի եմ...

Մինչդեռ Եւան իրեն յատուկ կրակոտ արտայայտութիւններով իր վիշտն էր թափում հօրեղբոր աղ-

ջկայ առաջ, Աշխէնը նստած էր անշարժ, անթարթ նայում էր նրա աստասուալից աչքերին և թւում էր, թէ լսում է նրան առանց որևէ կարեկցութեան:

Եւան լուց և, կարծես յոգնած, գլուխը դրեց Աշխէնի ծնկներին:

— Կարճիկ ես պատմել, թէ ինչպէս է պատահել նրա մահը, — կամաց հարցրեց Աշխէնը:

Եւան վեր կացաւ, դուրս գնաց և շուտով վերադարձաւ Բաղէնեանից ստացած յեղափոխական թերթը ձեռքին:

— Ահա կարդա, — ասաց նա ցոյց տալով եղբոր մահուան վերաբերեալ տեղեկութիւնը:

Աշխէնը թերթն առաւ նրա ձեռքից և սկսեց կարդալ լուռ և խիստ ուշադիր: Կարդալուց յետոյ ձեռքերը թուլացած ընկան ծնկներին վրայ, և երկար ժամանակ նստած էր լուռ, գլուխը կրծքին խոնարհած: Յանկարծ գլուխը բարձրացրեց և հարցրեց.

— Ուրիշ տեղեկութիւն չունի՞ք:

— Մեր ունեցած տեղեկութիւնն այդ է միայն, — պատասխանեց Եւան:

— Ի՞նչպէս... սրանից էք միայն իմացել:

— Այո:

Աշխէնի մեռած դէմքը յանկարծ կենդանութիւն ստացաւ. յոյսը վառուեց նրա հանգած աչքերի մէջ: Նա վեր թռաւ տեղից:

— Իսկ եթէ սո՛ւտ լինի, — աղաղակեց նա: — Ի՞նչ այսպիսի ստեր են գրում ժողովրդին գրգռելու համար...

Եւան վշտահար շարժեց գլուխը:

— Մենք էլ սկզբում այդպէս էինք կարծում, — ասաց նա. — բայց ստուգեցինք և, դժբաղդաբար, ճիշտ

դուրս եկաւ: Ա՛խ, եթէ սուտ լինէր, եթէ սուտ լինէր, — աւելացրեց Եւան ծանր հառաչելով:

Սարուսիկ յոյսը հանգաւ Աշխէնի աչքերի մէջ: Նորից թուլացած նստեց, խոնարհուեց ծնկները վրայ և ճակատն առաւ ձեռքերի մէջ: «Եթէ սուտ լինէր...» — կրկնում էր մտքումը Եւայի խօսքերը:

Եւան նստեց նրա մօտ և այս անգամ հանգիստ կերպով սկսեց մանրամասնօրէն պատմել, թէ եղբօր մահուան գոյժն ինչ ազդեցութիւն և հետեանք ունեցաւ իրենց տանը, թէ ինչու այդ մասին ոչինչ չէին զրում Աշխէնին և ինչու իրենցից ոչոք չգնաց երկաթուղու կայարան նրան դիմաւորելու: Բայց Եւան ոչ մի խօսք չարտասանեց Բաղէնեանի մասին, որը պատճառ էր դարձել Արմենակի մահուան գոյժն առնելուն: Բաղէնեանի մասին ոչինչ չէր ուզում պատմել ոչ թէ նրա համար, որ ամաչում էր Աշխէնից և չէր ուզում, որ նա իմանայ, թէ ինչպէս ինքը խաբուել էր այդ բաղդախնդիր երիտասարդից, այլ նրա համար միայն, որ նոյն խոսք Բաղէնեանի անունը լոկ խորին զգուանք ու դայրոյթ էր ազդում նրան:

Եւան լռեց և սպասում էր, թէ Աշխէնը կըխօսի, բայց Աշխէնը շարունակ խոնարհուած էր ծնկները վրայ և այնքան հանգիստ էր երևում, որ թւում էր, թէ մինչև անգամ չի շնչում: Եւան կամաց գրկեց նրա իրանը:

— Աշխէն ջան, ինչո՞ւ չես խօսում, — հարցրեց նա այնպէս, ինչպէս խօսում են ծանր հիւանդները հետ:

Աշխէնը նստեց ուղիղ: Նրա աչքերը բացուած էին լայն և կեղբոնացած նայում էին անորոշ տարածութեան մէջ:

— Ի՞նչ խօսեմ, — ասաց նա մեռած ձայնով:

— Ես ի՞նչ գիտեմ: Գոնէ մի կերպ արտայայտիր վիշտդ:

— Ի՞նչպէս արտայայտեմ: Մազերս փետեմ, աղաղակեմ, թաւալզլո՞ր դամ...»

— Ձէ, ինչո՞ւ: Բայց... այսր դու չափազանց ուրիշ տեսակ ես դարձել... Ես քեզ համար եմ ասում, քեզ համար եմ հոգում:

Աշխէնը նայեց Եւայի աղերսող աչքերին և դառն կերպով ժպտաց:

— Ի՞նչ համար...»

— Այն: Ես վախենում եմ, որ այդպէս դու կըհիւանդանաս:

Աշխէնը շարժեց գլուխը:

— Ա՛յ խեղճ, այ թշուառ, այսուհետև քանի՞ գրոշ արժէ իմ կեանքը, որ այդքան հոգում ես: Մինչև այժմ ես մի պայծառ աստղ ունէի, որ լուսաւորում էր ճահս պարհա... հանգաւ այդ աստղը. այսուհետև դէպի ո՞ւր նապարհա. հանգաւ այդ աստղը. այսուհետև դէպի ո՞ւր խարխափեմ... Պայծառ լոյսից յետոյ յանկարծ վարհուրելի խաւար է տիրել չորս կողմս... Ես այլ ևս ոչինչ չեմ տեսնում, ոչ ի՞նչ... Դէպի ո՞ւր խարխափեմ...»

Հանգիստ, հանգիստաւոր կերպով արտասանուած այդ խօսքերից իւրաքանչիւրի վրայ Եւան սառսուռ էր զգում իր ամբողջ մարմնի մէջ: Նա տեսաւ, որ միևնոյն յեղաշրջումը, որ կատարուել էր իր, կատարուում է և Աշխէնի մէջ: Եւ այժմ միայն զգաց, թէ որքան սարսափելի բան էր այդ:

— Այդ դ՞ու ևս ասում, Աշխէն, — շնչաց նա, սարսափահար թեքուելով դէպի նրա դէմքը:

Աշխէնը, պատասխանելու տեղ, նորից խոնարհուեց ծնկները վրայ, դէմքն առաւ ձեռքերի մէջ, և նրա ուսերն ու մէջքը սաստիկ ցնցուկեցին:

Եւան մի ձեռքով գրկեց նրա իրանը, միւս ձեռ-

քով՝ գլուխը և շրթունքները սեղմեց նրա բարակ նիհար վզին:

Կարեկցութեան և ողջագուրանքի այդ լուռ արտայայտութիւնից Աշխէնն այլևս չկարողացաւ գսպել խեղդող հեկեկանքը: Նա սկսեց լալ ծանր և ուժգին. լալիս էր սղամարզի պէս, քարէ արտասուքներով:

XVI

Աշխէնը գրեթէ ամսնեին դուրս չէր գալիս իր սենեակից: Թէյի, ճաշի և ընթրիքի ժամանակ միայն, երբ նրան հրաւիրում էին սեղանատուն, դուրս էր գընում հանդարտ քայլերով, ցոյց էր տալիս, թէ ուտում, խմում է, բայց խկապէս ոչինչ չէր ուտում, ոչինչ չէր խմում և նորից փակուում էր իր սենեակում: Եւ այդ բոլոր ժամանակ լուռ էր, ձկան պէս: Մինչև որ բան չէին հարցնում, ինքն ամենևին չէր խօսում: Նրա դէմքն այնքան անշարժացել, քարացել էր, որ թւում էր, թէ այլևս ոչ մտածում է, ոչ զգում: Օր. Սահակեանն ամեն օր այցելում էր նրան և ամեն անգամ հեռանում էր խիստ մտահոգ դրութեան մէջ: Պակաս մտահոգ դրութեան մէջ չէր նաև Մարութեանը, որին խիստ ազդել էր եղբօր աղձկայ վիշտը: Նոյն իսկ Թեկլէն, մոռանալով իր դրութիւնը, ամեն անգամ հոգացողութեամբ հարցնում էր Աշխէնին, թէ ինչո՞ւ է այդպէս, հիւանդ խօս չէ: Իսկ Եւան պարզապէս յուսահատուած էր: Ոչինչ այնքան չէր վախեցնում նրան, որքան Աշխէնի տարօրինակ հանգստութիւնը և լուռութիւնը: Պատահում էր երբեմն, որ ինքը մինչև անգամ ամբողջ ժամերով խօսում էր հօրեղբօր աղձկայ հետ և Աշխէնի բերանից գրեթէ ոչ մի ձայն, ոչ մի շշուկ չէր լսում: Նրա սիրտը ճաքում էր, նա ընկնում էր Աշխէնի ոտ-

ները և արտասուելից աչքերով աղաչում-պաղատում էր, որ ձայն հանի, բան ասի: «Ի՞նչ ասեմ, Եւա», — այդ էր լինում Աշխէնի պատասխանը:

Եւան իր մահճակալը տեղափոխել էր Աշխէնի սենեակը, որպէսզի գիշերները նրան մենակ թողած չլինի: Ամեն գիշեր, երբ, բարի գիշեր մաղթելով, ցոյց էր տալիս, թէ քնում է, վերմակի տակից երկար ժամանակ դիտում էր Աշխէնին և տեսնում էր, որ նա, անշարժ պառկած, վշտահար կեղրոնացած հայեացքով անթարթ նայում է անորոշ տարածութեան մէջ: Երբ այնուհետև, առաւօտները, Եւան նայում էր նրան, տեսնում էր, որ նա կամ ամենևին չի քնել, կամ շատ քիչ է քնել — այնքան նրա դէմքը գունատ, աչքերը ուռած, կարմրած և մեռած էին լինում:

Աշխէնի այդ վիճակը տեսնելով, Եւան մոռացել էր իր սեպհական վիշտը: Նա մտաբերում էր Աշխէնի վերջին նամակը, համեմատում էր այդ նամակի մէջ արտայայտած ուրախութիւնը հօրեղբօր աղձկայ այժմեան թշուառութեան հետ, և անհուն կարեկցութիւնից ճմլւում էր նրա սիրտը, արտասուքով լցւում էին նրա աչքերը: Զգում էր, որ եթէ Աշխէնը վշտի և յուսահատութեան արտասուքներ թափէր, խօսքեր արտասանէր, — այնքան չէր ազդել իրեն, որքան ազդում էր իր այդ վերին աստիճանի խաղաղ դրութեամբ, այդ հանդարտ, ցամաք աչքերով, այդ անտրտունջ լուռութեամբ: Նրա առաջ ներկայանում էր վերին աստիճանի սրտաշարժ մի պատկեր. նա տեսնում էր, որ բարձրաձայն բողոքելու իրաւունք ունեցողը լուռ և անտրտունջ խոնարհուում է իր ճակատագրին: Դա զուտ քրիստոնէական համբերութեան փառաւոր մի յաղթանակ էր, որ մի աղջիկ, մի թոյլ արարած, կարողանում էր մարմնացնել իր մէջ:

Աշխէնի անհուն վիշտն այդպիսի արտայայտութեամբ խկապէս ոչ թէ վիշտ էր ներկայանում Եւային, այլ հոգին ու սիրաւ վեհացնող, մարդուն իր բոլոր մարմնական-անցողականը մոռացնող և աստուածութեան հասցնող գերբնական մի երջանկութիւն, որին նախանձում էր բոլոր սրտով: Եւ ինչպէս չնախանձէր, երբ, կամայ-ակամայ համեմատելով, տեսնում էր, թէ ինչ անագին վիհ կար իր սիրած երիտասարդի — Բագէնեանի և Աշխէնի սիրած երիտասարդի — Արմենակի միջև: Եւ մինչդեռ ինքն իր սիրած երիտասարդի լոկ անունն անգամ միշտ քստմնելով պիտի յիշի, Աշխէնը, ընդհակառակը, ցմահ պաշտելով, շարունակ պիտի փայփայի իր սրտի խորքում այն երիտասարդի յիշատակը, որի շրթունքները մահուան վերջին բոպէին, ո՞վ գիտէ, գուցէ նրա անունն են շնջացել: Գոնէ Եւան այնպէս էր զգում, որ ինքը չափազանց երջանիկ կըլինէր, եթէ իր սէրը ծագէր նման պայմաններում, ինչպէս Աշխէնինը, և իր սիրած երիտասարդը գէթ հեռաւոր կերպով նման լինէր Արմենակին և մեռնէր նման գործի համար, նման պարագաներում, ինչպէս Արմենակը...

Մի գիշեր, երբ Եւան, իր մահճակալի վրայ պառկած, գաղտագողի կերպով դիտում էր Աշխէնին և անձնատուր էր եղել այդպիսի մտածմունքների, տեսաւ, որ Աշխէնը վերկացաւ անկողնից, մօտեցաւ իր մահճակալին և խոնարհուեց իր դէմքի վրայ: Նա, վախեցած, վերմակը յետ քաշեց գլխից և նայեց հօրեղբոր աղջկայ աչքերին:

— Դու քնած չե՞ս, Եւա, — հարցրեց Աշխէնը:

— Չէ:

— Թո՞ղ կըտաս մօտդ պառկեմ:

Եւան լուռ տեղ տուեց նրան իր մահճակալի վերայ:

Աշխէնը պառկեց և գրկեց նրան:

— Յիշում ես, Եւա, վերջին նամակս, — հարցրեց նա:

— Յիշում եմ:

— Գրել էի թէ, որ վերադառնամ, այսպէս միտսին պիտի քնենք, այսպէս գրկած: Յիշում ես:

— Ինչպէս չէ:

Աշխէնը մի շատ թոյլ թառանչ քաշեց:

— Որ գիտենաս, Եւա, ինչքան ուրախ էի այդ նամակը գրելիս... Կամայ-ակամայ հաւատում ես մեր պառանքների այն նախապաշարմունքին, որ ասում է, թէ՛ խիստ ուրախացողը շուտ կըտխրի: Երեսն ուր շատ է ծիծաղում, ասում են՝ լացի հոտ է գալիս: Միակ երջանկութիւնը, իրական, շօշափելի երջանկութիւնն ինձ համար այն պիտի լինէր, որ նորից պիտի տեսնէի համար այն պիտի լինէր, որ Նուրէնին, Վարօյին: Ահա, քեզ, հայրիկին, մայրիկին, Սուրէնին, Վարօյին: Ահա, քանի օր է եկել եմ և տեսնում եմ ձեզ, բայց ո՞ւր է այն երջանկութիւնը, որ պիտի վայելէի, ո՞ւր է... Այդ երջանկութիւնն այն բոպէից թունաւորուեց, ես այն բոպէից սպանուեցի, երբ երկաթուղու կայարանում չըբոպէից սպանուեցի, երբ երկաթուղու կայարանում չըբոպէից սպանուեցի, երբ երկաթուղու կայարանում չըբոպէից սպանուեցի: Վարօն որ ասաց, թէ չէք եկել, տեսայ ձեզնից ոչ ոքի: Վարօն որ ասաց, թէ չէք եկել, ինձ այնպէս թուաց, թէ մինչև այդ ժամանակ թողում էի օդի մէջ, թեթև, ծտի պէս, բայց յանկարծ թեկերս էի օդի մէջ, թեթև, ծտի պէս, բայց յանկարծ թեկերս էի կոտրեցին, և ես ցած ընկայ... Այժմ, երբ անցել են սարսափելի հարուածի առաջին օրերը, և ես կարծես մի խոր թմրութիւնից ուշքի եմ եկել, գիտե՞ս ում մասին եմ մտածում: Մտածում եմ ձեր մասին — հայրիկի մասին, մայրիկի մասին, քո մասին, Եւա ջան: Այսօր առաջին անգամ սարսափեցի, որ նայեցի մայրիկին. որքան նիհարել է, որքան ցամաքել: Իսկ հայրիկը... որքան նիհարել է, որքան ցամաքել: Իսկ հայրիկը, նրա այն ո՞ւր է նրա այն մշտական զուարթութիւնը, նրա այն վարակիչ աշխոյժն ու եռանդը: Իսկ դ՞ու, դ՞ու, Եւա ջան... ո՞ւր է, ինչո՞ւ այլ ևս չի հնչում քո արծաթահն-

չիւն ծիծաղը... Այս ի՞նչ է պատահել ձեզ: Մի՞թէ ձեզ էլ, մանաւանդ քեզ, Եւա Չան, վիճակուած է ինձ նրման չորացած մի ծառ դառնալ, կենսունակութեան բոլոր հիւթից զրկուած: Այդ սոսկալի է... Երբէք իմ օրինակը թող խրախուսանք չլինի քեզ համար, երբէք: Յիշձեմ ես այն խօսքերը, որ ասացիր ինձ գիւղ զնալու օրը. «Օ՛, Աստուած չանէ,—ասացիր, որ երբեք չչոր ուղեղն իշխէ իմ մէջ: Ամենամեծ դժբաղդութիւնն ինձ համար այն օրը կը լինի,—ասացիր, երբ ես դադարեմ սրտով մտածելուց»: Սրտով մտածելուց... Մի մոռանար, Եւա, այդ հրաշալի խօսքերը և լաց եղիր, աղաղակիր, բողոքիր նոյն իսկ իրեն՝ Աստուծո՛ւ դէմ, բայց երբէք, երբէք մի զսպիր քեզ ինձ պէս և ինձ նման մի ասիր, թէ՛ ի՞նչ օգուտ դրանից: Այդ մահ է, աւելի վատ, քան մահը: Պարզ օրինակն աչքիդ առաջն ևմ: «Միրտս լցուած է թոյնով. վշտից քիչ է մնում խելագարուեմ. ուզում եմ զժի նման աղաղակել, ուզում եմ բարձրաձայն անիծել և հայհոյել ամենքին և ամեն ինչ, բայց սառն դատողութիւնս, — ճ, այս գարշելի սառն դատողութիւնը, այս չոր ուղեղը, — ասում է ինձ՝ «Ի՞նչ օգուտ դրանից»: Բայց և ի՞նչ օգուտ այս սառն դատողութիւնից, այս չոր ուղեղից: Մի՞թէ, որ զսպում եմ ինձ, որ սառն դատողութեամբ աւելորդ բան եմ համարում յուսահատական աղաղակներ բարձրացնելը, տրանջալը, բողոքելը,—մի՞թէ այդպիսով չեմ տանջուում կամ պակաս եմ տանջում: Ընդհակառակը: Ամեն անգամ, երբ արտասուքը գալիս, բռնում է բուկս, երբ անդիմադրելի պահանջ եմ զգում լաց լինելու, վշտից և յուսահատութիւնից մազերս փետելու և, սառն դատողութեանս հետևելով, զսպում եմ ինձ,— ես միևնոյն տանջանքն եմ զգում, ինչ տանջանք որ կըզգար ծարաւից պապակող այն մարդը, որ ջրի տեղ

հալած արճիճ խմէր: Մինչև այժմ ինքս ինձ պարծեցել եմ նրանով, թէ իմ մէջ զարգացրել եմ ասկետական համբերութեան այնպիսի աննկուն մի ոյժ, որով կարող եմ յաղթահարել ամեն բանի. բայց այժմ, կրիտիքական այս վայրկեաններին եմ միայն զգում, թէ դրանով ի՞նչ սոսկալի թշուառութեան աղբիւր եմ պարաստել ինձ համար: Երևակայիր, որ երբեմն նոյն իսկ այնպէս է թւում ինձ, թէ վիշտս կեղծ է, որովհետև ինչո՞ւ չպէտք է ամեն գիշեր ողողեմ բարձս արտասուքներով, ինչո՞ւ չպէտք է խելագարուեմ վշտից, ինչո՞ւ այսպիսի մի ճգնաժամին կարողանում եմ այսպէս և այս աստիճան սանձահարել ինձ: Ի՞նչ է նշանակում այս.—մի՞թէ ան, որ ես արհեստական կերպով դուրս եմ շարտել ինձ բնական օրէնքների սահմանից և խարխափում եմ ինչ-որ անծանօթ, ոչ-մարդկային, վայրենի զգացումների և մտածողութիւնների աշխարհում... Լսիր, Եւա: Մի լռիր այդպէս, խօսիր: Ասա, գուցէ, յիրաւի, սիրտս մեռել է արդէն, գուցէ խալաւ կորցրել եմ արդէն զգալու ընդունակութիւնը, գուցէ վիշտս երևակայում եմ միայն, այլ ոչ զգում... Ասա, Եւա Չան, ասա աղաչում եմ. ի՞նչ ես մտածում, ի՞նչ է մտածում այս մասին քո... սիրտը:

—Իմ սիրտը,— շնչաց Եւան և, գրկելով Աշխէնի իրանը, պինդ սեղմեց կրծքին:—Ականջ դիր և կըլսես, թէ ինչ է մտածում սիրտս.— նա նախանձում է քեզ...

Աշխէնը ձեռքով արագ փակեց նրա բերանը:

—Նախանձում,— զարմանքով և սարսափով արտասանեց նա:—Անմիտ, այդ ի՞նչ ես ասում...

—Այն, նախանձում եմ քեզ, Աշխէն, ամբողջ սրբտովս նախանձում,— եռանդով վրայ բերեց Եւան,— որովհետև ես հազարապատիկ աւելի թշուառ եմ, քան թէ դու... Դու չգիտես, դու ոչինչ չգիտես... Եթէ իմա-

նաս, թէ քո բացակայութեան ժամանակ ինչէր են պատահել ինձ... Այդ մասին մինչև այժմ ոչինչ չեմ անել քեզ, նամակներումս էլ ոչինչ չեմ գրել, որովհետև կամեցի եմ մոռացութեան տալ այն, ինչ որ պատահեց: Իսկ այն, ինչ որ պատահեց, այն աստիճան վշտացրել է սիրտս, այն աստիճան վրդովել է հոգիս, որ ինձ թուում է, թէ ես այլևս այն չեմ, ինչ որ առաջ: Գիտես, թէ առաջ ինչքան միամիտ էի, ինչքան պայծառ ու մաքուր հայեացք ունէի մարդկանց և աշխարհի վրայ. իսկ այժմ ամեն ինչ կեղծ, ստոր, զգուելի է թուում ինձ և այնքան խարդախ, որ ես պատրաստ եմ նոյն իսկ ամենամեծ սրբութեանը չհանձնալ: Կուսական անդրանիկ սիրոյս սրբութիւնն ես անարդուած տեսայ դեռ ևս իր սահմի մէջ: Եւ անարգողը երևակայիր, նա էր, որին պատրաստ էի նուիրարբերել այդ սէրը: Թերևս այսքան չվշտանայի, այսքան չվրդովուէի, եթէ սիրոյս հետ սերտ կերպով կապուած չլինէր մի վննմ գործ, որի համար գործեց և մեռաւ եղբայրս: Եւ այդ պատճառով, ահա, անարգուած սիրոյս մէջ անարգուած տեսայ ոչ թէ միայն սրտիս նորածին սրբութեան սրբոցը, այլ և—անգին եղբորս գործունէութիւնը, նրա պաշտելի յիշատակը: Լսիր, քոյրիկ, այժմ այլևս չեմ կարող լսել, բոլորը պիտի խոստովանուեմ առաջին և վերջին անգամ: Եւ այս ոչոք չգիտէ և ոչոք չպիտի իմանայ, բացի քեզնից:

Եւ եւան մանրամասնորէն սկսեց պատմել այն դէպքը, որ առիթ էր եղել ծանօթանալու և բարեկամանալու Բազէնեանի հետ. նոյնպիսի մանրամասնութեամբ պատմեց Բազէնեանի հետ ունեցած յարաբերութիւնները, տեսակցութիւնները, խօսակցութիւնները. թէ ինչ կարծիք ունէին սկզբում նրա մասին և թէ ինչպէս յետոյ իմացան, որ նա խաբեբայի մէկն է եղել: Եւան պատմում էր վառ գոյներով և որքան պատ-

մութիւնն առաջ էր տանում, այնքան վառում էր. այն տեղերում, ուր Բազէնեանի խաբեբայութիւնն էր պատմում, նրա ձայնը հնչում էր պնդուապ գարշանքով: Տպաւորութիւնները դեռ ևս. այնքան թարմ էին, որ նրան թւում էր, թէ իր պատմած դէպքերը հէնց այդ րոպէին էին կատարում:

Աշխէնն ապուշ էր կտրուել: Նա մոռացել էր իր վիճակը և ազահութեամբ պկանջ էր դնում եւայի կըրակոտ խօսքերին: Եւայի պատմութեան ամբողջ ընթացքում խօսք չէր գտնում ասելու.—այնքան այդ պատմութիւնը նորութիւն էր նրա համար:

—Ասա, ինչ կըզգայիր դու,—բացականչեց Եւան, պատմութիւնը վերջացնելուց յետոյ,—երբ յանկարծ իմանայիր, որ Արմինակն այն չի եղել, ինչ որ կարծում էիր, ինչի համոզուած, ինչի հաւատում էիր անպայման: Կապշէիր, կըվրդովուէիր, կըկատաղէիր, կըյուսահատուէիր, չէ, երբ տեսնէիր, որ քո պաշտած երիտասարդը, որի մէջ իղձերիդ, բազմանքներիդ մարմնացումն էիր տեսնում, ոչ այլ ինչ է եղել, եթէ ոչ մի եղուիմ, մի խաբեբայ, ամենաստորին տեսակի մի ասֆերիստ, որի համար ամեն ինչ լաւ է և ազնիւ, բացի լաւից և ազնիւից, որի համար ամեն ինչ սուրբ է, բացի սրբութիւնից: Այդ միևնոյնը զգացի ես և զգում եմ դեռ այս րոպէիս էլ: Սիրել և յանկարծ ապել նրան, ում սիրում էիր, գարշել նրանից,—չէ որ այդ վիճակի մէջ կարելի է խելագարուել: Եւ երբ մտածում եմ, որ եղբորս այնտեղ սպանեցին չարաչար, իսկ սա շրջում է այստեղ անհոգ ու երջանիկ, միամիտներին խաբելով այն գործի անունով, որի համար զոհուեց եղբայրս... Ասում ես՝ բողոքիր: Քեզ պէ՞ս եմ ուզում բողոքել: Բայց ում դէմ, ասա, ում դէմ: Շոյց տղր, ասա, ով է այս անարդարութեան տնօրինողը, շօշափելի կերպով

դիր դրան իմ առաջ, և կըտեսնես, թէ ինչպիսի զայրոյթով սրտիս բոլոր մաղձը կըթափեմ նրա վրայ: Չկայ, չես կարող: Իսկ լոկ երևակայութեամբ ստեղծել այսպիսի բոլոր անարդարութիւնները մի սկզբնապատճառ,—այդ թէ շատ քիչ է և թէ դրա վրայ չես կարող զայրոյթդ թափել: Շօշափելի մարմին եմ ուզում ես, մի մարմին, որ երևար աչքիս առաջ իբրև նիւթ, որպէսզի անզուսպ ցատումով ապտակ տայի երեսին և ասէ՛ր՝ դու անարդար ես, դու իրաւունք չունիս այդպէս վարուելու... Ա՛խ, քոյրիկ, որ իմանաս, թէ երբեմն ինչ սոսկալի մտքեր են անցնում գլխովս... Գիտես, թէ ինչքան անզութ կերպով ենք վարուում մենք, մարդիկս, անասունների հետ. մենք ծեծում ենք շներին, մենք տանջում ենք ձիերին, մենք հրացանի գնդակով գետին ենք տապալում օդում իր համար ազատ թռչող թռչունը, մորթում ենք դեռ երէկ ծնուած գառը և կարծես թէ, որովհետև այդ բոլորը մենք կարողանում ենք անել, այդ մեր իրաւունքն է, և խիղճը չի տանջում մեզ: Ինձ թւում է, թէ մենք, մարդիկս էլ, նոյն այդ անկար անասունների դերն ենք խաղում մեզ անհասկանալի մի էակի ձեռքի, որ ամենաանզութ կերպով տանջում, չարչարում է մեզ, որովհետև կարողանում է: Ու թպրտում ենք նրա ձեռքին, թպրտում իզուր, ինչպէս հաւը դանակի տակ, և ազատում չկայ մեզ— երբէք, յաւիտեան... Ո՞վ է նա, ի՞նչ է նա, ո՞ր է նա, —ինչո՞ւ չգիտենք և ինչո՞ւ չպիտի կարողանանք մեր վրէժը լուծել...

Աշխէնը, որ այս անգամ պարզապէս սարսափով էր նայում Նւայի վառուած աչքերին, այլ ևս չկարողացաւ դիմանալ, կարծես նրան մի վտանգաւոր ինքնամոռացութիւնից հանելու համար, կամաց գրկեց նրա իրանը և շնչաց.

— Լուիր, Նւա, լուիր... Չնայելով, որ դու այն ես ասում, ինչ որ ես եմ մտածում, բայց... Այդ սարսափելի է: Լուս մտածածն այնքան զգալի չէ, որքան ան, երբ այդ մտածածը խօսքերով է արտայայտուում: Մըտքումդ ամենայն հանգստութեամբ կարող ես հայտնել, բայց բարձրաձայն—այդ շատ ծանր է: Այդ ես նոր եմ զգում, երբ դու պահանջում ես մեր բաղդը տնօրինողին, որպէսզի... Ո՛չ, ես յետ եմ առնում իմ խօսքերը, Նւա, որովհետև... Ա՛խ, միթէ մենք այնքան թուլամորթ ենք, որ չենք կարող մոռանալ մեր անձը, որպէսզի մեր հոգին այսքան չպղտորուի: Նկատիր, որ մեր այս բոլոր տրտունջները ոչ այլ ինչ են, եթէ ոչ տկար հոգու յուսահատական ողբ այն բանի համար, որ մեր անձնական երջանկութիւնը կորցրել ենք: Ինչո՞ւ միևնոյն ողբը չենք բարձրացնում մենք, երբ տեսնում ենք ուրիշի թշուառութիւնը: Ինչո՞ւ ենք թոյլ տալիս, որ մեր հոգին այնքան նեղ լինի, որ, բացի մեր անձից, ուրիշ ոչոքի համար տեղ չունենայ իր մէջ: Նւարդեօք այս եսասիրութիւնը չէ՞ պատճառը, որ մենք այսքան տանջում ենք: Ո՛չ, ո՛չ, Նւա ջան, էլի՛ հնազանդութիւնը, էլի՛ լուսութիւնը, էլի՛ անձնուրացութիւնը —այդ է միակ ճանապարհը հոգու և մտքի այս սարսափելի քասօսի մէջ չմոլորուելու համար: Վերջին նամակիս մէջ գրել էի քեզ, թէ գտել եմ երջանկութեան ուղիդ ճանապարհը: Դու գիտես, թէ ո՞րն է այդ ճանապարհը: Նւ քանի որ ոտս դրել եմ արդէն այդ ճանապարհի վրայ, պիտի գնամ առաջ մինչև վերջին շունչս: Այս խորհրդաւոր ժամին, երբ ես կեանքիս ամենածանր բոլիներն եմ հաշուում, երբ անդառնալի կերպով արդէն թաղել եմ անձնական բաղդաւորութեանս միակ յոյսը,—այս ճգնաժամին շպրտում եմ ձեռնոցս բաղդիս երեսին և աղաղակում՝ ինձ համար այլևս գո-

յուրիւն չունի անձս: Ես կարծում էի, թէ Արմենակի մահով հանգել է լուսատու աստղս, մինչդեռ, ընդհակառակը, այժմ է, որ այդ աստղը լուսաւորում է ճանապարհն առաջուանից աւելի պայծառ և կանչում է ինձ... Եւ ես պիտի գնամ նրա հտեից, պիտի գնամ, պիտի գնամ...

— Եւ ինձ էլ պիտի տանես քեզ հետ, — շնչաց Եւան, սրբազան մի սառուռ զգալով իր մարմնի մէջ Աշխէնի խօսքերի ազդեցութեան տակ:

Աշխէնը պինդ գրկեց Եւայի իրանը:

— Գնանք, գնանք միասին նրա հտեից, — ասաց նա էքստազի մէջ:

XVII

Հետեւել օրն առաւօտեան, հրբ օր. Սահակեանը գնաց Աշխէնին տեսնելու, ինչպէս անում էր ամեն առաւօտ, Աշխէնը նամակ էր գրում: Նախկին օրերի հետ համեմատած, այս անգամ նկատելի չէր այն բթացած վիշտը, որ իր կնիքն էր դրել նրա դէմքի վրայ և խօսակցութեան ու շարժումների մէջ: Նա թողնում էր ծանր հիւանդութիւնից նոր առողջացած մարդու տպաւորութիւն: Այդ անակնկալ փոփոխութիւնը խիստ ուրախացրեց օր. Սահակեանին:

— Փառք Աստուծու, որ այսօր լաւ ես, — բացականչեց նա: — Լաւ ես, չէ՞:

— Այո, վիշտս կարծես թէ արդէն... հնացաւ, — հեզնեց Աշխէնը դառնութեամբ ժպտալով:

— Ա՛, դու մինչև անգամ ժպտում ես, — ծիծաղեց օր. Սահակեանը և, չափազանց ուրախութիւնից գրկելով, պինդ համբուրեց նրան: — Որ իմանաս, սիրելիս, որքան մտահոգութիւն էր պատճառում ինձ դրութիւնդ,

թէ և գիտէի, որ դա անցողակի է և բնութիւնդ կըլլադ թի: Դու միշտ քաջ ես եղել և քաջ էլ մնացիր: Կեցցես: Բայց քեզ մի ուրախալի լուր հաղորդեմ. Մինասեանն այստեղ է:

— Այստեղ է:

— Երէկ է եկել: Երեկոյեան ինձ մօտ էր:

— Բայց նա ինձ ոչինչ չի ասել, թէ զալու է, ինչո՞ւ է եկել:

— Նոր գիրք է ուզում հրատարակել:

— Ճիշտ է, նա մի նոր բան է պատրաստել, բայց ասում էր, որ ամառը կըլանձնի տպագրութեան:

— Բո զալուց յետոյ միտքը փոխել է:

— Իսկ ես սրան նամակ էի գրում այս բոպէիս:

— Ի՞նչ էիր գրում:

— Գրում էի, որ մի-երկու շաբաթ կուշանամ:

— Ինչո՞ւ:

— Որովհետև չի՞ կարելի խօսքս այսպէս թողնել:

«Սրանց» բառն արտասանելիս Աշխէնը ցոյց տուեց հարևան սենեակի դուռը, դրանով հասկացնել ուղղելով, թէ խօսում է հօրեղբօր ընտանիքի մասին:

— Նոր եմ տեսնում, թէ ինչ սոսկալի փոփոխութիւն է կատարուել այստեղ: Հօրեղբօրս որ նայում եմ, ուղղակի չեմ ճանաչում: Էլ չեմ խօսում նրա կնոջ մասին: Իսկ Եւան... Իսկապէս Եւայի համար է, որ ուզում եմ մնալ: Մենակ թողնել նրան այս մեռելութեան, այս վշտի մէջ — նշանակում է թողնել, որ նա... Չեմ իմանում, ճշմարիտ, ինչ կըլլատահի նրան, — այնքան վտանգաւոր ընթացք են ստացել նրա մտածմունքները: Երէկ գիշեր մենք երկար խօսում էինք. պարզապէս չէի հաւատում ականջներիս, թէ ինձ հետ խօսողն Եւան է, իմ ճանաչած կենսաթրթիւ Եւան... Կըմնամ,

անպատճառ կըմնամ մի-երկու շաբաթ աւելի և մինչև անգամ մտածում եմ, որ ինձ հետ դիւղը տանեմ նրան: Յամենայն դէպս, մենակ թողնել նրան այստեղ անկարելի է:

— Դու նրա մասին ես հոգում, իսկ նա՝ քո մասին: Այդպէս էլ պէտք է. դուք կը փրկէք իրար:

Այդ միջոցին մտաւ Եւան:

— Արի, արի այստեղ. այս բոլորիս քո մասին էինք խօսում, — ասաց օր. Սահակեանը:

Եւան հարցական հայեացքով նախ նայեց նրան, յետոյ Աշխէնին: Աշխէնը գլխով արեց նրան և ժպտաց քնքոյշ սիրոյ ժպտով: Այդ ժպտը խիստ զուարթացրեց Եւային:

— Բամբաստում էիք ինձ, — հարցրեց նա:

— Ի հարկէ, բամբասում: Աշխէնը ասում էր, որ մտածմունքներդ ինչ-որ վտանգաւոր ընթացք են ստացել. բայց, կարծեմ, դու այնքան խելօք աղջիկ ես, որ...

— Իմ խելքը մի կողմ թող, վարօ, և ինձ այս աս. թողնեմ, որ Աշխէնը մի-երկու շաբաթ աւելի մը նայ ինձ մօտ:

— Ի՞նչ է, միթէ չես ուզում:

— Ձե՛մ ուզում, — բացականչեց Եւան և գրկեց Աշխէնի գլուխը: Ես կուզէի մինչև անգամ փեշս փեշիցը կարիլ, որ երբէք չհեռանայ ինձնից, բայց այդ զոհաբերութիւնն անել ինձ համար ի վրաս գործի...

— Բայց գիտե՛ս, Եւա ջան, Մինասեանն այստեղ է, — ասաց Աշխէնը:

— Միթէ: Ո՞վ ասաց:

— Վարօյի մօտ է հղել երէկ երեկոյ:

— Հմ-ա: Յետոյ, ինչ՞ու չի գալիս մեզ մօտ:

— Երևի, կըգայ, — ասաց օր. Սահակեանը: — Բայց

զարմանալի մարդ է. գիտեմ, որ աղքատ է, իսկ հիւրանոցներում կողոպտում են. խնդրեցի, որ գայ մեր տանը մնայ, չկամեցաւ:

— Ու՛ր, ի՞նչ լաւ բան ասացիր, — բացականչեց Եւան: — Գիտե՛ս ինչ կայ, Աշխէն. արի հրաւիրենք, որ մեր տանը մնայ. ազատ տեղ խօ շատ ունինք: Հը՞, ի՞նչ ես կարծում, լաւ միտք չէ՞:

— Ձի գալ, — ասաց օր. Սահակեանը,

— Ձի գալ, — պնդեց Աշխէնը:

— Կըգայ: Հայրիկիս կասեմ, որ բերի: Սպասեցէք: Եւան դուրս վազեց և մի-երկու բոլոյէ չանցած՝ ներս «երեց հօրը:

— Հայրիկ, խօսք տուր սրանց մօտ, որ Մինասեանին կըհրաւիրես մեր տուն:

— Ո՞րտեղ է իջած, ասացէք, ես իսկոյն կըգնամ նրա մօտ, — ասաց Մարութեանը:

— Ձի գալ, պարէն Մարութեան, — ասաց օր. Սահակեանը: — Մեր տանն աւելի համարձակութեամբ կըմնար, բայց վճռապէս մերժեց:

— Այդ ես գիտեմ: Դուք ինձ ասացէք որտեղ է իջած:

— «Փրանսիա» հիւրանոցում:

— Այս բոլորիս գնում եմ նրա մօտ: Իսկ դուք զրազ եկէ՛ք՝ կըբերեմ թէ ոչ:

— Նա կըգայ, ի հարկէ, այցելութեան, — ծիծաղեց օր. Սահակեանը:

— Ձէ, կըբերեմ իր իրեղէններով, — վրայ բերեց Մարութեանը և շտապով դուրս գնաց:

Նա անմիջապէս դիմեց դէպի «Փրանսիա» հիւրանոց: Չափազանց ուրախ էր. ուրախ այն պատճառով, որ աղջկան և Աշխէնին այնքան զուարթ էր տեսնում այդ օրը: Քայլում էր կայտառ քայլերով և զգում էր,

Թէ վերադարձել է իր նախկին աշխոյժը: Եւ շրջապատըն աւելի քան յարմարում էր նրա տրամադրութեանը: Օրթոդոքսների Մոնղեան տօներն էին և մօտենում էր նոր տարին: Փողոցները լիքն էին ցնծալի դէմքերով: Օղն աղմկում էր ուրախական բացականչութիւններով: Մարդիկ և կանայք, իրար անցած, մըրջիւնների պէս, տանում էին՝ ոմանք — տօնածառ, ոմանք — կողովներով լի ուտելիղէն, ոմանք — փաթեթների մէջ նոր հագուստեղէն, ոմանք — սվ գիտէ ինչ, միայն թէ ամենքը մի բան տանում էին, շտապում էին ուր-որ, ոչոք պարապ չէր, ամենքը զբաղուած էին և ամենքի դէմքի վրայ տօնական ցնծալի արտայայտութիւն կար: Եւ ձմեռային սառնամանիքն ուրոյն գրաւչութիւն էր տալիս այդ ընդհանուր կենդանութեանն ու ժխորին:

«Փրանսիա» հիւրանոցում Մարութեանը Մինասեանին գտաւ իր սենեակում թէյ խմելիս: Մինասեանը նստած էր ձմեռային բաւական հնացած վերարկուով և գլխարկով. առաջը դրած էր ձեռագիր մի տետրակ և համ թէյ էր խմում, համ մատիտով ուղղում ձեռագիրը: Սկզբում բաւական շփոթուեց և չճանաչեց Մարութեանին, բայց երբ Մարութեանը տուեց իր անունը, գլխարկը վերցրեց և պինդ սեղմեց նրա ձեռքը:

— Գէտք է ներէք ինձ, որ չճանաչեցի, — ասաց նա. — չէ՞ որ ձեզ միայն մի անգամ եմ տեսել և, բացի դրանից, դուք չափազանց փոխուել էք. ես ձեզ այդպէս ծերացած չեմ տեսել երեք ամիս առաջ:

Մարութեանը հառաչեց:

— Միթէ դուք դեռ չէք իմացել մեզ պատահած դժբաղդութիւնը:

— Այո, օրիորդ Սահակեանը ինձ պատմեց երէկ: Ձեր որդու մահը չափազանց ցաւալի է:

— Ինչ արած: Նախախնամութեան տնօրինութիւնը մտրդս չի կարող հասկանալ. գուցէ որդու մահն անհրաժեշտ էր այն գործի համար, որի համար մեռաւ. գուցէ նա աւետարանական ցորենի այն հատիկն էր, որ մեռնում է բազում արդիւնք տալու համար, — սվ գիտէ... Գոնէ ես աշխատում եմ դրանով մխիթարուել և, փառք Աստուծոյ, շատ էլ չեմ ընկճում, թէ և ասում էք, որ ինձ այսպէս ծերացած չէք տեսել երեք ամիս առաջ: Երեք ամիս առաջ... Միթէ կարծում էք, որ երեք ամիսը կարճ ժամանակ է ծերանալու համար: Ծերանալ կարելի է մի օրում, մի ժամում, մի րոպէում: Եւ եթէ ձեզ ասեմ, որ ես ծերացայ մի րոպէում, թերևս չհաւատաք:

— Խնդրում եմ, պարոն Մարութեան, այդ մի ասէք, վրայ բերեց Մինասեանը եռանդով: — Ես լիովին հասկանում եմ ձեր դրութիւնը և...

— Ինչևիցէ, ինչևիցէ, այդ թողնենք: Ես դրա համար չեմ եկել: Ես եկել եմ ձեզ յանդիմանելու, որ ուղղակի մեր տուն չէք իջել: Մենք պարզ ընտանիք ենք. մեզնից խորշելու ամենեին հարկ չկայ, մանաւանդ, որ ձեր վարժուհին մեր աղջիկն է: Խնդրում եմ, վեր կացէք գնանք:

Մինասեանն ուղղում էր հրաժարուել, բայց Մարութեանը լսել անգամ չկամեցաւ:

— Միթէ կարելի է այսպիսի ցուրտ սենեակում ապրել, — բացականչեց նա: — Ահա, դուք մինչև անգամ թէյ խմելիս ստիպուած էք վերարկուով նստել: Ես էլ վերարկուս չեմ հանում, որովհետև սարսափելի ցուրտ է այստեղ: Խնդրեմ, վերջացրէք ձեր թէյը, և մենք խորոյն կըհաւաքենք ձեր ունեցած-չունեցածն ու կըգնանք մեր տուն: Փառք Աստուծոյ, ազատ տեղ ունինք: Ի նկատի ունեցէք, որ ես իսկապէս յատուկ պատգամա-

ւոր եմ ուղարկուած մերոնց կողմից: Օր. Սահակեանն էլ այս բողոքիս մեր տանն է: Ես ուզում եմ, որ այս տօներին ձեր միջոցով մի քիչ կենդանութիւն մտնի մեր տուն, թէ չէ վիշտը մեզ ամենիս էլ սպանում է: Իէ, շուտ արէք. ես սպասում եմ:

Ճար չկար: Մինասեանը հաւաքեց իր ունեցած-չունեցածը. որ ոչ այլ ինչ էր, եթէ ոչ իր Չարդուած ճամարուկն ու կափնջին, և կէս ժամից յետոյ Մարութեանը նրան իրենց տուն էր տանում կառքով:

Եւան, Աշխէնը և օր. Սահակեանը հաւաքուած էին Թեկէի մօտ, հրք Մարութեանը յաղթական կերպով ներս տարաւ Մինասեանին: Ընդունելութիւնը շատ սիրալիւր էր, բայց ընդհանուր տրամադրութիւնն առժամանակ խանգարեց Թեկէն, որը, Մինասեանի մխիթարական խօսքեր ասած ժամանակ, սկսեց սովորական ողբն իր որդու մահուան համար: Մի բան, որ իսկոյն նկատեց Մինասեանը, այդ՝ Աշխէնի մէջ կատարուած փոփոխութիւնն էր: Օր. Սահակեանը նախորդ օրը, իբրև գաղտնիք, պատմել էր նրան, թէ ինչ կապ կար Աշխէնի և Մարութեանի սպանուած որդու միջև, և այդ բանը բաւական զօրեղ տպաւորութիւն էր թողել նրա վրայ: Այժմ նրան այնքան չէր ազդում որդեկորոյս մօր ազնկտուր ողբը, որքան իր ծանր վիճակի հետ հաշտուած Աշխէնի լուռ վիշտը: Գիւղում, իրենց ամենօրեայ յարաբերութիւնների ժամանակ, Մինասեանն արդէն կարողացել էր մի անգամ առմիշտ գնահատել Աշխէնի արժանիքները, չափազանց յարգում էր նրան և, միևնոյն ժամանակ, հղբայրական այնպիսի մի քնքոյշ սէր էր տածում դէպի նա, որ այժմ հոգով չափ ցանկանում էր որևէ բանով մխիթարած լինել նրան, բայց ոչ մի խօսք չկարողացաւ արտասանել, այլ միայն լուռ և խիստ զգացուած սեղ-

մեց նրա ձեռքը: Մինչդեռ Եւային կարողացաւ մի քանի մխիթարական խօսքեր ասել: Եւան, որ սկզբում հսպում էր իրեն, այժմ չկարողացաւ դիմանալ և սկսեց լաց լինել մօր հետ: Աշխէնը ներքին շրթունքն առաւ ատամների մէջ, նրա քթի պնչերը սաստիկ լայնացան, աչքերը լցուեցին արցունքով և նա կամաց դուրս գնաց:

Մարութեանները Մինասեանին յատկացրին առանձին սենեակ բոլոր յարմարութիւններով և ամեն կերպ աշխատում էին չճնշել նրա ազատութիւնը: Առաջին իսկ օրուանից զգալի եղաւ Մինասեանի բարերար ազդեցութիւնը. ընտանեկան ծանր դժբաղդութեան տակ ճնշուած Մարութեաններն ունէին մի հիւր, որ իր կենսաթրթիւ հայեացքներով մեծ խթան էր նրանց համար վերակենդանանալու: Ձմեռային երկար գիշերներն ամենքը հաւաքուած էին սեղանի շուրջը, գրեթէ ամեն գիշեր նրանց հետ էր լինում օր. Սահակեանը, և լուսամուտների փեղկերը փակուած, պայծառ լուսաւորուած տաք սենեակում մինչև ուշ գիշեր տեղի էր ունենում ընդհանուր կենդանի գրուցատրութիւն այնպիսի առարկաների և երևոյթների մասին, որոնք ընդունակ են բարձրացնելու մարդու սիրտը, հոգին, միտքը: Ժամերն անցնում էին թեթև, անսկատելի, նոյն իսկ երբեմն սենեակում բարձրանում էր ուրախ, առողջ մի քրքիշ:

XVIII

Նոր տարու առաջին օրը Մինասեանը պատրաստուեց այցելութիւն տալու քաղաքում ունեցած իր բարեկամներին: Ամենից առաջ գնաց Շահեանի մօտ: Առաւօտեան ժամը 11-ի մօտերքն էր: Նրան ընդունեց

Շահեանի մայրը: Ամուսնու մահից յետոյ թամարը բոլորովին պառաւել էր, թէն տարիքով համեմատաբար ջահէլ կ'ին էր: Խորշոմներով ծածկուած նրա բարի, փափուկ դէմքն այս անգամ աւելի, քան երբէք, կրում էր մշտական թախիծի կնիքը: Մինասեանին որ տեսաւ, չափազանց ուրախացաւ. յետոյ սկսեց լաց լինել և դանդատուել իր վիճակից. ասաց, որ իր որդու դրութիւնը մեծ անհանգստութիւն է պատճառում իրեն. Լեոնը բոլորովին փոխուել է, ոչ ուտում է, ոչ խմում, ոչ խօսում, սենեակից ամենևին դուրս չի գալիս, սարսափելի բարկանում է, երբ մէկն անհանգստացնում է իրեն, իսկ բժիշկ անունը լսել անգամ չի կամենում: Վերջը խեղճ պառաւը թախանձագին աղաչեց Մինասեանին, որ իր ազդեցութիւնը գործ դնի Լեոնի վրայ, իմանայ նրա ցաւը, որպէսզի կարելի լինի մի ճար անել:

Չնայելով, որ Մինասեանը նախապատրաստուած էր, թէ ինչ դրութեան մէջ պիտի գտնէր Շահեանին, այնուամենայնիւ, երբ մտաւ նրա սենեակը, ակամայ կանգ առաւ դռների մօտ ապշած:

Շահեանը նստած էր բազկաթոռի վրայ, գլուխը յետ էր ձգել բազկաթոռի թիկունքին և ոտները դրել էր առջևը գտնուած մի աթոռի վրայ, այնպէս որ գլուխն ու ոտների ծայրերը գրեթէ հաւասար բարձրութեան վրայ էին գտնւում: Հագած էր իր տնային սովորական խալաթը, որ առջևից բոլորովին բաց էր և որի փեշերը փռուել էին յատակի վրայ, արծուի կոտրատուած թևերի պէս: Խալաթի տակ, բացի շապկից և վարտիկից, ուրիշ բան չունէր հագած: Ոտները մերկ էին և նրանց ծայրերից կախուած էին փափուկ մաշիկները: Մազերը խիստ երկարել էին և չէին սանրուած. աչքերը, որոնց վրայ չէր կրում սովորական

ակնոցը, ուռած, կարմրած և պատած էին կէս-կապտաւուն, կէս-սևաւուն շրջանակներով. դէմքը դաջի գոյն էր ստացել և խիստ լղարել: Թւում էր, թէ նոր է վերկացել անկողնից խիստ անհանգիստ քնից յետոյ և դեռ ժամանակ չի ունեցել ոչ լուացուելու, ոչ հագնուելու:

Մինասեանը կարծում էր, թէ իր առաջ տեսնում է ոչ թէ Շահեանին, այլ նրա ուրուականը, և երկար ժամանակ կանգնած էր դռների մօտ լուռ ու ապշած այն տարօրինակ փոփոխութիւնից, որ տեսնում էր ընկերոջ մէջ:

Շահեանը ոտները կամաց ցած դրեց աթոռից, այնքան զգուշօրէն, որ ծայրերից կախուած մաշիկները միան օտներին, յետոյ նստեց ուղիղ և նայեց Մինասեանին լուռ ու երկարատև, կարծես չկարողանալով իսկոյն ճանաչել նրան: Այնուհետև, երբ Մինասեանը մօտեցաւ նրան, նա վերկացաւ դանդաղօրէն և մեքենայաբար սկսեց կապել խալաթի ծոպերը:

— Լեոն, այդ դու ես, — հարցրեց Մինասեանը, այս անգամ աւելի ապշած նրա տարօրինակ յամառ հայեացքից, քան թէ նրա ընդհանուր արտաքինից:

Շահեանը չպատասխանեց: Նայում էր Մինասեանի աչքերին և շարունակում էր մեքենայաբար կապել խալաթի ծոպերը:

— Ի՞նչ ես այդպէս նայում. չե՞ս ճանաչում, — բացականչեց Մինասեանը:

— Ինչպէս չէ, — կամաց արտասանեց Շահեանը, սակայն դեռ ես շարունակելով նայել նրան իր տարօրինակ յամառ հայեացքով:

— Դէ, որ ճանաչում ես, ինչո՞ւ ես ինձ այդպէս խոր նայում:

— Որովհետև... չէի սպասում, — պատասխանեց Շա-

հեանը և նստեց բազկաթոռի վրայ ծանր ու դանդա-
ղորէն, երկար ժամանակ ոտի վրայ մնալու անկարող
հիւանդի նման: Ձայնն էլ հնչում էր թոյլ ու խուլ:
ինչպէս հիւանդներինը:—Նստիր, ինչո՞ւ չես նստում,—
աւելացրեց նա, իր առջևը դրուած աթոռը ցոյց տալով:
Մինասեանը նստեց:

—Լևոն, այդ ի՞նչ է դրութիւնդ: Ետ ծանր հի-
ւանդի տպաւորութիւն ես գործում: Ի՞նչ է հիւանդու-
թիւնդ:

—Չգիտեմ:

—Ցաւ չե՞ս զգում: Չե՞ս հաղում:

—Ամենեկին: Միայն ընդհանուր թուլութիւն եմ
զգում: Յետոյ, գլուխս ծանր է շարունակ և սիրտս
կանոնաւոր չի խփում:

—Եւ չես բժշկւում:

—Ոչ:

—Ինչո՞ւ:

—Որովհետեւ չեմ ուզում:

—Որովհետեւ յիմար ես, չնեղանաս խնդրեմ,—վը-
րայ բերեց Մինասեանը մտերմական կշտամբանքով:—
Չօրհմ ես ուզում մեռնել, ինչ է:

Շահեանը չպատասխանեց: Նստած էր փալասի
պէս թոյլ, գլուխը կրծքին կախած:

—Նոր ես վերկացել,—շարունակեց Մինասեանն
իր հարցուփորձը:

—Ոչ:

—Հապա ինչո՞ւ մինչև այժմ հագնուած չես:

—Ինչի՞ համար հագնուեմ:

—Ի՞նչպէս թէ ինչի համար: Հապա ամբողջ օրն
այդպէս ես մնում—խալաթով և առանց երեսդ լուս-
նալու:

—Ամբողջ օրն և ամեն օր:

—Բայց այսօր մարդ կարող է գալ մօտդ:

—Ի՞նչ մարդ: Ինչի՞ համար:

—Նոր տարին շնորհաւորելու համար:

—Ի՞նչ նոր տարի:

—Ա՛յ տնաշէն, բաս այսօր յունուարի մէկը չէ՞:

—Յունուարի մէկը... Չգիտեմ, շատ կարելի է:

Մինասեանի զարմանքն իր գազաթնակէտին հա-
սաւ: Աթոռը մօտ քաշեց և, նայելով Շահեանի հան-
գած աչքերին, առաւ նրա ձեռքը:

—Լսիր, Լևոն, դու քեզ ապուշ ես ձեռքս, թէ
խակապէս ոչինչ չես հասկանում: Ի՞նչպէս թէ չգիտես,
որ այսօր նոր տարի է:

—Ես չեմ հետաքրքրուում այդպիսի բաներով,—ա-
սաց Շահեանը, ձեռքը խլելով նրա ձեռքի միջից, և
նստած տեղը յետ գլորեց իր բազկաթոռը: Ըստ երևոյ-
թին, սկսել էր գրգռուել Մինասեանի հարցուփորձից:

—Գու կորած ես, Լևոն,—բացականչեց Մինա-
սեանը:—Միթէ Շոպենհաուէրն է քեզ այդպէս վայրե-
նացրել, եթէ աւելին չասեմ: Բայց քեզ այդպէս չի կա-
րելի թողնել. քեզ անպատճառ հարկաւոր է բժշկել և
հիմնաւորապէս բժշկել: Ես քեզ շատ բարի էի կարծում,
մինչդեռ ամենաանխիղճներից մէկն ես եղել: Գիտե՞ս
մայրդ այս բոպէիս ինչպէս էր գանգատուում քեզնից:
Մեղք չէ՞ այն խեղճ պառաւը: Կարելի՞ է միթէ մօրն
այդպէս տանջել: Ինչո՞ւ չես մտնում նրա դրութիւնը:
Միթէ չես հասկանում և չես տեսնում, թէ ի՞նչ սոս-
կալի տանջանքներ է կրում, որ քեզ այդ դրութեան մէջ է
տեսնում: Իսկ դու երբեկիցէ ուշադրութիւն դարձրի՞ ես
դրութեանդ վրայ: Մէկ նայիր հայելու մէջ, տես ինչ
ես դարձել: Ճիշտը քեզ ասեմ, չճանաչեցի, որ մտայ,
և այժմ էլ չեմ ուզում հաւատալ, թէ այդ դու ես: Մի-
թէ կարելի է, որ մարդ կամովին ինքն իրեն այդպէս

սպանի: Երիտասարդ մարդ ես, ի՞նչ ես նստել տան չորս պատերի մէջ և ուղեղդ ու մարմինդ փտեցնում մետաֆիզիքական տխմար վերացումների մէջ: Մի քիչ թափահարիր քեզ, շարժուիր, դուրս արի լոյս աշխարհ, պարզ օդ ծծիր, շփուիր մարդկանց հետ, վերջապէս,— ապահովուած մարդ ես,— պսակուիր, զաւակներ, ժառանգներ ունեցիր, մխիթարիր պառաւ մօրդ, որի միտուէար զաւակն ես, բաղդաւորուիր ինքդ և այն ժամանակ, ես համոզուած եմ, Շոպենհաուէրն ինքդ քո ձեռքով վառարանը կը շարտես: Ես հասկանում եմ յոռետեսութիւնը, երբ դա արդիւնք է կեանքի դառն փորձառութեան, և այդ դէպքում յոռետեսն արդարանալու հիմքեր ունի. բայց քո յոռետեսութիւնն ախր լոկ երեւակայական է, լոկ մտաւորական և բռնազբօսիկ, չունի իրական ոչ մի հիմք, հետեւարար և՛ ոչ մի արդարացում և, յամենայն դէպս, անպայման կործանարար է: Դու չափազանց անփորձ ես, դու ամենևին չգիտես, թէ կեանքի այն աննպատակաւորութեան մէջ, որի վերայ հիմնուած է քո այդ շոպենհաուէրեան յոռետեսական փիլիսոփայութիւնը, որպիսի մեծ և քաղցր նպատակներ կան, որոնց համար, հաւատացնում եմ քեզ, արժէ ապրել, գործել և տանջուել: Լսում ես, Լևոն, ինչ եմ ասում,— հարցրեց Մենասեանը, տեսնելով, որ Շահանը նստած է թմրած, գլուխը կրծքին կախած:

— Լսում եմ,— կամաց արտասանեց Շահանը:

— Յետոյ: Ի՞նչ կասես:

Շահանը գլուխն արագ բարձրացրեց և նայեց Մենասեանին այնպիսի մի հայեացքով, որից երևում էր, որ մի միտք յանկարծ կենդանութիւն տուեց նրան: Մի բոլոր, լուռ ու կեղրոնացած, նայեց Մենասեանի աչքերին, ըստ երևոյթին, զբաղուած այն մտքով, որ հէնց նոր էր ծագել իր գլխում, յետոյ ասաց.

— Պատասխանս կըստանաս զրաւոր...

— Ի՞նչպէս թէ զրաւոր,— զարմացաւ Մենասեանը:

— Դրաւոր,— կրկնեց Շահանը, կարծես ինքն իրեն, և նրա կեղրոնացած հայեացքն աւելի կենդանութիւն ստացաւ:

— Ես քեզ չեմ հասկանում: Այսինքն պատասխանըդ կը գրես թղթի վրայ և ի՞նչ կըստաս. Ա՞յդ ես ուզում ասել:

— Այո:

— Բայց ինչո՞ւ ախր: Լեզու չունի՞ս, ինչ է: Թէ ես խուլ եմ:

— Այո, ես լեզու չունիմ, և դուք էլ խուլ էք...

— «Դուք»: Ո՞վ է այդ «դուք»-ը:

— Դուք, ամենքդ... Միայն դու չես, որ ասում ես ինձ այդ բաները. ուրիշներն էլ կան... կային: Եւ ես պէտք է պատասխանեմ ամենքիդ... միանգամից: Եւ կըստասխանեմ... Եւ կըստանէք, որ ճշմարիտը ես եմ... ես եմ...

Շահանը վերկացաւ և սկսեց անցուդարձ անել սենեակում արագ և այնքան յուզուած, որ Մենասեանին թուաց, թէ յանկարծ մի հրաշք կատարուեց իր աչքի առաջ— մեռելը յարութիւն առաւ: Սակայն, այդ բանը երկար չտևեց. Շահանի աչքերի մէջ բռնկած կրակը հանգաւ արագօրէն, նա կարծես թէ յոգնեց անսովոր արագ քայլիւղեց և գնաց նստեց մահճակալի վրայ, որ չափազանց անկարգ դրութեան մէջ էր: Նրստեց, խոնարհուեց ծնկների վրայ և գլուխն առաւ ձեռքերի մէջ:

Մենասեանը վերկացաւ, մօտեցաւ նրան և ձեռքը դրեց նրա ուսին:

— Լևոն, եկ քո բժիշկն ես դառնամ,— ասաց նա այնպէս, ինչպէս խօսում են ծանր հիւանդների հետ,

քաջալերական տոնով և թեթե կատակով:—Եթէ մի քանի օրում քեզ նախկին Լեոնը չչինեմ, նախկին Լեոնից էլ աւելի լաւ Լեոն, առողջ ու կենսուրախ մի Լեոն,—ի՛նչ ուզում ես՝ ասա: Համաձայն ես:

Շահեանը չպատասխանեց: Վերկացաւ և դնաց նստեց իր նախկին տեղը, բազկաթուռի վրայ: Ըստ երևոյթին, ուզում էր հեռու մնալ Մինասեանից: Սակայն Մինասեանը հետեւեց նրան և այս անգամ գրկեց նրա ուսը:

—Բժշկութիւնը կըսկսեմ հէնց այսօրուանից,—ասաց նա:—Դրա համար հարկ կըլինի, որ այժմ վերկենաս, լուացուես, հագնուես, ինչպէս կարգն է, և միասին դուրս գնանք: Այսօր նոր տարի է, այցելութիւնների օր է: Ամենից առաջ կըզնանք Մարութեաններին մօտ. դա այնպիսի մի հրաշալի ընտանիք է, որի մէջ մի ժամ ժամանակ անցնելն ի՛նչ ասես՝ արժէ: Ի դէպ. լսե՛լ ես նրանց որդու մահը:

Շահեանը ցնցուեց և նայեց Մինասեանի աչքերին կարծես վախեցած:

—Մահը,—հարցրեց նա, ըստ երևոյթին առանձին ուշադրութիւն դարձնելով այդ բառի վրայ, սակայն առանց այդ գաղափարը կապելու Մարութեանի որդու հետ:—Մահը լաւ բան է,—արտասանեց նա, և մի վայրկեան նրա աչքերը վառուեցին ինչ-որ տարօրինակ փայլով:

—Այո՛, մահը լաւ բան է, Լեոն, երբ մարդ մեռնում է լաւ գործի համար, վսեմ նպատակի համար, ինչպէս Մարութեանի որդին:

—Մահուան նպատակն ինքը մահը պէտք է լինի, —նկատեց Շահեանն այս անգամ փիլիսոփայական հանգստութեամբ:

—Յիմարութիւններ մի դուրս տուր և վերկաց

դնանք,—ասաց Մինասեանը կամաց խփելով նրա մէջքին:—Ես կարծում եմ, որ դեռ ևս արիւն կայ մէջդ և այդ արիւնը կարելի է տաքացնել: Իսկ երբ որ կը ծերանանք, ես էլ կըմիանամ քեզ հետ և միասին այնպիսի խոր փիլիսոփայութիւնների մէջ կըմտնենք մահուան մասին, որ Շոպենհաուէրի ոսկորները գերեզմանի մէջ պար կըզան ուրախութիւնից: Մարութեաններն երէկ շատ էին հետաքրքրուում քեզնով և խնդրեցին, որ անպատճառ տանեմ քեզ իրենց մօտ: Հնա, գիտե՛ս ինչ կայ, Լեոն. արի քեզ ամուսնացնենք Մարութեանի աղջկայ հետ. նա հրաշալի աղջիկ է և այնպիսի երջանկութիւն կըտայ քեզ, որ Շոպենհաուէրն անգամ չի կարող խոստանալ նիրվանայի մէջ: Ա՛յ լաւ միտք: Վեր կաց, վեր կաց:

Շահեանը վերկենալու տեղ մի թառանչ քաշեց և խոնարհուեց ծնկների վրայ:

—Կի՛նը սոսկալի բան է,—ասաց նա:—Աստուած նրան պատիժ է ստեղծել մարդկութեան համար: Նա դառն հար է շաքարի կեղևի մէջ: Կրող մարմինը... Ի՞նչ բան է կրող մարմինը: Ըստ երևոյթին, ոչինչ. մարմին է, ինչպէս մեր մարմինը.—ոսկորներ, միս և կաշի: Բայց ի՛նչ կայ նրա մէջ, այն ի՛նչ դէ է թագնուած նրա մէջ, որ դուրս է սողում այնտեղից, մըտնում է մարդու արիւնը և... Օ՛, այս կիրքը... Ես ճանաչում էի մի կին. նա երևաց ինձ, ինչպէս մի երազ, և երազի պէս էլ ցնդեց... Ինձ թուում է, թէ ևս կուտէի նրա մարմինը, կուտէի ուղղակի գազանի պէս, եթէ... Ո՛ւր է նա... Բեր նրան այստեղ, նրան միայն, ուրիշ ոչ մի կին, և ես պատրաստ եմ յարութիւն առնելու...

Մինասեանը խիստ հետաքրքրուեց և ուշի ուշով սկանջ էր դնում Շահեանի խոստովանութեանը: Նրան

խիստ զարմացրեց մանաւանդ այն հանգամանքը, որ այնքան հանգիստ ու թմրած Շահեանն այժմ խօսում էր արտասովոր եռանդով և, ըստ երևոյթին, ի ներքուստ զօրեղապէս յուզուած: Բայց ով էր այն կինը, որի մասին խօսում էր նա, — Մինասեանը չկարողացաւ իմանալ, որովհետև Շահեանը լռեց և այլևս ոչ մի խօսք չկամեցաւ արտասանել այդ մասին:

— Բայց Մարութեանների տուն գնում ենք, թէ ոչ, — հարցրեց Մինասեանը:

— Ոչ, չենք գնում:

— Ինչո՞ւ:

— Որովհետև... խնդրում եմ խաչ քաշիր ինձ վերայ և անցիր գնա:

— Իսկ եթէ խաչ չքաշեմ ու չանցնեմ չգնամ:

— Դա պարզ բռնութիւն կըլինի:

— Իսկ մօրդ մասին չե՞ս մտածում:

— Ա՛խ, թող, թէ Աստուածդ կըսիրես, — բացականչեց Շահեանը Ղլայնտութեան յանկարծական բորնկումով: — Ո՞վ էր ասում նրան, որ ինձ նման մի թուլամորթ արարած ծնի: Ծնեց, ուրեմն թող կրի իր անմտութեան պատիժը: Չեմ հասկանում, նա ինչու է ապրում:

— Եւ խիղճդ չի՞ տանջում քեզ, որ այդպիսի բաներ ես ասում մօրդ համար:

— Խիղճը վատ խորհրդատու է: Եթէ քննես մարդկութեան ներքին կեանքը, կըտեսնես, որ աշխարհիս երեսին ամենազժբաղդն այն մարդիկն են, որոնք խիղճ ունին:

— Դու սոփեստ ես: Ասենք, սոփեստութիւնը յուսուցանողի գլխաւոր յատկանիշն է: Մի անգամ որ վճռել ես յուսուցանողին, աշխատում ես ամեն բան թարս հասկանալ. քեզ համար սպիտակը սև է, շաքա-

րը — լեզի, ծիծաղը — լաց, լոյսը — խաւար, այդպէս և խիղճ ունենալը — դժբաղդութիւն: Բայց ես չեմ ուզում քեզ հետ վիճաբանութեան բռնուել, որովհետև խօսքով քեզ չի կարելի համոզել: Սոփեստութիւններիդ բոլոր անհեթեթութիւնը կըհասկանաս այն ժամանակ միայն, երբ կեանքի յորձանքը մտնես, երբ մարդկութեան գործօն անդամներից մէկը դառնաս: Բայց այդ բանը դու չես ուզում կամ, աւելի ճիշտն ասած, վախենում ես այդ բանից, որովհետև, ինչպէս ինքդ շատ լաւ բնորոշեցիր քեզ, դու թուլամորթ մարդ ես: Ես քեզ ասում եմ՝ արի բռնեմ քեզ, դու ինձ ասում ես, թէ խաչ քաշեմ քեզ վրայ: Մի՞թէ, յիրաւի, քո մէջ արդէն մի անգամայն մեռել է ապրելու ձգտումը, որից Աստուած չի զրկել նոյն իսկ ամենաչնչին գեոուներին:

— Մեռել է, միանգամայն մեռել է, — ասաց Շահեանը, յետ ընկնելով բազկաթոռի մէջքին, և աչքերը փակեց ձանձրացած:

— Բայց ինչ-որ կնոջ մասին խօսելիս ասացիր, որ եթէ նա քեզ մօտ լինի, յարութիւն կառնես: Այդ բանըն ինձ հիմք է տալիս կարծելու, որ դրութեանդ պատճառն իսկապէս սէրն է, դժբաղդ սէրը: Համ:

— Այս սէր չէ, — պատասխանեց Շահեանը, գլուխը յետ ձգած բազկաթոռի մէջքին և աչքերը փակած: — Այս այն է, ինչ որ կայ ամեն մարդու, ամեն կենդանի արարածի մէջ: Այս այն է, առանց որի մարդկութիւնը և առհասարակ բոլոր կենդանի աշխարհը պիտի մեռնէր, չորանար և իսպառ ոչնչանար մի սերնդի վերայ, ինչպէս չորանում և ոչնչանում է երկրի կենարար թացութիւնից զրկուած ծառը: Այս այն դէն է, որի մասին խօսում էի, որ թագնուած է կնոջ մարմնի մէջ և այնտեղից մտնում է մարդու արիւնը, վառում, բորբոքում, գազանացնում է նրան...

Մինասեանը մտառութեամբ նայում էր Շահեանի շրթունքներին և աշխատում էր թափանցել նրա հոգու խորքը:

— Գիտե՞ս ինչ կայ, Լևոն, — ասաց նա, երկարատև լուռութիւնից յետոյ. — արի քո հիւանդութեանն ուրիշ անուն տանք. դու էրոտոման ես, այն սարսափելի էրոտոմաններից, որոնք անկողին են մտնում կնոջ մարմնի մասին մտածելով և անկողնից վեր են կենում դարձեալ կնոջ մարմնի մասին մտածելով, բայց կնոջից այնքան հեռու են, որքան երկինքը երկրից: Ոոստովանուիր, այդպէս է, թէ ոչ:

— Ո՞վ գիտէ, գուցէ և ճիշտ է դիագնոզդ, բայց ամեն մարդ էրոտոման է առաւել կամ նուազ չափով, ոմանք տեսականապէս, ոմանք գործնականապէս: Եւ եթէ այս հիւանդութիւն է, ապա ամեն մարդ հիւանդ է և ամեն մարդ և ամբողջ մարդկութիւնը պէտք է բժշկուի: Պէտք է բժշկուի հիմնովին, արմատից: Դեք, դեք... Պէտք է ոչնչացնել դեք — ահա բժշկութեան միակ միջոցը:

— Մխալում ես, Լևոն. դեք ոչ թէ պէտք է ոչընչացնել, — և անկարելի է ոչնչացնել, — այլ պէտք է անփսաս դարձնել և իր բնական ճանապարհը տալ նրան: Քո դէն այդքան սարսափելի է թւում քեզ, որովհետև շիզոուել է իր բնական ճանապարհից: Մենք կըսանձենք նրան: Վերկաց: Ես բժշկութեան աւելի լաւ միջոցը գիտեմ:

Մինասեանը բռնեց Շահեանի երկու ձեռքից և ուղում էր զօրով վերկացնել նրան, սակայն Շահեանը պինդ խրուկի բազկաթուի մէջ և դէն հրեց ընկերոջն այնպիսի ուժով, որ Մինասեանն ամենեւին չէր սպասում:

— Այդ ի՞նչ կոպիտ վարմունք է, — ասաց Շահեանը,

նը, փայլեցնելով նրա վրայ իր աչքերը զսպած զայրոյթով: — Ես այդպիսի բաներ չեմ սիրում: Ասացի քեզ, որ Մարութեանների տուն չեմ գալ:

— Ուրիշ տեղ կըտանեմ:

— Ո՛չ մի տեղ: Եւ խնդրում եմ ինձ հանգիստ թող: Այդ ի՞նչ խնամակալութիւն է, չեմ հասկանում...

Շահեանը խօսում էր այնպիսի վճռական եղանակով և այնքան վիրաւորուած, որ Մինասեանը մնացել էր զարմացած, թէ ռոտեղից գտնուեց յանկարծ այդքան կամքի ոյժ և այդպիսի անձնասիրութիւն այդ մեռած երիտասարդի մէջ:

— Բայց դու կորած ես, Լևոն, եթէ դուրս չգաս դէպի ազատ օդ, — բացականչեց Մինասեանը:

— Քեզ ի՞նչ, թող կորչեմ, քեզ ի՞նչ, — պատասխանեց Շահեանն այնքան զրգոտուած, որ գալի գոյն ստացած նրա դէմքի վրայ մինչև անգամ կարմրութեան պէս մի բան երևաց:

Մինասեանը նորից փորձեց համոզել նրան այս անգամ աւելի լրջօրէն և մտերմօրէն, սակայն Շահեանը մնաց անդրդուելի:

— Դէ, որ այդպէս է, պէտք է, ճիշտ որ, խաչ քաշել քեզ վրայ և անցնել գնալ, — բացականչեց Մինասեանը: — Այժմ մեղքն ու վարձքը քո շնքին:

Մինասեանը դուրս եկաւ Շահեանի մօտից միանգամայն համոզուած, որ նրան փրկելու ոչ մի յոյս չըկայ:

XIX

Այդ երեկոյ Մարութեանների տանը խօսակցութեան առարկան Շահեանն էր: Մինասեանը նկարագրեց նրան իբրև ֆիզիքապէս և, մանաւանդ, իբրև հո-

գեպէս կորած մի մարդու, որ հրաշքով միայն կարող էր ազատուել կեանքի համար:

—Բայց ի՞նչ կասէք, որ ես այդ հրաշքը գործեմ, բացականչեց Մարութեանը:

—Այդ անկարելի է,—ասաց Մինասեանը:—Ես, որ այնքան մօտ եմ նրան, ոչ մի կերպ չկարողացայ համոզել, որ շորերը հագնի և դուրս գայ ինձ հետ:

—Իսկ եթէ ես վաղը բերեմ նրան այստեղ:

—Ի՞նչ ասեմ. մինչև որ չտեսնեմ, չիմ հաւատալ:

—Շատ բարի:

Հետևեալ օրը Մարութեանի առաջին գործն թյն եղաւ, որ դիմեց դէպի Շահեանի տուն: Նրան ոգևորում էր ոչ այնքան «հրաշք գործելու», այսինքն Շահեանին փրկելու ցանկութիւնը, որքան այն, որ Շահեանին իրենց տուն բերելով կենդանութեան մի նոր հոսանք պիտի մտցնէր իր ընտանիքի մէջ, ինչպիսի կենդանութիւն որ մտցրել էր արդէն Մինասեանին իրենց տուն հրաւիրելով, թէև նա շատ հեռու էր Մինասեանի ունեցած ընդունակութիւնները Շահեանին ևս վերագրելու մտքից:

Իրենց տան փողոցը դեռ չէր ծռուել նա, երբ արագ քայլերով նրա դէմն ելաւ օր. Սահակեանը:

—Նոր լուր իմացել էք,—կանչեց օր. Սահակեանը դեռ չմտեցած:

—Ի՞նչ լուր:

—Շահեանն անձնասպանութիւն է գործել:

Մարութեանը կանգ առաւ քարացած:

—Այդ անկարելի է,—ասաց նա մեքենայաբար:

—Ձեզ ճիշտ բան եմ ասում. ատրճանակով ցրիւ է տուել իր յիմար ուղեղը: Իր կալուածների կառավարիչը պատմեց: Մեր բակումն է ապրում:

—Ե՞րբ, ի՞նչ էք ասում:

—Երէկ գիշեր: Այդպիսով նոր տարուայ առաջին իսկ օրը հայոց աշխարհը դժբաղդութիւն ունեցաւ զըրկուելու մի երեկելի կեանքից: Եւ, երեկ, դրան համար է, որ այդքան ազդուեցիք:

—Վայ, խեղճ. խեղճ երիտասարդ,—արտասանեց Մարութեանն անկեղծ ցաւով:—Իսկ ևս, երեկայեցէք, այս ընդէիս գնում էի, որ նրան մեր տուն բերեմ:

—Ա՞յդ ի՞նչ քամի էր փչել ձեր գլխին:

Մարութեանը պատմեց Մինասեանի սլատմածը Շահեանի մասին և ասաց, թէ կամենում էր և յոյս ունէր, որ կըփրկի նրան:

—Ո՞ւմ պէտք է փրկէիք. մի՞ արդէն մեռած մարդ՞ը, —բացականչեց օր. Սահակեանը:—Մինասեանն երէկ նրա մօտից ուղղակի մեր տուն էր եկել և նրա մասին խօսում էր իբրև արդէն մեռած մարդու մասին: Ինձ որ հարցնէք, ես ամենևին չեմ ցաւում, որովհետև, միևնոյն է, անպէտք մարդ էր:

Մարութեանը տխուր ու տրտում վերադարձաւ տուն օր. Սահակեանի հետ:

Տանն ամենքի վրայ խոր տպաւորութիւն գործեց Շահեանի անձնասպանութեան լուրը: Թեկէն սկսեց սգալ ցամաք աչքերով, բայց այնպիսի աղեկտուր խօսքերով, որ նոյն իսկ օր. Սահակեանն արտասուեց: Եւան թաշկինակը սեղմել էր աչքերին և իզուր աշխատում էր զսպել խեղդող հեկեկանքը: Նա յիշում էր Շահեանի հետ ունեցած իր ծանօթութիւնը և թէպէտ մի առանձին քնքոյշ զգացում չէր տածում դէպի նա, բայց նրան շատ բարի և անփութ երիտասարդ էր համարում և այժմ սրտի խորքից ցաւում էր նրա եղևնական վախճանի համար: Մինչդեռ Աշխէնը նստած էր լուռ, անշարժ, կեղրոնացած հայեացքը յառած մի կէտի, և նրա միտքը, հոգին թռել էր հեռու, այնտեղ,

ուր նոյնպէս մեռել էր իր սիրած երիտասարդը, բայց բոլորովին այլ մահով—պատուաւոր, օգտակար, խրախուսիչ մահով...

Մինասեանը տանը չէր և Շահեանի անձնասպանութեան լուրն իմացաւ այն ժամանակ, երբ ճաշին տուն եկաւ: Թէև այդ լուրն այնքան էլ անակնկալ չէր նրա համար, բայց և այնպէս այնպիսի ազդեցութիւն ունեցաւ նրա վրայ, ինչպէս գլխին իջեցրած դագանակի մի հարուած:

—Ա՛խ, թշուառականը,—բացականչեց նա,—այդ ի՞նչ է արել: Հոգիս վկայում էր, ախր, որ նա բնական մահով չի մեռնիլ: Բայց մայրը, մայրը... Օ, խեղճ պառաւ: Ի՞նչ կըլինի այժմ նրա դրութիւնը:

Մինասեանը շտապեց դէպի Շահեանի տուն և վերադարձաւ ուշ երեկոյեան, երբ Մարութեանները նստած էին թէյի սեղանի շուրջը: Օր. Սահակեանն առաւօտուանից մնացել էր Մարութեանների տանը և սպասում էր Մինասեանի վերադարձին, որ իմանայ Շահեանի անձնասպանութեան մանրամասնութիւնները: Մինասեանը մտաւ յոգնած և խիստ տխուր: Նա սրտաճմլիկ մանրամասնութիւններ պատմեց Շահեանի մօր վիճակի մասին և ասաց, որ խեղճ պառաւը պարզապէս խելագարուած է վշտից:

—Նա չճանաչեց ինձ և շուրջը հաւաքուած ազգականներին պատմում էր, որ գիշերն իր որդու սենեակում յանկարծ մի աթոռ էր վայր ընկել կոտորուել և, երբ շրխկոցի ձայնի վրայ ներս էր վազել այնտեղ, տեսել էր, որ իր կռնը յատակի վրայ չոքած՝ նորոգում է կոտորուած աթոռը: Ծառայի պատմածից, յիրաւի, երևում է, որ Շահեանն անձնասպանութիւնը գործելիս չոքած է եղել գրասեղանի և աթոռի արանքում և վայր ընկնելիս գլորել է աթոռը: Ես տեսայ թշուա-

ռականի դիակը. ատրճանակն արձակել է աջ քունքի վրայ և գանգի մի մասը փշրել:

—Թուղթ-բան չի թողել,—հարցրեց Մարութեանը:

—Երեք նամակ է թողել. մէկը մօր անունով, որի մէջ գրած էր՝ «Իժբաղդ մայր, քեզ չեմ մեղադրում, որովհետև չես իմացել, թէ ինչ ոճիր ես գործում»: Միւսի մէջ գրուած էր բառացի հետևեալը. «Անձնասպանութեանս համար ոչոքի չմեղադրել, բացի Աստուծուց»: Իսկ երրորդն ահա այս ծրարն է իմ հասցէին:

Եւ Մինասեանը ծոցից հանեց մի մեծ ու հաստ ծրար:

—Ի՞նչ է,—հարցրին այս ու այն կողմից խիստ հետաքրքրուած:

—Այ, կարդացէք տեսէք ինչ է,—ասաց Մինասեանը ծրարի միջից հանելով աշակերտական մի տետրակ կապոյտ կազմով:

—Տուէք ինձ, ես կըկարդամ,—ասաց օր. Սահակեանը և տետրակն առաւ նրա ձեռքից:

—Իսկ ինձ, եթէ կարելի է, մի քիչ բան տուէք ուտելու, որովհետև այսօր ոչինչ չեմ կերել:

Եւան վեր թռաւ տեղից:

—Ես պահել եմ ձեր այսօրուայ ճաշը: Ո՞րտեղ կուտէք, այստե՞ղ, թէ ձեր սենեակում:

—Այստեղ, այստեղ, ասա բերեն այստեղ,—պատուիրեց Մարութեանը:

Այն միջոցին, երբ Մինասեանը, սեղանի ծայրը քաշուած, ուտում էր իր ճաշը յոգնած մարդու դանդաղութեամբ, օր. Սահակեանը, շրջապատուած Մարութեաններով, կարդում էր հետևեալը:

ԻՄ ՎԵՐՁԻՆ ԽՕՍԻՐ

Յիշում ես. այսօր, որ կեանքի գովքն էիր անում, ես ասացի քեզ, որ պատասխանս կը ստանաս զբաւոր: Արդ՝ ընդունիր գրութիւնս իբրև իմ պատասխան և, եթէ գտնես, որ ճշմարիտ չեմ ասում, այրիք այս նամակն այնպէս, ինչպէս որ ես երկրագունդը կայրէի. եթէ կարողանայիս:

Հետևում եմ անձնասպանների օրինակին և, այս ողորմելի անօթը—գանգս—ցրիւ ածելուց առաջ, նամակներ եմ գրում: Մօրս արդէն գրել եմ: Հիմա էլ քեզ եմ գրում, կեանքի օրհներգու: Հա, մի նամակ էլ կը գրեմ, որ անձնասպանութեանս համար ոչոքի չմեղադրեն: Այդպէս է կարգը և թող այդպէս լինի: Կամ, եթէ ուզում են անպատճառ մեղադրել մէկի, թող մեղադրեն նրան կամ այն բանին (անունը չգիտեմ. հաւատացեալներն ասում են, որ անունը Աստուած է), որի կամքով ես անգոյութիւնից գոյութիւն ստացայ, ապրեցի ամբողջ 27 տարի առանց իմանալու թէ ինչու, և այժմ գոյութիւնից նորէն գնում եմ դէպի անգոյութիւն՝ զգուած և ձանձրացած այն բոլորից, ինչ որ տեսայ աշխարհ կոչուած այս հսկայական յիմարանոցում:

Չարմանալի տափակութիւն կայ մարդկանց ուղեղի մէջ. երբոր տեսնում են, որ որևէ մէկի անձնասպանութեան մէջ շօշափելի կերպով ոչոք մեղաւոր չէ, նրանք իրենց բոլոր մեղադրանքը թափում են անձնասպանի գլխին: Մինչդեռ, եթէ նրանք մտքի մի քիչ

խորութիւն ունենային, փառաց ի փառս պիտի բարձրացնէին անձնասպանին, և ոչ թէ մեղադրէին: Եթէ մեղադրանքի—և այն էլ մահացու մեղադրանքի—մի կէտ կայ առհասարակ բոլոր անձնասպանների համար, այդ այն է, որ նրանք ապրել են: Ապրել կը նշանակի ամենամեծ յիմարութիւնը գործել: Արդ՝ կարելի է մեղադրել նրան, ով չի ցանկանում շարունակել յիմարութիւն գործել:

Ասում են, որ անձնասպանութիւնը խելագարութեան արգասիք է լինում: Այդպէս ասողներն անշուշտ իրենք են խելագար: Կամ, եթէ ըստ իրենց հասկացողութեան՝ խելագար չեն, խելագարութիւնը թարս են հասկանում: Գիտե՞ս որն է իսկական, արտօնեալ խելագարութիւնը.—այն, երբ զգում ես, տեսնում ես, համոզուած ես, որ կեանքը դատարկ մի բան է, աւելի քան տորրիչելեան դատարկութիւնը, և, այնուամենայնիւ, շարունակում ես ոչ թէ միայն ապրել, այլ և կաշուցդ դուրս գալ, որ կարելոյն չափ երկար ապրես:

Անձնասպանները ոչ թէ խելագար են, այլ ամենախիմաստուն մարդիկ, որովհետև միայն նրանք գիտեն, թէ ինչ է կեանքի իսկական արժէքը: Իսկ կեանքի իսկական արժէքն եթէ արտայայտելու լինինք թուանշանով, դուրս կըգայ հսկայական մի դերօ, որի դատարկ շրջագծի միջով իր սարտոմորտաներն է կատարում կամ, հայերէն ասենք, իր գլխկոնձին է անում համաշխարհային կրկէսի այն միմոսը, որի անունն է մարդկութիւն...

Անձնասպանները բացի ամենախիմաստուն մարդիկը լինելուց, այլ ամենաքաջ մարդիկն են: Ամենամեծ երկիւղը, որ պաշարում է մարդուն, մահուան երկիւղն է: Եւ իբոլբ չէ, որ օրէնսդիրները պատժի ամենաբարձր աստիճանը մահուան պատիժն են սահմանել: Ապ-

րել կամենալ—նշանակում է մահից վախենալ: Արդ՝ ով մահից ոչ թէ միայն չի վախենում, այլ և ինքն է իրեն մահուան գիրկը նետում,—ամենաքաջը չէ:

Ապրելու և, այսպէս կոչուած, բնական մահուան սպասելու համար հարկաւոր է երկու բան՝—կամ չմտածել, կամ հասնել մտածողութեան այն կէտին, որի վերայ մարդս կանգնած անսասան՝ ընդունակ դառնայ արհամարհելու, միլենոյն տխմար, աննպատակ բանը համարելու թէ կեանքը և թէ մահը: Չմտածել չեմ կարող, որովհետև, դժբաղդաբար, անասունից չեմ ծնուած. կեանքն ու մահն էլ հաւասարապէս արհամարհել նոյնպէս չեմ կարող, որովհետև կեանքը չեմ փորձել նրան արհամարհելու չափ, որով և պայմանաւորուած է արհամարհանքը դէպի մահը:

Չգիտեմ, ինչպէս կը լինի ապագայում, բայց գիտեմ, որ այժմ մարդս ապրում է ոչ իր ցանկութեամբ, ուզում եմ ասել—ոչ իր ազատ կամքով: Ինչպէս որ նա իր ազատ կամքով չի ծնւում, այնպէս և իր ազատ կամքով չէ, որ ապրում է: Նրան ծնում են և ստիպում, որ ապրի: Ծնում է բնութիւնը իրեն միայն հասկանալի նպատակով (կամ, գուցէ, նա էլ ոչ մի նպատակ չունի), որի հետ մարդուն իրաւունք չի տալիս գործունենալու: Նոյն բնութիւնն է, որ ստիպում է նրան ապրել, և դարձեալ ծածուկ է պահում նրանից այն նպատակը, որի համար ստիպում է նրան ապրել:

Սակայն անտանելին և միանգամայն անհասկանալին բնութեան ստիպմունքը չէ, այլ նոյն իսկ մարդկային ստիպմունքը, որը ձևակերպուած է ընտանիքի, շրջանի, հասարակութեան, ազգի, պետութեան և, վերջապէս, ընդհանուր մարդկութեան նախապաշարմունքների, սովորութիւնների, հասկացողութիւնների, օրէնքների, սկզբունքների մէջ: Գուցէ ուրիշների համար այդ

ստիպմունքն աննկատելի է և անզգալի, իսկ շատերի համար նոյն իսկ քաղցր, բայց ինձ համար միշտ անտանելի է եղել, է և կը լինի, եթէ շարունակեմ ապրել:

Այժմ, երբ կանգնած եմ մահուան դռանը, այդ ստիպմունքը գոյութիւն չունի ինձ համար: Ես ազատ եմ, ինչպէս օդը: Եւ, երբ մտածում եմ, որ վաղը և յաւիտեան չալիտի մտածեմ այլ ևս, ինձ թւում է, թէ այս բոպէին ամենաերջանիկն եմ ես բոլոր մարդ արարածների մէջ: Եթէ մի բան կայ, որից վախենում եմ այս բոպէին, այդ այն է, թէ մի գուցէ այնպէս պատահի, որ ստիպեն ինձ դարձեալ ապրել: Չէ՞ որ «քաղաքակրթութիւնն» ու «մարդասիրութիւնն» այնպիսի «բարոյական» (ինչ տխմար բառեր) օրէնքներ են սահմանել, որոնց զօրութեամբ մարդն ազատ չէ մինչև անգամ իր սնտրական կեանքին վերջ տալու: Եթէ ես, փոխանակ սենեակումս փակուած՝ անձնասպանութիւն գործելու, կամենայի կամրջից գետը նետել ինձ, կը բռնէին, թոյլ չէին տալ: Եւ ես իրաւունք չէի ունենալ բողոքելու: Իսկ եթէ բողոքէի, դժատուն կը տանէին ինձ: Ահա թէ ինչու անձնասպանութիւնն էլ, գողութեան պէս, ծածուկ է կատարում: Բռնութիւն, բռնութիւն և բռնութիւն—ահա թէ ինչով է շրջապատուած մարդը կեանքի մէջ: Եւ ես հրաժարում եմ հասկանալ նրանց, որոնք դատապարտում են այդ բռնութիւնից իրենց օձիքն ազատողներին:

Չգիտեմ, իմ մահը ում և իցէ ցաւ կը պատճառի թէ ոչ. բայց հաստատ գիտեմ, որ մայրս կամ իսկոյն, կամ շատ շուտով կը մեռնի: Է՛հ, այդ աւելի լաւ: «Մարդ մի անգամ պիտ մեռնի», բայց երանի՛ նրան, ով շուտ կը մեռնի: Հազար և բիւր երանի կը լինէր, եթէ ես

մեռնէի այն ժամանակ, երբ դեռ չէր զարթել գիտակցութիւնս:

Գիտակցութիւն... Ահա թէ որտեղ է մարդու բոլոր թշուառութեան աղբիւրը: Կը կամենայի իմանալ՝ ով է եղել այն երևելի ծաղրածուն, որ մարդուն անուանել է «ստեղծագործութիւնների պսակ»—մի անման ծաղր, որ մենք ցարդ լուրջ բանի տեղ ենք ընդունում ու գործածում: Ա՛յն, ինչ որ բնութիւնը մեզ տուել է իբրև լոկ պատիժ, մենք առանձին շնորհք ենք համարում և պարծենում: Նա մեզ գիտակցութիւն է տուել, որ շարունակ տանջուենք, իսկ մենք յիմարաբար կարծում ենք, թէ դա մի պսակ է մեր գլուխը զարդարող:

Եթէ ես աշխարհիս տէրը լինէի, կը հրամայէի ոչնչացնել այն բոլորը, ինչ որ նպաստում է մարդու գիտակցութեան, իմացականութեան զարգացմանը, որովհետև ամեն մի քայլ, որ տանում է դէպի զարգացումը, տանջանքի մի նոր դուռ է բաց անում մարդու համար: Գիտութիւնն ընդունակ է մարդու մէջ զարթեցնելու մի անյազ հարցասիրութիւն, որի առաջնոյն իսկ ինքն ընկճում է ինչպէս մի թղուկ իր զարթեցրած հուժկու գազանի առաջ: Քաղաքակրթութեան գործն այն է, որ մարդու պահանջներն է աւելացնում—բոլորովին աւելորդ պահանջներ—և տասը նոր պահանջից հազիւ մէկին միայն կարողանում է զոհացում տալ: Մարդու ուղեղը հեքիաթական այն քնածփիշապն է, որը զարթնելուն պէս անյազ քաղց է զգում. որքան շատ ես տալիս, որ քաղցը յագեցնէ, այնքան աւելի է պահանջում: Արդ՝ քանի որ ընդունակ չես և անկարելի է նրա քաղցը յագեցնել, աւելի լաւ չէ՞, որ թողնես հանգիստ քնած մնայ իր համար: Քանի՞ գրոշ արժէ մի դրութիւն, որ հին իմաստասէրը բանաձևել է այս խօս-

քերով. «Ես միայն մի բան գիտեմ. այն՝ որ ոչինչ չգիտեմ»: Արժէ՞ արդեօք, որ մարդ այնքան տանջուի, չարչարուի միմիայն այն բանի համար, որ վերջ ի վերջոյ իմանայ, թէ ինքը ոչինչ չգիտէ:

Կարելի՞ւր ասում է. «Երբ մարդը քաղցած է, հաց է պահանջում, բայց երբ կշտացաւ, հարցնում է՝ ինչո՞ւ եմ ապրում»: Ես կուզէի, որ ոչ մի քաղցած մարդ չլինէր, այն ժամանակ ամեն մարդ կիմանար և կըհամոզուէր, որ իրուր է ապրում: Այստեղ ես գալիս եմ մի զարմանալի եզրակացութեան. արդեօք քաղցածները չե՞ն, որ անմիջական պատճառ են հանդիսանում մարդկութեան կեանքի յարատևութեան:

Լաւատեսներդ վախկոտ էք և իբրև վախկոտ՝ խաբերայ էք: Դուք խաբում էք թէ ձեզ և թէ ուրիշներին: Դուք համարձակութիւն չունիք ուղղակի նայելու միակ բացարձակ ճշմարտութեան՝ մահուան երեսին: Ձեր ամբողջ վարդապետութիւնը հիմնուած է կեղծիքի և ինքնախաբէութեան վրայ: Դուք սուտ էք խօսում, երբ կաշուց դուրս էք գալիս ապացուցանելու համար, թէ ապրելը յիմարութիւն չէ: Կեանքին նուիրած բարձրաձայն օրհներգների մէջ դուք աշխատում էք խլացնել մահուան ճիչը, որ սարսափեցնելով սարսափեցնում է ձեզ: Դուք էք, որ ասպարէզ էք նետել ռոմանտիկութեան կոխը», որպէս զի փախուստ տաք մահից: Դուք շրջապատել էք ձեզ սիրոյ, ատելութեան, կրքի և նախանձի հազարաւոր բարդ իլլիւզիաներով, որպէսզի դրանց թանձր մշուշի մէջ չտեսնէք մահուան անդունդի անտակ խորութիւնը, որի մասին մտածելիս սառչում է ձեր արիւնը: Ձեզ ծանօթ չէ մուշկ յոռետեսի հպարտ արհամարհանքը, որի առաջ փշրւում, խորտակւում է ամեն ինչ: Խելագարին յատուկ յամառութեամբ դուք գնում էք որոնելու, որ պաշտէք, մի ինչ-որ, թէ ինչ,

—ինքներդ էլ չպիտէք: Հին կուսպաշտոնների նման աստուածներ էք հնարում ձեզ համար և երևակայում, թէ դրանք են ձեր որոնածը:

Օ, սղորմելիներ, ճ, թշուառականներ, ճ, ատելի ստրուկներ...

Դեռ ևս Եպիկուրն է ասել՝ «Մահը մեզ չի վերաբերում»: Եւ Շոպենհաուէրը,—քո արհամարհած Շոպենհաուէրը,—այսպէս է բացատրում այդ խօսքերի իմաստը. «Երբ մենք գոյութիւն ունինք, չկայ մահ. իսկ երբ կայ մահ,—մենք չկանք: Կորցնել մի բան, որի բացակայութիւնը կարելի չէ զգալ, դա ցաւալի չէ. հետևաբար դալիք անյոյութիւնը (մահը) մեզ չի վերաբերում, ինչպէս որ մեզ չի վերաբերել անցեալ անգոյութիւնը» (այսինքն այն, երբ մենք դեռ չէինք ծնուած):

Մի քանի բոպէից յետոյ ևս այլ ևս չեմ լինիլ կամ, այլ խօսքով ասած, կը լինիմ դալիք անգոյութեան մէջ: Մի քանի բոպէից յետոյ ընկած կը լինիմ յատակի վրայ՝ դանգս ցրիւ եկած, արեան մէջ շաղախւած: Մայրս,—խեղճ, դժբաղդ պառաւ,—կոծելիս կը լինի ծնկները, սենեակս լիքը կը լինի ոստիկաններով և հետաքրքիր մարդկանցով: Կուզէի մեռած ժամանակս էլ տեսնել՝ դիտելու համար այդ յիմար մարդկանց իրարանցումը, որպէսզի մի կուշտ ծիծաղէի:

Համէտն անշուշտ ամենամեծ տխմարներից մէկն է եղել, որ դեռ ևս տարակուսել է, թէ մի գուցէ այնտեղ անդրգերեզմանական կեանքի մէջ էլ ինչ-որ երազներ խանգարեն իր յաւիտենական հանգիստը: Եթէ մի վայրկեան անգամ այդպիսի տարակուսանք անցնէր մտքովս, այն ժամանակ մեռնելուց առաջ, անշուշտ, եօթն օր կը քաւէի մեղքերս. մինչդեռ այժմ, ինչպէս տեսնում ես, դեռ հայհոյում էլ եմ և հայհոյում ամե-

նահանգիստ խղճով, որովհետև համոզուած եմ, որ հայհոյանքը նոյնքան արժէք ունի, որքան և աղօթքը, այսինքն—ոչ մի արժէք չունի:

Կան չափազանց խորամիտ, բայց և խիստ բարեմիտ մարդիկ, որոնք այն աշխարհի կրօնական գաղափարը մեկնաբանում են իբրև իրականութիւն: Նրանք այնքան խելօք են, որ, իհարկէ, չեն հաւատում դժոգքի և դրախտի, սատանաների և հրեշտակների գոյութեան, բայց և իրենց խորամտութեամբ հանդերձ այնքան միամիտ են, որ կարծում են, թէ կրօնական այդ ցնդաբանութիւնները որ հանեն հիւանդոտ երևակայութեան աշխարհից և դնեն իմ առաջ իբրև իրական փաստ, ինձ և ինձպէսներին կը համոզեն, թէ դրանք սուտ չեն:

Եթէ կայ մի բան, որ ճշմարիտ է, դա մահն է, որովհետև ճշմարիտն այն է, ինչ որ յաւիտենական է, իսկ մահն է միայն, որ յաւիտենական է: Ժամանակը գոյութիւն ունի այնքան, որքան մենք ապրում ենք, իսկ մեռնելուց յետոյ ժամանակ գոյութիւն չունի կամ, ուրիշ խօսքով, գոյութիւն ունի այն, ինչ որ մենք անուանում ենք յաւիտենականութիւն: Մենք մեզ համար սահմանել ենք ժամանակի որոշ չափեր և դրանով ենք ուզում չափել նոյնիսկ անդրգերեզմանական կեանքի տևողութիւնը, եթէ միայն կեանք կարելի է անուանել այն, որ մարմինս հող կը լինի դարձած, այդ հողի վրայ խոտ կը լինի բսած և այդ խոտի մէջ արածելիս կը լինի մի գառ, որպէսզի այդ գառան միտն ուտողները վերջն ինձպէս հող դառնան և այլն... Կոմեդիա, կատարեան կոմեդիա... Եւ երբ մտածում ես, որ համաշխարհային այդ կոմեդիան պիտի շարունակուի անվերջ, առանց վերջնական նպատակի... Միծաղում ես և, միևնոյն ժամանակ, ապշում, որ մարդիկ,

այս բոլորը գիտենալով հանդերձ, ինչ-որ նոր տարի-
ներ են հնարել, ուրախանում են, տխրում, սիրում,
ատում, նախանձում, սպանում, աշխարհ բերում նոր
արարածներ... Յիմարանհց, հսկայական յիմարանոց...
Կալիգուլլան ափսոսում էր, թէ ինչու հոռվմէացիք մի
գլուխ չունէին, որ թրի մի հարուածով վերջ տար նը-
րանց կեանքին: Նա ափսոսում էր չարութիւնից: Նոյնն
ես եմ ափսոսում ամբողջ մարդկութեան համար, միայն
—խղճահարութիւնից:

Բայց եթէ մարդկութիւնը մի գլուխ չունի, ևս
խօ մի գլուխ ունիմ:

Գանգս... «Ի՞նչ բան է այս անօթը,—ասում է
Շելլինգը,—որ իր մէջ պարունակում է ամբողջ աշ-
խարհը, ամբողջ երկինքը: Ի՞նչ բան է մոզական այս
ամբողջը, ուր սէրն իր հրաշքներն է կատարում, ուր
ամեն ինչ, ինչ որ փառաւոր է և վեհ, ինչ որ նողկալի
է և սուկալի, գտնուում է իր սաղմի մէջ կողք-կողքի:
Ի՞նչ բան է գանգ կոչուած մարդկային այս գլուխը,
որ ստեղծում է տաճարներ, աստուածներ, ինկվիզիցիա
և դեեր:—Որդի՛ բնակարան»:

Այն, միմիայն որդի՛ բնակարան: Բայց այդ մի-
այն մահից յետոյ: Իսկ մահից առաջ—տանջանքի՛ շտե-
մարան:

Օ՛, իսկոյն, իսկոյն կըփշրեմ, կոչնչացնեմ տան-
ջանքի այս շտեմարանը: Բաւական է, որքան այս ան-
տանելի ծանրութիւնը կրեցի ուսերիս վրայ, այլապէս՝
մինչև երբ և ինչու...

Շոպենհաուէրն ասում է. «Մահուան բոպէն կա-
րող է նման լինել ծանր պատրանքից արթնանալուն»:
Ես ուզում եմ արթնանալ կեանքի ծանր պատրանքից՝
մահուան գիրկը նետուելով:

Ես մեռնում եմ խղճալով ձեզ, կեանքի ստրուկ-


ներ, որ ինչքան էլ կամենաք ապրել, այնուամենայնիւ
վերջ ի վերջոյ պիտի գաք իմ ետեից...

Շահեանի թաղմանը ներկայ էին, ի միջի այլոց,
օր. Սահակեանն ու Մարութեանները: Մինասեանը չէր
հեռանում հանգուցեալի մօր մօտից:

Շահեանը կարծես քնած էր դազաղի մէջ: Նրա
ծնօտները կապած էին սպիտակ թաշկինակով, որ միև-
նոյն ժամանակ ծածկում էր քունքի և գանգի շարդուած
մասը: Նրա փոքր ինչ բաց շրթունքների վրայ սառել
էր հեգնական մի ժպիտ:

Նւան եկեղեցում կանգնած էր դազաղի մօտ, և նրա
ուշադրութիւնն ակամայ գրաւում էր հանգուցեալի այդ
ժպիտը: Նրան թւում էր, թէ Շահեանի շրթունքների
վրայ այդ ժպիտը մնացել էր այն բոպէից, երբ գրել
էր իր վերջին տողերը. «Անձնասպանութեանս համար
ոչոքի չմեղադրել, բացի Աստուց»:
Ի՞նչ էր այդ՝ կա-
տանկ, թէ՛ հայհոյանք: Միթէ կարելի է կատակ անել
մահուան հետ: Եթէ հայհոյանք—միթէ կարելի է հայ-
հոյել խորհրդաւոր անյայտութեան դուռն առաջ կանգ-
նած միջոցին... «Միթէ եղբայրս իր մահուան ժամա-
նակ կարող էր այսպէս ժպտալ»—մտածեց Նւան և նոյն
բոպէին փշաքաղուելով յետ նայեց ակամայ:

Նա տեսաւ Աշխէնին, որ չոքած էր կանանց դա-
սի սիւնի տակ և խուլ կերպով հեկեկում էր, աչքերը
թաշկինակի մէջ սեղմած...



1
2

« Ազգային գրադարան



NL0353065

46186

Apr

2-1267a